

217.a.11.
NOVUM

TESTAMENTUM

EX

SEBASTIANI CASTALIONIS

INTERPRETATIONE.

TOM. I.

GLASGUAE:

CUDEBANT ROBERTUS ET ANDREAS FOVLIS

M.DCC.LVIII.

M U V O I
ESTAMENTUM

SEBASTIANI CASTALONIS



J. M. O. Y

RESCUE

RESCUE

RESCUE

AS

nu
fra
re
bu
mo
Ob
Sol
mu
tum
Joan
10E
am
frat
cum

EVANGELIUM

AUTHORE

MATTHAEO.

CAPUT I.

*Christi genealogia, et conceptus, Josephi suspicio, et confirmatio de
virgine. Jesu nomen.*

ENUMERATIO generis Jesu Christi, prognati Davide, prognati Abrahamo. ²Abrahamus genuit Isaacum, Isaacus Jacobum, Jacobus Judam, et ejus fratres. ³Judas-Pharem et Zaram, ex Thamare. Phares Esromum, Esromus Aramum. ⁴Aramus Aminadabum, Aminadabus Naassonem, Naasson Salmonem. ⁵Salmon Boozum ex Rachaba, Boozus Obedum ex Rutha, Obed Jessaeum. ⁶Jessaeus Davidem regem, David rex Solomonem, ex ea quae fuerat Uriae. ⁷Solomo Roboamum, Roboamus Abiam. Abias Asam. ⁸Asa Josaphatum, Josaphatus Joramum, Joramus Oziam. ⁹Ozias Joathamum, Joathamus Achazum, Achazus Ezechiam. ¹⁰Ezechias Manasse, Manasses Amonem, Amon Josiam. ¹¹Josias Joacimum, Joacimus Jechoniam et ejus fratres, in exilio Babylonico. ¹²Post exilium Babylonicum Jechonias genuit Salathielem, Salathiel Zoroba-

belem. ¹³Zorobabel Abiudem, Abiud Eliacimum, Eliacimus Azorem. ¹⁴Azor Sadocum, Sadocus Achimum, Achimus Eliudem. ¹⁵Eliud Eleazarum, Eleazarus Matthanem, Matthan Jacobum. ¹⁶Jacobus Iosephum Mariae virum, ex qua natus est Iesus nomine Christus. ¹⁷Igitur in universum ab Abrahamo ad Davidem genera sunt quatuordecim. A Davide item ad exilium Babylonicum, quatuordecim. Ab exilio Babylónico ad Christum, quatuordecim. ¹⁸Iesu Christi autem natiuitas sic se habet: Cum esset desponsa mater ejus Maria Iosepho, priusquam convenissent, comperta est uterum ferre ex spiritu sancto. ¹⁹Iosephus vero vir ejus, qui justus esset, nec in eam vellet exemplum edere, statuit eam clam repudiare. ²⁰Haec cum haberet in animo, ecce Domini angelus in somnis apparuit ei, et ita locutus est: Iosephe Davide proegnate, ne metue asciscere Mariam uxorem tuam: nam quod in ea genitum est, ex sancto spiritu est. ²¹Pariet autem filium, quem Iesum nomine vocabis: is enim suos ab ipforum peccatis vindicabit. ²²Hoc autem totum factum est, ut confieret quod a Domino dictum fuerat per vatem ita dicentem: ²³Virgo ventrem latura est, et editura filium, qui nominabitur Emmanuel: quod perinde est ac si dicas, Nobiscum Deus. ²⁴Igitur experrectus a somno Iosephus, fecit ut ei praeceperat Domini angelus, ascivitque suam conjugem: ²⁵Nec eam cognovit, donec ea peperit filium suum primogenitum, quem Iesum nomine vocavit,

Christi ortus. Per Magos Herodis furor: eorundem adoratio, et munera. Iosephi fuga. Infantum caedes. Iosephi reditus. Nazaraei cognomen.

JESU autem Bethlehemaie in Iudaea nato, tempore regis Herodis, venerunt ab Oriente Magi Hierosolymam,² et ubinam esset Iudaeorum natus rex quaesiverunt. Sese enim ejus vidisse stellam in Oriente, itaque eum adoratum venisse.³ Quibus auditis, turbatus una cum tota Hierosolyma rex,⁴ convocatis omnibus pontificibus, et scribis populi, sciscitatus est ab eis, ubinam Christus nasciturus esset.⁵ Cui illi responderunt: Bethlehemaie Iudaeae, sic enim a vate scriptum esse: ⁶Et tu Bethlehem Iudaeae terra, nequaquam minima es praefectarum Iudaeae: ex te enim mihi prodibit dux, qui meum reget Israeliticum populum.⁷ Tunc Herodes clam vocatis Magis, perquisivit ab eis tempus quo stella apparuisset.⁸ Eosque Bethlehemaie dimisit, ita dicens: Ite, et de puero diligenter inquirete: ac cum inveneritis, certio rem me facitote, ut ego quoque ad eum adorandum proficiscar.⁹ Igitur illi, audito rege, profecti sunt: ac tum stella, quam in Oriente viderant, eos antecessit, donec venit stetitque supra locum ubi puer erat.¹⁰ Illi, visa stella, maximo gaudio laetati sunt: ¹¹et domum ingressi, puerumque cum ejus matre Maria nacti, pro cederunt, eumque adorarunt: et apertis suis capsis, obtulerunt ei munera, aurum, thus, et myrrham.¹² Deinde oraculo moniti in somnis, ne ad Herodem revertentur, per aliam viam se receperunt in patriam.¹³ Di-

gressis illis, Domini angelus Iosepho in somnis apparet: Surge, inquit, et assumpto puero ejusque matre, fuge in Aegyptum, et illic esto, donec ego te moneam. Quaesiturus est enim puerum Herodes, ad necem. ¹⁴ Igitur ille surgit, et una cum puero, ejusque matre, noctu concessit in Aegyptum, ¹⁵ ibique fuit usque ad Herodis obitum: ut confieret quod fuerat a Domino dictum per vatem ita dicentem: Ex Aegypto evocavi filium meum. ¹⁶ Tunc Herodes, videns se a Magis illusum esse, adeo iratus est, ut miserit interfectum pueros, quotquot Bethlehemaie, et in toto ejus territorio erant, infra bimatum, pro tempore quod a Magis perquisierat. ¹⁷ Tunc accidit id, quod a Jeremia vate ita dictum fuerat. ¹⁸ Auditur apud Ramam vox, lamentatio, comploratioque, et multus questus. Rachel est, suos natos deplorans insolabiliter, quia perierunt. ¹⁹ Defuncto autem Herode, Domini angelus Iosepho in somnis apparet in Aegypto, et eum sic alloquitur: ²⁰ Surge, et una cum puero, ejusque matre, proficiscere in Israeliticam terram: mortui sunt enim, qui pueri vitam petebant. ²¹ Ita ille surgit, et assumpto puero, ejusque matre, contendit in terram Israeliticam. ²² Sed audiens Archelaum in Judaea Herodi patri suo in regnum successisse, timuit illo ire: et oraculo secundum quietem admonitus, contulit se in agrum Galilaeum: ²³ ivitque commoratum in oppidum quoddam Nazarethae dictum: ut id fieret quod a vatibus praedictum erat, Nazaraeum vocatum iri.

*Sedes, victus, doctrina Johannis: cum eo Christi colloquium, et
baptismus. Vox coelestis.*

Q U O D A M autem tempore venit Johannes Baptista, qui in Judaeae solitudine praedicaret, ² ac diceret: Corrigite vos: instat enim coeleste regnum. ³ Is est enim qui dictus est ab Esaia vate, dicente: Vox clamantis in solitudine: Parate viam Domini, rectas facite semitas ejus. ⁴ Habebat autem Johannes ex camelinis pilis indumentum, lateribus pelliceo cingulo circumdatis. Cibus ejus erant locustae, et mel sylvestre. ⁵ Tunc ad eum proficiscebatur Hierosolyma, omnisque Judaea, et Jordanis ora, ⁶ ab eoque baptizabantur in Jordane, confitentes peccata sua. ⁷ Cum vidisset autem multos Phariseorum et Sadducaeorum ad suum baptisma venientes, dixit eis: Progenies viperina, quis vos summounit futuram iram fugere? ⁸ Edite ergo fructus emendata vita dignos: ⁹ neve animum inducite sic apud vos dicere, Patrem habemus Abrahamum. Dico enim vobis posse Deum ex his saxis suscitare natos Abrahamo. ¹⁰ Jam vero securis arborum radici admota est. Itaque arbor omnis fructum bonum non edens, excidenda est, et in ignem injicienda. ¹¹ Ego quidem baptizo vos aqua, ad vitae emendationem: sed post me venit, qui quidem adeo me praestantior est, ut ego non sim dignus qui ejus calceamenta portem. Is vos sancto spiritu et igne baptizabit. ¹² Is in manu suam habens ventilabrum, aream suam expurgabit, frumentumque suum comportabit in horreum: paleam autem igni cremabit inextincto,

¹³Tunc adiit ex Galilaea Johannem Jesus ad Jordannem, ut ab eo baptizaretur. ¹⁴Sed eum prohibebat Johannes, dicens : Mihi ut a te baptizer opus est, et tu venis ad me ? ¹⁵Cui respondens Jesus : Sine modo, inquit : sic enim decet nos omni justitia perfungi. Tunc ille eum sinit, ¹⁶et Jesus, simulac baptizatus est, ascendit ab aqua : Et ecce apertis ei coelis, vidit Johannes Dei spiritum descendantem quasi columbam, et in eum venientem. ¹⁷Et ecce vox ex coelis, dicens : Hic est meus charissimus filius, qui mihi acceptus est.

C A P U T IV.

Jejunium, tentatio, victoria Christi de Satana. Angeli ad Christum : ejusdem recessus, concio, delectus Petri, Andreae, Jacobi, Johannis. Miracula.

TU M Jesus a spiritu subductus est in solitudinem, ut tentaretur a diabolo. ²Cumque quadraginta dies, et totidem noctes jejunasset, tandem esuriit. ³Igitur aggredditur eum tentator : Si Dei filius es, inquit, jube ut hi lapides panes fiant. ⁴Cui ita respondit ille : Scriptum est, Non solo pane vivit homo, sed omni verbo per os Dei prodeunte. ⁵Tunc adducit eum diabolus in sanctam urbem, et in templi pinnis constitutum, sic alloquitur, ⁶Si Dei filius es, jace te deorsum. Scriptum est enim : Angelis suis de te mandabit, ut te manibus tollant, ne pedem ad lapides offendas. ⁷At Jesus : Rursum scriptum est (inquit ille,) Ne tentato Dominum Deum tuum. ⁸Rursum adducit eum Diabolus in praeal-

tum montem, eique omnia regna mundi, et eorum gloriam ostendit: ⁹ et, haec omnia tibi dabo, inquit, si procubueris, et me adoraveris. ¹⁰ Hic Jesus: abi e conspectu meo, Satana, inquit ei. Scriptum est enim: Dominum Deum tuum adorato, eumque solum colito. ¹¹ Tunc omittit eum Diabolus: Et ecce advenierunt angeli, qui ei ministrarent. ¹² Audiens autem Jesus captum esse Johannem, petiit Galilaeam: ¹³ Et relicta Nazareth, Capharnaum profectus, ibi commoratus est (ea est maritima, in finibus Zabulonius et Nephthalensibus) ¹⁴ Ut fieret quod erat ab Esaia vate dictum in hunc modum, ¹⁵ Zabulonia Nephthalensisque terra, mare versus, trans Jordanem, Galilaea extraneorum, ¹⁶ populus in tenebris degens, vidit lucem magnam, et manentibus in tetrae noctis regione lux orta est. ¹⁷ Ex eo coepit Jesus praedicare, et dicere. Corrigite vos: instat enim coeleste regnum. ¹⁸ Ambulans autem Jesus apud lacum Galilaeae, cum vidisset fratres duos, Simonem cognomine Petrum, et Andream ejus germanum, rete jacentes in lacum (erant enim piscatores.) ¹⁹ Dixit eis: Sequimini me, et faciam vos hominum piscatores. ²⁰ Atque illi continuo, relictis retibus, eum secuti sunt. ²¹ Inde progressus vidit alios duos fratres, Jacobum Zebedaei filium, et Johannem ejus fratrem, in navi cum suo patre Zebedaeo farcientes sua retia, eosque vocavit: ²² Atque illi protinus, relicta navi, patreque suo, secuti sunt eum. ²³ Obibat autem totam Galilaeam Jesus, docens in eorum collegiis, et regium publicans Evangelium, omnesque morbos et languores

vulgo sanans. ²⁴ Itaque tanta ejus fama totam Syriam pervasit, ut afferrentur ei quicunque male affecti diversis morbis et cruciatibus tenebantur, furiosi, lunatici, membris capti, quos ille sanabat : ²⁵ Eumque secuta est ingens hominum turba a Galilaea et Decapoli, et Hierosolymis, et Judaea, et ora transjordanina.

C A P U T, V.

Viventis pii beatitates. Apost. dignitas : munus : culpave : de lege Christi partes, ejusdem falsi doctores, ac novi. Antiquorum et Christi collatus : de homicidio, rixa, reconciliatione, adulterio, repudio : de juramento, patientia, lite, benignitate, studioque in hostes : perfectio nostra.

V I D E N S autem tantam hominum multitudinem, conscendit in montem. Cumque sedisset, adierunt eum ejus discipuli. ² et ille eos hujusmodi oratione docere aggressus est. ³ Beati pauperes animo : nam eorum est coeleste regnum. ⁴ Beati qui lugent : nam ii consolandi sunt. ⁵ Beati mites : nam ii terram possidebunt. ⁶ Beati qui esuriunt sitiuntque justitiam : nam ii saturabuntur. ⁷ Beati misericordes : nam eis tribuetur misericordia. ⁸ Beati mente puri : nam ii Deum videbunt. ⁹ Beati pacifici : nam ii Dei filii vocabuntur. ¹⁰ Beati qui justitiae causa infestantur : nam eorum est coeleste regnum. ¹¹ Beati estis, quandocumque vobis conviciabuntur homines, et vos insectabuntur, et in vos omnia maledicta conjicient, mentientes propter me. ¹² Gaudete et laetamini : nam multa vobis in coelo merces est : sic

enim infectati sunt vates majores vestros. ¹³ Vos estis sal terrae. Quod si sal infatuatum fuerit, quo salietur? ad nullam rem jam idoneum est, nisi ut foras projiciatur, et ab hominibus conculcetur. ¹⁴ Vos estis lux mundi. Non potest urbs latere in monte sita: ¹⁵ Nec accenditur lucerna ut sub modio, sed ut in candelabro ponatur: atque ita omnibus qui domi sunt illuceat. ¹⁶ Sic luceat vestra lux apud homines, ut vestra recte facta videntes, collaudent vestrum patrem, qui est in coelis. ¹⁷ Ne putate venisse me, ut legem aut vates abrogem. Non ut abrogem veni, sed ut perficiam. ¹⁸ Hoc enim vobis confirmo, citius periturum coelum atque terram, quam ut unum iota aut unus apex pereat ex lege, quin fiant omnia. ¹⁹ Igitur qui contra vel minimum horum praeceptorum fecerit, licet ita doceat homines, tamen minimus numerabitur in regno coelesti. Qui vero et praeleverit et docuerit, is magnus numerabitur in regno coelesti. ²⁰ Hoc enim vobis dico, nisi iustitia Scribis et Phariseis excellueritis, non estis in coeleste regnum ingressuri. ²¹ Audivistis antiquis esse dictum: ne occidito: quod qui occiderit, eum teneri iudicio. ²² Ego vero dico vobis: Quisquis immerito fratri suo irascitur, tenebitur iudicio: et qui fratrem suum balatronem vocaverit, tenebitur confessu: et qui fatuum vocaverit, tenebitur ignis gehenna. ²³ Itaque si oblaturus tuum munus ad aram, ibi recordatus fueris tuum fratrem habere quod de te queratur, ²⁴ relinque illic tuum munus ad aram, et prius i, reconciliare tuo fratri, atque ita demum i oblatum munus tuum. ²⁵ Compose cum adversario tuo

mature, dum es in via cum eo, ne te tradat adversarius iudici, et iudex ministro, atque ita in custodiam deris, ²⁶ Profecto (inquam ego tibi) non exhibis inde, quin ultimum solveris quadrantem. ²⁷ Audivistis antiquis esse dictum: Ne adulterato. ²⁸ Ego vero vobis dico, quisquis foeminam sic aspicit, ut eam concupiscat, jam eam animo adulteravit. ²⁹ Quod si tibi vel oculus tuus dexter officit, erue eum, et abjice. Praestat enim tibi, unum membrorum tuorum perdi, quam totum corpus tuum in gehennam dejici. ³⁰ Et si tibi vel dextera tua manus officit, amputa eam, et abjice. Praestat enim tibi unum membrorum tuorum perdi, quam totum corpus tuum in gehennam dejici. ³¹ Dictum est item: Qui uxorem suam repudiabit, det ei instrumentum divortii. ³² Ego vero vobis dico: qui uxorem suam repudiat (excepta stupri causa) in causa est ut ea adulteret: et qui repudiatam ducit, adulterat. ³³ Rursus audivistis dictum veteribus: Ne pejerato, sed Domino quae juraveris reddito. ³⁴ At ego vobis dico, omnino non esse jurandum: neque per coelum, quoniam Dei solium est: ³⁵ neque per terram, quia ejus pedum subsellium est: neque per Hierosolyma, quoniam urbs magni regis est: ³⁶ neque per tuum caput juraveris, quoniam non possis vel unum crinem album nigrumve facere: ³⁷ sed esto sermo vester, etiam, etiam: non, non. Quod praeter haec est, id a Malo est. ³⁸ Audivistis ut dictum sit: Oculum pro oculo, et dentem pro dente: ³⁹ ego vero vobis dico, non esse resistendum injuriae: quin si quis tibi colaphum in dexteram malam impeerit, obverte ei etiam

alteram: ⁴⁰ Et si quis tecum litigare, et tunicam tuam velit auferre, concede ei etiam togam: ⁴¹ Et si quis te cogere velit ad unum milliare, comitare eum vel duo. ⁴² A te petenti dato: Et si quis velit a te mutuari, ne recusato. ⁴³ Audivistis dictum: Proximum tuum amato, et inimicum tuum oderis. ⁴⁴ At ego vobis dico: Amate inimicos vestros: bene precamini iis qui vobis imprecantur: benefacite vestris malevolis, et orate pro laedentibus et insectantibus vos, ⁴⁵ ut filii sitis vestri patris qui in coelis est, qui solem suum oriri faciat in malos juxta ac bonos: et justos injustosque compluat. ⁴⁶ Nam si eos demum amatis qui vos amant, quam mercedem habituri estis? annon vel publicani idem faciunt? ⁴⁷ Et si vestros duntaxat fratres salutatis, quid egregium facitis? nonne vel publicani similiter faciunt? ⁴⁸ Eritis igitur perfecti vos, quemadmodum pater vester qui in coelis est, perfectus est.

C A P U T VI.

Eleemosyna, oratio, quibus ignoscetur, jejunium, thesaurus, adversi Domini, cura, quae mala, quae bona.

CAVE TE, ne benignitatem in hominum conspectu exerceatis, per ostentationem: alioquin praemium non estis habituri apud patrem vestrum, qui in coelis est. ² Igitur quandocunque benigne facis, noli prae te tuba clangere, ut simulatores faciant in collegiis atque vicis, ut collaudentur ab hominibus. Hoc vobis confirmo, eos jam habere suam mercedem. ³ At te benigne

faciente, nesciat tua sinistra quid faciat dextera, ⁴ ut sit tua liberalitas in occulto : et tuus pater, qui occulta videt, tibi palam reddet. ⁵ Item cum supplicas, ne esto simulatorum similis, qui cum supplicant, amant in collegiis esse, et platearum angiporis, ut sint hominibus conspicui. Hoc vobis confirmo, eos habere suam mercedem. ⁶ At tu supplicaturus ingredi conclave tuum, et clausa janua tua, supplica tuo patri in occulto : et pater tuus, qui occulta videt, tibi palam reddet. ⁷ Supplicantes autem ne garrite, ut extranei, qui se putant ob loquacitatem suam exaudiendos, ⁸ Ne este igitur eorum similes : scit enim pater vester, quibus egeatis, antequam eum rogetis. ⁹ Sic igitur supplicate vos. Pater noster qui es in coelis, sancte colatur Nomen tuum. ¹⁰ Veniat regnum tuum. Fiat voluntas tua, ut in coelo, sic et in terra. ¹¹ Victum nostrum alimentarium da nobis hodie. ¹² Et remitte nobis debita nostra, ut et nos remittimus debitoribus nostris. ¹³ Neve nos in tentationem inducis, sed a malo tuere : quoniam tuum est regnum et potentia, et gloria, in sempiternum. Amen. ¹⁴ Si enim remiseritis aliis hominibus sua delicta, remittet et vobis pater vester coelestis. ¹⁵ Sin minus remiseritis aliis sua delicta, ne pater quidem vester remittet vestra delicta. ¹⁶ Cum autem jejunatis, ne este tetrici, quales simulatores, qui vultus suos deformant, ut aliis appareat eos jejunare. Hoc vobis confirmo, eos suum abstulisse praemium. ¹⁷ At tu jejunans, ungit tibi caput, et vultum lavato, ¹⁸ ne perspicuum sit aliis hominibus jejunare te, sed patri tuo, qui occultus est, et pater

tuus, qui occulta cernit, tibi palam reddet. ¹⁹Ne congerite vobis opes in terris, ubi et corrumpit tineae aerugo, et fures perfodiunt ac furantur. ²⁰Sed vobis opes in coelo congerite, ubi nec aerugo aut tineae corrumpit, nec fures perfodiunt aut furantur. ²¹Nam ubi vestrae erunt opes, ibidem erit et vester animus. ²²Lucerna corporis est oculus. Quod si erit oculus tuus simplex, totum corpus tuum erit lucidum: ²³sin erit oculus tuus nequam, totum tuum corpus erit tenebrosus. Si igitur quod in te lumen est, tenebrae sunt, quanta erunt ipsae tenebrae? ²⁴Nemo potest duobus servire dominis, aut enim hunc oderit, illum amabit: aut hunc tuebitur, illum contemnet. Non potestis Deo servire et opibus. ²⁵Hanc ob rem (inquam ego vobis) ne este de vita vestra solliciti, quid esuri, bibitive: neque de corpore, quid vestituri sitis. Quasi vero non et vita pluris sit, quam alimonia, et corpus, quam vestitus. ²⁶Aspicite volucres aëreas, ut neque ferant neque metant, nec in cellas congerant, tamen vester coelestis pater eas alit. Quasi vero non vos multo sitis eis praestantiores? ²⁷Quis autem vestrum sua sollicitudine potest unum cubitum addere suae staturae? ²⁸Item de vestitu quid sollicitamini? Discite ut terrestria crescant lilia, neque laborando, neque nendo. ²⁹Atqui hoc vobis dico, ne Solomonem quidem cum omni splendore suo ita vestitum fuisse, ut horum quodlibet. ³⁰Quod si terrestrem herbam (quae hodie est, et cras in clibanum conjicitur) Deus sic vestit, nonne multo magis vos, o parum fidentes? ³¹Ne este igitur solliciti, dicentes: Quid edemus? aut quid bibemus, aut

quid induemus? ³² Ista enim omnia requirunt extranei. Scit enim vester coelestis pater, vos istis omnibus egere. ³³ Sed quaerite primum regnum, justitiamque Dei, et ista omnia vobis addentur. ³⁴ Ne este igitur in crastinum solliciti: nam crastinus dies sua curabit: fatis est suum cuique diei malum.

C A P U T VII.

Temerarius iudex. Rei sanctae pretium. Consolatio. Legis caput. Vitae lethique janua. Falsi vatis nota. Arbor diversa. Ficta pietas: hujus poenae. Legis cultor ac derisor. Christi autoritas.

NE judicate, et non judicabimini: ² Nam quo judicio judicabitis, eodem judicabimini: et qua mensura mensi fueritis, eadem vobis remetietur. ³ Quid autem festucam cernis in oculo tui fratris, et trabem in oculo tuo non animadvertis? ⁴ Aut audebis dicere tuo fratri: Sine eximam ex oculo tuo festucam, cum sit in oculo tuo trabs. ⁵ Simulator, exime prius ex oculo tuo trabem: et ita demum cernes ad eximendam ex tui fratris oculo festucam. ⁶ Ne date rem sacram canibus, neve margaritas vestras porcis apponite: ne hi eos pedibus conculcent, illi versi lacerent vos. ⁷ Petite et dabitur vobis: quaerite, et invenietis: pulsate, et vobis aperietur. ⁸ Quisquis enim petit, obtinet: et quisquis quaerit invenit: et pulsanti aperitur. ⁹ Jam quis est vestrum homo, qui petenti filio suo panem, det lapidem? ¹⁰ Aut piscem petenti, anguem det? ¹¹ Quod si vos,

qui mali estis, tamen scitis bona dona dare vestris liberis: quanto magis pater vester, qui in coelis est, dabit bona poscentibus se? ¹² Quicquid igitur vultis ut vobis faciant alii, idem vos quoque eis facite: nam ea lex est atque vates. ¹³ Intrate per angustam portam: nam lata est porta, et ampla via quae ducit ad interitum, multique sunt qui per eam ingrediuntur: ¹⁴ Sed angusta porta, et arcta via est, quae ducit ad vitam, paucique sunt, qui eam inveniunt. ¹⁵ Cavete autem falsos vates, qui quidem veniunt ad vos in vestimentis ovium, cum intus sint rapaces lupi. ¹⁶ Eos ex suis fructibus cognoscetis. Scilicet colligitur ex spinis uva? aut ex tribulis ficus? ¹⁷ Ita omnis arbor bona fructus bonos edit: tetra autem arbor fructus malos edit. ¹⁸ Non potest arbor bona fructus ferre malos: nec arbor tetra fructus ferre bonos. ¹⁹ Omnis arbor bonum fructum non ferens, exciditur, et in ignem conjicitur. ²⁰ Igitur ex suis illos fructibus cognoscetis. ²¹ Non quisquis mihi dicet, Domine, Domine, intrabit in coeleste regnum: sed qui fecerit quod vult pater meus, qui est in coelis. ²² Multi mihi dicent in illa die: Domine, Domine, nonne tuo nomine vaticinati sumus? Et, tuo nomine daemonia expulimus? Et, tuo nomine multa prodigiose fecimus? ²³ Quibus ego tum aperte dicam. Nunquam cognovi vos: Facessite a me malefici. ²⁴ Igitur quisquis haec mea dicta et audit et exequitur, eum ego cum viro prudenti comparo, qui suam domum in rupem construit: ²⁵ quae domus delapso imbri, venientibus fluviis, spirantibus ventis, et in eam irruentibus, non tamen ca-

dit, quippe fundata in rupe. ²⁶ Quisquis vero haec mea dicta audit, nec exequitur, similiter facit, ac si quis stultus homo suam domum in arena construat : ²⁷ quae domus, delapsa pluvia, venientibus fluviis, spirantibusque ventis, et in eam impingentibus, corruat, et ingentem ruinam det. ²⁸ Postquam hanc orationem finivit Jesus, stupebat illa hominum turba ad ejus doctrinam, ²⁹ quippe cum doceret eos, ut potestate praeditus, non ut scribae.

C A P U T VIII.

Leprosi sanitas, et instructio. Centurio pro puero: fideles et infideles ignorati. Petri socrus, miracula, Christi tenuitas. Vana sollicitudo. Christus in tempestates, Daemones in suos. Dimissus Jesus.

DEGRESSUM autem eum de monte, secuta est ingens hominum turba. ² Tum venit leprosus, qui eum veneratus dixit: Domine, si vis, potes me mundare. ³ Et Jesus illum porrecta manu tetigit, dicens: Volo, mundus esto. Ac statim mundata est illius lepra. ⁴ Et Jesus: vide, inquit, ne cui dicas: sed i ostensum te facerdoti, et munus offer, quod praecepit Moses, ut esset eis testimonio. ⁵ Ingressum autem Jesum Capharnaum, convenit Centurio quidam, et hujusmodi verbis oravit. ⁶ Domine, puer meus jacet domi sideratus, graviterque cruciatur. ⁷ Cui Jesus: Ego eum sanatum ibo, inquit. ⁸ At centurio respondens: Domine, non sum dignus, inquit, cujus tu tectum subeas, sed tantum jube verbo,

et sanabitur puer meus. ⁹Nam ego quoque qui sub alterius sum potestate, si quem eorum quibus praesum militum ire jubeo, ita: si alium venire, venit: si servum meum aliquid facere, facit. ¹⁰Hoc audito, miratus Jesus, ita dixit sequentibus: Hoc vobis confirmo, me ne in Israelitis quidem tantam invenisse fidem. ¹¹Et sane sic habetote, multos ab oriente et occidente venturos, qui cum Abrahamo, Isaaco, et Jacobo accumbant in regno coelesti: ¹²cum interea regii in imas ejicientur tenebras, ubi fletus stridorque dentium, futurus est. ¹³Tum centurionem alloquens Jesus: Abi, inquit, et ut confidisti, sic tibi accidat. Itaque sanatus est illius puer eadem illa hora: reversusque domum suam centurio eadem illa hora, puerum offendit valentem. ¹⁴Ingressus autem Jesus domum Petri, videns ejus socrum jacentem, ac febricitantem, ¹⁵ejus manum tetigit, atque eam reliquit febris: illa vero surgere, et eis ministrare. ¹⁶Ubi autem advesperavit, adducti sunt ei furiosi multi: isque verbo spiritus ejecit, et omnes male affectos sanavit: ¹⁷Ut fieret quod fuerat ab Esaia vate dictum his verbis: Is nostras infirmitates, morbosque suscepit atque tulit. ¹⁸Videns autem Jesus ingentem circum sese turbam hominum, jussit *L.* discipulos *G.* trajicere. ¹⁹Et aggressus eum quidam Scriba, inquit ei: Magister, sequar te quocunque ibis. ²⁰Cui Jesus: Vulpes latebras habent, et aëreae volucres nidos, at filius hominis non habet ubi caput reclinet. ²¹Alius item ejus discipulorum dixit ei: Domine, permitte mihi prius ire sepultum patrem meum. ²²At Jesus: Sequere me (inquit ei) et mortuos sine

suos sepelire mortuos. ²³Ingressum autem eum in navem, secuti sunt ejus discipuli : ²⁴et ecce tanta tempestas extitit in lacu, ut fluctibus obrueretur navis. Ipse autem dormiebat. ²⁵Igitur eum aggressi ejus discipuli excitant : Domine, inquit, serva nos, perimus. ²⁶At ille : Cur timidi estis ? (inquit eis) o parum fidentes, Deinde surrexit, et ventos ac lacum increpuit : unde tanta tranquillitas extitit, ut admirati homines ita dicerent : ²⁷Qualis est hic vir, ut ei venti et lacus obediant ? ²⁸Deinde ubi in Gergesenorum agrum trajecit, occurrunt ei duo furiosi ex monimentis prodeuntes, adeo feri, ut illac transire nemo posset. ²⁹Atque ii sic tum clamant : Quid tibi nobiscum rei est, Jesu Dei fili ? Huc cine venisti ante tempus vexatum nos ? ³⁰Cum esset autem procul ab eis numerosus porcorum grex pascentium, ³¹daemones eum ita rogant : Si nos ejicis, permitte nobis in porcorum gregem immigrare. ³²Quibus ille : Ite, inquit. Atque illi egressi, in porcorum gregem immigrarunt : Et ecce ruit universus porcorum grex per praeceps in lacum, suntque in aqua mortui. ³³Pastores autem fugerunt : et in oppidum profecti, cum alia omnia, tum de furiosis nunciarunt. ³⁴Tum tota civitas exiit obviam Jesu, eoque viso rogarunt ut a suis finibus discederet.

C A P U T IX.

Paralyticus. Christus in noxas. Matthaeus electus, publicani Jesu convivae. Medicus cui : misratio quanta, ad Johannis discipulos responso, profluvium muliebri, puella red viva. Caeci duo, mutus daemone vexatus, messorum inopia.

IGITUR navem ingressus trajecit, et in oppidum suum venit. ²Tum ei allatus est jacens in lecto fideratus. Et Jesus, videns illorum fidem, dixit fiderato: Confidete, remittuntur tibi peccata tua. ³Hic Scribarum quidam secum cogitare, eum impie loqui. ⁴Quorum cogitationes videns Jesus, ita dixit: Cur vos prave cogitatis cum vestris animis? ⁵Utrum enim facilius est dicere: Remittuntur tibi peccata: an dicere: Surge et ambula? ⁶Atque ut sciatis potestatem habere filium hominis in terris peccata condonandi: Surge (inquit tum fiderato) tolle tuum lectum, et abi domum tuam. ⁷Atque ille surrexit, domumque suam discessit. ⁸Id quod videns hominum turba mirata Deum collaudavit, qui tantam hominibus potestatem dedisset. ⁹Illinc digrediens Jesus, conspicatus hominem ad publicanorum mensam sedentem Matthaeum nomine, dicit ei: Sequere me. Atque ille surrexit, et eum est secutus. ¹⁰Eo autem domi accumbente, cum frequentes publicani et improbi venissent, et cum Jesu ejusque discipulis discumberent, ¹¹Pharisei id videntes, quaesierunt ex ejus discipulis, cur cum publicanis, et improbis cibum caperet eorum magister. ¹²Quo audito, Jesus dixit eis: Non egent valentes medico, sed male affecti. ¹³Ite nunc, et discite quid sit: Pietatem malo quam sacrificium. Non enim veni vocatum in fontes, sed fontes ad bonam frugem. ¹⁴Tunc Johannis discipuli eum hujusmodi verbis aggressi sunt: Cur cum nos et Pharisei multum jejunemus, discipuli tui non jejunant? ¹⁵Quibus Jesus: Possuntne moerere qui celebrant nuptias, quamdiu cum eis sponsus adest? Sed veniet

tempus, cum eis sponfus auferetur : tum demum jejunabunt. ¹⁶Neque vero quisquam adhibet rudis panni pittacium veteri vestimento ; auferret enim id supplementum partem vestis, atque ita deterior ruptura fieret. ¹⁷Neque recondi solet vinum novum in veteres utres, alioquin rumperentur utres, et vinum effunderetur, et utres perirent. Sed vinum novum in recentibus conditur utribus, atque ita ambo conservantur. ¹⁸Haec eo illis loquente, venit quidam de magistratu, qui ei honore praestito ita dixit : Filia mea modo obiit : sed veni ei impositum manum tuam, et reviviscet. ¹⁹Tum Jesus surrexit, et eum secutus est una cum suis discipulis. ²⁰Hic quaedam mulier, quae sanguinis profluvio duodecimum annum laborabat, eum aggressa a tergo, ejus togae oram tetigit. ²¹Sic enim secum ipsa cogitabat : Si vel ejus togam tetigero, salva sum. ²²Jesus autem conversus, ea visa dixit : Confide filia, tua te fiducia servavit. Itaque sanata est mulier eadem illa hora. ²³Ut venit autem Jesus in aedes illius qui magistratum gerebat, viditque tibicines, et turbam tumultuantem, ²⁴Dixit eis : Discedite, non enim mortua est puella, sed dormit. Illi vero eum deridere. ²⁵Deinde ejecta turba, prehendit puellae manum, atque illa surrexit, ²⁶emanavitque ejus rei fama in totam illam regionem. ²⁷Inde digredientem Jesum secuti sunt duo caeci, clamantes in hunc modum : Miserere nostri Davidide. ²⁸Deinde ingressum in aedes adiere caeci. Et Jesus : Creditis, inquit eis, posse me istud facere ? Etiam Domine, inquit. ²⁹Tunc ille eorum tetigit oculos, dicens : Ut ves-

tra est fiducia, ita vobis accadat. ³⁰Itaque aperti sunt eorum oculi. Comminatus est autem eis Jesus in hunc modum: Videte ne quis hoc resciscat. ³¹At illi digressi, eum per totam illam regionem divulgant. ³²Illis autem digredientibus, allatus est ei mutus homo, furiosus. ³³Unde ejecto daemonio locutus est mutus: id quod homines vulgo mirati sunt, negantes unquam talia apud Israelitas fuisse visa. ³⁴At Pharisei dicebant, eum per daemoniorum principem ejicere daemonia. ³⁵Obibat autem Jesus urbes omnes, atque vicos, docens in eorum conventibus, et regium evangelium publicans, omnemque morbum et languorem sanans vulgo. ³⁶Visa autem hominum multitudine, misertus est eorum, quod palantes errarent tanquam pastore carentes oves. ³⁷Tum suos discipulos sic alloquitur: Messis quidem multa est, sed operarii pauci. ³⁸Orate igitur messis Dominum, ut operarios emittat in messem suam.

C A P U T X.

Apostolorum potestas, numerus, legatio, nuditas, mandata, discrimina, prudentia, probitas, aerumnae, consolatio, orbis dissidia, beati, piorum fuga, et praesidium. Christus quid praestet: munificentiae pondus.

ITAQUE advocatis duodecim discipulis suis, dedit eis contra spiritus impuros potestatem, ut eos expellerent, et omnes morbos, omnesque languores sanarent. ²Duodecim autem Apostolorum nomina sunt haec. Primus Simon cognomine Petrus, et Andreas ejus frater.

Jacobus Zebedaei filius, et Johannes ejus frater. ³Philippus et Bartholomaeus. Thomas et Matthaeus publicanus, Jacobus Alphaei, et Lebbaeus cognominatus Thaddaeus. ⁴Simon Cananita, et Judas Iscariota, is qui eum prodidit. ⁵Hos duodecim dimisit Jesus, eis ita praecipiens: Ad exterarum gentes iter ne habueritis, neve in ullam Samaritanorum urbem intraveritis: ⁶Sed ite potius ad perditas Israeliticae domus oves. ⁷Euntes autem praedicare, dicentes instare coeleste regnum. ⁸Aegros curate: leprosos purgate: mortuos suscite: daemonia ejicite: gratis accepistis, gratis date. ⁹Ne habete aurum, nec argentum, nec aes in crumenis vestris: ¹⁰Neve peram ad iter, neve binas tunicas, neve calceos, neve baculum. Dignus est enim operarius alimento suo. ¹¹In quamcunque autem urbem aut vicum intraveritis, exquirite ecquis sit in eo dignitate praeditus: atque illic manete, donec discedatis. ¹²Intrantes autem domum, salutate eam, dicentes: Salveat haec domus, ¹³et siquidem erit digna domus, eveniat ei vestra salus. Si non erit digna, revertatur ad vos vestra salus. ¹⁴Quod si quis vos non admiserit, neque vestra dicta audiverit, vos exeuntes ex ea domo, aut urbe, excutite pedum vestrorum pulverem. ¹⁵Hoc a me certo habete, tolerabilius actum iri cum Sodomitanorum Gomorranorumque gente, in die iudicii, quam cum illa urbe. ¹⁶En ego vos dimitto tanquam oves inter lupos. Estote ergo, et astuti ut serpentes, et sinceri ut columbae. ¹⁷Cavete autem homines: sistunt enim vos in consilia, inque suis collegiis verberabunt. ¹⁸Quin ad principes quoque regesque ducemini propter

me, ut eis exterisque gentibus sitis testimonio. ¹⁹Cum autem sistent vos, nolite curare quomodo aut quid loquamini: suggeretur enim vobis eadem hora, quid loquamini. ²⁰Non enim vos eritis qui loquemini, sed patris vestri spiritus in vobis loquens. ²¹Tradet autem fratrem frater in mortem, et pater filium, consurgentque nati in parentes, et eos occident: ²²eritisque omnibus inuisi, propter nomen meum. Qui autem pertulerit ad extremum, is servabitur. ²³Cum autem vos insectabuntur in aliqua urbe, fugite in aliam. Hoc vobis confirmo, non vos ante perlustraveritis urbes Iraeliticas, quam veniat filius hominis. ²⁴Non est discipulus supra magistrum, neque servus supra dominum suum. ²⁵Bene agitur cum discipulo, si eadem conditione est, qua ejus magister: et cum servo, si eadem qua dominus. Si patrem familias Beelzebulem vocarunt, quanto magis ejus domesticos? ²⁶Ne igitur eos timueritis. Nihil enim tam tectum est, quod non sit detegendum: aut tam occultum, quod non sit cognoscendum. ²⁷Quod vobis in tenebris dico, dicite in luce: Et quod in aurem auditis, praedicare in tectis: ²⁸et ne formidate eos, qui corpus interficiunt, sed animam interficere nequeunt. Quin magis eum formidate, qui potest et animam et corpus in gehennam perdere. ²⁹Cum duo passeruli assse veneant, tamen nullus eorum cadit humi sine patre vestro. ³⁰At vestrum etiam capilli capitis omnes numerati sunt. ³¹Ne formidaveritis igitur: longe passeribus antecellitis vos. ³²Quisquis ergo me agnoverit apud homines, ego eum quoque agnoscam apud patrem meum, qui in coelis est,

³³Qui vero me negaverit apud homines, eum ego quoque negabo apud patrem meum, qui in coelis est. ³⁴Nolite arbitrari, me venisse conciliatum pacem in terris: non veni conciliatum pacem, sed bellum. ³⁵Veni enim ad dissociandum filium a patre suo, et filiam a matre, et nurum a socru, ³⁶ita ut homines inimicos habituri sunt suos domesticos. ³⁷Qui patrem aut matrem amat supra me, non est me dignus: Et qui filium aut filiam amat supra me, me non est dignus: ³⁸et qui non sumit suam crucem, et me sequitur, non est me dignus. ³⁹Animam suam qui invenerit, perdet: Et qui animam suam mea causa perdiderit, inveniet. ⁴⁰Qui vos accipit, me accipit: Et qui me accipit, eum accipit qui me misit. ⁴¹Qui vatem nomine vatis accipit, vatis mercedem accipiet: Et qui justum iusti nomine accipit, iusti mercedem accipiet: ⁴²Et qui horum minimo vel poculum frigidae bibendum dederit nomine discipuli, scitote eum non frustratum iri mercede sua.

C A P U T XI.

Ad Johannem Christi responsum; Baptistae laus, isto quis prior. Increpati Judaei, omnia dira in oppida. Christi ad patrem preces, afflictorum solamen, Christi jugum.

POSTQUAM desiit Jesus suis praecipere duodecim discipulis, digressus est illinc, ut in illorum urbibus doceret ac concionaretur. ²Johannes autem, cum audivisset in vinculis opera Christi, misit suorum discipulorum duos, qui ei ita dicerent: ³Tunc is es qui venturus

est : an alius nobis est expectandus ? ⁴Quibus respondit
Jesús in hunc modum ? Ite renunciatum Johanni quae
auditis et videtis. ⁵Caeci vident, et claudi ambulant :
Leprosi purgantur, et surdi audiunt : Mortui resurgunt,
et pauperes Evangelium docentur : ⁶et foelix est qui in
me non offenderit. ⁷Eis autem abeuntibus, coepit Jesús
hominum turbae sic de Johanne dicere : Ad quid spec-
tandum egressi estis in solitudinem ? Arundinem vento
agitata ? ⁸Veruntamen ad quid videndum exiistis ?
Hominem mollibus indutum vestibus ? At qui molles
gestant sunt in regum domibus. ⁹Sed ad quem tandem
videndum exiistis ? Vatem ? Etiam (inquam vobis) et
plusquam vatem. ¹⁰Hic est enim de quo scriptum est :
Ego tibi meum nuncium praemissurus sum, qui tibi viam
praeparet. ¹¹Scitote enim nullum in foeminarum natis
majorem extitisse Johanne Baptista, et tamen qui est in
regno coelesti minimus major est eo. ¹²A tempore au-
tem Johannis Baptistae haecenus, coeleste regnum ex-
pugnatur, idque rapiunt violenti. ¹³Omnes enim vates
atque lex ad Johannem usque vaticinati sunt : ¹⁴et si
eum vultis accipere, is est Elias ille venturus. ¹⁵Qui
aures habet ad audiendum, audiat. ¹⁶Cui vero compa-
rabo hanc nationem ? Perinde est, ac cum versantes in
foro pueri clamant ad aequales suos in hunc modum :
¹⁷Fistulavimus vobis, neque saltastis : Ejulavimus vo-
bis, neque planxistis. ¹⁸Venit enim Johannes, qui ne-
que comedit neque bibit ; et eum dicunt esse furiosum.
¹⁹Venit filius hominis, qui et comedit et bibit ; et eum
dicunt hominem esse voracem, vinosum, publicanorum,

et improborum amicum : Estque suis aliena sapientia,
²⁰Deinde coepit in civitates invehī, quae cum in eis tot
 fuissent ejus edita miracula, tamen non rediissent ad
 frugem.²¹Vae tibi Chorazim, vae tibi Bethsaidan: Nam
 si Tyri et Sidone edita forent, quae in vobis edita sunt
 miracula, jam pridem in centonibus et pulvere vitam
 correxissent.²²Itaque sic habetote, cum Tyro et Sidone
 mitius actum iri in die judicii, quam vobiscum.²³Et tu
 Capharnaum, quae ad coelum usque elata es, ad infe-
 ros deprimeris, Nam si Sodomis eadem, quae in te, edita
 fuissent miracula, mansissent ad hodiernum diem.²⁴Ita-
 que scitote tolerabiliorem fore Sodomitanae nationis
 conditionem in die judicii, quam tuam.²⁵Aliquando
 Jesus locutus in hunc modum est : Ago tibi gratias pa-
 ter, coeli terraeque Domine, qui haec sapientes, peri-
 tosq̃ue celaveris, et infantibus patefeceris;²⁶Idque, o pa-
 ter, quoniam sic tibi placitum est.²⁷Omnia mihi tradita
 sunt a patre meo, neque quisquam filium cognoscit, nisi
 pater : neque patrem quisquam cognoscit, nisi filius, et
 cui voluerit filius patefacere.²⁸Venite ad me omnes la-
 borantes et onusti, et ego recreabo vos :²⁹subite jugum
 meum, et a me discite, qui mitis sum, et animo sum-
 missus : Et invenietis animis vestris requiem.³⁰Meum
 enim et jugum commodum, et onus leve est,

C A P U T XII.

*Causa de spicis pro discipulis in Judaeos, miseratio. Jesu majestas.
 Judaei confutati, contracta manus, In Christum conjuratio.
 Vaticinium de Christi ingenio. In Jesum calumniae dilatae.*

Peccatum inexcusabile. Pharisei increpati. Iudicii severitas.

Qui petant signa. Spiritus oberrans. Jesu consanguinei.

QUODAM tempore ibat Jesus Sabbatis per sata : ejus autem discipuli cum esurirent, coeperunt spicas vellere atque vesci. ²Quo viso, Pharisei dixerunt ei : En faciunt tui discipuli, quod in Sabbato facere non licet. ³Quibus ille : Non legistis, inquit, quid fecerit David cum aliquando esuriret ipse et ejus comites ? ⁴Ut ingressus sit Dei domum, et apposititios panes comederit, quibus nec ei licebat, nec ejus comitibus vesci, sed solis sacerdotibus ? ⁵An non legistis in lege, Sabbatis in fano sacerdotes Sabbatum profanare ? et tamen insontes sunt. ⁶Atqui scitote, hic majorem esse fano. ⁷Quod si sciretis quid sit, Pietatem malo, quam sacrificium : non damnaveritis insontes. ⁸Est enim Sabbati quoque dominus filius hominis. ⁹Inde profectus venit in eorum collegium, ¹⁰ubi cum homo esset manum habens tabidam, illi ex eo, an Sabbatis sanare licet, quaesiverunt, ut eum criminarentur. ¹¹Quibus ille : Quis homo vestrū est, inquit, qui si vel unam ovem habeat, quae Sabbatis in foveam deciderit, non eamprehendat et attollat ? ¹²Quantum autem ovi praestat homo ? Ergo licet Sabbatis benefacere. ¹³Deinde dicit homini, Porrige manum tuam : atque ille porrexit, eaque tam sana reddita est, quam erat altera. ¹⁴Pharisei vero egressi, consilium de eo perimendo ceperunt. ¹⁵Quo cognito, Jesus illinc discessit, sequente eum ingenti hominum multitudine, quos omnes sanavit, ¹⁶eisque interminatus est, ne se palam facerent, ¹⁷ut fieret illud ab Esaia vate dictum his verbis,

¹⁸Ecce meus servus, quem elegi : dilectus meus, animo meo charissimus. Eum spiritu meo donabo, isque jus dicet gentibus. ¹⁹Non rixabitur, nec clamabit, nec ejus vocem quisquam per plateas audiet : ²⁰quassatam arundinem non perfringet, neque fumigans linum extinguet, eousque ut jus perducatur ad victoriam, ²¹atque in ejus nomine spes gentes habebunt. ²²Tunc allatus est ei furiosus coecus et mutus quem ille sanavit, ita ut coecus et mutus loqueretur ac videret. ²³Qua re attonitum omne hominum vulgus sic dictitare : Num hic est Davidides ? ²⁴Et Pharisei eis auditis, dicere, eum non nisi per Beelzebulem daemoniorum principem ejicere daemonia. ²⁵Quorum cogitationes intelligens Jesus, dixit eis. Omne regnum ab sese dissidens, desolatur, et omnis civitas aut familia secum ipsa dissidens, non stat. ²⁶Quod si Satanas Satanam expellit, ipse sibi adversatur, Qui fieri potest igitur, ut stet ejus regnum ? ²⁷Quod si ego per Beelzebulem ejicio daemonia, vestri generis homines per quem ejiciunt ? Itaque ii vestri erunt iudices. ²⁸Sin ego per Dei spiritum ejicio daemonia, sequitur vobis advenisse divinum regnum. ²⁹Qui posset enim quis in alicujus potentis ingredi domum, ejusque suppellectilem diripere, nisi prius potentem illum vinciat, ut tum demum ejus diripiat domum ? ³⁰Qui a me non est, contra me est : et qui mecum non congerit, dissipat. ³¹Itaque sic habetote : omne peccatum ac maledictum ignoscetur hominibus, at maledictum adversus spiritum non ignoscetur. ³²Et si quis quid dixerit contra filium hominis, ignoscetur ei : at si quis contra sanctum spiritum

dixer
turo.
num
trum
prole
Nam
ex bo
lus h
tote
homi
³⁷Ex
naber
sic lo
³⁹Qu
num
dae v
et to
ditul
tae f
demr
fruge
gina
cond
audie
Solon
ex ha
quae
am,
eam

dixerit, non ignoscetur ei, nec in hoc seculo, nec in futuro. ³³Aut facite arborem bonam, et ejus fructum bonum: aut facite arborem tetram, et ejus fructum tetrum: ex fructu enim arbor cognoscitur. ³⁴Viperina proles, quomodo possitis bene loqui, cum sitis mali? Nam ex animi redundantia loquitur os. ³⁵Bonus homo ex bono animi promptuario bona depromit: item malus homo ex malo promptuario mala depromit. ³⁶Scitote autem quodcunque malum verbum locuti fuerint homines, reddituros esse ejus rationem in die judicii. ³⁷Ex tuis enim dictis absolveris, et ex tuis dictis damnaberis. ³⁸Tum Scribarum et Phariseorum quidam sic locuti sunt: Magister, vellemus a te signum videre. ³⁹Quibus ille respondens: Prava et adulterina natio signum quaerit, et signum ei non dabitur nisi signum Josuae vatis. ⁴⁰Ut enim fuit Jonas in ventre ceti tres dies, et totidem noctes: sic erit filius hominis in terrae meditullio tres dies et totidem noctes. ⁴¹Homines Ninivitae surgent in iudicio cum hac natione, eamque condemnabunt, quod ad Jonae praeconium redierint ad frugem, cum hic sit plus quiddam quam Jonas. ⁴²Regina Austri surget in iudicio cum hac natione, eamque condemnabit, quod ab ultimis usque terris venerit ad audiendum Solomonis sapientiam, cum hic sit quiddam Solomone praestantius. ⁴³Cum autem spiritus impurus ex homine migravit, peragrat siticulosa loca, quietem quaerens: quam ubi non invenit, ⁴⁴statuit domum suam, unde migraverat, repetere. Postquam eo venit, ubi eam vacantem, versam, ornatamque nanciscitur, ⁴⁵va-

dit ascitum sibi septem alios spiritus peiores se, eoque ingressi ibi degunt, sitque posterior illius hominis conditio priore deterior. Sic erit et malae huic nationi. ⁴⁶Adhuc eo vulgus alloquente, aderant foris ejus mater et fratres eum volentes alloqui. ⁴⁷Et quidam ei ita dixit: Adfunt foris tua mater et fratres, te volentes alloqui. ⁴⁸At ille ei, qui id sibi dixerat, ita respondit: Quae est mea mater, et qui sunt mei fratres? ⁴⁹Tum porrecta ad discipulos suos manu, Ecce mea mater, inquit, fratresque mei. ⁵⁰Quisquis enim voluntatem exequitur mei patris, qui est in coelis, is meus frater, et soror, et mater est.

C A P U T XIII.

Parabola sati seminis, Zizaniarum, sinapis, fermenti, thesauri, mercatoris, retis. Christi populares.

QUODAM autem die egressus domo, Jesus sedit apud lacum: ²tantaque ad eum convenit hominum multitudo, ut ipse conscensa navi federet, et astante ad litus omni multitudine, ³eos multis per similitudines alloqueretur in hunc modum: Aliquando profectus est quidam fator ad ferendum. ⁴atque eo ferente, alia ceciderunt ad viam, sed venerunt volucres, quae ea comederunt. ⁵Alia ceciderunt in saxetum: ubi cum non multum terrae haberent, celeriter exorta sunt, quod profunda terra carerent. ⁶Deinde orto Sole aestuantia, defectu radice aruerunt. ⁷Alia ceciderunt in spinas, eaque crescentibus spinis suffocata sunt. ⁸Alia in bonam

delapsa terram, fructum extulerunt, partim cum centesimo, partim cum sexagesimo, partim cum trigésimo. ⁹Qui aures habet ad audiendum, audiat. ¹⁰Tum cum his verbis convenerunt ejus discipuli; Cur eos per similitudines alloqueris? ¹¹Quibus ille respondit ita: Quoniam vobis regni coelestis arcana nosse datum est: at illis non datum est. ¹²Qui enim habet, huic dabitur, isque abundabit; qui vero non habet, huic etiam quod habet, auferetur. ¹³Propterea per similitudines eos alloquor, quoniam videntes non vident, et audientes non audiunt, nec intelligunt. ¹⁴In eisque comprobatur illud Esaiæ oraculum, quod sic habet: Audietis quidem, sed non intelligetis: et ita videbitis, ut non perspiciatis. ¹⁵Obtorpuit enim animus hujus populi, et auribus obtuse audiunt, et claudunt oculos, ne et oculis videant, et auribus audiant, et animo intelligant, redeantque ad frugem, atque ita ego eis medear. ¹⁶Vestri vero beati sunt oculi, qui videant: et aures quae audiant. ¹⁷Scitote enim, multos vates et justos cupiisse videre quae cernitis vos, neque tamen vidisse: et audire quae auditis vos, nec tamen audivisse. ¹⁸Vos igitur audite de fatore similitudinem. ¹⁹Cum quis regium sermonem audit, nec intelligit, supervenit Malus, qui fatum in ejus animo rapit. Hic est qui secundum viam satus est. ²⁰Qui autem in faxetum satus est, is est qui sermonem audiens, protinus accipit cum laetitia. ²¹Sed radicem in sese non habet, estque temporarius: ac exorta propter sermonem calamitate ac vexatione statim desciscit. ²²Qui autem in spinas satus est, is est qui sermonem audit, quem sermo-

nem hujus vitae sollicitudo, et divitiarum fraus ita suffocat, ut sit infructuosus. ²³Qui vero in terram bonam satus est, is est qui sermonem et audit et intelligit, qui sane fructum fert: redditque alius centuplum, alius sexagecuplum, alius trigecuplum. ²⁴Aliam similitudinem eis proposuit his verbis: Similiter accidit in coelesti regno, ut in homine qui bonum semen sevit in fundo suo: ²⁵Sed dormientibus hominibus, ivit ejus inimicus satum malas herbas inter frumentum ac discessit. ²⁶Deinde, ubi germinavit herba, ediditque fructum, tunc apparuerunt etiam malae herbae. ²⁷Igitur servi patrem familias sic convenerunt: Here, nonne bonum semen in fundo tuo seminasti? Unde igitur habet malas herbas? ²⁸Quibus ille: Inimicus homo id fecit, inquit. Et servi: Vis igitur ut eas lectum eamus? ²⁹Non (inquit ille) ne forte legentes malas herbas, frumentum una cum eis eradicetis. ³⁰Sinite ambo crescere usque ad messem. Messis tempore mandabo messoribus, ut primum malas herbas legant, et in manipulos colligant comburendas: frumentum autem in meum comportent horreum. ³¹Aliam similitudinem illis proposuit his verbis: Simile est coeleste regnum grano sinapis, quod capit homo, et in fundo suo ferit: ³²quod, cum minimum sit omnium seminum, ubi adolevit, est olerum maximum; arborescitque ita, ut in ejus ramis nidificatum veniant aëreae volucres. ³³Aliam similitudinem locutus est eis: Simile est coeleste regnum fermento, quod capit mulier et in farinae sata tria abdit, donec tota fermententur. ³⁴Haec omnia plebi elocutus est Jesus per similitudines, nec eos

fine similitudine alloquebatur. ³⁵ut fieret quod ab Esaia vate praedictum fuerat his verbis : Aperiam in similitudines os meum, effabor quae ab orbe condito abdita sunt. ³⁶Deinde relicta hominum multitudine, venit domum Jesus, quem sui discipuli convenerunt hujusmodi verbis : Ediffere nobis similitudinem de fundi malis herbis. ³⁷Quibus ille respondit in hunc modum : Qui bonum semen ferit, filius hominis est. ³⁸Fundus est mundus, Bonum semen, regii sunt. Malae herbae sunt Mali filii. ³⁹Inimicus, earum fator, est Diabolus. Messis est finis aevi, messorum angeli sunt. ⁴⁰Ut igitur colliguntur herbae malae, et igni cremantur, sic erit in hujus aevi fine. ⁴¹Mittet filius hominis suos angelos qui ex ejus regno omnia detrimenta maleficosque colligent. ⁴²et in ignis fornacem conjicient, ubi ploratus erit, dentiumque stridor. ⁴³Tunc iusti Solis ritu relucebunt in regno sui patris. Qui habet aures ad audiendum, audiat. ⁴⁴Item simile est coeleste regnum abdito thesauro in agro, quem nactus aliquis homo occulit, et prae laetitia it venditum suas omnes facultates, eumque fundum emit. ⁴⁵Item perinde est coeleste regnum, ac si quis mercator homo bonos quaerat uniones, ⁴⁶et unum nactus preciosum unionem, eat venditum suas omnes facultates, eumque comparet. ⁴⁷Item simile est coeleste regnum, jacto in mare everriculo, et cujusque modi res colligenti. ⁴⁸Quod repletum subducunt in littus, et sedentes, quae bona sunt congerunt in vasa, mala autem foras jaciunt. ⁴⁹Sic erit in aevi fine. Prodibunt angeli qui malos separabunt a justis, ⁵⁰et in ignis fornacem conjicient, ubi ploratus

erit stridorque dentium. ⁵¹Intelligitis haec omnia? inquit eis Jesus: etiam Domine, inquirunt illi. ⁵²Et ille: itaque (inquit eis) omnis eruditus, regni coelestis res edoctus, similis est homini patrifamilias, qui ex promptuario suo et recentia depromit et vetera. ⁵³Postquam finem fecit Jesus his similitudinibus, discessit illinc, ⁵⁴et in suam patriam profectus, docebat contrerraneos suos in eorum collegio, ita ut attoniti sic dicerent: Unde huic ea sapientia atque vires? ⁵⁵Nonne hic est fabri filius? nonne ejus mater ea est quae Maria vocatur? ejusque fratres Jacobus, et Josès, et Simon, et Judas. ⁵⁶et ejus sorores nonne sunt omnes apud nos? Unde igitur huic haec omnia? ⁵⁷Itaque in eo offendeabantur. At Jesus: Non est (inquit illis) vates inglorius, nisi in sua patria atque domo. ⁵⁸Itaque non multa illic edidit miracula, propter eorum incredulitatem.

C A P U T XIV.

Baptistae obtruncatio, ac sepultura. Jesu secessus, panes quinque duoque pisces. Per undas Jesus. Petri discrimen. Christus in fluctus, ac morbos.

PER id tempus audiens Herodes, quartae partis rex, quae de Jesu dicebantur, ²dixit suis, eum esse Johannem Baptistam, qui revixisset, ideoque eam miraculorum efficaciam haberet. ³Ceperat enim Johannem Herodes, et vinctum dederat in custodiam, propter Herodiadem Philippi sui fratris uxorem, ⁴quod Herodi dixisset Johannes, ei non licere eam habere. ⁵Cumque

vellet eum occidere, metuebat vulgus, quod illum private habebant. ⁶Celebrandis autem Herodis natalibus, saltavit Herodiadis filia in medio: adeoque placuit Herodi; ⁷ut ei cum jurejurando promiserit, daturum esse, quicquid ea postulasset. ⁸Illa vero subornata a matre sua, dixit: Da mihi hic in patina caput Johannis Baptistae, ⁹Doluit rex, sed propter jusjurandum et convivas, jussit ei dari: ¹⁰misitque decollatum Johannem in carcere. ¹¹allatumque est ejus caput in patina, et puellae traditum, quae id matri suae tulit. ¹²Ejus autem discipuli ejus corpus sublatum iverunt, ac sepeliverunt, et rem Jesu nunciatum iverunt. ¹³Eo audito Jesus discessit illinc, in navi, in desertum locum, seorsum: quo audito, secutum est eum pedibus vulgus hominum ex urbibus. ¹⁴Et egressus Jesus animadvertens tantam hominum multitudinem, misertus est eorum, sanavitque aegrotos eorum. ¹⁵Sub vesperam autem aggressi sunt eum ejus discipuli hujusmodi verbis. Desertus est locus, et hora jam praeteriit, dimitte hanc hominum turbam, ut in vicos eant emptum sibi cibaria, ¹⁶Quibus Jesus: Non est opus ut abeant, inquit: praebete vos eis quod comedant. ¹⁷At illi: Non habemus hic nisi quinque panes, et duos pisces. ¹⁸Et ille: Afferte huc, inquit, eos mihi. ¹⁹Deinde jussa hominum multitudine per gramina discumbere, sumptis quinque panibus duobusque piscibus, in coelum intuens, laudes egit: fractosque panes tradidit discipulis, discipuli porro multitudini: ²⁰Atque illi comederunt omnes ad satietatem, sublataque sunt reliquiarum fragmentorum duodecim canistra plena.

²¹Qui comederunt autem, erant virorum circiter quinque millia, praeter foeminas et parvulos. ²²Deinde statim coëgit Jesus suos discipulos navim conscendere, et ante se trajicere, dum ipse hominum multitudinem dimittit. ²³Multitudine dimissa, montem conscendit seorsum precandi gratia. Vespere autem cum solus illic esset, ²⁴jam navis erat in medio lacu, et fluctibus vexabatur: quippe contrario vento. ²⁵Quarta autem noctis vigilia, venit ad eos Jesus, per lacum ambulans. ²⁶Quem in lacu ambulantem conspicati ejus discipuli, turbati sunt, spectrum esse dicentes, et prae timore exclamarunt. ²⁷Hic protinus eos alloquens Jesus: Bono este animo, inquit, ego sum, ne metuite. ²⁸Et Petrus respondens: Domine, inquit, si tu es, jube me ad te venire per aquam. ²⁹Et ille: Veni. Tum degressus de navi Petrus, ingreditur per aquam, ut Jesum adiret. ³⁰Sed ventum cernens vehementem timuit: et summergi incipiens, sic exclamavit: Domine, serva me. ³¹Tum Jesus continuo porrecta manu eumprehendit, et, O parum fidens, inquit ei, cur dubitasti? ³²Deinde eis navem ingressis, placatus est ventus. ³³Qui vero erant in navi, ei honorem praebitum venerunt, dicentes: Vere Dei filius es. ³⁴Ita trajecto lacu venerunt in Gennezarethanum agrum. ³⁵Eo cognito: incolae significarunt per omnem finitimam regionem, ut ei adducerentur quibuscunque male erat. ³⁶eumque orabant ut vel ejus togae laciniam tangerent, ac quotquot tetigerunt, sanati sunt.

Pro suis Christus; de lotionē manuum objurgantur iniqui. Quae vitient. Chananae repulsa: favor. Miracula multa. Septem panes pisciculique.

TUM Hierosolymitani Scribae et Pharisei Jesum his verbis conveniunt: ²Cur faciunt tui discipuli contra veterum institutum? quippe qui non lavent manus cum cibum capiunt. ³Quibus ille respondit in hunc modum: Cur et vos instituto vestro contra Dei praeceptum facitis? ⁴Deus enim sic praecepit: Honora patrem atque matrem: et qui patri matrive maledixerit, morte plectatur: ⁵At vos dicitis, si quis suo patri matrive dixerit, sua donaria illi profutura; ⁶nihil opus esse ut patrem matremve honoret. Atque ita vestro instituto Dei praeceptum rescidistis. ⁷Simulatores, recte vaticinatus est de vobis Esaias, dicens: ⁸Hic populus me et ore accedit, et labiis honorat, sed eorum animus procul abest a me. ⁹Frustra autem me venerantur, humanorum praeceptorum doctrinam docentes. ¹⁰Deinde advocata hominum multitudine: Audite (inquit eis) et intelligite. ¹¹Non quod in os intrat, coinquinat hominem, sed quod ex ore prodit, id coinquinat hominem. ¹²Tunc eum aggressi ejus discipuli, dixerunt ei: Ecquid scis Phariseos, audito isto dicto, esse offensos? ¹³At ille respondens: Omnis planta, inquit, quam meus pater coelestis non plantavit, extirpabitur. ¹⁴Sinite eos, duces sunt caeci caecorum. Caecus autem caecum si ducat, ambo in foveam cadent. ¹⁵Hic Petrus eum allocutus est in hunc modum: Explica nobis hanc similitudinem. ¹⁶Et Jesus;

Adeone etiam vos tardi estis ? inquit : ¹⁷ An nondum intelligitis, quicquid in os intrat, id in ventrem ferri, et in latrinam ejici ? ¹⁸ At quae ex ore egrediuntur, ex animo prodeunt, atque ea polluunt hominem. ¹⁹ Ex animo enim prodeunt malae cogitationes, caedes, adulteria, stupra, furta, falsa testimonia, maledicta : ²⁰ Haec sunt quae polluunt hominem. Sed illotis manibus cibum capere, non polluit hominem. ²¹ Inde profectus Jesus, contulit se in Tyrios Sidoniosque tractus. ²² Et ecce mulier Chananaea, ab illis profecta finibus, clamabat ad eum his verbis : Misere mei Domine Davidide ; filia mea male furiata est. ²³ Sed cum ille nihil ei respondisset, aggressi eum ejus discipuli sic rogare : Absolve eam, clamat enim pone nos. ²⁴ At ille respondens : Non sum missus, inquit, nisi ad oves perditas Israeliticae domus. ²⁵ Cumque illa venisset, et ei praebens honorem diceret : Domine, succurre mihi : ²⁶ ille sic respondit : Non convenit sumere liberorum panem, et objicere catellis. ²⁷ Et illa : Ita est, Domine, et tamen catelli quoque comedunt de micis, quae decidunt de mensa dominorum suorum. ²⁸ Tum Jesus respondens : O mulier, inquit ei, magna est tua fiducia : obtineto quod vis. Ita sanata est ejus filia, eadem illa hora. ²⁹ Illinc digressus Jesus venit ad lacum Galilaeae, et conscenso monte confedit ibi. ³⁰ ad eumque venit ingens hominum multitudo qui secum habebant claudos, caecos, mutos, mutilos, et alios multos, quos ad Jesu pedes abjecerunt : atque ille eos sanavit, ³¹ ita ut vulgo, videntes mutos loquentes, mutilos sanos, claudos ambulantes, caecos videntes, mira-

rentur, Israelitarumque Deum collaudarent. ³²Jesus autem, advocatis discipulis suis, dixit: Miseret me huius hominum multitudinis, qui jam triduum apud me haerentes, non habent quod comedant, et eos dimittere jejunos nolo, ne defetiscantur in via. ³³Cui discipuli: Unde nobis in solitudine tot panes, inquiunt, ut satiatur tanta multitudo? ³⁴Et Jesus: Quot panes habetis? inquit eis. Septem, inquiunt: et paucos pisciculos. ³⁵Tum ille iussit multitudinem humi discumbere: ³⁶sumptosque septem panes, et pisces actis laudibus, fregit, suisque discipulis tradidit, et discipuli multitudini. ³⁷omnesque comederunt ad satietatem, suntque sublatae frustorum reliquiae plenis septem sportis. ³⁸Qui comederunt autem, erant virorum quatuor millia, praeter foeminas et pueros. ³⁹Deinde dimissa hominum multitudine, conscensa navi, venit in fines Magdalanos.

CAPUT XVI.

Phariseorum quaestiones, objurgatio, fermentum. Apostolorum infirmitas. Quis Christi naturam doceat. Ecclesiae fundamentum, robur, claves. Imperatum de Christo silentium. Praedicta mors. Petri temeritas. Crux fidelium. Quanti beatitudo.

TUM cum aggressi Pharisei et Sadducaei, tentandi gratia rogant, ut sibi signum de coelo ostendat. ²Quibus ille respondens: Sub vesperum, inquit, dicitis Serenum erit, rubet enim coelum. ³Et mane: Hodie tempestas erit, nam triste rubet coelum. Simulatores, caeli faciem scitis dignoscere: temporum signa non po-

testis? ⁴Prava adulterinaque natio signum quaerit, nec ullum ei signum dabitur, nisi signum Jonae vatis. Deinde relictis illis discessit. ⁵Cum trajecissent autem ejus discipuli, obliti fuerant panes sumere. ⁶Et Jesus dixit eis: Videte ut Phariseorum Sadducaeorumque fermentum caveatis: ⁷Illi vero secum ipsi cogitabant, illud eo pertinere, quod non sumpsisset panes. ⁸Id quod intelligens Jesus, dixit eis: Quid apud vos cogitatis, parum fidentes: non sumpsisse panes? ⁹An nondum intelligitis, neque meministis quinque panes illorum quinque millium, et quot canistra receperitis? ¹⁰Neque septem panes quatuor millium, et quot receperitis sportas? ¹¹Qui fit ut non intelligatis, non me vobis de pane dixisse, cavendum esse fermentum Phariseorum, ac Sadducaeorum? ¹²Tunc illi intellexerunt, non eum hoc dixisse, cavendum esse panis fermentum, sed Phariseorum, Sadducaeorumque doctrinam. ¹³Cum venisset autem Jesus in tractum Caesareae Philippi, interrogavit suos discipulos his verbis: quem me dicunt homines esse, me filium hominis? ¹⁴Cui illi: Hi Johannem Baptistam, illi Eliam, alii Jeremiam, aut vatum aliquem. ¹⁵Et ille: Vos vero (inquit eis) quem me esse dicitis? ¹⁶Cui Simon Petrus ita respondit: Tu es Christus Dei viventis filius. ¹⁷Et Jesus ei respondens: Beatus es, inquit Simon Jonaïde, quoniam non patefecit istud tibi caro et sanguis, sed pater meus qui in coelis est. ¹⁸Ego quoque tibi dico: Tu es Petrus, et in hac petra construam meam ecclesiam, quam Orci portae non superabunt: ¹⁹Tibique coelestis regni claves dabo, ac quicquid in terra ligave-

ris, e
erit f
ut ne
coepi
Hier
scribi
victu
gare,
²³At
impe
mana
quis
suam
volue
perdi
si vel
faciat
paret
gloria
tis re
dam e
tabun
no fu

Christi
coel
tiae
Chr

ris, erit ligatum in coelis : et quicquid in terra solveris, erit solutum in coelis. ²⁰Tunc praecepit suis discipulis, ut nemini dicerent se esse Jesum Christum. ²¹Deinceps coepit Jesus demonstrare suis discipulis, sibi eundum esse Hierosolymam, et multa a senatoribus et pontificibus scribisque patienda, seque occidendum, et tertio die revicturum. ²²Hic Petrus eum prehensum coepit objurgare, dicens : Parce tibi, Domine, non accidet istud tibi. ²³At ille versus : Abi pone me, Satana, inquit Petro : impedito mihi es : quippe qui non divina, sed humana sapias. ²⁴Deinde dixit Jesus discipulis suis, Si quis me vult sequi renunciet ipse sibi, tollatque crucem suam, et me sequatur. ²⁵Nam qui animam suam servare voluerit, eam perdet : qui vero animam suam mea causa perdiderit, eam inveniet. ²⁶Quid enim proderit homini, si vel totum mundum lucretur, et animae suae jacturam faciat ? aut quid dabit homo, quo animam suam aequiparet ? ²⁷Est enim venturus filius hominis in sui patris gloria, cum suis angelis : ac tum pro suis quemque factis remunerabitur. ²⁸Hoc vobis certo dico, esse quosdam eorum qui hinc adsunt, qui non prius mortem gustabunt, quam videant filium hominis venientem in regno suo.

C A P U T XVII.

Christi transformatio. Moses et Elias. Petri futilitas. Vox coelestis. Johannes, Elias, Lunaticus. Apostolorum dissidentiae. Fidei, precum, et jejunii virtus. Supplicium praedictum. Christi tributum, ac Petri.

Post sex autem dies adhibet Jesus Petrum, et Jacobum ejusque fratrem Johannem, et in arduum montem seducit, ²ac coram eis transfiguratus est, ejusque et facies solis modo resplenduit, et vestimenta tam candida facta sunt, quam est lux. ³Et ecce conspecti sunt eis Moses et Elias cum eo colloquentes. ⁴Tum Petrus Jesum alloquens: Domine, inquit, bonum est hic esse nos, Si vis, faciamus hic tria tabernacula: tibi unum, Moysi unum, et Eliae unum. ⁵Adhuc eo loquente, ecce, lucida nubes illos obumbravit et ex nube vox exitit, ita dicens: Hic est meus charissimus filius, qui mihi acceptus est: hunc audite. ⁶Hoc audito, magnopere territi discipuli, cecidere proni. ⁷At Jesus eos aggressus, tetigit. Surgite, inquit, neve metuite. ⁸Tum illi sublatis oculis neminem viderunt, nisi solum Jesum. ⁹Descendentibus autem eis de monte, praecepit eis Jesus, ne cui visum illud dicerent, donec filius hominis a mortuis resurrexisset. ¹⁰Tunc discipuli sic eum interrogant: Quid ergo dicunt Scribae, Eliam oportere venire prius? ¹¹Quibus respondens Jesus: Venturus est quidem prius Elias, et instauraturus omnia. ¹²Sed scitote Eliam jam venisse, quem illi non agnoverunt, sed ei quae voluere fecerunt. Sic et filius hominis ab eis passurus est. ¹³Tunc intellexerunt discipuli, eum id sibi de Johanne Baptista dixisse. ¹⁴Ut autem pervenerunt ad hominum multitudinem, aggressus eum quidam homo, congenulus: ¹⁵sic dixit: Domine miserere mei filii, qui lunaticus est, et male habet. Nam saepe in ignem, saepe cadit in aquam. ¹⁶Et quidem eum tuis discipulis

adduxi : sed eum non potuerunt sanare. ¹⁷Et Jesus respondens : O incredula, inquit, pravaque natio, quousque vobiscum ero ? quousque vos feram ? Adducite huc eum mihi. ¹⁸Deinde illum increpuit Jesus, exiitque ex eo daemonium, et sanatus est puer eadem illa hora. ¹⁹Tum aggressi Jesum discipuli seorsum, quaesiverunt, cur ipsi non potuissent illud expellere. ²⁰Propter incredulitatem vestram, inquit eis. Hoc enim vobis confirmo, si tantum fidei habueritis, quantum est granum sinapis, si dixeritis huic monti, Migra istinc, illuc migrabit : nihilque non poteritis. ²¹Caeterum hoc genus non exit, nisi per preces et jejunium. ²²Versantibus autem eis in Galilaea, dixit eis Jesus : Tradendus est filius hominis in hominum manus. ²³Qui eum interficient, isque tertio die resurget. Id illis valde doluit. ²⁴Cum venissent autem Capharnaum, hujusmodi verbis adorti sunt Petrum, qui didrachma exigebant. Non pendit magister vester didrachma ? ²⁵Etiā, inquit ille. Deinde ubi domum ingressus est, praevenit eum Jesus his verbis : Quid tibi videtur, Simon ? reges orbis a quibus tributa aut censum exigunt ? a suisne, an ab alienis ? ²⁶Ab alienis, inquit ei Petrus. Et Jesus : Ergo sui sunt liberi, inquit ei. ²⁷Sed ne nos offendamus, i ad lacum, et hamum jacito : et qui primus extrahetur piscis, eum tollito, et aperto ejus ore staterem invenes : eum capito, et illis pro me teque dato.

C A P U T XVIII.

Manfuctudo quanta, offensi humiles. Scandala. Christi munus.

*Pastoris comparatio. Laedentium castigatio. Discipulorum
autoritas. Concordia. Christus ubi. Condonata injuria. Rex
rationes reposcens, inclementum poena.*

ILLA hora discipuli Jesum convenerunt, quaerentes
quis futurus esset in regno coelesti maximus. ²Et
Jesum advocatum puerum collocavit inter eos, et Hoc
vobis, inquit, confirmo, nisi mutati fueritis, ³et pueris
similes redditi, non intrabitis in coeleste regnum. ⁴Quis-
quis ergo seipsum summiserit, ut est hic puer, is erit in
regno coelesti maximus. ⁵Et quisquis hujusmodi pue-
rum meo nomine accipit, me accipit. ⁶Quisquis vero vel
minimum horum mihi fidem habentium offenderit, prae-
staret ei suspensa de ejus collo asinaria mola, in maris
aequor demergi. ⁷Sunt quidem calamitosae mundo of-
fensiones, tamen offensiones accidere necesse est: sed
vae homini per quem accidit offensio. ⁸Quod si te tua
manus aut pes offendit, abscinde eum, et abjice. Sati-
us est tibi claudum aut mancum in vitam ingredi, quam
duas manus aut pedes habentem in sempiternum ig-
nem conjici. ⁹Et si te tuus oculus offendit, erue eum,
et abjice: satius est tibi unoculum in vitam ingredi,
quam duos oculos habentem, in ignis gehennam conjici.
¹⁰Videte ne vel minimum horum contemnatis. Scitote
enim eorum angelos in coelis semper aspicere faciem
patris mei, qui in coelis est. ¹¹Venit enim filius hominis
servatum perdita. ¹²Quid vobis videtur? Si cui homini
centum sint oves, et earum una deerraverit, nonne re-
lictis nonaginta novem in montibus, it quaesitum erran-

tem? ¹³ et si eam invenire contigerit, hoc vobis pro certo dico, eum illa magis gaudere, quam nonaginta novem non palatis. ¹⁴ Sic voluntas non est vestri patris, qui est in coelis, ut pereat vel minimus horum. ¹⁵ Quod si in te peccaverit frater tuus, i reprehensum eum, ita ut tecum ipse solus adsit. Si te audiverit, lucratus es fratrem tuum. ¹⁶ Sin minus audiverit, adhibe una tecum insuper unum aut alterum, ut ex ore duorum triumve testimonium de re omni statuatur. ¹⁷ Quod si eos non audierit, dicito ecclesiae. Quod si ne ecclesiam quidem audierit, esto tibi perinde ac extraneus et publicanus. ¹⁸ Sic certo habetote, quaecunque in terra ligaveritis, ligata fore in coelo: et quaecunque in terra solveritis, in coelo soluta fore. ¹⁹ Item certo scitote, si duo vestrum in terra consenserint, quamcunque rem petierint, impetraturos a patre meo, qui in coelis est: ²⁰ Ubi sunt enim duo tresve meo nomine congregati, illic ego sum inter eos. ²¹ Tunc aggressus eum Petrus: Domine, inquit, quoties peccanti in me fratri meo ignoscere debeo, ad septiesne? ²² Cui Jesus: non dicam tibi ad septies, sed ad septuagies septies. ²³ Itaque similiter accidit in regno coelesti, ac in homine rege, qui voluit rationes conferre cum suis servis. ²⁴ Cum coepisset autem conferre, adductus est ei quidam decies mille talentorum debitor, ²⁵ qui cum solvendo non esset, iussit eum dominus ejus, uxoremque et liberos et omnes ejus facultates vendi, atque ita solvi; ²⁶ Sed servus procubuit, et ei praebens honorem dixit: Domine, expecta me diutius, et omnia tibi solvam. ²⁷ Ita illius servi misertus dominus, eum di-

misit, eique debitum condonavit. ²⁸At servus ille digressus, quendam nactus conservorum suorum, qui debebat ei centum denarios, comprehendit, et ei collum obtorquet: Solve mihi, inquit, quod debes. ²⁹Cumque ejus conservus procubuiisset, et eum oraret, ut se diutius expectaret, sese ei omnia soluturum; ³⁰noluit, sed eum in custodiam datum ivit, donec solvisset debitum. ³¹Quam rem videntes ejus conservi, aegerrime tulerunt, dominoque suo rem omnem declaratum iverunt. ³²Tunc eum dominus ejus accersitum sic alloquitur: Serve nequam, ego tibi totum nomen illud, rogatus a te, condonavi: ³³nonne debebas tu vicissim tui conservi misereri, ut et ego tui misertus eram? ³⁴Ita iratus ejus dominus, tradidit eum tortoribus, donec solvisset quicquid sibi debebatur. ³⁵Sic meus quoque coelestis pater vobis faciet, nisi alii aliis ex animo delicta condonaveritis.

C A P U T XIX.

Conjugium, repudium, adulterium. Duplex eunuchus. Quorum sit coelum. Quis bonus. Opum pericula. Piorum praemia. In ecclesia anceps eventus.

POSTQUAM hanc orationem finivit Jesus, ex Galilaea profectus venit in Judaeae fines trans Jordanem, ²eumque secuta est ingens hominum multitudo, quos illic sanavit. ³Pharisaei vero eum, tentandi gratia, conveniunt, quaerentes an liceret viro uxorem suam qualibet de causa repudiare? ⁴Quibus ille respondit in hunc mo-

dum : Non legistis qui principio fecit *L*, hominem, *G*, eos marem et foeminam fecisse,⁵ atque ita pronunciatum esse ? Propterea relinquet vir patrem atque matrem, et adhaerebit uxori suae, fietque ex duobus una caro.⁶ Itaque non jam sunt duo sed una caro. Proinde quod Deus conjunxit, homo ne disjungat.⁷ Et illi : Cur ergo praecepit Moses divortii tabulam dari uxoremque repudiari ?⁸ Quibus ille : Moses utique propter vestram pervicaciam vobis uxores vestras repudiare permisit : verum principio non fuerat ita factitatum.⁹ Atque hoc scitote, quisquis uxorem suam repudiaverit (nisi ob stuprum) et aliam duxerit, eum adulterare : et qui repudiatam duxerit, eum adulterare.¹⁰ Huic discipuli : Si ea est (inquiunt ei) viri cum uxore conditio, non expedit connubia conjungere.¹¹ Quibus ille : Non omnes hanc rem praestare possunt : sed quibus datum est.¹² Sunt enim quidam castrati, qui sic ab utero matris nati sunt. Sunt et castrati qui ab hominibus castrati sunt : item sunt castrati, qui seipfos, propter regnum coeleste castrarunt. Qui praestare potest, praestato.¹³ Tunc adducti sunt ei pueri, ut manus eis imponeret, et oraret. Ac discipulis illos objurgantibus, ¹⁴ Jesus ita dixit : Sinite pueros, nec eos ad me venire prohibete. Nam talium est coeleste regnum.¹⁵ Deinde cum illis manus imposuisset, digressus est illinc.¹⁶ Tum quidam eum convenit his verbis : Magister bone, quid boni faciam, ut vitam adipiscar aeternam ? ¹⁷ Cui ille : Quid me dicis bonum ? Nullus est bonus, nisi unus Deus. Quod si vis in vitam ingredi, exequere praecepta.¹⁸ Quenam ? inquit ille. Et Jesus :

Illam inquit : Ne occidito : Ne adulterato : Ne furator :
Falsum testimonium ne dicito : ¹⁹Honora patrem atque
matrem : et, Alterum ut teipsum diligito. ²⁰Et adoles-
cens : Omnia ista (inquit ei) executus sum a pueritia,
Quid mihi restat ? ²¹Et Jesus : Si vis esse perfectus (in-
quit ei) i venditum facultates tuas ; inque pauperes e-
rogato, habiturus in coelo thesaurum : deinde adesto,
et me sequere. ²²His verbis auditis adolescens abiit,
dolens : quippe qui multas facultates haberet. ²³At
Jesus suos discipulos alloquens : Hoc vobis, inquit,
confirmo, divitem difficulter in coeleste regnum ingre-
di. ²⁴Iterumque hoc vobis dico, facilius esse rudentem
per foramen acus trajici, quam divitem in Dei reg-
num intrare. ²⁵Hoc audito, admodum stupefacti ejus
discipuli, dicere, Quis ergo servari potest ? ²⁶Quos in-
tuitus Jesus, dixit eis : Ab hominibus hoc fieri non po-
test : at a Deo fieri possunt omnia. ²⁷Tum Petrus ita lo-
quitur : En nos reliquimus omnia, teque secuti sumus :
quod ergo hinc assequemur ? ²⁸Et Jesus : Hoc vobis
confirmo (inquit eis) vos qui me secuti estis, in renovata
vita, cum sedebit filius hominis in suo glorioso tribunali,
sessuros esse vos quoque in duodecim tribunalibus, judi-
cantes duodecim tribus Israelitarum. ²⁹Et quisquis do-
mos, aut fratres, aut sorores, aut patrem, aut matrem
aut uxorem, aut liberos aut agros mei nominis causa
reliquerit, is centuplum adipiscetur, et vitam obtinebit
sempiternam. ³⁰Sed multi primi erunt ultimi, et ultimi
primi.

In vinea, operariorum praemia. Mors Christi praedicta, et reditus in vitam. Quis Christo primus, quis postremus. Quorum sum Christus. Caeci duo.

PERINDE enim accidit in coelesti regno, ac in homine patrefamilias, qui exiit primo mane ad conducendos operarios in vineam suam, ² pactusque operariis singulos denarios in diem, dimisit eos in vineam suam. ³ Deinde circa tertiam horam egressus vidit alios in foro stantes ociosos. ⁴ Et, Ite (inquit eis) vos quoque in vineam meam : et quod aequum erit dabo vobis. ⁵ Atque illi iverunt. Item circa septimam et nonam horam egressus, fecit similiter. ⁶ Circa undecimam autem horam egressus, offendit alios stantes ociosos : et, Quid hic statis (inquit eis) totum diem ociosi ? ⁷ Cui illi : Quia nemo nos conduxit, inquiunt. Et ille : Ite et vos (inquit) in vineam meam, et quod erit aequum, accipietis. ⁸ Sub vesperam autem jubet vineae dominus procuratori suo, ut vocet operarios, eisque ab ultimis exorfus ad primos, mercedem solvat. ⁹ Ita cum venissent qui circa undecimam horam venerant, acceperunt singulos denarios : ¹⁰ Item primi cum venissent, arbitrati se plus accepturos, acceperunt et ipsi singulos denarios : ¹¹ quibus acceptis, fremebant contra patremfamilias, ¹² dicentes : Hi postremi unam horam operati sunt, et tu eos nobis pares fecisti, qui diei onus ardoremque pertulimus. ¹³ At ille respondens dixit eorum uni : Amice, non facio tibi injuriam. Nonne mecum denario convenisti ? ¹⁴ Aufer tuum et abi. Volo autem huic ultimo tantum dare,

quantum tibi. ¹⁵An mihi non licet meis uti meo arbitratu? An tuus oculus malus est, quoniam ego bonus sum? ¹⁶Ita erunt et ultimi primi, et primi ultimi. Multi enim sunt vocati, sed pauci electi. ¹⁷Ascendens autem Jesus Hierosolyma, assumpsit duodecim discipulos seorsum in via, eisque dixit, ¹⁸En ascendimus Hierosolyma, et filius hominis Pontificibus Scribisque tradetur, qui eum capite damnatum, ¹⁹tradent externis illudendum, et verberandum et crucifigendum, isque die tertio resurget. ²⁰Tunc eum aggressa mater filiorum Zebedaei cum suis filiis, honore praebito, petebat aliquid ab eo. ²¹Cui ille: Quid vis? inquit. Et illa: Jube (inquit ei) ut hi duo mei filii tibi alter dexter, alter sinister affideant in regno tuo. ²²At Jesus respondens: Nescitis quid petatis. Potestis idem bibere poculum, quod ego bibiturus sum? et eodem baptismo, quo ego baptizandus sum, baptizari? Possumus, inquiunt illi. ²³Et ille: Meum quidem poculum bibetis; inquit, meoque baptismo baptizabimini. Sed ut mihi dextra laevaue affideatur, non est meum dare, nisi quibus id paratum est a patre meo. ²⁴Hoc audito, reliqui decem indignati sunt ob duos fratres. ²⁵At Jesus advocatis eis dixit: Scitis, gentium principes in eas dominari et magnos viros in eas potestatem obtinere. ²⁶Inter vos non sic agetur: quin qui volet in vobis maximus fieri, sit vester famulus: ²⁷et qui volet in vobis esse primus, esto servus vester: ²⁸sicut filius hominis non venit ut sibi ministretur, sed ut ministret ipse, animamque suam in multorum liberationem impendat. ²⁹Eis autem Hierichunte disce-

dentibus, cum eum sequeretur frequens hominum multitudo, ³⁰caeci duo secundum viam sedentes, ubi audiverunt praeterire Jesum, sic exclamarunt: Miserere nostri, Domine Davidide. ³¹Cumque vulgo objurgarentur, ut tacerent, eo clamabant altius, dicentes: miserere nostri, Domine Davidide. ³²Tum Jesus restitit, et eos vocavit: Quid vultis, inquit, ut vobis faciam? ³³Cui illi: Domine, inquiunt, ut nostri aperiatur oculi. ³⁴Jesus vero misericordia motus, eorum tetigit oculos, statimque illi oculis viderunt, et eum secuti sunt.

CAPUT XXI.

Christus ovans asina. Profanatum templum. Ficus arida. Fidei vis, ac precum. Seniorum confutatio. Gemini fratres ad vineam. Vineae parabola secunda. Repudiatus lapis. Gentium gratia: in Christum insidiae.

POSTQUAM autem Hierosolymis propinquarunt, et Bethphage ad olivarum montem venerunt, misit Jesus duos discipulos, ²dicens eis: Ite in vicum qui contra vos est, et protinus invenietis asinam ligatam, et pullum cum ea: solvitote, et mihi adducitote. ³Quod si quis vobis aliquid dixerit, dicetis, Dominum eis egere, et statim dimittet eos. ⁴Hoc autem totum factum est, ut id accideret quod a vate dictum fuerat his verbis. ⁵Dicite puellae Sioni: Ecce rex tuus tibi venit mansuetus, insidens asinae, et afello jumentum pullo. ⁶Igitur profecti discipuli, fecerunt sicut mandaverat eis Jesus, ⁷asinamque et pullum adduxerunt, et eis vestimenta sua im-

posuerunt, et eum super ea collocarunt. ⁸Maxima autem hominum multitudo suis vestimentis viam conster-
nere: alii abscissos ex arboribus ramos per viam ster-
nere. ⁹Vulgus autem partim praecedens, partim subse-
quens, sic acclamare: Hosanna Davididae, bene sit ei qui
venit in nomine Domini. Hosanna in supremis. ¹⁰Eo
autem ingresso Hierosolyma, commota est tota civitas,
dicens: Quis est hic? ¹¹Vulgus autem dicebat: Hic est
Jesús vates, a Nazareth Galilaeae. ¹²Et Jesús in Dei
templum ingressus, ejecit omnes in templo vendentes et
ementes, et nummulariorum mensas sellasque venden-
tium columbas evertit. ¹³Scriptum est, inquit eis: Do-
mus mea domus supplicationis vocabitur: at vos ex ea
fecistis speluncam latronum. ¹⁴Cumque eum caeci et
claudi in templo adiissent, sanavit eos. ¹⁵Pontifices et
Scribae videntes quam mira fecisset, et pueros in fano
Hosanna Davididae acclamantes, indignati dixerunt ei:
¹⁶Audis quid hi dicant? Etiam, inquit eis Jesús. Nun-
quamne legistis? Per os infantium ac lactentium laudem
condis. ¹⁷Deinde relictis illis, profectus ab urbe est Be-
thaniam, ibique diversatus. ¹⁸Mane autem urbem repe-
tens esuriit: ¹⁹et animadversa quadam apud viam ficu,
venit ad eam: cumque nihil in ea, nisi folia duntaxat,
invenisset, dixit ei: Ne posthac ex te fructus oriatur
unquam: statimque ficus aruit. ²⁰Quo viso, admirati
discipuli dicere: Ut subito aruit ficus! ²¹Quibus respon-
dit Jesús: Hoc vobis confirmo, si fiduciam habebitis,
neque dubitabitis, non solum hoc de ficu facietis, ve-
rum etiam si huic monti jusseritis ut amoveatur, et in

mare projiciatur, fiet : ²²ac quicquid precibus fidenter petieritis, obtinebitis. ²³Cum venisset autem in fanum, pontifices et populi senatores eum docentem conveni-
runt his verbis : Qua potestate ista facis : et quis tibi potestatem istam dedit ? ²⁴Quibus respondens Jesus, Rogabo vos ego vicissim quiddam, quod si mihi dixeritis, ego quoque vobis dicam qua potestate haec faciam. ²⁵Baptisma Johannis unde erat ; a coelone, an ab hominibus ? At illi sic apud sese ratiocinari : Si dixerimus a coelo, dicet nobis, Cur ergo ei non credidistis ? ²⁶Si dixerimus ab hominibus, vulgus metuimus : omnes enim Johannem pro vate habent. ²⁷Itaque Jesu sic responderunt : Nescimus. Et ille : Nec ego vobis dico, inquit, qua haec potestate faciam. ²⁸Quid vobis autem videtur ? Habebat homo quidam duos natos, quorum priorem aggressus est his verbis : Nate, abi ad faciendum opus hodie in vinea mea. ²⁹Cui ille respondens : Nolo, inquit : post tamen mutata sententia ivit. ³⁰Alterum item iisdem verbis aggressus est. Atque ille, Faciam, Domine, inquit respondens : neque tamen ivit. ³¹Uter paruit voluntati patris ? Prior, inquit ei. Et Jesus : Credite mihi, publicani et meretrices antecedunt vos in regnum Dei. ³²Venit enim ad vos Johannes iustitiae via, cui vos tamen non credidistis, cum publicani et meretrices crediderint : quod vos cum videritis, non mutastis tandem sententiam, ut ei crederetis. ³³Aliud exemplum audite. Fuit quidam paterfamilias, qui vineam conseravit, et septo circumdedit, in eaque torcular defixit et turrim extruxit, eamque agricolis elocavit,

deinde peregre profectus est. ³⁴Postea instante tempore fructuum, misit servos suos ad agricolas ad ejus fructus percipiendos. ³⁵At agricolae comprehensos ejus servos partim pulsarunt, partim interfecerunt, partim lapidarunt. ³⁶Ille rursus alios plures prioribus misit, sed illi eis idem fecerunt. ³⁷Postremo misit ad eos filium suum, ita cogitans : reverebuntur filium meum. ³⁸Agricolae vero, viso filio, sic inter sese dixerunt : Hic est haeres, agite interficiamus eum, et ejus haereditatem occupemus. ³⁹Itaque eum ceperunt ; et ejectum extra vineam peremerunt. ⁴⁰Cum ergo venerit vineae dominus, quid faciet illis agricolis ? ⁴¹Cui illi : Malos male perdet, inquit, et vineam aliis elocabit agricolis, qui ei fructus pendent suis temporibus. ⁴²Et Jesus : Nunquamne legistis (inquit eis) in literis ? Quem lapidem improbarant structores, is adhibitus est ad caput anguli : id quod a Domino profectum est, et nobis mirum videtur. ⁴³Quamobrem scitote, auferendum a vobis Dei regnum, et genti dandum fructus editurae. ⁴⁴Ac qui in eum lapidem ceciderit, confringetur : et in quem lapis inciderit, eum conteret. ⁴⁵Igitur Pontifices et Pharisaei, auditis ejus exemplis, intellexerunt eum de ipsis dicere : ⁴⁶sed eum volentes comprehendere, timuere vulgus, quod eum pro vate habebat.

C A P U T XXII.

Regiae nuptiae. Sordidus conviva. Electi. Judaeorum insidiae, captiones. Tributa. Sadducaeorum rejectio. Praeceptorum summa. Phariseorum ignorantia.

AT Jesus eos iterum his verbis per similitudines allocutus est, ²In regno coelesti similiter accidit atque in rege quodam, qui, filii sui nuptias facturus, ³dimisit servos suos, qui invitatos ad nuptias vocarent. Sed illi noluerunt venire. ⁴Itaque alios item servos misit, dicens: Dicite invitatis, me meum parasse prandium: meos juvencos et altilia esse mactata, et omnia parata, veniant ad nuptias. ⁵At illi neglexerunt, et discesserunt alius in suum praedium, alius ad mercaturam suam. ⁶Caeteri comprehensos ejus servos cum ignominia peremerunt. ⁷Quo audito iratus rex, missis eo suis copiis, homicidas illos perdidit, eorumque urbem cremavit. ⁸Deinde suis servis ita dixit: Nuptiae quidem paratae sunt: sed invitati non erant digni. ⁹Quamobrem abite in trivia, et quoscunque inveneritis, vocate ad nuptias. ¹⁰Ita profecti in vias illi servi, congregarunt quotquot invenerunt, tum malos, tum bonos, ita ut complerentur nuptiae convivis. ¹¹Ingressus autem rex ad convivas spectandos, animadvertit ibi quendam non nuptiali vestitu indutum, ¹²et, Amice, inquit ei, quid sit ut huc intraveris sine vestimento nuptiali? Cumque ille obmutisset, ¹³jussit rex famulis, ut eum pedibus manibusque constrictum, in penitissimas tenebras compingerent, ubi futurus esset ploratus stridorque dentium. ¹⁴Multi enim sunt vocati, sed pauci electi. ¹⁵Tunc Phariseaeque consilium captum iverunt, de eo in verbis illaqueando, ¹⁶Eique discipulos suos cum Herodianis miserunt, qui dicerent: Magister, scimus te veracem esse, divinamque vitae viam vere docere, neque quenquam curare, quippe qui

non spectes hominum personam. ¹⁷Dic ergo nobis quid censeas, liceatne pendere tributum Caesari, necne? ¹⁸At Jesus cognita eorum malitia, dixit: Quid me tentatis? simulators: ¹⁹Ostendite mihi nummum tributarium. Illi ei denarium attulerunt. ²⁰Et ille: Cujus est imago haec, inquit eis, et inscriptio? ²¹Cui illi, Caesaris, inquit. Tunc ille, Solvite igitur (inquit eis) quae sunt Caesaris Caesari, et quae Dei Deo. ²²Hoc audito, admirati illi, eo relicto discesserunt. ²³Illo die convenerunt eum Sadducaei, qui negant esse resurrectionem, eumque in hunc modum interrogarunt: ²⁴Magister, jussit Moses, ut si quis mortuus fuerit sine liberis, ducat ejus frater ejus uxorem, fratrique suo prolem suscitet. ²⁵Fuerunt autem apud nos fratres septem, quorum primus uxore ducta obiit, et prole carens reliquit uxorem suam fratri suo. ²⁶Itidem et alter, et tertius, usque ad septem. ²⁷Postremo omnium mortua est etiam mulier. ²⁸Igitur, in resurrectione, cujus ex septem erit uxor, cum omnes eam habuerint? ²⁹At Jesus respondens illis: Erratis, inquit, non intelligentes literas, neque Dei potestatem. ³⁰Siquidem in resurrectione nec viri ducunt uxores, nec foeminae nubunt: sed divinorum angelorum similes sunt in coelo. ³¹De resurrectione autem mortuorum non legistis quod vobis a Deo his verbis dictum est? ³²Ego sum Deus Abrahami, Deus Isaaci, et Deus Jacobi. Non est Deus mortuorum Deus, sed viventium. ³³Hoc audito, stupebant vulgo ejus doctrinam. ³⁴Pharisaei vero audientes ab eo confutatos Sadducaeos, coiverunt eodem: ³⁵eumque quidam eorum, legisperitus,

tentari
praece
num
amato
Alter
amato
pende
eos Je
cujus
Qui f
Domi
meo,
cero f
Domi
nemo
die qu

Verus a
conf
quis
Hie

T
e
3 Quic
mini e
enim,
et por

tentandi gratia sic interrogavit: ³⁶Magister, quodnam praeceptum est in lege maximum? Cui Jesus: ³⁷Dominum Deum tuum toto corde, toto animo, tota mente amato: ³⁸hoc est primum et maximum praeceptum. Alterum autem est huic simile. ³⁹Alterum ut teipsum amato: ⁴⁰Ab his duobus praeceptis tota lex vatesque pendent. ⁴¹Congregatis autem Phariseis, interrogavit eos Jesus in hunc modum: ⁴²Quid censetis de Christo? cujus prognatum fore? Davidis, inquit ei. ⁴³Et ille: Quis fit ergo (inquit eis) ut eum David afflatu divino Dominum vocet, ita dicens: ⁴⁴Ait Dominus Domino meo, sede ad meam dextram, donec tuos hostes effecero scabellum pedum tuorum. ⁴⁵Quod si eum David Dominum vocat, quis fit ut sit ejus prognatus? ⁴⁶Itaque nemo ei quicquam respondere potuit, nec eum ab illo die quisquam deinceps interrogare ausus est.

CAPUT XXIII.

Verus doctor; sceleratus, Pharisei in praeceptis, fimbriis, mensis, consilio, foro, titulis. Magister qui. Studium mutuum. Pater quis, ac doctor. Elatio: Humilitas. Hypocritae increpati. Hierosolyma pertinax.

TU NC Jesus plebem discipulosque suos sic allocutus est. ²In Moſis ſede ſedent Scribae et Pharifaei. ³Quicquid igitur vobis dixerint exequendum, exequimini et facite; ſed eorum facta nolite imitari. Dicunt enim, nec faciunt: ⁴quippe qui colligent onera gravia et portatu difficilia, aliorumque humeris imponant, cum

ea ipsi ne digito quidem movere velint. ⁵Omnia autem opera sua faciunt, ut spectentur ab hominibus : utuntur autem latis custoditoriis magnisque vestimentorum limbis atque laciniis, ⁶amantque primas in coenis accubationes, et primas in collegiis sessiones, ⁷et in foris salutationes, et ab hominibus vocitari Rabbi. ⁸At vos nolite vocari Rabbi : unus est enim rector vester Christus, vos vero omnes estis fratres. ⁹Neve patrem vobis in terris vocate : unus est enim vester pater qui est in coelis. ¹⁰Neque rectores vocemini : unus est enim vester rector Christus, ¹¹quin vestrum maximus vester sit famulus. ¹²Quisquis vero seipsum extulerit deprimetur : et quisquis seipsum deprefferit, extolletur. ¹³Vae vobis autem Scribae et Pharisei simulatores, qui coeleste regnum aliis praecluditis, utpote qui nec intretis ipsi, nec intrare conantes finatis intrare. ¹⁴Vae vobis Scribae et Pharisei simulatores, qui viduarum domos comeditis, idque longarum precum praetextu, itaque eo graviores dabitis poenas. ¹⁵Vae vobis Scribae et Pharisei simulatores, qui et mare et terram peragrat, ut unum asciscatis adventitium : quod ubi factum est, efficitis eum duplo gehenna digniorem quam estis vos. ¹⁶Vae vobis duces caeci, qui dicitis, si quis per templum juret, nihil esse ; si quis per templi aurum juret, eum teneri. ¹⁷O stulti et caeci : utrum enim majus est, aurum an templum quod aurum consecrat ? ¹⁸Item si quis per aram juraverit, id nihil esse : at si quis per donarium quod in ea est juraverit, eum teneri. ¹⁹O stulti et caeci, utrum enim majus est ? donarium ? an ara quae donarium con-

secrat? ²⁰Itaque qui per aram jurat, is et per eam jurat; et per quicquid est super ea. ²¹Et qui per templum jurat, is et per id jurat, et per ejus incolam. ²²Et qui per coelum jurat, is et per Dei solium jurat, et per eum qui sedet in eo. ²³Vae vobis Scribae et Pharisei simulatores, qui mentam et anethum, et cuminum decumatis, omiſſis quae sunt in lege graviora, ſcilicet jure, et pietate, atque fide. Oportebat et haec facere, et illa non omittere. ²⁴O duces caeci, qui culicem percolatis, et camelum deglutitis. ²⁵Vae vobis Scribae et Pharisei simulatores; qui poculi ſcutellaeque partem exteriorem purgatis, cum ea intus rapinâ intemperantiaque referta ſint. ²⁶O Phariseae caece, purga prius interiora poculi et ſcutellae; ut eorum exteriora quoque pura ſint. ²⁷Vae vobis Scribae et Pharisei simulatores, qui ſimiles eſtis incruſtatis ſepulchris, quae foris quidem pulchra videntur, ſed intus oſſibus mortuorum, et omni foeditate plena ſunt. ²⁸Sic et vos foris quidem aliis juſti eſſe videmini, ſed intus ſimulationis eſtis ſclerisque pleni. ²⁹Vae vobis Scribae et Pharisei simulatores, qui vatum ſepulchra extruitis, et juſtorum monumenta ornatis, ³⁰dicitisque: Si majorum noſtrorum temporibus fuiſſemus, non fuiſſemus eorum in vatum ſanguine ſocii. ³¹Itaque ipſi de vobis teſtaminī, vos eorum eſſe poſteros, qui vates interfecerunt. ³²Et vos majorum veſtrorum meſuram complere. ³³Serpentes, viperina progenies, poteritisne gehennae ſupplicium effugere? ³⁴Itaque ego ad vos miſſurus ſum vates, et ſapientes et literatos, quos partim interficietis, ac in crucem tolletis, partim verberabitis

in vestris collegiis, ac ex alia in aliam urbem persequimini, ³⁵ut in vos expetat omnis innocens sanguis in terris effusus, ab Abelis iusti sanguine, usque ad Zachariae sanguinem, Barachae filii, quem vos inter aedem et aram necestis. ³⁶Itaque certo scitote horum omnium poenas daturam esse nationem hanc. ³⁷Hierosolyma, Hierosolyma, quae vates occidis, et ad te missos lapidas, quoties volui congregare tuos natos, quomodo gallina suos pullos sub alas congregat; et nolulistis. ³⁸Scitote vestram domum vobis desertam relictum iri. ³⁹Sic enim habetote, vos non esse me visuros deinceps, donec dicatis, Bene sit venienti in nomine Domini.

C A P U T XXIV.

Templi solo aequatio. Caedes. Fidelium angustiae. Pseudo-vates: Consilium afflictis. Orbis iudicium. Christi reditus. Veritatis firmitas. Cui nota iudicii momenta. Servus diligens ac nequam.

CUM autem egressus Iesus discederet ex fano, venerunt ejus discipuli ostensum ei templi structuram. ²At Iesus: Videtisne haec omnia; inquit eis: hoc vobis confirmo, fore ut hic nullus lapis super lapide relinquantur, quin diruatur. ³Sedentem autem eum in monte olivarum, aggressi sunt discipuli seorsum his verbis, Dic nobis quando haec futura sint, et quod signum sit adventus tui, interitusque mundi. ⁴Quibus Iesus ita respondit: Videte ne quis vos fallat. ⁵Multi enim venient

in meo nomine, qui se Christos esse dicent, multosque decipient. ⁶Futurum est autem ut bella bellorumque rumores audiat: videte ne perturbemini: oportet enim omnia fieri, sed nondum finis erit. ⁷Consurget enim gens contra gentem, et regnum contra regnum, eruntque fames et pestes et terrae motus certis locis: ⁸quae omnia principium erunt dolorum. ⁹Tunc in calamitatem trademini, et occidemini, eritisque cunctis gentibus inuisi propter nomen meum. ¹⁰Ac tum quidem deficient multi, et alius alium prodent, atque oderint: ¹¹existentque multi falsi vates, qui multos decipient. ¹²Et quia tot erunt scelera, refrigescet multorum charitas. ¹³Qui autem ad finem perseveraverit, is servabitur. ¹⁴Praedicabitur autem hoc regium evangelium per totum orbem, quod sit cunctis gentibus testimonio, ac tum veniet finis. ¹⁵Cum autem calamitosum nefas (quod a Daniele vate praedictum est) stare videritis in loco sacro; qui legit, intelligat: ¹⁶tunc qui erunt in Iudaea, fugiant in montes: ¹⁷qui erit in tecto, ne descendat ad auferendum aliquid ex domo sua: ¹⁸et qui erit ruri, ne retro revertatur ad tollenda sua vestimenta. ¹⁹Hei ventrem ferentibus, et lactantibus in illo tempore. ²⁰Optate vero, ut non accidat vestra fuga in hyeme, nec in Sabbato. ²¹Erit enim tunc tanta calamitas, quanta nec hactenus ab orbe condito fuit, nec futura est: ²²quod nisi decurtaretur illud tempus, nemo prorsus evaderet: sed propter electos decurtabitur illud tempus. ²³Tunc, si quis vobis dixerit: Ecce hic Christus, aut hic, ne creditote; ²⁴existent enim falsi Christi, falsique vates, qui tanta por-

tenta ac prodigia edent, ut decipiantur (si fieri posset) etiam electi. ²⁵En praedixi vobis. ²⁶Si igitur vobis dicetur in sylvis adesse, ne exitote : si in penetralibus, ne creditote. ²⁷Ut enim fulgur ab Oriente profectum apparet ad Occidentem, sic erit adventus filii hominis. ²⁸Nam ubicunque erit cadaver, eo congregabuntur aquilae. ²⁹Protinus autem post illius temporis calamitatem, sol obscurabitur, neque luna suum splendorem emittet, et stellae de coelo cadent, coelique potestates concutientur ; ³⁰ac tum apparebit in coelo signum filii hominis. Tum vero plangent omnes terrarum nationes, videbuntque filium hominis venientem in coelestibus nimbibus, cum multa potentia atque gloria, ³¹qui suos nuncios mittet cum vocalissima tuba, qui ejus electos a quatuor ventis, ab extremo coeli ad alterum extremum congregabunt. ³²A ficu autem discite similitudinem. Cum jam ejus rami tenerescunt, et enascuntur folia, cognoscitis instare aestatem. ³³Sic vos quoque, cum haec omnia videbitis, scitote instare prae foribus, ³⁴Hoc vobis confirmo, non prius hanc aetatem praeterituram esse, quam fiant haec omnia. ³⁵Etiamsi coelum et terra intereant, mea dicta non interiebunt. ³⁶Caeterum illam diem atque horam nullus scit, ne coelestes quidem angeli, sed meus pater solus. ³⁷Ut autem accidit tempore Noe, sic etiam erit adventus filii hominis. ³⁸Ut enim tempore, quod fuit ante diluvium, comedebatur, potabatur, contrahebantur invicem matrimonia, usque ad diem quo Noe in arcam ingressus est, ³⁹nec ante cognitum est quam venit diluvium, quod omnes sustulit : sic

erit etiam adventus filii hominis. ⁴⁰Tunc ex duobus, qui ruri erunt, alter assumetur, alter relinquetur: ⁴¹ex duobus in pistrino molentibus, altera assumetur, altera relinquetur. ⁴²Vigilate igitur, quandoquidem nescitis qua hora vester herus venturus sit. ⁴³Illud autem scitis, si sciret paterfamilias qua vigilia fur venturus esset, vigilaturum esse, neque domum suam perfodi passurum: ⁴⁴Quapropter vos quoque estote parati: nam qua hora non arbitramini, venturus est filius hominis. ⁴⁵Quod si quis est fidelis servus, atque prudens, quem herus praeferit suae familiae, ut ei alimoniam suo tempore praebeat; ⁴⁶beatus est ille servus quem cum venerit ejus herus, offenderit suum officium facientem: ⁴⁷profecto (inquam vobis) eum suis omnibus praeponet facultatibus: ⁴⁸Quod si malus ille servus cum suo animo cogitans, herum suum diu adventum differre; ⁴⁹coeperit pulsare conservos, epularique et potare cum vinolentis: ⁵⁰veniet illius servi dominus inexpectato ei die, ignotaque hora, ⁵¹et eum dissecabit, ac ad simulatorum conditionem rediget, ubi ploratus erit stridorque dentium.

C A P U T XXV.

Virgines obviae sponso. Vigilantia. Attributa talenta. Orbis judicium. Beati, miserieque.

TUNC similiter accidet in regno coelesti, atque in decem virginibus, quae sumptis suis lucernis profectae sunt obviam sponso. ²Erant autem earum quinque stultae, et totidem prudentes: ³quae quidem stultae,

sumptis suis lucernis, non sumpserunt secum oleum : ⁴at
prudentes oleum cum lucernis sumpserunt in suis vasis.
⁵Tardante autem sponso, dormitarunt omnes, dormie-
runtque. ⁶Deinde media nocte clamor extitit : Adven-
tat sponsus, prodite ei obviam. ⁷Tunc surrexerunt om-
nes illae virgines, suasque lucernas adornarunt. ⁸At
fatuae prudentibus dixerunt : Impertite nobis de oleo
vestro, nam lucernae nostrae extinguuntur. ⁹Sed pru-
dentes eis ita responderunt : Quid si non fatis sit nobis
et vobis ? quin ite potius ad venditores et vobis emite.
¹⁰Euntibus autem illis ad emendum, venit sponsus cum
quo quae paratae erant ingressae sunt ad nuptias, clau-
saeque sunt fores. ¹¹Postea veniunt et reliquae virgi-
nes : et Domine, Domine, inquit, aperi nobis. ¹²At
ille; profecto non novi vos, inquit respondens; ¹³Quam-
obrem vigilate, quandoquidem diem aut horam nesci-
tis, qua sit venturus filius hominis. ¹⁴Quemadmodum
homo quidam peregre profecturus, vocavit servos suos,
eisque facultates suas tradidit : ¹⁵et uni quinque talenta
dedit, alteri duo, alteri unum, pro sua cuique facultate :
deinde continuo peregre profectus est. ¹⁶Igitur qui quin-
que talenta acceperat, ivit ea negotiatum, et alia quin-
que talenta peperit. ¹⁷Similiter et qui duo, lucratus est
ipse quoque altera duo. ¹⁸Qui vero unum acceperat,
ivit cavatum terram, dominique sui pecuniam abdidit.
¹⁹Multo post tempore venit servorum illorum dominus,
et cum eis rationes confert. ²⁰Igitur qui quinque talenta
acceperat, accessit, et altera quinque obtulit, dicens :
Domine, tu mihi quinque talenta tradidisti : en ego al-

ter:
(in
fide
volu
et I
qua
(in
fidus
mini
perat
homi
et in
ratur
minu
cum
gere
mitte
foeno
et ei
benti
bet, e
vum c
que de
sua glo
debit i
gabunt
quemad
que ov
34 Dein

tera quinque per ea lucratus sum. ²¹Et Dominus : Recte (inquit ei) serve bone et fidelis : ego te, qui in paucis fidelis fueris, multis praeificiam : ingredi in Domini tui voluptatem. ²²Item qui duo talenta acceperat, accessit : et Domine, inquit, tu mihi duo talenta tradidisti : per quae ego altera duo lucratus sum. ²³Et Dominus : Recte (inquit ei) serve bone et fidelis, quoniam tu in paucis fidus fuisti, ego te multis praeificiam : ingredi in Domini tui voluptatem. ²⁴Qui vero unum talentum acceperat, accessit et ipse : et, Domine, inquit, sciebam te hominem esse severum, qui et metas ubi non seminasti, et inde colligas ubi non impendisti. ²⁵Id veritus, ivi obrutum humi tuum talentum : en habes tuum. ²⁶At Dominus ei respondens : Nequam, inquit, et ignave serve, cum scires me et metere ubi non seminavi, et inde colligere ubi non impendi. ²⁷Debuiisti meam pecuniam committere mensariis : ita ego cum venissem, meum cum foenore recepissem. ²⁸Quamobrem auferte ei talentum, et ei date qui habet talenta decem. ²⁹Nam omni habenti dabitur ; ita ut abundet : ab eo vero qui non habet, etiam quod habet auferetur. ³⁰Inutilem vero servum conjicite in imas tenebras, ubi sit ploratus stridorque dentium. ³¹Cum autem venerit filius hominis cum sua gloria, necnon omnes sancti angeli cum eo, tum sedebit in suo glorioso tribunali, ³²coramque eo congregabuntur gentes omnes, isque eos alios ab aliis separabit, quemadmodum separat pastor oves ab hoedis, ³³statuetque oves ad dexteram suam, hoedos autem ad laevam. ³⁴Deinde dicet rex eis qui erunt ad ejus dexteram :

Adeste beati patris mei, possidete paratum vobis regnum ab orbe condito; ³⁵Nam cum esurirem, dedistis mihi comedere: cum sitirem, bibere: me, cum hospes essem, accepistis: ³⁶cum nudus, vestivistis: cum aeger, visitastis: cum in custodia, visistis. ³⁷Tum iusti sic ei respondebunt: Domine, quando te vidimus esurientem, ut paverimus? aut sitientem, ut potum dederimus? ³⁸quando autem te vidimus hospitem, ut acceperimus? aut nudum, ut vestierimus? ³⁹quando autem te vidimus aegrum aut vinctum ut inviserimus? ⁴⁰Quibus respondit rex: Certo scitote, quatenus vel minimo horum meorum fratrum fecistis, vos mihi fecisse. ⁴¹Deinde dicet sinistris: Faceffite a me, execrabiles, in ignem sempiternum, Diabolo ejusque angelis paratum: ⁴²qui mihi nec esurienti cibum, nec sitienti potionem dederitis, ⁴³nec hospitem acceperitis, nec nudum vestieritis, nec aegrum et vinctum visitaveritis. ⁴⁴Tum illi quoque sic ei respondebunt: Domine, quando te vidimus esurientem, aut sitientem, aut hospitem, aut nudum, aut aegrum, aut vinctum, neque subvenimus? ⁴⁵Quibus ille sic respondebit: Profecto (inquam vobis) quatenus vel minimo horum non fecistis, mihi non fecistis. ⁴⁶Ita abibunt hi in poenam sempiternam: iusti vero in vitam sempiternam.

C A P U T XXVI.

In Jesum consilium. Apud Simonem unguentum. Judas proditor. Pascha, Coena Christi. Petrus audax. Jesus orans. Discipulorum Sopor. Petrus vulnerat. Vulnerantis poena. Discipuli

*rum fuga. Jesus tractus ad Caiapham. Petri abnegatio, per-
jurium, poenitentia.*

POSTEAQUAM hanc omnem orationem absolvit Jesus,
sic allocutus est suos discipulos. ²Scitis post biduum
actum iri Pascha, cum quidem filius hominis tradetur ad
crucifigendum. ³Tunc coiverunt Pontifices, et Scribae,
et senatores populi, in atrium Pontificis qui dicebatur
Caiaphas, ⁴et consultarunt de Jesu fraudulenter capi-
endo, ac interficiendo. ⁵Sed id festo die faciendum esse
negabant, ne tumultus fieret in populo. ⁶Cum esset au-
tem Jesus Bethaniae in aedibus Simonis Leprosi, ⁷acces-
sit ad eum mulier, alabastrum habens unguenti preciosi;
quo ejus accumbentis caput perfudit. ⁸Quo viso, ejus
discipuli indignati dicere: Quorsum ista profusio? ⁹cum
posset unguentum hoc vaenire multo, et in pauperes ero-
gari: ¹⁰id quidem animadvertens Jesus dixit eis? Quid
negotium facessitis mulieri? cum opere bono functa sit
erga me. ¹¹Semper enim pauperes habebitis vobiscum,
at me non semper habebitis. ¹²Nam quod haec unguen-
tum hoc in corpus meum contulit, id ad me sepeliendum
fecit. ¹³Pro certo habetote, fore ut ubicunque publica-
bitur evangelium hoc per totum orbem, dicatur id quo-
que, quod ea fecit, ad ejus memoriam. ¹⁴Deinde unus
ex duodecim, nomine Judas Iscariota, Pontifices aggres-
sus, quaesivit ex eis, ¹⁵ecquid sibi dare vellent, ut eum
illis proderet. Cui illi triginta pacti sunt nummos argen-
teos. ¹⁶Itaque deinceps quaerebat opportunitatem eum
prodendi. ¹⁷Primo autem Azymalium die, discipuli Je-
sum convenerunt, quaerentes ubinam vellēt ut ei Pascha

epulandum pararent. ¹⁸Quibus ille praecepit, ut in urbem irent ad quendam, eique sic dicerent: Magister dicit suum instare tempus, quo sit apud te acturus Pascha cum suis discipulis. ¹⁹Igitur fecerunt discipuli ut eis mandaverat Jesus, et Pascha praepararunt. ²⁰Vespere autem cum accumberet cum duodecim, ²¹epulantibus eis dixit: Certo scitote, fore ut unus vestrum me prodet. ²²Hic illi vehementer dolentes, coeperunt ei singuli dicere: Egone is sum, Domine? ²³Et ille respondens: Qui mecum manum, inquit, in catino intinxerit, is me prodet. ²⁴Abit quidem filius hominis, quomodo de eo scriptum est. Sed vae homini illi, per quem filius hominis prodendus est. Satius fuisset homini illi, non nasci. ²⁵Et Judas, ejus proditor, sic est locutus: Isne ego sum, Rabbi? Cui ille: Tu dixisti. ²⁶Epulantibus autem eis, Jesus panem cepit, actisque laudibus, fregit, deditque discipulis, et Accipite, inquit, comedite: hoc est corpus meum. ²⁷Deinde capto poculo, actisque laudibus, dedit eis, dicens: Bibite ex eo omnes: ²⁸Hic est enim sanguis meus novi foederis, pro multis effundendus ad veniam peccatorum. ²⁹Sic autem habetote, non me dehinc bibiturum esse de hoc fructu viteo, usque ad illam diem, quam bibam vobiscum novum in regno patris mei. ³⁰Deinde dictis laudibus, profecti sunt ad montem olivarum. ³¹Tum Jesus: Vos omnes, inquit eis, me deferetis hac nocte. Scriptum est enim: Percutiam pastorem et dispergentur oves gregis. ³²Sed postquam resurrexero, praecedam vos in Galilaeam. ³³At Petrus ei respondens: Etiam si te deseruerint omnes, ego tamen nun-

quam deferam. ³⁴Et Iesus: Hoc tibi confirmo, inquit ei, fore ut hac ipsa nocte, priusquam gallus cantet, tu me ter neges. ³⁵At Petrus: Etiam si mihi tecum moriendum sit, non te negabo. Similiterque etiam omnes discipuli dixerunt. ³⁶Tunc venit cum eis Iesus in locum nomine Gethsemane, et discipulos sic alloquitur: Sedete hic, dum ego illuc ad precandum eo. ³⁷Tum assumpto Petro, et duobus Zebedaei filiis, dolere coepit atque angi. ³⁸Deinde dicit eis Iesus: In tanto sum animi dolore, ut emoriar. Manete hic, et vigilate mecum. ³⁹Deinde paululum progressus, pronus procidit, et hunc in modum supplicat: Mi pater, si fieri potest, fac ut efugiam hoc poculum: quanquam non ut ego volo, sed ut tu. ⁴⁰Deinde venit ad discipulos, quos nactus dormientes, dicit Petro: Adeone non potuistis unam horam vigilare mecum? ⁴¹vigilate et orate, ne intretis in tentationem. Spiritus quidem promptus est, sed caro infirma. ⁴²Rursus iterato supplicatum ivit his verbis: Mi pater, si non potest hoc a me declinari poculum, quo minus id bibam, fiat quod tu vis. ⁴³Deinde ubi venit, offendit eos rursus dormientes: erant enim eorum oculi gravati. ⁴⁴Igitur relictis eis, rursus ivit oratum tertio iisdem verbis. ⁴⁵Deinde venit ad suos discipulos, et, Dormite dehinc, inquit eis, ac requiescite. En adest hora, qua filius hominis tradatur in manus improborum. ⁴⁶Surgite, eamus: en adest meus proditor. ⁴⁷Adhuc eo loquente, ecce aderat Judas unus ex duodecim, et una cum eo ingens multitudo, cum gladiis, et fustibus, a pontificibus senatoribusque populi. ⁴⁸Qui eum autem prodidit, de-

derat eis signum, dicens. Quem osculatus fuero, is est, eum comprehendite. ⁴⁹Igitur Jesum protinus aggressus, dixit: Ave Rabbi, eumque deosculatus est. ⁵⁰Et Jesus: Amice (inquit ei) quorsum ades? ⁵¹Tum illi Jesum aggressi manus in eum injecerunt, eumque comprehenderunt. Ecce autem unus comitum Jesu gladium suum ad-mota manu strinxit, et Pontificis servum percussit, eique auriculam amputavit. ⁵²Tum Jesus: Refer, inquit ei, gladium tuum in locum suum. Omnes enim qui gladio utuntur, gladio peribunt. ⁵³An existimas non posse me jam exorare patrem meum, ut mihi plusquam duodecim angelorum legiones praebeat? ⁵⁴Sed quo pacto confierent, quae fieri oportere proditum est literis? ⁵⁵Ea hora dixit Jesus illi multitudini: Vos quasi ad latronem profecti estis cum gladiis et fustibus ad me capiendum. Quotidie apud vos degebam, docens in fano, neque me comprehendistis. ⁵⁶Hoc vero totum factum est, ut vatum scripta comprobarentur. Tunc discipuli omnes, eo relicto, fugerunt. ⁵⁷Illi autem comprehensum Jesum abduxerunt ad Caiapham Pontificem, quo Scribae Senatoresque convenerant. ⁵⁸Petrus vero eum procul secutus est usque ad Pontificis atrium, et introgressus resedit cum ministris, ut exitum videret. ⁵⁹Pontifices autem et senatores totusque confessus quaerebant falsum testimonium contra Jesum, ut eum occiderent, ⁶⁰nec inveniebant: cumque multi accessissent falsi testes, tamen non inveniebant. Tandem acceperunt duo falsi testes, ⁶¹qui dixerunt eum dixisse, posse se Dei templum diruere, et triduo instaurare. ⁶²Tum Pontifex sur-

rexit, et ei dixit : Nihilne respondes ? quid testantur hi contra te ? ⁶³Cumque sileret Jesus, Pontifex eum his verbis affatus est : Obtestor te per Deum viventem, ut nobis dicas an tu sis Christus Dei filius. ⁶⁴Cui Jesus : Est ut dixisti, inquit : ac scitote futurum esse, ut filium hominis videatis sedentem ad dexteram potestatis, et in nubibus venientem coelestibus. ⁶⁵Tum Pontifex vestimenta sua lacerare, eum impie locutum esse dicens : Quid jam nobis opus est testibus ? en nunc audivisti ejus impiam vocem. ⁵⁶Quid censetis ? Illi vero morte dignum esse respondere. Tum ei faciem conspuere, et colaphos impingere. Alii alapis ferire, ⁶⁷dicentes : Divina nobis, Christe, quis sit qui te percussit. ⁶⁸Interea Petrum foris in atrio sedentem, aggressa est his verbis ancilla quaedam : ⁶⁹Tu quoque eras cum Jesu Galilaeo. ⁷⁰At ille coram omnibus negavit scire se quid illa diceret. ⁷¹Deinde egressum eum in vestibulum conspiciatam alia, dixit eis qui illic erant : Hic quoque erat cum Jesu Nazareno. ⁷²Ille vero rursus jurejurando negavit, se novisse hominem. ⁷³Paulo post qui aderant aggrediuntur Petrum : Profecto, inquiunt, tu quoque ex iis es, nam tua te locutio manifestum reddit. ⁷⁴Tum ille se diris agere, et jurare coepit, se non novisse hominem : statimque gallus cantavit. ⁷⁵et Petrus Jesu dictum recordatus, qui sibi dixisset, fore ut priusquam gallus cantaret, ter eum negaret : foras egressus est, et acribe flevit.

CAPUT XXVII.

Judae mors. Ager emptus. Christi silentium. Barrabas. Mulieris insomnium. Pilati lotio. Judaeorum in semet dirae. Jesu cruciatus. Cruci suffixus, potatus. Vestes Christi, titulus. Latrones. Probra. Tenebrae. Jesus ad patrem, ejus mors. Portenta, Milites. Humatiq Jesu, sepulchrum obsignatum, custoditum.

MANE autem consilium inierunt omnes Pontifices, et senatores populi contra Jesum, de eo interficiendo, ²eumque vinctum abduxerunt, et Pontio Pilato praetori tradiderunt. ³Tum Judas ejus proditor videns eum esse damnatum, poenitens reddidit triginta nummos argenteos Pontificibus et Senatoribus, ⁴sepe peccavisse dicens: qui sanguinem prodidisset innocentem. At illi: Quid ad nos? inquirunt: tu videris. ⁵Ille vero, abjectis in templo nummis, discessit et se laqueo praefocatum ivit. ⁶Pontifices autem, sumptis nummis, dixerunt eos non licere in templi fiscum referre, quippe cum precium esset sanguinis. ⁷Itaque capto consilio, emerunt eis agrum figuli, ad peregrinorum sepulturam. ⁸Ideoque vocatus est ager ille, ager sanguinis, ad hunc diem. ⁹Tunc accidit quod a Jeremia vate dictum fuerat his verbis: Itaque sumpserunt triginta argenteos, precium aestimati, quem licitati emerunt ab Israelitis, ¹⁰eosque impenderunt in agrum figuli, quemadmodum mihi praecepit Dominus. ¹¹Jesus autem stetit ante praetorem, eumque sic praetor interrogavit: Esne tu rex Judaeorum? Cui Jesus: Est

ut dicis, inquit. ¹²Cumque a Pontificibus et senatoribus accusaretur, nihil respondit. ¹³Tum Pilatus dixit ei: Non audis quae contra te testentur? ¹⁴At ille ei ad nullum prorsus verbum respondit, adeo ut valde miraretur praetor. ¹⁵Per festum autem solebat praetor unum victum plebi remittere quem vellent. ¹⁶Habebant tum quendam victum illustrem, nomine Barrabam. ¹⁷Igitur cum convenissent: dixit eis Pilatus, Utrum vultis vobis remittam: Barrabam, an Jesum, cognomine Christum? ¹⁸Sciebat enim eum per invidiam ab eis esse traditum. ¹⁹Sedente autem eo pro tribunali, sic ei significandum curavit ejus uxor: nihil tibi rei sit cum innocente isto: multa enim hodie secundum quietem passa sum propter eum. ²⁰Pontifices vero et senatores plebi persuaserunt, ut Barrabam peterent, Jesumque perderent. ²¹Itaque cum praetor ex eis quaesivisset, utrum duorum vellent ut eis remitteret, dixerunt Barrabam. ²²Et Pilatus: Quid ergo, inquit eis, faciam de Jesu nomine Christo? Cui omnes, crucifigatur, inquiunt. ²³Et Praetor: Quid enim mali fecit? At illi vehementius clamare: Crucifigatur. ²⁴Igitur videns Pilatus se non solum nihil proficere, sed etiam majorem tumultum fieri, sumpta aqua manus coram plebe lavit, dicens: Ego insons hujus innocentis sanguinis sum; vos videritis. ²⁵Et universus populus sic respondit: ejus sanguinem luamus nos nostrique nati. ²⁶Tunc ille Barrabam remisit eis. Jesum autem verberavit, et crucifigendum tradidit. ²⁷Tum praetoriani milites Jesum in praetorium ducunt, et ad eum totam cohortem congregant, ²⁸cumque spoliatum

induunt chlamyde coccino, ²⁹et contextam ex spinis coronam imponunt ejus capiti, et arundinem in ejus dexteram, atque ita ante eum congenulantes, illudunt ei dicentes: Salve rex Judaeorum: ³⁰eumque conspuunt, et sumpta arundine ei caput contundunt. ³¹Deinde, postquam ei illuserunt, spoliunt eum chlamyde, ipsiusque vestibus induunt, et in crucem tollendum abducunt. ³²Exeuntes autem nacti sunt hominem Cyrenaeum, nomine Simonem, quem coëgerunt Jesu ferre crucem. ³³Deinde ubi venerunt in locum nomine Golgotha, qui Calvariae locus appellatur, ³⁴dederunt ei bibere acetum cum felle mixtum: quod ille cum gustasset, noluit bibere. ³⁵Eo autem crucifixo, ejus vestimenta sorte jacta dispertiverunt, ut comprobaretur dictum illud vatis: Mea inter sese vestimenta partiti, super veste mea fortem jecerunt. ³⁶Igitur sedentes eum illic observabant, ³⁷Posuerant autem supra caput ejus, scriptam ejus causam: Hic est Jesus rex Judaeorum. ³⁸Tum crucifiguntur cum eo latrones duo, alter ad dexteram, alter ad sinistram. ³⁹Qui praeteribant autem, ei maledicebant, motantes sua capita, ⁴⁰et dicentes: Qui templum destruis, et triduo instauras, serva teipsum. Si Dei filius es, descende de cruce. ⁴¹Similiter et Pontifices cum Scribis et Senatoribus illudentes dicebant, ⁴²Alios servavit, seipsum servare non potest. Si Israelitarum rex es, descendat nunc de cruce et ei credemus. ⁴³Deo confidit, liberet nunc eum, si ei favet: quandoquidem dixit esse se Dei filium. ⁴⁴Atque idem ei etiam latrones cum eo crucifixi exprobrabant. ⁴⁵A sexta autem hora extite-

runt per universam terram tenebrae usque ad horam
nonam. ⁴⁶ Circa nonam horam exclamavit Jesus magna
voce, dicens: Eli eli lamaſabachthani: hoc est, Mi Deus,
mi Deus, cur me dereliquisti? ⁴⁷ Quo audito, quidam
horum, qui illic aderant, dicebant eum vocare Eliam.
⁴⁸ Ac statim cucurrit eorum unus, sumptaque spongia,
et aceto repleta, affixaque arundini, dabat ei bibere.
⁴⁹ At reliqui dicere: Sine, videamus an veniat Elias ser-
vatum eum. ⁵⁰ Jesus autem, cum rursus ingenti voce
clamasset, emisit spiritum. ⁵¹ Et ecce templi velum in
duas partes a summo ad imum fissum est, et terra com-
mota est et saxa fissa. ⁵² et monimenta aperta, multa-
que corpora sanctorum, qui obdormiverant, surrexerunt,
⁵³ qui ex monimentis egressi, post ejus resurrectionem,
ingressi sunt in sanctam urbem, et multis apparuerunt.
⁵⁴ Centurio vero, et ejus comites, Jesum custodientes;
viso terrae motu, et iis quae acciderant, vehementer
territi, confessi sunt eum vere Dei filium fuisse. ⁵⁵ Erant
autem illic multae mulieres, procul spectantes, quae Je-
sum ex Galilaea secutae fuerant, ei ministrantes; ⁵⁶ in
quibus erat Maria Magdalena, et Maria Jacobi et Josis
mater; et mater filiorum Zebedaei. ⁵⁷ Sub vespereum
autem venit dives homo ab Arimathaea, nomine Jose-
phus, qui et ipse fuerat a Jesu disciplina; ⁵⁸ Is Pilatum
aggressus, petiit Jesu corpus. Tum Pilatus jussit tradi
corpus, ⁵⁹ Et Josephus sumptum corpus involvit mundo
linteo, ⁶⁰ et in suo novo monimento posuit, quod in saxo
exciderat, advolutoque ingenti lapide ad ostium moni-
menti discessit, ⁶¹ cum quidem illic esset Maria Magda-

lena, et altera Maria, e regione sepulchri sedentes. ⁶²Postero die, qui est post praeparationem, coiverunt Pontifices et Pharisei ad Pilatum, ⁶³et eum sic allocuti sunt: Domine, meminimus deceptorem illum dicere, cum adhuc viveret, sese intra tres dies esse resurrecturum. ⁶⁴Quare jube muniti sepulchrum usque ad diem tertium, ne forte ejus discipuli eum surreptum eant, dicantque populo, eum ex mortuis surrexisse, atque ita novus oriatur error priore deterior. ⁶⁵Quibus Pilatus: Habetis custodiam, inquit: ite id munitum vestro modo. ⁶⁶Ita illi sepulchrum munitum iverunt: et lapidem, praeter adhibitam custodiam, figillarunt.

C A P U T XXVIII.

Angelus ad sepulchrum, Custodum pavor. Angelus ad mulieres, iisdem Jesus obvius. Obaerati custodes. Jesus in Galilaea: doctrina ad suos et Baptismus.

EA autem nocte septidui, quae in primam a Sabbato diem illucescit, venit Maria Magdalena, et altera Maria, spectatum sepulchrum. ²Ecce autem magnus terrae motus. Angelus enim Domini coelo degressus, venerat avolutum lapidem ab ostio, et super eo sedebat. ³Erat autem ejus species fulguris similis, et indumentum tam album quam est nix, ⁴Atque ejus metu percussi custodes, pene exanimati sunt. ⁵Is angelus sic est mulieres allocutus: Ne metuite vos: Scio vos Jesum quaerere crucifixum. ⁶Non est hic: surrexit enim, quem admodum praedixerat. Adeste, videte locum ubi jace-

bat Dominus: ⁷ac protinus ite nunciatum discipulis, eum a mortuis surrexisse, et vos in Galilaeam antecedere: illic eum visuros esse. Hoc ego vobis dico. ⁸Igitur illae confestim ex monumento cum metu et ingenti laetitia egressae, id ejus discipulis renunciatum concurrerunt. ⁹Ut autem id discipulis renunciatum ibant, ecce Jesus occurrit eis. Salvete, inquit. Atque illae accesserunt, ejusque pedes prehenderunt, et eum veneratae sunt. ¹⁰Tum Jesus: Ne metuite, inquit eis: ite nunciatum meis fratribus, ut abeant in Galilaeam, et ibi me videbunt. ¹¹Euntibus autem illis, quidam custodum venerunt in urbem, et Pontificibus rem omnem nunciarunt. ¹²Atque illi cum senatoribus coiverunt: et capto consilio, satis grandem pecuniam militibus dederunt, ¹³atque ita dixerunt: Dicite, ejus discipulos venisse noctu, et eum vobis dormientibus surripuisse. ¹⁴Quod si hoc apud praetorem fuerit auditum, nos id ei persuadebimus, securosque reddemus vos. ¹⁵Igitur illi, accepta pecunia, fecerunt ut erant edocti, estque res illa divulgata apud Judaeos ad hunc diem. ¹⁶Undecim autem discipuli in Galilaeam profecti sunt in montem, quo eis Jesus praeceperat. ¹⁷eumque visum adorarunt: nonnulli dubitarunt, ¹⁸Et Jesus aggressus eos, sic est locutus: Mihi data est omnis potestas in coelo et in terra. ¹⁹Vadite igitur doctum omnes gentes, eosque baptizate in nomen patris et filii, et spiritus sancti, ²⁰docentes eos exequi quaecunque vobis praecepi. Ego vobis adfuturus sum perpetuo, usque ad finem seculi.

EVANGELIUM

AUTHORE

MARCO.

CAPUT I.

De Johanne vaticinium: ejusdem locus, actio, concio, vestis, cibus, Christi baptismus, et Johannis. Baptizatus Jesus. Vox cum columba. Christi tentatio: ad hunc angeli: ejus doctrina. Simonis, Andreae, Jacobi, Johannis vocatio. Spiritus impurus. Petri socrus. Ad sacerdotem leprosus.

INITIUM Evangelii Jesu Christi Dei filii, ²ut scriptum est in vatibus: Ego tibi meum praemittam nuntium, qui tibi viam praeparet. ³Vox clamantis in solitudine: Parate viam Domini: dirigite semitas ejus. ⁴Baptizabat Johannes in solitudine et emendationis vitae baptisma publicabat ad peccatorum veniam: ⁵ad eumque proficiscebatur tota Judaea regio, ac Hierosolymitani, et ab eo baptizabantur omnes in Jordane fluvio, confitentes peccata sua. ⁶Erat autem Johannes indutus camelinis pilis, lateribus pelliceo cingulo cinctis, vescebaturque locustis et melle sylvestri. ⁷atque hujusmodi verbis publice docebat: Venit quidam post me, adeo me praestantior, ut ego non sim dignus qui

ejus calceorum corrigiam pronus solvam. ⁸Ego quidem vos aqua baptizavi : at is vos sancto spiritu baptizabit. ⁹Accidit autem ut per eos dies veniret Jesus a Nazareth Galilaeae, isque a Johanne baptizatus est in Jordane : ¹⁰qui Johannes simulac ex aqua egressus est, vidit coelum findi, et spiritum quasi columbam descendere in eum, ¹¹extititque vox ex coelo : Tu es meus charissimus filius, qui mihi acceptus es. ¹²Statimque spiritus eum egit in solitudinem, ¹³ibique fuit in solitudine dies quadraginta, tentatusque est a Satana, eratque cum feris, et ei ministrabant angeli. ¹⁴Postquam autem captus est Johannes, venit Jesus in Galilaeam, divinique regni evangelium publicavit, ¹⁵dicens, completum esse tempus, et instare Dei regnum, corrigerent se, et evangelio crederent. ¹⁶Ambulans autem apud Galilaeae lacum, vidit Simonem et Andream ejus fratrem jacentes in lacum retia : erant enim piscatores. ¹⁷Et Jesus dixit eis : Venite post me, et efficiam ut sitis hominum piscatores. ¹⁸Atque illi confestim, relictis suis retibus, eum secuti sunt. ¹⁹Inde paululum progressus vidit Jacobum Zebedaei filium, et Johannem ejus fratrem, qui et ipsi in navi reficiebant fundas, ²⁰eosque protinus vocavit, atque illi, patre suo Zebedaeo in navi cum mercenariis relictis, eum subsecuti sunt : ²¹Profecti sunt autem Capharnaum, atque ille continuo ingressus Sabbatis in collegium docet, ²²illis ad ejus doctrinam attonitis : quippe qui eos doceret ut potestate praeditus non ut Scribae. ²³Erat autem in eorum collegio homo impurum habens spiritum, qui sic exclamavit : ²⁴Heu, quid tibi nobis-

cum rei est, Jesu Nazarene? venisti perditum nos? Scio te quis sis, Sanctus Dei. ²⁵At Jesus eum increpuit, dicens: Obmutesce, et ex isto migra. ²⁶Tum illum spiritus impurus laceravit, et ingenti cum clamore exiit ex eo. ²⁷Id quod admirati sunt omnes, ita ut inter sese disceptarent quidnam id esset? quaenam ea foret nova doctrina? quod per potestatem etiam impuris spiritibus imperaret iique ei parerent. ²⁸Itaque dimanavit celeriter ejus fama in omnia Galilaeae finitima. ²⁹Simulac autem ex collegio egressi sunt, venerunt in aedes Simonis et Andreae, cum Jacobo et Johanne. ³⁰Socrus autem Simonis jacebat febricitans, id quod illi ei statim dixerunt: ³¹atque ipse eam aggressus, ejus manu prehensa allevavit, eaque protinus liberata febre, coepit eis ministrare. ³²Sub vesperam autem, occidente sole, adferebantur ad eum omnes male affecti, ac furiosi, ³³totaque civitas convenerat ad fores, ³⁴atque ille multos, qui variis morbis vexabantur, sanavit, et multa daemonia ejecit, neque sinebat dicere daemonia, se scire eum esse Christum. ³⁵Mane autem, multa adhuc nocte, surrexit exiitque Jesus, et abiit in desertum locum, atque illic orabat. ³⁶Quem consecuti Simon et ejus comites, ³⁷eumque nacti, dicunt ei eum ab omnibus conquiri. ³⁸Quibus ille: Eamus, inquit, in finitima oppidula, ut illic quoque praedicem. Hac enim de causa profectus sum. ³⁹Itaque publice docebat in eorum collegiis per totam Galilaeam, et daemonia ejiciebat. ⁴⁰Aggressus autem eum leprosus, congenulans, hujusmodi verbis rogavit: Si vis, potes me purgare. ⁴¹Et Jesus misertus, illum porrecta manu teti-

git: Volo, inquit ei, purgator. ⁴²Et simul eo locuto, discessit ab illo lepra, isque purgatus est, ⁴³Ei autem interminatus, eum protinus ejecit. ⁴⁴et Vide, inquit, ne cui quid dicas: sed i ostensum te sacerdoti, et offer ob tui purgationem quae praecepit Moses ut eis essent testimonio. ⁴⁵At ille egressus coepit multa praedicare, et rem ita divulgare, ut Jesus non jam posset palam in urbes ingredi, sed foris desertis in locis esset, cum quidem ad eum veniretur undique.

C A P U T II.

Paralyticus. In peccata Jesus. Levi. Cum Christo peccatores.

*Cui Christus. Pro discipulis de jejunio, ac spicis.**

CUM autem rursus post aliquot dies ingressus esset Capharnaum, ²ubi auditum est eum esse domi, protinus tam multi convenerunt, ut eos ne vestibulum quidem caperet. ³Ad quos cum verba faceret, veniunt ad eum quidam membris captum ferentes, qui a quatuor portabatur. ⁴Qui cum ad eum accedere propter hominum turbam non possent, detexerunt tectum ubi erat ille, factoque foramine demisere grabatum in quo jacebat sideratus. ⁵Eorum visa fiducia Jesus, dicit siderato: Nate, ignoscuntur tibi peccata tua. ⁶Erant autem Scribarum quidam illic sedentes qui cum suis animis sic cogitabant: ⁷Quî fit, ut hic ita loquatur impie? Quis potest ignoscere peccata, nisi unus Deus? ⁸Tum Jesus cum protinus animo suo eos sic secum cogitare cognovisset, dixit eis: Quid ista cogitatis cum vestris animis?

⁹ Utrum facilius est dicere fiderato: Ignoscuntur tibi peccata? an dicere: Surge, et tolle grabatum tuum et ambula? ¹⁰ Atqui ut sciatis potestatem habere filium hominis ignoscendi in terris peccata, ¹¹ tibi dico (inquit fiderato) surge, et sublato grabato tuo abi domum tuam. ¹² Atque ille protinus surrexit, sublatoque grabato exiit coram omnibus, adeo ut omnes attoniti Deum collaudarent, sese nihil unquam tale vidisse confitentes. ¹³ Profectus est autem rursus ad lacum et ad eum omnes vulgo veniebant, isque eos docebat. ¹⁴ Praeteriens autem Jesus, conspicatus Levim Alphaei filium, ad publicanorum mensam sedentem dicit ei: Sequere me. Atque ille surrexit, eumque secutus est. ¹⁵ Accidit autem ut Jesu in illius aedibus convivante, cum multi publicani et improbi cum eo ejusque discipulis accumberent (erant enim multi qui eum secuti fuerant.) ¹⁶ Scribae et Pharisei, eo viso cum publicanis et improbis cibum capiente, quae- rerent ex ejus discipulis, quid fieret ut cum publicanis et improbis cibum potionemque sumeret? ¹⁷ Quo audito, Jesus dixit eis: Non egent valentes medico, sed male affecti. Non veni vocatum insontes, sed fontes ad frugem. ¹⁸ Cum solerent autem Johannis et Phariseorum discipuli jejunare, eum hujusmodi verbis convenerunt: Qui sit ut Johannis et Phariseorum discipuli jejunent? tui discipuli non jejunent? ¹⁹ Quibus Jesus: possuntne qui nuptias celebrant, inquit, dum eis sponsus adest, jejunare? Quandiu habent secum sponsum, non possunt jejunare. ²⁰ Sed veniet tempus quum eis sponsus auferetur: quo quidem tempore jejunabunt. ²¹ Neque vero

quisquam panni rudis pittacium assuit veteri vestimento. Alioquin novum illud ejus supplementum auferret veteris partem, atque ita deterior fieret fissura. ²²Neque quisquam vinum novum in veteres utres recondit: alioquin rumperet utres vinum novum, et vinum effunderetur, et utres perderentur: sed est vinum novum in novos utres condendum. ²³Accidit autem ut eo per fata transeunte, cum Sabbati dies esset, ejus discipuli iter facientes spicas vellerent. ²⁴Itaque Pharisei dixerunt ei: En, cur faciunt Sabbatis, quod non licet? ²⁵Quibus ille: Nunquamne legistis, inquit, quid fecerit David, cum aliquando egeret, et esuriret, ipse ejusque comites? ²⁶ut Dei domum ingressus, Abiathare Pontifice, apposititios panes (quibus non nisi sacerdotibus vesci fas est) comederit, et suis etiam comitibus impartiverit? ²⁷Sabbatum (inquit eis) propter hominem factum est, non homo propter Sabbatum. ²⁸Itaque Dominus filius est hominis, etiam Sabbati.

CAPUT III.

Arida manus. Consilium in Jesum. Discipulorum numerus, legatio, virtutes. Calumnia in Christum de Beelzebul. Peccatum inextinguibile. Quis Christo cognatus.

INGRESSUS est autem rursus in collegium, ubi cum homo esset aridam habens manum, ²illi eum observabant, an Sabbato eum sanaret, ut eum incusarent. ³Igitur ille homini siccam habenti manum dixit: Surge in medium. ⁴Tum illos alloquens: Licetne Sabbatis be-

nefacere, an malefacere? vitam servare, an interficere?

⁵Cumque illi tacerent, ille eos irate circum intuitus, eorum animi callum dolens, dicit homini: Extende manum tuam. Atque ille extendit, eaque tam sana reddita est, quam erat altera. ⁶Pharisaei vero egressi, protinus cum Herodianis consilium de eo perimendo ceperunt.

⁷At Jesus sese cum suis discipulis recepit ad lacum, eumque ingens hominum multitudo a Galilaea secuta est, et a Judaea, ⁸et a Hierosolymis, et ab Idumaea, et ab agro Transjordanino; Tyroque et Sidoni finitimi, cum audivissent quae faceret, ad eum ingenti multitudine venerunt, ⁹Itaque ille suis discipulis mandavit, ut sibi

praesto esset navicula, propter turbam, ne ab illis premeretur: ¹⁰multos enim sanaverat: itaque ruebant in eum, ut eum tangerent, quotquot erant in aliquo cruciatu. ¹¹Item spiritus impuri, cum eum aspexerant, accidebant ei, et ita clamabant: Tu es Dei filius. ¹²Quos ille multum objurgabat, ne se manifestum facerent.

¹³Ascendit autem in montem, et advocavit quos voluit, atque ubi illi ad eum venerunt, ¹⁴constituit duodecim, qui se comitarentur, et quos ad publice docendum dimitteret, ¹⁵quique potestatem haberent curandi morbos, et daemonia ejiciendi. ¹⁶Imposuit autem Simoni nomen Petrum ¹⁷itemque Jacobum Zebedaei filium, et Johannem Jacobi fratrem, quibus nomina imposuit Boanerges, hoc est tonitruum filii: ¹⁸et Andream, et Philippum, et Bartholomaeum, et Matthaeum, et Thomam, et Jacobum Alphaei filium, et Thaddaeum, et Simonem Cananitam, ¹⁹et Judam Iscariotam, eum a quo proditus

est. ²⁰Deinde ubi domum venerunt, convenit rursus multitudo, adeo, ut ne cibum quidem capere possent. ²¹Quo audito, sui ad eum capiendum profecti sunt: dicebant enim eum esse insanum. ²²Scribae autem, qui a Hierosolymis descenderant, dicebant eum habere Beelzebulem, et per daemoniorum principem ejicere daemonia. ²³At ille eos advocatos sic est per similitudines allocutus: Potestne Satanas Satanam ejicere? ²⁴Quod si quod regnum ab sese diffidet, id regnum stare non potest. ²⁵Aut si qua domus secum ipsa diffidet, ea domus stare non potest. ²⁶Quod si Satanas secum ipse pugnat, ac diffidet, stare nequit, sed finem habebit. ²⁷Non potest quisquam alicujus potentis suppellectilem, in ejus aedes ingressus, diripere, nisi prius potentem illum vinciat, atque ita demum ejus aedes diripiat. ²⁸Certo scitote, omnia hominum generi peccata, et quaecunque maledicta dixerint ea esse ignoscenda. ²⁹Sed qui sancto spiritui maledixerit, nunquam affecuturus est veniam, sed obnoxius est supplicio sempiterno: ³⁰Quoniam dicebant eum immundum habere spiritum. ³¹Venerunt autem ejus mater et fratres, forisque manentes curarunt eum accersendum, ³²cum quidem eum circumfunderet hominum multitudo. Cum igitur illi ei dixissent, adeste foris ejus matrem, et fratres qui eum quaererent, ³³ille sic eis respondit: Quae est mea mater: meique fratres? ³⁴Tum circumspexit discipulis, qui se circumsidebant: Ecce mea mater, inquit, meique fratres. ³⁵Quisquis enim Dei voluntati paret, is meus frater, et soror, et mater est.

C A P U T IV.

Semen jacentis parabola. Cur quibusdam per parabolas Christus. Obscuri-declaratio. Lucernae locus, usus. An quid vere latens. Relatio par. Seminatore ac messor. Sinapis semen. Jesus in tempestates.

RURSUS autem coepit ad lacum docere tantaque ad eum convenit hominum multitudo, ut navem ingressus federet in lacu, et omnem multitudinem, quae apud lacum in terra erat, ²multa per similitudines doceret, et inter docendum sic eis diceret: ³Audite, profectus est aliquando quidam sator ad ferendum: ⁴atque inter ferendum accidit ut aliud caderet apud viam, id quod comederunt aëreae volucres, quae supervenerunt. ⁵Aliud cecidit in faxetum, ubi non multam habebat humum, idque statim exortum est, quod profundam terram non haberet: ⁶deinde orto Sole, aestuavit, et, quoniam radicem non habebat, aruit. ⁷Aliud cecidit in spinas, quae spinae creverunt, idque suffocarunt, ita ut fructum non ediderit. ⁸Aliud cecidit in bonam terram, ediditque fructum, qui tanto incremento auctus est, ut extulerit, partim cum trigesimo, partim cum sexagesimo, partim cum centesimo. ⁹Qui aures habet ad audiendum (inquit eis) audiat. ¹⁰Cum autem seorsum esset, interrogarunt eum sui, cum duodecim, de ea similitudine. ¹¹Quibus ille: Vobis datum est, inquit, regni Dei arcanum nosse: at cum illis exteris omnia per similitudines aguntur, ¹²ut aspiciant, neque videant: et audiant, nec intelli-

gant, ne ad frugem redeant, atque ita eis ignoscantur peccata. ¹³An nescitis hanc similitudinem? inquit eis: quo pacto vero similitudines omnes cognoscetis? ¹⁴Sator sermonem ferit. ¹⁵Secundum viam autem ubi feritur sermo, ii sunt qui simul ac audiverunt, venit Satanas, tollitque satum in eorum animis sermonem. ¹⁶Similiter qui in faxetum feruntur, ii sunt, qui cum sermonem audiunt, eum protinus accipiunt cum laetitia. ¹⁷Verum non habent in sese radicem, sed temporarii sunt: deinde orta propter sermonem calamitate, aut insectatione, cito dimoventur. ¹⁸Qui autem in spinas feruntur, ii sunt qui sermonem audiunt, ¹⁹sed superveniunt hujus vitae curae, et divitiarum fallacia, reliquarumque rerum cupiditates, quae sermonem ita suffocant, ut sit infructuosus. ²⁰At in bonam terram sati, ii sunt qui sermonem et audiunt et admittunt, et fructum ferunt partim trigecuplum, partim sexagecuplum, partim centuplum. ²¹Item hoc dixit eis, Nunquid accenditur lucerna, ut sub modio ponatur, aut sub lecto? Nonne ut in candelabro ponatur? ²²Nihil enim est tam occultum quod non sit patefaciendum, neque quicquam tam arcane fit, quod non palam futurum sit. ²³Si quis aures ad audiendum habet, audiat. ²⁴Videte quid audiatis, inquit eis, qua mensura metiemini, metiendum vobis est, et vobis addetur audientibus. ²⁵Nam qui habet, ei dabitur, qui vero non habet, etiam quod habet eripietur ei. ²⁶Deinde dicebat: perinde est coeleste regnum, ac si quis jaciat humi semen, ²⁷deinde dormiat, atque surgat noctes et dies, semenque germinet, et grandescat, eo nesciente. ²⁸Nam terra

sponte sua parit primum herbam, deinde spicam, deinde plenum in spica frumentum. ²⁹Simulac autem fructus adolevit, ille falcem immittit, quoniam messis adest. ³⁰Item dicebat: Cui assimilabimus regnum Dei? aut qua id comparatione comparabimus? ³¹Perinde est ac granum sinapi, quod cum in terra satum est, est quidem omnium terrestrium seminum vel minimum: ³²sed cum est satum, crescit, fitque omnium maximum olerum, tantosque ramos procreat, ut possint sub ejus umbra aëreae volucres nidulari. ³³Hujusmodi similitudinibus multis ad illos verba faciebat prout audire poterant; ³⁴nec eos absque similitudine alloquebatur, sed seorsum discipulis suis explicabat omnia. ³⁵Dixit autem eis illo die sub vesperam: Trajiciamus. ³⁶Itaque illi, omissa hominum multitudine, eum admiserunt, ut erat in navi, cum quidem aliae quoque naviculae essent una cum eo. ³⁷Exstitit autem tanta venti procella, ut fluctus adeo navem invaderent, ut ea jam repleretur, ³⁸cum esset ipse in puppi, super cervicali dormiens. Igitur illi eum excitant, et Magister inquit, nihilne hoc curas, quod perimus? ³⁹At ille expergefactus, ventum objurgavit, et lacui dixit: Tace, obmutesce. Itaque sedato vento, magna tranquillitas exstitit. ⁴⁰Et ille: Adeone timidi estis, inquit eis: quī fit ut fiduciam non habeatis? ⁴¹Illi vero ingenti metu percussi, dicere inter sese: Et quis est hic, ut ei ventus et lacus obediant?

Daemoniacus a legione. Demersi sues. Jesus dimissus. Persanati officium grati. Filia rediviva. Profluvium vetus.

VENERUNT autem trans lacum in agrum Gadarenorum, ²eique simulac ex navi egressus est, occurrit ex monimentis homo impurum habens spiritum, ³in monimentis degere solitus, quem ne catenis quidem poterat vincire quisquam: ⁴quippe a quo saepe compedibus catenisque vincto, discerptae fuerant catenae, et compedes comminutae: nec eum quisquam domare potuerat. ⁵Semper autem noctes diesque in montibus et sepulchretis agens, clamabat, et seipsum lapidibus contundebat. ⁶Is viso procul Jesu accurrit, eique honorem praebuit; ⁷et ingenti voce clamans, inquit: Quid tibi mecum rei est, Jesu supremi Dei fili? Obtestor te per Deum, ne me torqueas. ⁸Ille enim ei dicebat: Exi impure spiritus ex homine, ⁹eumque interrogabat, quod ei nomen esset, Cui ille respondit: Legio mihi nomen est, quoniam multi sumus: ¹⁰eumque multum orabat, ne eos extra eam regionem mitteret. ¹¹Erat autem illic apud montes porcorum grex ingens qui pascebat. ¹²Igitur eum rogarunt daemones omnes ut se in porcos mitteret, ut in eos ingrederentur. ¹³Id quod simulac eis permisit Jesus, egressi spiritus impuri, ingressi sunt in porcos: atque grex per praeceps in lacum decurrit (erant autem circiter duo millia) inque lacu suffocati sunt. ¹⁴Subulci autem fugerunt, idque et in urbe, et per rura nunciarunt; Itaque profecti homines ad videndum quid accidisset, ¹⁵veniunt ad Jesum, spectantque furio-

sum illum, sedentem, vestitumque, et sanum mentis, qui legionem habuerat, timueruntque. ¹⁶Cumque eis narrassent, qui viderant, quid accidisset furioso, itemque de porcis; ¹⁷coeperunt eum orare, ut ex suis finibus discederet. ¹⁸Eum autem in navem ingressum, rogabat qui furiosus fuerat, ut esset ei comes. ¹⁹Verum Jesus non permisit ei, sed dixit: Abi domum tuam ad tuos: eisque nunciato quae tibi dominus, tui misertus, fecerit. ²⁰Ita ille discessit, coepitque per Decapolim praedicare, quae sibi fecisset Jesus: id quod mirabantur omnes. ²¹Jesu autem rursus in navi trajecto, convenit ad eum frequens hominum multitudo: ²²cumque esset apud lacum, venit quidam magistrorum collegii, nomine Jairus, qui eo viso ei ad pedes accidit, ²³eumque multum oravit, dicens, filiolarum suam in extremo esse periculo: veniret, eique manus imposeret ut servaretur, ac revalesceret. ²⁴Ita ille cum eo abiit, tanta eum sequente hominum multitudine, ut eum premerent. ²⁵Quaedam autem mulier quae sanguinis profluvio duodecim jam annos laborabat, ²⁶et multa a multis passa medicis, omnia sua re consumpta, non solum nihil profecerat, sed id deterius venerat, ²⁷cum de Jesu audivisset, venit a tergo inter turbam ejusque vestimentum tetigit: ²⁸Cogitabat enim, si vel ejus vestes attingeret, se salvam fore: ²⁹et protinus aruit ejus fons sanguinis, sensitque se corpore esse ab ea miseria sanatam. ³⁰Et Jesus statim apud selevim a se profectam cognoscens, conversus in turba dixit: Quis mea vestimenta tetigit? ³¹Qui ejus discipuli: Vides te a turba premi, et quaeris quis te tetigerit? ³²Sed

cum
rat,³
cidif
habe
serva
eo lo
Tua
³⁶At
tro c
tem
bum
in ae
mult
mult
mit.
sunp
ingre
hensa
Puella
et an
unde
eis Je
dari j

In pa
tas
mo

cum ille circumspiceret, ut eam videret, quae id fecerat, ³³terrata mulier et tremebunda, sciens quid sibi accidisset, venit, et ei accidit; remque omnem, ut sese habebat, dixit. ³⁴Et ille: Filia, inquit ei, tua te fiducia servavit: abi salva, et esto a tuo malo sana. ³⁵Adhuc eo loquente, veniunt a magistro collegii, qui ei dicunt: Tua filia mortua est, quid jam molestus es magistro? ³⁶At Jesus simulac quid diceretur audivit, dixit magistro collegii: Ne metue, tantum crede. ³⁷Non sivit autem quenquam se subsequi, praeter Petrum, et Jacobum et Johannem Jacobi fratrem. ³⁸Deinde ubi venit in aedes magistri collegii, videt tumultum, et plorantes, multumque ejulantes; ³⁹ingressusque dicit eis: Quid tumultuamini et ploratis? Puella non est mortua, sed dormit. ⁴⁰At illi eum deridere. Ipse, ejectis omnibus, assumpto puellae patre atque matre, et suis comitibus, ingreditur eo ubi jacebat puella: ⁴¹ejusque manu prehensa, dicit ei: Talitha cumi: quae verba sic sonant: Puella (inquam tibi) surge: ⁴²statimque surrexit puella et ambulare coepit (erat autem annorum duodecim) unde illi vehementer attoniti sunt. ⁴³Praecepit autem eis Jesus magnopere, ne quis id rescisceret, eique cibum dari iussit.

CAPUT VI.

In patria propheta. Apostolorum missio, virtutes, habitus, egestas, mandata opera. De Jesu sententiae. Joannis vincula, mors, humatio. Panes quinque, ac duo pisces, malacia, alia.

IL L I N C deinde profectus, venit in suam patriam, sequentibus eum ejus discipulis. ²Atque ubi advenit Sabbatum, coepit in collegio docere, ita ut multi audientes, attoniti dicerent : Unde ei haec ? et quae est quae ei data est sapientia, et quae fiunt ejus manibus miracula ? ³Annon is est faber, Mariae filius, Jacobi et Josis, et Judae, et Simonis frater ? et nonne sunt hic apud nos ejus sorores ? Itaque in eo offendeabantur. ⁴Et Jesus dicebat eis, non esse vatem inhonoratum, nisi in sua patria, et apud consanguineos domique suae. ⁵Itaque non potuit illic ullum facere miraculum nisi quod paucos aegrotos impositis manibus sanavit, ⁶admiratus eorum infidentiam. Obibat autem vicos undique finitimos, docens : ⁷vocatosque duodecim, coepit binos dimittere eisque in spiritus impuros potestatem dedit : ⁸praecepitque ne quid ad iter circumferrent, nisi baculum tantum, non peram, non panem, non aes in crumena : ⁹Sed sandalii calcearentur, neque binas induerent tunicas, ¹⁰Item eis dixit : Ubicunque domum ingressi fueritis, illic manetote, donec inde migretis. ¹¹Et quicumque vos non admiserint, nec audiverint, vos illinc proficiscentes, excutite pulverem qui suberit vestris pedibus, quod sit eis testimonio. Hoc vobis confirmo, mitius actum iri cum Sodomis et Gomorris in die judicii, quam cum illa civitate. ¹²Igitur illi profecti, mores corrigere publice docebant, ¹³multaque daemonia ejiciebant, et multos aegrotos oleo ungebant ac sanabant. ¹⁴Id cum audivisset rex Herodes (nam celebre factum erat ejus nomen) dicebat, Johannem, qui baptizare solitus fuerat, ex mor-

nis surrexisset, ideoque eum tam esse factis potentem.
¹⁵ Alii dicebant Eliam esse, alii vatem esse, aut ut aliquem vatum. ¹⁶ Quo audito, Herodes dicebat, quem ipse decollasset Johannem, eum esse : ex mortuis surrexisset.
¹⁷ Nam ipse Herodes Johannem capiendum curaverat, et in custodia vinciendum, propter Herodiadem Philippi sui fratris uxorem, quam ipse duxerat in matrimonium.
¹⁸ Dicebat enim Johannes Herodi, non licere ei uxorem habere sui fratris. ¹⁹ Herodias autem imminebat Johanni, eumque interficere volebat : sed non poterat, ²⁰ propterea quod Herodes Johannem verebatur, sciens virum esse justum, atque sanctum, eumque observabat, eique multis in rebus auscultabat, et eum libenter audiebat.
²¹ Accidit autem opportuna dies, qua Herodes optimatibus tribunisque et primatibus Galilaeae natalitia dabat : ²² et ingressa ipsius Herodiadis filia saltavit, Herodique et convivis ita placuit, ut dixerit rex puellae : Posce me quicquid voles, tibi dabo : ²³ eique sic juravit : Quicquid a me petieris, id tibi dabo, etiam si sit regni mei dimidium. ²⁴ At illa egressa consuluit suam matrem, ne quid peteret ? Et mater iussit, ut Johannis Baptistae caput. ²⁵ Itaque illa statim festinanter ad regem ingressa, petiit his verbis : Volo ut mihi des protinus in catino caput Johannis Baptistae. ²⁶ Id quod dolens rex, tamen propter jusjurandum et convivas noluit ei denegare : ²⁷ misitque confestim rex spiculatorem ; et ei, ut illius caput afferret ; imperavit : ille eum in carcere decollatum ivit, ²⁸ et ejus caput in catino attulit, ac puellae tradidit : quod puella porro suae matri dedit. ²⁹ Hoc

audito, Johannis discipuli venerunt sublatum ejus corpus, idque in monumento posuerunt. ³⁰Convenerunt autem ad Jesum apostoli, eique omnia quaeque fecerant, quaeque docuerant, renunciaverunt. ³¹Et Jesus iussit eis, ut adessent ipsi seorsum in desertum locum, paululumque requiescerent. Erant enim qui veniebant, et qui abibant tam multi, ut eis ne cibi quidem capiendi otium suppeteret. ³²Itaque discessit in desertum locum, in navis seorsum: ³³quos cum vulgus abire videret, agnoverunt eum multi, et illuc pedestres ex omnibus urbibus concurrerunt; eosque aggressi, ad eum convenerunt. ³⁴Itaque egressus Jesus, tantam conspiciens multitudinem, misertus est eorum, quod erant perinde ac pastorem non habentes oves, eosque multa docere aggressus est. ³⁵Postquam autem jam sera venit hora, ejus discipuli eum hujusmodi verbis sunt aggressi. Desertus est hic locus, et jam sera hora: ³⁶dimitte eos, ut in finitimos pagos virosque profecti panes sibi comparent; nam quod comedant non habent. ³⁷Et Jesus eis respondens, Praebete vos eis cibum, inquit. Cui illi: Eamus emptum ducen- tis denariis panes, quibus eos pascamus. ³⁸Et ille: Quot panes habetis? inquit eis: Ite visum. Quo cognito, cum quinque, et duos pisces dixissent; ³⁹Jussit illos omnes discumbere catervatim in viridi gramine. ⁴⁰Ac postquam in classes distributi centeni et quinquageni discubuerunt; ⁴¹ille sumptis quinque panibus, et duobus piscibus, coelum suspiciens laudes egit, fregitque panes, et suis discipulis tradidit, ut illis apponerent, duosque pisces distribuit omnibus, ⁴²comederuntque cuncti ad satietatem.

⁴³et sublata sunt fragmentorum duodecim canistra plena, necnon ex piscibus: ⁴⁴et erant qui comederant virorum circiter quinque millia. ⁴⁵Deinde confestim coëgit discipulos suos navim conscendere, et ante trajicere ad Bethsaidam, dum ipse turbam illam dimitteret. ⁴⁶Postquam illis valedixit, discessit in montem orandi gratia. ⁴⁷Sub vesperam cum esset navis in medio lacu, et ipse solus in terra, ⁴⁸vidit eos in remigando vexari: quippe cum ventus esset eis contrarius. Deinde circa quartam noctis vigiliam venit ad eos, per lacum ingrediens, eosque volebat praeterire. ⁴⁹At illi eum lacu ambulantem conspicati, et spectrum esse rati, exclamare: ⁵⁰omnes enim eum viderunt; turbatique sunt. Tum ille continuo eos allocutus: Bono este animo, inquit: ego sum, ne timete: ⁵¹ad eosque ascendit in navem et ventos posuit: id quod illi supra modum attoniti, apud sese mirari. ⁵²Non enim considerabant illos panes, utpote qui torpentibus essent animis. ⁵³Postquam trajecerunt, venerunt in agrum Genezarethanum: ⁵⁴ac simulac appulsi, ex navi egressi sunt, incolae eo cognito, ⁵⁵totam illam finitimam regionem percurrerunt, coeperuntque in grabatis male affectos eo auferre ubi eum esse audiebant: ⁵⁶Ac quocunque intrabat in vicos, in urbes aut pagos, proponebant per fora aegrotantes, eumque rogabant, ut vel ejus togae limbum tangerent: ac quicunque eum tangebant, sanabantur.

C A P U T VII.

*Pro discipulis illotis. Phariseorum increpatio. Nos foedantia.
Syrophaenissae nata, fides, gratia.*

CONVENERUNT autem ad eum Pharisei, et quidam Scribarum, qui Hierosolymis venerant : ²Qui quum vidissent quosdam ejus discipulorum profanis, hoc est, illotis manibus cibum capere, reprehenderunt. ³Nam Pharisei, Judaeique omnes non nisi saepe lotis manibus epulantur, tenentes veterum institutum. ⁴Item a foro non nisi loti epulantur, aliaque multa sunt, quae tenenda acceperunt, poculorum lotiones, et urceorum, et aementorum, et lectorum. ⁵Deinde sic eum interrogant Pharisei, et Scribae : Cur non agunt tui discipuli, ut veterum postulat institutio, sed illotis manibus cibum capiunt ? ⁶Quibus ille sic respondit : Recte de vobis simulatoribus vaticinatus est Esaias, ut scriptum est : Hic populus me labiis honorat, quum eorum cor absit a me procul. ⁷Verum frustra me venerantur, docentes doctrinas, quae sunt hominum praecepta. ⁸Nam relicto Dei praecepto, tenetis hominum institutum, urceorum, poculorumque lotiones : et alia his consimilia multa facitis. ⁹Probe, inquit eis : Dei praeceptum antiquatis, ut vestram conservetis institutionem. ¹⁰Moses enim dixit : Honora tuum patrem atque matrem : et, Qui patri matrive maledixerit, morte plectatur. ¹¹At vos dicitis : Si quis patri matrive dixerit : Corban, hoc est, donarium, quod a me proficiscetur, id tibi proderit : ¹²Ita non finitis

eum jam quicquam suo patri matrive praestare, ¹³Dei dictum ista, quam tradidistis, institutione rescindentes. Atque hujusmodi multa facitis. ¹⁴Tum advocata omni multitudine, dixit eis: Audite me, omnes, et intelligite. ¹⁵Nihil est extra hominem quod in eum intret, quod eum possit inquinare: sed quae ex eo prodeunt, ea sunt quae hominem polluunt. ¹⁶Si quis aures habet ad audiendum, audiat. ¹⁷Ubi autem a turba domum ingressus est, interrogarunt eum ejus discipuli de illa similitudine. ¹⁸Quibus ille: Adeone vos quoque tardi estis? An nondum intelligitis, nihil quod extrinsecus in hominem intrat, posse eum coinquinare? ¹⁹Utpote quum non in ejus cor, sed in ventrem et in latrinam feratur, expurgans omnes cibos. ²⁰Sed quod ex homine exit, inquit, polluit hominem. ²¹Interne enim ex hominum corde prodeunt pravae cogitationes, adulteria, stupra, caecides, ²²furta, avaritiae, malitiae, fraus, libido, malus oculus, maledicta, superbia, dementia. ²³Haec omnia mala intrinsecus prodeunt, et hominem polluunt. ²⁴Il-
linc profectus, discessit in Tyri Sidonisque confinia, ingressusque domum, nolebat id scire quenquam: sed non potuit latere. ²⁵Nam quum de eo audivisset quaedam mulier, cujus filia spiritum habebat impurum, venit, et ei ad pedes accidit. ²⁶Erat autem mulier Graeca, genere Syrophoenissa. Ea rogabat eum, ut daemonium exelleret ex sua filia. ²⁷At Jesus dixit ei: Sine prius satiari natos. Non enim convenit sumere natorum panem, et catellis objicere. ²⁸Et illa: Etsi ita est, Domine (inquit ei respondens) tamen catelli sub mensa comedunt

de puerorum micis. ²⁹Tum ille : propter istud dictum, inquit ei, abi : migravit daemonium ex tua filia. ³⁰Itaque illa domum suam profecta, invenit egressum daemonium, et jacentem in lecto filiam. ³¹Rursum profectus ex Tyriis, Sidoniisque finibus venit ad Galilaeae lacum, per medios fines Decapolis, ³²eique adductus est surdus tardiloquus, cui ut manum imponeret, rogatus est. ³³Atque ille eo seorsum extra turbam seducto, immisit suus digitos in ejus aures, spuitque, et ejus linguam tetigit, ³⁴Et in coelum intuens, ingemuit, eique dixit, EPHATA : hoc est, aperitor : ³⁵Ac protinus illius, et aures apertae, et solum est linguae vinculum, ita ut recte loqueretur. ³⁶Praecepit autem eis, ut id nemini dicerent. Sed quo magis eis praecipiebat, eo magis praedicabant, ³⁷et majorem in modum obstupecebant, dicentes eum omnia recte fecisse, ut surdi audirent, et ut muti loquerentur, efficere.

C A P U T VIII.

Septem panes. Ostentorum cupidi. Fermentum Phariseorum. Caecus. Petrus de Christo. Jesu mors praedicta. Petrus Sathanas, piorum crux.

PER eos dies erat permagna hominum multitudo, ne habebant quod comessent, et Jesus advocatis suis discipulis, inquit : ²Miseret me hujus multitudinis : si quidem jam tres dies me comitantur, nec habent quod comedant. ³Quod si eos domum jejunos dimisero, defetiscuntur in via : nam eorum nonnulli procul venerunt

⁴Et discipuli ejus sic ei responderunt : Unde possit eos quisquam panibus hic in solitudine satiare ? ⁵At ille eos interrogavit : Quot habetis panes ? Septem inquit. ⁶Tum ille jussit multitudinem humi discumbere : sumptosque septem panes, actis gratiis, fregit, suisque tradidit discipulis, ut apponerent, quos illi apposuerunt multitudini. ⁷Cumque paucos haberent pisciculos, ille actis laudibus, jussit eos quoque apponi. ⁸Illi vero epulati sunt ad satietatem, suntque sublatae reliquorum fragmentorum sportae septem. ⁹Erant autem qui comederunt, circiter quatuor millia : ¹⁰Quibus ille dimissis, confestim conscensa navi cum suis discipulis, venit in tractus Dalmanuthanos. ¹¹Eò profecti Pharisei, coeperunt cum eo contendere, postulantes ab eo signum de coelo, ejus tentandi gratia. ¹²At ille animo ingemuit, et dixit : Quid signum quaerit haec natio ? Pro certo habetote, nullum huic nationi signum datum iri. ¹³Deinde relictis eis, rursus conscensa navi trajecit. ¹⁴Obliti autem erant panes sumere, nec nisi unum panem secum habebant in navi. ¹⁵Itaque cum ille eis praeciperet, viderent ut Phariseorum Herodisque fermentum caverent, ¹⁶Illi inter sese cogitabant ac dicebant, id eo pertinere, quod non haberent panes. ¹⁷Quo cognito Jesus, eis inquit : Quid cogitatis ? vos non habere panes ? An nondum animadvertitis, nec intelligitis ? adhuc torpentia habetis corda ? ¹⁸Oculos habentes non videtis ? et aures habentes non auditis ? neque meministis, ¹⁹cum illos quinque panes ad hominum quinque millia fregi, quot canistra plena fragmentorum sustuleritis ? Duodecim inquit ei. ²⁰Quid

cum septem ad quatuor millia? quot plenas fragmentorum sportas sustulistis? Septem inquit. ²¹Et ille: Qui fit, inquit eis, ut non animadvertatis? ²²Deinde ubi Bethsaidam venit, allatus est ei caecus, quem ut tangeret, rogatus est. ²³Et ille prehensa caeci manu, eum eduxit ex vico, et ejus oculos conspuuit, eique manus imposuit, et eum interrogavit, ecquid videret. ²⁴Et ille intuitus, dixit: Video homines: nam arborum ritu video ambulantes. ²⁵Deinde rursus ille ejus oculis manus imposuit, effecitque ut videret, ita ut restitutus, omnes perspicue discerneret. ²⁶Atque ille eum domum dimisit, vetans ne vel in vicum ingrederetur, vel id cuiquam in vico diceret. ²⁷Profectus est autem Jesus, ejusque discipuli, in vicos Caesariae Philippi, atque in via suos discipulos hujusmodi verbis interrogavit: Quem me dicunt homines esse? ²⁸Cui illi responderunt, Johannem Baptistam, alii Eliam, alii vatem aliquem. ²⁹Et ille: Vos vero, inquit eis, quem dicitis me esse? Cui Petrus ita respondit: Tu es Christus. ³⁰At ille eis interdixit, ne cui se indicarent: ³¹Eosque docere coepit, oportere filium hominis pati multa, et a Senatoribus et Pontificibus, et Scribis improbari, ac interfici, et triduo post resurgere. ³²Dum ita aperte verba facit,prehendit eum Petrus, et objurgare coepit. ³³At ille conversus, discipulosque suos intuitus, Petrum his verbis objurgavit: Abi post me Satana: quandoquidem non divina, sed humana sapis. ³⁴Tum advocato vulgo cum suis discipulis, dixit eis: Qui me pone vult sequi, renunciat sibi et ipsi, suamque crucem tollat, et me sequatur. ³⁵Nam qui vo-

let animam suam servare, eam perdet : qui vero animam suam mea et Evangelii causa perdiderit, eam servabit. ³⁶Quid vero proderit homini, si vel totum mundum lucratus fuerit, et animae suae jacturam faciat ? ³⁷Aut quam dabit homo animae suae compensationem ? ³⁸Nam quem mei meorumque dictorum in hac adulterina improbaque natione puduerit, ejus vicissim pudebit filium hominis, cum in patris sui gloria venerit una cum sanctis angelis. ³⁹Tum eis dicit : Hoc certo scitote, esse quosdam eorum qui hîc adsunt, qui non ante mortem sensuri sint, quam Dei regnum videant venisse cum potentia.

C A P U T IX.

Christus transfiguratur, coelitus celebratur. Precum, ac jejunii contra spiritus virtus. Praedicta mors, et exsuscitatio. Piorum dominatus. Puerorum beatitas. Quis cum Jesu. Offensarum poena. Salis, ac pacis momentum.

DEINDE sexto post die assumit Jesus Petrum, et Jacobum, et Johannem, eisque in arduum montem solis seorsum ductis, transfiguratus est coram eis. ²Ejusque vestimenta facta sunt fulgentia, tam alba, quam est nix, quomodo nullus in orbe fullo dealbare possit : ³Eisque conspectus est Elias cum Mose, qui cum Jesu colloquebantur. ⁴Tum Petrus sic Jesum allocutus est : Rabbi, bonum est nos hîc esse : itaque faciamus tria tabernacula, tibi unum, Mofi unum, et Eliae unum. ⁵Nesciebat autem quid diceret, quippe cum essent terrii. ⁶Exti-

tit autem nubes, quae illos inumbravit, venitque vox ex nube, dicens : Hic est meus charissimus filius, hunc audite. ⁷Et subito circumspicientes, nullum jam viderunt nisi Jesum solum cum ipsis. ⁸Descendentibus autem eis de monte, praecepit eis, ne cui, quae viderant, narrent, nisi postquam filius hominis ex mortuis resurrexisset. ⁹Illi vero apud sese id dictum retinuerunt, quaerentes quid esset, ex mortuis resurgere. ¹⁰Itaque eum interrogarunt de eo quod dicerent Scribae, Eliam oportere venire prius. ¹¹Et ille respondens eis : Elias quidem prius venturus, et omnia instauraturus est, idque quemadmodum de filio hominis scriptum est, multa passurum, et contemnendum esse. ¹²Sed scitote Eliam venisse, et illos ei, quae voluerint, fecisse, quemadmodum de eo scriptum est. ¹³Deinde ubi venit ad discipulos, vidit circa eos ingentem hominum multitudinem, et cum eis contendentes Scribas : ¹⁴ac vulgo simulac eum viderunt admirati, eum salutatum accurrunt. ¹⁵Ipse Scribas interrogavit, quid cum illis contenderent. ¹⁶Cui unus ex turba respondit in hunc modum : Magister, adduxi tibi meum filium, qui mutum habet spiritum : ¹⁷qui ubi eum corripuit, ita lacerat, ut spumet, et dentibus strideat ac tabescat. Eum ut ejicerent, petii a tuis discipulis, sed nequiverunt. ¹⁸Tum ille ei respondens : O diffidens natio, inquit, quousque tandem apud vos ero ? quousque tandem vos feram ? Adducite eum ad me. ¹⁹Atque ille ad eum adducitur, et simulac ille eum vidit, convulsit eum spiritus, ita ut collapsus humi, volutaretur spumans. ²⁰Ille ex ejus patre sciscitatus est, quamdiu

esset cum id ei accidisset? Et pater respondit: Jam a pueris: ²¹ac saepe eum et in ignem jecit, et in aquam, ut eum perderet. Sed si quid potes, succurre nobis, nostri misertus. ²²Et Jesus: Siquidem potes (inquit ei) fidere, omnia fieri possunt fidenti. ²³Hic protinus exclamans pueri pater, cum lachrymis: Fido, inquit, Domine, succurre meae diffidentiae. ²⁴Videns autem Jesus vulgus accurrere, increpuit impiorum spiritum, dicens ei: Spiritus mute et surde, ego tibi impero, ut ex eo emigres, nec amplius in eum intres. ²⁵Tum ille exclamando, eumque vehementer laniando exiit. Atque is perinde fuit ac mortuus, ita ut multi mortuum esse dicerent. ²⁶At Jesus eum manu prehensum allevavit, atque ille surrexit. ²⁷Eum autem domum ingressum, discipuli seorsum interrogarunt, cur ipsi eum expellere nequivissent? ²⁸Quibus ille: Hoc genus, inquit, nulla re ejici potest, nisi precibus et jeuniis. ²⁹Illinc profecti iter faciebant per Galilaeam, nec ille volebat, ut id sciret quisquam. ³⁰Docebat enim discipulos suos, eisque dicebat, filium hominis tradendum esse in hominum manus, qui eum interficerent, isque interfectus, tertio die resurgeret. ³¹At illi eam rem ignorabant, et eum interrogare verebantur. ³²Venit autem Capharnaum: atque ubi domum venit, quaesivit ex eis quid in via inter sese disceptassent? ³³Cumque illi silerent (nam inter sese disputaverant in via, quis esset maximus) ³⁴ille consedit, et vocatis duodecim dixit: Si quis primus esse vult, erit omnium ultimus, omniumque famulus. ³⁵Tum puerum sumpsit, et in eorum medio statuit,

eumque complexus ulnis, inquit eis. ³⁶Qui aliquem talium puerorum accipit meo nomine, me accipit: et qui me accipit, non me accipit, sed eum qui me misit. ³⁷Tum Johannes sic eum est allocutus: Magister, vidimus quendam in tuo nomine ejicientem daemonia, qui non sequitur nos: itaque eum prohibuimus, quoniam non sequitur nos. ³⁸At Jesus: Ne prohibete eum, inquit. Nemo enim est qui meo nomine miraculum faciat, qui cito possit mihi maledicere. ³⁹Nam qui contra nos non est, a nobis est. ⁴⁰Etenim qui vobis vel aquae poculum meo nomine bibendum dederit, quod Christi sitis, certo scitote, eum non perditurum operam. ⁴¹Et qui vel minimum eorum, qui mihi fidem habent, laeserit, satius esset ei, ejus collo molarem lapidem circumponi, eumque in mare dejici. ⁴²Quod si tibi tua manus officit, abscinde eam. Satius enim est tibi mancum in vitam ingredi, quam duas habentem manus abire in gehennam, in ignem inextinctum, ⁴³ubi nec eorum vermis interit, nec ignis extinguitur. ⁴⁴Et si tibi pes tuus officit, abscinde eum: satius est te in vitam claudum ingredi, quam duos habentem pedes in gehennam conjici, in ignem inextinctum, ⁴⁵ubi nec eorum vermis interit, nec ignis extinguitur. ⁴⁶Et si tibi tuus oculus officit, erue eum: satius est tibi unoculum in Dei regnum ingredi, quam duos habentem oculos in ignis gehennam conjici, ⁴⁷ubi nec eorum vermis interit, nec ignis extinguitur, ⁴⁸nam et omnes igne faliendi, et omne sacrificium sale faliendum est. ⁴⁹Bonum est sal: sed si sal insulsum fiat, quo condietur ipsum? Habete in vobis salem, et pacem inter vos gerite.

Mosis
ac f
pote
piis

ILLI
dar
minun
autem
rem r
dit: C
misit
respon
scripsi
prime
causa
uxori
jam f
hom
de re
quis
in ear
adult
geret
gabar
puer
est D
num
¹⁶De

Mosis repudium. Christi conjugium, repudium. Puerorum salus ac faustitas. Bonus quis. Fortunarum discrimen. Dei omnipotentia. Piorum remuneratio. Instans letum Christi. A quo piis dignitas. Christus ad quid. Caecus Bartimaeus.

ILLINC profectus venit in fines Judaeae, per transjordaninum agrum: eumque rursus convenit vulgus hominum, quos ille rursus, ut solitus erat docet.² Aggressi autem eum Pharisei interrogarunt, liceretne viro uxorem repudiare? tentantes eum.³ Quibus ille sic respondit: Quid vobis praecepit Moses?⁴ Et illi: Moses permisit scripto divortii instrumento repudiare.⁵ At Jesus respondens: Propter vestram (inquit eis) perveraciam scripsit ille vobis illud praeceptum.⁶ Sed a creationis primordio marem et foeminam fecit eos Deus.⁷ Hujus causa homo, relicto suo patre atque matre, haerebit uxori suae,⁸ fietque ex duobus una caro: itaque non jam sunt duo sed una caro.⁹ Quod ergo Deus conjunxit, homo ne disjungat.¹⁰ Itemque domi rursus eum eadem de re interrogarunt ejus discipuli.¹¹ Quibus ille: Quisquis uxorem suam repudiat, aliamque ducit, adulterat in eam.¹² Et si uxor, repudiato viro suo, nupserit alteri, adulterat.¹³ Adducebantur autem ei pueri, ut eos tangeret: discipuli vero eos a quibus adducebantur, objurgabant: ¹⁴Quo viso, indignatus Jesus, dixit eis: Sinite pueros ad me venire, neve eos prohibete: talium enim est Dei regnum.¹⁵ Hoc pro certo habetote, qui Dei regnum non acceperit ut puer, non esse in id ingressurum.¹⁶ Deinde eos complexus ulnis, et manibus eis impositis,

eis bene precatus est. ¹⁷Eo autem iter faciente, accurrit quidam, qui eum flexis ad eum genibus, sic interrogavit: Magister bone, quid faciam, ut vitam adipiscar aeternam? ¹⁸Cui Jesus: Quid me dicis bonum? inquit, Nullus est bonus, nisi unus Deus. ¹⁹Praecepta nosti: Ne adulterato: ne occidito: ne furator: ne falsum testimonium dicit: ne fraudato: honorato tuum patrem atque matrem. ²⁰Et ille respondens: Magister, inquit, haec omnia a pueris servavi. ²¹Hic Jesus eum intuitus, amavit, eique dixit: Unum tibi deest. I venditum quicquid habes, et in pauperes erogato, habiturus in coelo thesaurum: deinde me, crucem ferens, sequutum venito. ²²At ille eo dicto moestus abiit, dolens: quippe qui multis praeditus esset opibus. ²³Et Jesus circum intuitus, dicit discipulis suis: O quam difficulter, qui pecunias habent, in Dei regnum ingredientur! ²⁴Hic cum discipuli ejus dicta demirarentur, Jesus rursus sic eos alloquitur: O nati, quam difficile est, fretos pecuniis in Dei regnum ingredi! ²⁵Facilius est rudentem per foramen acus trajici, quam divitem in Dei regnum intrare. ²⁶Cumque illi vehementius stuperent, sic secum ipsi cogitantes: Quis ergo servari potest? ²⁷Intuitus eos Jesus, dixit: Ab hominibus fieri non potest, at a Deo potest: omnia enim a Deo possunt fieri. ²⁸Tum Petrus sic dicit ei: Nos quidem, relictis omnibus, te secuti sumus. ²⁹Et Jesus: Hoc vobis confirmo, inquit respondens, nullum esse, qui domum, aut fratres, aut sorores, aut patrem, aut matrem, aut uxorem, aut liberos, aut agros, mea et Evangelii causa reliquerit, ³⁰quin sit et nunc, hoc

tempore centuplum, domos, et fratres, et sorores, et matres, et liberos, et agros inter adversa, et in futuro aevo sempiternam vitam consecuturus. ³¹Sed multi et primi erunt ultimi, et ultimi primi. ³²Cum autem Hierosolyma ascenderent, et eos antecederet Jesus, pavebant, et inter sequendum formidabant. Et Jesus assumptis rursum duodecim, coepit eis eventura sibi praedicere. ³³Nos quidem ascendimus Hierosolyma, inquit, et filius hominis tradetur Pontificibus atque Scribis, qui eum morte damnabunt, exterisque tradent, ³⁴illudendum, verberandum, conspuendum, et interficiendum, et tertia die resurrecturum. Convenerunt autem eum Jacobus et Johannes, ³⁵Zebedaei filii, in haec verba: Magister, velimus, ut quod a te postulabimus, in nobis praestes. ³⁶Quibus ille: Quid vultis ut vobis praestem. ³⁷Et illi. Da nobis (inquiunt ei) ut tibi alter ad dexteram, alter ad sinistram assideamus in tua gloria. ³⁸At Jesus dixit eis: Nescitis quid postuletis. Potestis poculum potare, quod ego potaturus sum? et eodem mecum baptismo baptizari? ³⁹Possumus, inquiunt. Et Jesus: Poculum quidem, quod ego potaturus sum, potabitis, eodemque mecum baptismo baptizabimini: ⁴⁰Sed ut mihi dextra, laevaue assideatur, non est meum dare, nisi quibus id paratum est. ⁴¹Hoc audito, decem coeperunt de Jacobo et Johanne indignari. ⁴²At Jesus advocatis eis dixit: Scitis eos, quos videmus imperare extraneis, in eos dominari, et eorum maximos quosque, in eos maxime potestatem obtinere. ⁴³At in vobis non sic fiet: sed qui vestrum volet fieri inter vos maximus,

erit vester famulus : ⁴⁴Et qui volet fieri vestrū primus, erit omnium servus. ⁴⁵Nam filius hominis non venit, ut ipsi ministretur, sed ut ministret ipse, animamque suam in multorum redemptionem impendat. ⁴⁶Venerunt autem Hierichuntem : eoque et ejus discipulis ab Hierichunte cum frequenti multitudine discedentibus, Timaei filius Bartimaeus, caecus, qui apud viam sedens mendicabat, ⁴⁷Ut audivit Jesum esse Nazarenum, coepit ita clamare : Davidide Jesu, miserere mei. ⁴⁸Ac multis eum ut taceret objurgantibus, multo magis clamabat : Davidide, miserere mei. ⁴⁹Tum Jesus restitit, eumque jussit accersi. Cumque illi eum accerferunt, et, Bono es animo dicerent, surge, accersit te : ⁵⁰Ille abjecta veste sua surrexit, et ad Jesum venit. ⁵¹Et Jesus sic eum alloquitur : Quid tibi vis faciam ? Cui caecus : Magister, inquit ei, ut dispiciam. ⁵²Et Jesus dixit ei : Abi, tua te fiducia servavit. Atque ille protinus dispexit, et Jesum in via secutus est.

C A P U T XI.

Christus ovans in urbem. In ficum dirae. Purgatum templum. Conjuratio in Jesum. Fidei virtus ac precationis. In invidos clementia. Sacerdotum confutatio.

CUM autem Hierosolymae propinquarent ad Bethphage, et Bethaniam, ad montem olivarum, mittit suorum discipulorum duos : ²Ite, inquit, in vicum qui est e regione vestri, et protinus in eum intrantes, invenietis vinctum asellum, quem nullus hominum infedit :

eum solvitote, et mihi adducitote. ³Quod si quis ex vobis quaesierit, cur id faciatis? dicitote Dominum eo egere: et statim eum huc dimittet. ⁴Ita illi profecti, et asellum foris ad portam vinctum in bivio nacti solvunt. ⁵Et eorum quidam qui illic aderant, ex eis quaesiverunt, quid facerent, qui asellum solverent? ⁶Quibus illi dixerunt quemadmodum mandaverat Jesus: ⁷Atque ita permittentibus illis, adduxerunt asellum ad Jesum, eique sua vestimenta superinjecerunt, atque ille superinsedit. ⁸Frequentes autem suis vestimentis viam insternebant: alii abscissas ex arboribus frondes per viam sternere: ⁹Quique antecedeabant, quique subsequabantur, sic clamare: Hosanna, bene sit venienti in nomine Domini: ¹⁰Felix veniens regnum in nomine Domini patris nostri Davidis: Hosanna in supremis. ¹¹Ingressus est autem Hierosolyma Dominus, et in templum: omnibusque circumspectis, cum jam sera esset hora, profectus est Bethaniam cum duodecim, ¹²Postridie eis Bethania egressis esuriit, ¹³Ficumque procul foliosam conspicatus accessit, si quid in ea forte inveniret. Sed ut ad eam venit, nihil invenit nisi folia: nec enim tempus erat ficuum. ¹⁴Itaque sic eam allocutus est Jesus: Nunquam deinceps quisquam ex te fructum comedat. Audiebant autem ejus discipuli. ¹⁵Deinde veniunt Hierosolymam, et ingressus in fanum Jesus, coepit ejicere vendentes et ementes in fano, nummulariorum mensas et sellas vendentium columbas evertit, ¹⁶neque sinebat quenquam per fanum ferre vasa. ¹⁷Atque his verbis eos alloquens docebat: Nonne est scriptum, Domus

mea domus supplicationis vocabitur cunctis gentibus? et vos ex ea latronum speluncam fecistis. ¹⁸Hoc audito, Scribae, et Pontifices eum perdere studebant. Metuebant enim eum: quippe cuius doctrinam stupebat omne vulgus. ¹⁹Sub vesperam autem egressus est ex urbe. ²⁰Mane praetereuntes, vident siccata a radicibus ficum: ²¹id quod recordatus Petrus, dicit ei: Rabbi, ecce ficus, quam tu execratus es, aruit. ²²Et Jesus respondens, inquit eis: Habete fidem Deo: ²³Hoc vobis confirmo, si quis iusserit huic monti, ut amoveatur, et in mare jaciatur, nec animo dubitaverit, sed quae dicet crediderit eventura, continget ei quicquid dixerit: ²⁴Itaque sic vobis dico: quicquid orantes postulatis, credite vos affecuturos, et vobis continget. ²⁵Oraturi autem ignoscite, si quid habetis, quod de quopiam expostuletis: ut vester quoque pater, qui in coelis est, vestra delicta vobis ignoscet. ²⁶Quod nisi ignoscetis, ne pater quidem vester, qui in coelis est, vobis delicta vestra ignoscet. ²⁷Deinde rursus veniunt Hierosolymam, eumque in fano ambulanti Pontifices, Scribaeque et Senatores conveniunt his verbis: ²⁸Qua potestate ista facis? et quis istam tibi ista faciendi potestatem dedit? ²⁹Quibus respondens Jesus: Interrogabo ego quoque vos quiddam, inquit: quod si mihi responderitis, dicam vobis qua potestate haec faciam. ³⁰Johannis baptisma a coelo ne erat, an ab hominibus? respondete mihi. ³¹At illi sic secum cogitare: Si a coelo dixerimus, dicet: Cur ergo ei non credidistis? ³²Sin ab hominibus dixissent, metuebant populum: omnes enim Johannem vere vatem esse

duce
Jesu
pote

Vinea
loc
ru
Ch
nu

T
defix
deino
agric
³At
miser
illi ei
tume
inter
tim
sibi c
cogit
grico
terfic
perun
ergo
det,

ducebant. ³³Itaque Jesu responderunt, nescire se. Et Jesus eis sic respondit: Nec ego vobis dico, qua haec potestate faciam.

CAPUTA XII.

Vinea bene instructa, servi, Haeres. Cultorum punitio, et vineae locatio. Lapis offendiculi. Deo Caesarique danda. Sadducaeorum confutatio. Deus quorum sit. Praecepta duo. Quaestio Christi de Davide. Scribarum ambitio, avaritia, viduae munusculum.

TUM per similitudines eos alloqui orsus est. Vineam consevit quidam, et sepe circumdedit, et torcular defixit, turrimque construxit, et eam locavit agricolis, deinde peregre profectus est. ²Post suo tempore misit ad agricolas servum, ut ab eis de vineae fructu perciperet. ³At illi eum ceperunt, verberaruntque, et inanem dimiserunt. ⁴Cumque rursus ad eos misisset alium servum, illi ei quoque caput lapidibus contuderunt, eumque contumeliose dimiserunt. ⁵Rursus alium misit, quem etiam interfecerunt, aliosque multos partim verberarunt, partim necarunt. ⁶Igitur cum adhuc unum haberet filium sibi charissimum, misit eum quoque ad illos ultimum, cogitans fore, ut suum filium revererentur. ⁷At illi agricolae sic inter sese dicere: Hic est haeres, agite, interficiamus eum, et nostra erit haereditas. ⁸Itaque ceperunt eum, necaruntque, et ex vinea ejecerunt. ⁹Quid ergo faciet vineae dominus? Veniet, agricolasque perdet, et alijs vineam dabit. ¹⁰An ne illud quidem scrip-

tum legistis? Quem lapidem improbaverant structores, is adhibitus est ad caput anguli: ¹¹Id quod a Domino profectum est, et nobis mirum videtur. ¹²At illi eum capere conari, quippe qui eum similitudinem illam contra ipsos dixisse intelligerent: sed metuerunt plebem. Igitur eo relicto digressi, ¹³mittunt ad eum Phariseorum et Herodianorum quosdam, qui eum verbis irriterent. ¹⁴Hi eum huiusmodi oratione aggressi sunt: Magister, scimus veracem esse te, neque quenquam curare, quippe qui ad hominum personam non spectes, sed vere divinam vitae viam doceas. Licetne censum Caesari pendere, an non? pendamus, an non pendamus? ¹⁵At ille eorum simulationem intelligens: Quid me tentatis? inquit eis: afferte mihi denarium, ut videam. ¹⁶Cumque illi attulissent: Cujus est, inquit eis, imago haec et inscriptio? Caesaris inquiunt. ¹⁷Et Jesus respondens eis: Solvite igitur, inquit, Caesariana Caesari, et divina Deo. Illi vero eum admirari. ¹⁸Tum eum convenerunt Sadducaeï, qui quidem resurrectionem esse negant, et sic interrogarunt: ¹⁹Magister, scripsit nobis Moses, si cujus frater moriatur uxore superstite, nec liberos relinquat, ut ducat ejus frater, ejus uxorem, fratrique suo prolem suscitet. ²⁰Septem fratres fuerunt, quorum primus ducta uxore mortuus est, nulla prole superstite. ²¹Itemque secundus eadem ducta mortuus est, nec ipse prolem reliquit. Similiterque tertius. ²²Denique septem illi eam duxerunt, neque progeniem reliquerunt. Postrema omnium mortua est etiam foemina. ²³Igitur in resurrectione, cum resurrectum fuerit, cujus eorum

erit uxor? cum septem eam habuerint in matrimonio?

²⁴Et Jesus respondens: Nimirum ideo erratis, inquit eis, quod scripta non intelligitis, neque Dei potentiam.

²⁵Cum enim a morte resurrectum fuerit, nulla conjungentur connubia, sed erunt angelorum similes, qui sunt in coelis. ²⁶De mortuis autem, quod resurgant, non legistis in Moſis libro, in rubo, ut eum ſic allocutus ſit

Deus? Ego Deus Abrahami, et Iſaaci, et Jacobi. ²⁷Non eſt mortuorum Deus, ſed viventium Deus. Itaque vos multum erratis. ²⁸Tum Scribarum quidam, auditis eis diſceptantibus, videns eum illis recte reſponſiſſe, acceſſit, et ex eo quaerivit, quodnam eſſet omnium praeceptorum primum? ²⁹Cui Ieſus ſic reſpondit: Primum omnium praeceptorum eſt: Audi Iſraelita: Dominus Deus veſter, Dominus unus eſt: ³⁰Itaque Dominum Deum tuum, toto corde, toto animo, tota mente, totifque viribus amato. Hoc primum eſt praeceptum. ³¹Huic ſimile eſt alterum: alterum ut teipſum amato. His majus aliud praeceptum nullum eſt. ³²Et Scriba: Recte magiſter, proſecto, dixiſti. Nam unus eſt Deus, praeterea nullus: ³³Quem toto corde, omni ſtudio, toto animo, ſummaque ope amare, nec non alios ut ſeipſum amare, plus eſt quam omnes victimae et ſacrificia. ³⁴Hic Ieſus eum cordate reſponſiſſe videns, dixit ei: Non procul abes a regno Dei. Ac deinceps eum interrogare audebat nemo. ³⁵Et Ieſus in fano docens, ſic verba fecit: Qui ſit ut dicant Scribae, fore ut Chriſtus genus ducat a Davide? ³⁶Cum ipſe David ſancti ſpiritus inſinu dixerit: Ait Dominus Domino meo, ſede ad

meam dexteram donec efficiam ex hostibus tuis tuorum pedum subsellium? ³⁷Cum igitur eum dicat ipse David Dominum, unde fit ut sit ejus prognatus. Cumque frequens hominum multitudo eum libenter audiret, ³⁸sic eis inter docendum dicebat: Cavete a Scribis qui stolati incedere amant et in foris salutationes, ³⁹et in collegiis primas sessiones, et in coenis prima accubandi loca: ⁴⁰Qui viduarum domos devorant, et per ostentationem prolixè orant. Hi graviores poenas dabunt. ⁴¹Sedens autem Jesus e regione fisci, spectabat, ut multitudo conferret aes in fiscum. Ac multis divitibus multa conferentibus, ⁴²venit quaedam vidua pauper, quae duos teruncios contulit. Est autem teruncius idem quod quadrans. ⁴³Tum ille advocatis suis discipulis: Certo scitote, inquit eis, hanc pauperem viduam plurimum omnium contulisse, qui contulerunt in fiscum. ⁴⁴Omnes enim ex eo quod ipsis supererat, contulerunt: at haec sua penuria, quicquid habebat, totum victum suum contulit.

C A P U T XIII.

Templi ruina. Pseudo-christi. Orbis calamitates. Piorum aerumnarum, consolatio. Familiae dissidia, beati. Coeli prodigia, coelestis pii. Christi veritas perpetua. Judicii hora cui nota. Vigilantia.

EXEUNTI autem ex fano, quidam ejus discipulorum sic dixit: Magister, vide quanti lapides, et structurae. ²Cui respondens Jesus: Vides, inquit, has ingens

tes structuras? ita dissolventur, ut nullus lapidi lapis impositus relinquatur. ³Deinde sedentem eum in monte olivarum, e regione fani, interrogarunt seorsum Petrus et Jacobus, et Johannes, et Andreas, his verbis: ⁴Dic nobis quando haec futura sint, et quod signum significabit, haec perficienda omnia? ⁵Et Jesus eis respondens, sic loquitur: Videte ne quis vos fallat. ⁶Venient enim multi in meo nomine: dicentes se eum esse, multosque fallent. ⁷Cum autem bella, bellicque rumores audietis, nolite turbari: oportet enim ea fieri, sed nondum erit finis. ⁸Consurget enim gens in gentem, et regnum in regnum, eruntque terrae motus certis locis, et fames et turbae. Ea erunt dolorum principia. ⁹Sed prospicitote vos vobisipsum: sistemini enim in confessus, et collegia: vapulabitis, et ad magistratus, regesque ducemini mea causa, quod sit eis testimonio. ¹⁰Ac per omnes gentes oportet prius Evangelium publicari: ¹¹Cum autem ducemini, ac sistemini, nolite prius cogitare aut praemeditari dicenda, sed quod vobis eadem hora suggeretur, id dicitote. Non enim vos eritis qui loquimini, sed spiritus sanctus. ¹²Tradet autem fratrem frater ad mortem, et pater filium, consurgentque in parentes nati, et eos necabunt, ¹³eritisque omnibus inuisi propter nomen meum: sed qui ad finem pertulerit, is servabitur. ¹⁴Cum autem calamitosum nefas a Daniele vate praedictum, stare videbitis ubi non debet, qui legit animadvertat: tum qui erunt in Iudaea, fugiant in montes. ¹⁵Et qui erit in tecto, ne descendat in aedes, nec ingrediatur ad auferendum aliquid ex suis aedibus: ¹⁶Et qui ruri erit,

ne gradum referat, suae vestis auferendae gratia. ¹⁷Hi
uterum ferentibus, et lactantibus illo tempore. ¹⁸Optate
vero, ne accadat hyeme vestra fuga. ¹⁹Erit enim tem-
poris illius calamitas, quanta nec a rerum, quas Deus
creavit, creatione fuit adhuc, nec postea futura est.
²⁰Quod nisi Dominus tempus illud decurtaret, nullus
mortalium evaderet: sed propter electos, quos delegit,
decurtabit id tempus. ²¹Tum si quis vobis dixerit, hic
aut illic adesse Christum, ne creditote. ²²Existent enim
falsi Christi, falsique vates, qui prodigiosa et portentosa
designabunt, ad decipiendos, si fieri posset, etiam elec-
tos. ²³Vos vero prospicite: en praedixi vobis omnia.
²⁴Sed illo tempore, post calamitatem illam, sol obscu-
rabitur, et luna suum splendorem non emittet, ²⁵et
coeli stellae decident, coelestesque potestates commo-
vebuntur. ²⁶Deinde cernetur filius hominis veniens in
nubibus cum magna potentia atque gloria, ²⁷ac tum
suis dimissis nunciis congregabit electos suos a quatuor
ventis, ab ultimis terris ad extremum coeli. ²⁸A ficu
autem discite exemplum: Cum jam ejus rami teneri
sunt, eaque folia procreat, intelligitis instare aestatem.
²⁹Sic et vos cum haec fieri videbitis, scitote prope ad-
esse pro foribus. ³⁰Hoc vobis confirmo, non ante prae-
teritum esse hoc seculum, quam fiant haec omnia.
³¹Coelum licet et terra intereant, mea dicta non inte-
ribunt. ³²Caeterum diem illam, et horam, nullus scit,
ne angeli quidem coelestes, neque filius, sed tantum
pater. ³³Videte ut vigiletis, et oretis: nescitis enim
quando tempus futurum sit: ³⁴Quemadmodum pere-

grinans homo, qui suam domum reliquit, suisque servis potestatem, et suum cuique munus assignavit, et janitori ut vigilaret, mandavit. ³⁵Vigilate igitur: nescitis enim quando domus dominus venturus sit, sero, an media nocte, an gallicinio, an mane: ³⁶Ne si de improvviso venerit, offendat vos dormientes. ³⁷Quae autem vobis dico, omnibus dico, vigilate.

CAPUT XIV.

In Christum insidiae. Unguentum apud Simonem: defensa mulier. Judas proditor. Pascha. Coena dominica. Petri temeritas. Jesu angor, precatio terna, discipulorum sopor. Captus Jesus, suorum fuga. Falsi testes. Jesus de seipso, spreus, ictus. Petrus deficiens, perjurus, lugens.

CUM autem futurum esset Pascha et Azymalia post biduum, studebant Pontifices et Scribae eum fraudulenter captum interficere: ²Sed id die festo faciendum negabant, ne quis fieret populi tumultus. ³Et dum erat Bethaniae in domo Simonis leprosi, eo accubante, venit mulier, habens alabastrum unguenti spicatae nardi, preciosi, quae confracto alabastro perfudit ejus caput. ⁴Erant autem quidam qui apud sese indignabantur, atque ita dicebant: Quorsum haec unguenti jactura facta est? ⁵Poterat hoc plusquam trecentis denariis vendi, et in pauperes erogari. Dum illi sic adversus eam fremunt, ⁶Jesus dixit: Sinite eam: quid negotium ei facessitis? bono opere functa est erga me. ⁷Semper enim pauperes habebitis vobiscum, quibus quandocunque vo-

letis, benefacere possitis : at me non semper habebitis.
⁸Quod potuit haec, fecit : anticipavit meum corpus ad sepulturam ungere. ⁹Hoc vobis confirmo, ubicunque toto orbe publicabitur hoc evangelium, etiam quid ea fecerit, dicetur, ad ejus memoriam. ¹⁰Judas autem Iscariota, unus ex duodecim, Pontifices adiit, ut eum illis traderet. ¹¹Quo illi audito laetati, promiserunt ei pecuniam se daturus. Itaque quaerebat, quo pacto eum posset opportune prodere. ¹²Primo autem azymalium die, cum Pascha immolandum foret, sic ei dicunt ejus discipuli : Ubi vis ut tibi epulandum Pascha praeparatum eamus ? ¹³Tum ille discipulorum suorum duos dimittit, eisque dicit : Ite in urbem : occurret vobis quidam aquae fictile portans : eum sequimini, ¹⁴et quo intraverit, sic dicitote patrifamilias : Quaerit magister ubi sit mansio, ubi Pascha cum discipulis suis polluceat ? ¹⁵Ipsa vero vobis ingens coenaculum ostendet, instratum ac paratum, illic nobis praeparatote. ¹⁶Ita profecti ejus discipuli, venerunt in urbem : et nacti quae ille eis dixerat, Pascha praepararunt. ¹⁷Deinde sub vesperum venit Jesus cum duodecim, ¹⁸ac discumbentibus et epulantibus eis, dixit : Certo scitote fore, ut unus ex vobis me prodat, qui mecum epulatur. ¹⁹Illi vero dolere coeperunt, eique singuli dicere : Isne ego sum ? Et alius : Isne ego sum ? ²⁰Quibus ille respondens : Unus est ex duodecim, inquit, qui mecum intingit in catinum. ²¹Filius quidem hominis abit quemadmodum de eo scriptum est. Sed vae homini illi per quem filius hominis prodendus est. Praestaret homini illi, nunquam esse

natum. ²²Epulantibus autem eis, Jesus sumptum panem, actis laudibus, fregit, eisque dedit, et dixit: Accipite, comedite, hoc est corpus meum. ²³Deinde sumptum poculum, gratiis actis, dedit eis: biberuntque ex eo omnes: ²⁴Atque ille eis dixit: Hic est sanguis meus novi foederis, pro multis effundendus. ²⁵Hoc vobis certo dico, non me amplius bibiturum ex foetu viteo, usque ad illam diem, cum eum bibam novum in regno Dei. ²⁶Deinde laudibus dictis, profecti sunt in montem olivarum, ²⁷eisque sic dicit Jesus: Vos me omnes hac nocte deseretis: siquidem scriptum est: Percutiam pastorem, et dispergentur oves. ²⁸Sed postquam resurrexero, praecedam vos in Galilaeam. ²⁹At Petrus dixit ei: Etiam si omnes deserant, at ego non item. ³⁰Cui Jesus: Hoc tibi confirmo, inquit, fore ut hodie in hac nocte, priusquam bis gallus cantet, tu me ter abneges. ³¹At ille multo magis dicere: Imo etiam si me una tecum mori oporteat, non abnegabo te: itidemque etiam omnes alii dicebant. ³²Deinde ubi venerunt in locum, cui nomen est Gethsemani, dixit suis discipulis: Sedete hic, dum ego oratum eo: ³³Assumptisque una secum Petro et Jacobo, et Johanne, coepit turbari atque angī, ³⁴eisque dixit: Prae animi dolore emorior. Manete hic, et vigilate. ³⁵Tum paululum progressus, procidit humi, oravitque, ut si fieri posset, horam illam declinaret: ³⁶et: Abba pater, inquit, omnia tu potes: averte hoc a me poculum, Verum non quod ego volo, sed quod tu. ³⁷Deinde venit, et eos dormientes nactus, dicit Petro: Simon dormis? non potuisti unam horam vigilare? ³⁸Vi-

gilate, et orate, ne veniatis in tentationem. Spiritus quidem promptus est, sed caro infirma. ³⁹Deinde rursus oratum ivit, eademque verba dixit: ⁴⁰Ac reversus, eos rursus dormientes offendit: eorum oculis ita gravatis, ut nescirent quid ei responderent. ⁴¹Deinde tertio venit, et: Dormite jam, inquit, et requiescite. Satis est, venit hora, ecce traditur filius hominis in manus improborum. ⁴²Surgite, eamus. En, qui me prodit, adventat. ⁴³Et protinus adhuc eo loquente, advenit Judas, qui unus erat ex duodecim, comitante frequenti multitudine cum gladiis et fustibus, a Pontificibus et Scribis, ac senatoribus, ⁴⁴dederat autem illis ejus proditor signum, dicens: Quem osculatus fuero is est: eum capite, et tuto abducite. ⁴⁵Igitur simulac venit, eum adit, et ei dicit: Magister, magister: eumque deosculatus est. ⁴⁶Illi vero in eum manus injecerunt, eumque ceperunt. ⁴⁷Quidam autem eorum qui aderant, stricto ense percussit Pontificis servum, eique abstulit auriculam. ⁴⁸Et Jesus illos sic est allocutus: Tanquam ad latronem existiis cum gladiis et fustibus, ad me comprehendendum. ⁴⁹Quotidie eram apud vos in fano docens, neque me cepistis: sed ea fieri oportet, quae scripta sunt. ⁵⁰Tum omnes eo relicto fugerunt. ⁵¹Cumque adolescens quidam eum sequeretur, linteo nudum corpus indutus, adolescentes eum ceperunt. ⁵²Ille vero relicto linteo, nudus eos effugit. ⁵³Abduxerunt autem Jesum ad Pontificem, ad eumque convenerunt omnes Pontifices, et senatores atque Scribae. ⁵⁴Eum procul secutus Petrus usque in Pontificis atrium, una cum famulis residet,

que ad ignem calefacit. ⁵⁵Pontifices vero, totusque confessus, quaerebant contra Jesum testimonium, ut eum necarent, nec inveniebant. ⁵⁶Nam multi quidem adversus eum falsa testificabantur, sed consentanea non erant testimonia. ⁵⁷Et quidam extiterunt, qui contra eum falsa testabantur, ~~ita~~ dicentes. ⁵⁸Nos eum audivimus dicentem, se templum hoc manufactum esse dissoluturum, et triduo aliud non manu factum extructurum. ⁵⁹Sed ne sic quidem consentanea erant eorum testimonia. ⁶⁰Tum Pontifex in medium surrexit, et Jesum sic interrogavit: Nihilne respondes? quid est, quod hi contra te testantur? ⁶¹At Jesus silebat, nihilque respondebat. Rursum Pontifex eum hujusmodi verbis interrogavit: Tune es Christus celebrandi Dei filius? ⁶²Et Jesus: Sum, inquit: et videbitis hominis filium sedentem ad dextram potentiae, et cum coelestibus venientem nubibus. ⁶³Tum Pontifex lacerare suas vestes: Quid adhuc nobis opus est testibus? inquit: ⁶⁴Audivistis impiam vocem: quid vobis videtur? Illi vero eum omnes ut morte dignum damnarunt: ⁶⁵Cooperuntque eum quidam conspuere, eique faciem obvelare, et colaphos impingere, ac dicere, Divina: eique alapas impingebant ministri. ⁶⁶Cum esset autem Petrus infra in atrio, venit quaedam ancillarum Pontificis, ⁶⁷et viso Petro sese calefaciente, intuita eum, dicit: Tu quoque cum Nazareno Jesu eras. ⁶⁸At ille negavit, ita dicens: Nescio, nec intelligo quid dicas. Deinde foras in vestibulum egressus est, et gallus cecinit. ⁶⁹Et ancilla eo viso rursum coepit dicere eis qui aderant, eum ex illis esse,

⁷⁰At ille rursus negavit. Paulo post rursus qui aderant dicunt Petro : Profecto tu ex illis es : nam Galilaeus es, et locutio tua congruit. ⁷¹At ille coepit detestari, et jurare, sese non novisse hominem illum, quem illi dicerent : ⁷²Et iterum gallus cecinit. Tum Petrus recordatus ejus, quod ei dixerat Jesus, fore ut priusquam bis caneret gallus, ter eum negaret, coepit flere.

C A P U T XV.

Christus ad Pilatum. Judaeorum rex. Barrabas absolutus. Jesu supplicium, titulus, dictoria, tenebrae. Christi gemitus, potatio, mors. Veli scissura, militum professio. Christi monumentum.

MANE protinus inito consilio, Pontifices una cum Senatoribus, et Scribis, totusque confessus, Jesum colligant, abductumque Pilato tradunt. ²Eum Pilatus interrogavit, essetne Judaeorum rex ? Cui ille respondens : Ut tu dicis, inquit. ³Cumque eum vehementer accusarent Pontifices, ⁴Pilatus eum rursus his verbis interrogavit : Nihilne respondes ? vide quanta contra te testificentur. ⁵At Jesus nihil amplius respondit, adeo ut miraretur Pilatus. ⁶Solebat autem in illis festis eis laxare unum vinctum, quemcunque postulassent. ⁷Erat quidam nomine Barrabas cum seditiosis vinctus, qui in seditione caedem fecerant. ⁸Itaque coeperunt vulgo clamantes id exigere, quod ille semper eis erat facere solitus. ⁹Et Pilatus sic eis respondit : Vultis ut vobis Judaeorum regem solvam ? ¹⁰Sciebat enim, eum per invidiam a Pontificibus esse traditum. ¹¹Pontifices vero

plebem instigarunt, ut sibi Barrabam potius ab illo laxari postularet. ¹² Et Pilatus rursus eos alloquens: Quid ergo vultis, inquit, ut de eo faciam, quem Iudaeorum regem dicitis? ¹³ At illi denuo clamabant: Crucifige eum. ¹⁴ Et Pilatus: Quid enim mali fecit? inquit eis. At illi eo acrius clamare: Crucifige eum. ¹⁵ Igitur Pilatus volens plebi satisfacere, laxavit eis Barrabam, Jesumque verberavit, et eis crucifigendum tradidit. ¹⁶ Et milites eo extra atrium, hoc est praetorium, educto, totam cohortem convocant, ¹⁷ eumque purpura induunt, et ei implexam spineam coronam imponunt, ¹⁸ Eumque sic salutare incipiunt: Salve rex Iudaeorum: ¹⁹ Eiusque caput arundine tundunt, et eum conspuunt, ac positis genibus venerantur. ²⁰ Deinde postquam ei illuserunt, spoliant eum purpura, ipsiusque vestimentis induunt: tum crucifigendum educunt: ²¹ Et praetereuntem quendam Simonem Cyrenaeum, rure venientem, Alexandri Rufique patrem cogunt ejus ferre crucem: ²² Eumque ad locum Golgotha ducunt, quod Calvariae locum significat: ²³ Et ei myrrhynum vinum bibere dant, id quod ille non accepit. ²⁴ Eo autem crucifixo, partiti sunt ejus vestimenta, jacta super eis forte, quid quisque auferret. ²⁵ Erat hora tertia cum eum crucifixerunt, ²⁶ inscripto hoc ejus criminis titulo: REX JUDAEORUM. ²⁷ Et cum eo latrones duos, alterum ad dexteram, alterum ad sinistram, crucifixerunt. ²⁸ Ita comprobatum est scriptum illud, quod sic habet: Et inter sceleratos habitus est. ²⁹ Praetereuntes autem ei maledicebant, capita quassantes, et dicentes: Vah qui

templum dissolvis, et triduo instauras, ³⁰Serva teipsum, et de cruce descende. ³¹Similiter et Pontifices inter sese illudentes, cum Scribis dicebant: Alios servavit, seipsum servare non potest. ³²Christus ille Israelitarum rex, descendat nunc de cruce, ut eo viso credamus. Item qui cum eo erant crucifixi, convicium ei faciebant. ³³Hora sexta autem extiterunt per totam terram tenebrae, usque ad horam nonam. ³⁴Ac hora nona exclamavit Jesus magna voce, dicens: Eloi eloi lama sabachthani: quorum verborum haec notio est: Mi Deus, mi Deus, cur me dereliquisti? ³⁵Quo audito, quidam eorum qui aderant, dicebant eum Eliam vocare. ³⁶Quidam autem accurrit, et impleta aceto spongia, arundinique affixa, ei bibere dat, dicens: Sinite videamus an eum ereptum veniat Elias. ³⁷Et Jesus, emissa magna voce expiravit, ³⁸Et templi velum a summo ad imum in duas partes fissum est. ³⁹Ac videns Centurio, qui ei ex adverso astabat, eum ita clamantem expirasse, dixit: Profecto hic homo filius erat Dei. ⁴⁰Erant etiam mulieres procul spectantes, in quibus erat Maria Magdalena, et Maria Jacobi minoris, Josifque mater, et Salome, ⁴¹Quae etiam dum ille erat in Galilaea, eum sequi, eique ministrare consueverant: itemque aliae multae, quae cum eo Hierosolymam ascenderant. ⁴²Postquam jam advesperavit, cum esset Praeparatio, hoc est Antefabbatum, ⁴³venit Josephus ab Arimathaea honestus senator, qui et ipse Dei regnum expectabat: et ad Pilatum ausus ingredi, petiit Jesu corpus, ⁴⁴Pilatus miratus si jam mortuus esset, accersito Centurione, sciscitatus est ex eo,

quam
nito, d
eum d
quod
ingens
lena, e

Mulier
visu
tism
toler

E X A
m
irent.
monin
runt,
taetae
num.
tem a
paver
quaer
en loc
pulis,
esse v
riter
tae, a
runt,

quam dudum esset mortuus? ⁴⁵Quo a Centurione cognito, donavit Josepho corpus. ⁴⁶Et ille empto linteo eum demisit, et involutum linteo posuit in monumento, quod ex petra excisum aderat: et monimenti ostium ingens saxum advolvit, ⁴⁷spectantibus Maria Magdalena, et Maria Josis matre, ubinam poneretur.

CAPUT XVI.

Mulierum unguenta. Redivivus Jesus in Galilaeam. Idem tertius visus. Discipulorum incredulitas. Missio evangelii, et Baptismi mandata. Notae credentium. In coelum Jesus. Apostolorum officium.

EXACTO Sabbato, Maria Magdalena, et Maria Jacobi mater, et Salome, emptis aromatis, ut eum unctum irent. ²Valde mane prima post Sabbatum die veniunt ad monumentum, orto jam sole. ³Ac dum inter sese quaerunt, quis sibi saxum avolveret ab ostio monimenti, ⁴intuitae vident avolutum esse saxum, quod erat permagnum. ⁵Ac monumentum ingressae, viderunt adolescentem ad dexteram sedentem, alba stola vestitum, et expaverunt. ⁶Et ille: Ne expavescite, inquit eis. Jesum quaeritis Nazarenum crucifixum: surrexit, non est hic: en locus ubi positus fuit. ⁷Sed ite nunciatum ejus discipulis, et Petro, eum praeire eis in Galilaeam: illic eum esse visuros, ut eis praedixit. ⁸Igitur illae egressae celeriter ex monumento, fugerunt, idque tremore correptae, atque attonitae: neque cuiquam quicquam dixerunt, utpote quae metuerent. ⁹Resurrexit autem mane,

primo post Sabbatum die, et apparuit primum Mariae Magdalenae, ex qua septem eiecerat daemonia. ¹⁰Id quod illa nunciatum ivit eis, qui cum eo fuerant, lugentibus atque plorantibus. ¹¹At illi audientes eum vivere, et ab ea visum esse, non crediderunt. ¹²Postea duobus eorum ambulantis apparuit alia forma, ruseuntibus, ¹³id quod illi caeteris nunciatum iverunt: sed ne illis quidem crediderunt. ¹⁴Tandem discumbentibus illis undecim apparuit, et eis incredulitatem ac perveraciam exprobravit, quod eis, qui se resurrexisse viderant, non credidissent: ¹⁵Eisque dixit: Ite in totum orbem, praedicate Evangelium omni creaturae: ¹⁶Qui crediderit, et baptizatus fuerit, servabitur: qui vero non crediderit, condemnabitur. ¹⁷Signa autem eos qui crediderint, haec sequentur: in nomine meo daemonia ejicient: linguis loquentur novis: ¹⁸Serpentes tollent: et si quid mortiferum biberint, non eis nocebit: cum aegrotis manus imponent, illi bene habebunt. ¹⁹Igitur Dominus postquam eos allocutus est, sublatus est in coelum, et ad Dei dextram sedit. ²⁰Illi vero digressi, ubique praedicarunt Domino adjuvante, et orationem sequentibus signis confirmante.

E V

I

IN I

Evan

conju

dign

mutu

bos

uter

redi

stitu

Puc

Q

admo

et ad

qui o

scrib

res,

EVANGELIUM

AUTHORE

LUC A.

IN PRIMUM CAPUT ARGUMENTUM.

Evangelistae multi. Lucae sectator Theophilus. Zacharias et conjux senes, justi, soli. Gabriel de puero cum gaudio, gratia, dignitate, victu, spiritu Eliano, fructu. Senex diffidens fit mutus. Anus gravida. Angeli ad Mariam aditio. Inter hos colloquium: illius discessio. Virgo ad cognatam. Foetus in utero exultatio. Elisabetae gratulatio. Virginis hymnus, mora, reditio. Pueri ortus, circumcisio, nomen. Seni eloquium restitutum. Popularem pavor. Nati favor. Patris hymnus, Pueri profectus et habitatio.

PRAEFATIO.

QUANDOQUIDEM aggressi sunt multi narrationem contexere compertarum apud nos rerum, ²Quemadmodum nobis tradiderunt, qui ab initio et spectatores et administratores rei fuerunt: ³Visum est etiam mihi, qui omnia a capite diligenter confectatus sim, tibi ordine scribere, optime Theophile, ⁴ut quas auditione accepisti res, eas certo cognoscas.

CAPUT PRIMUM.

FUIT temporibus Herodis Judaeae regis sacerdos quidam nomine Zacharias, Abianae classis : cuius uxor erat Aharone prognata, nomine Elisabeta. ⁶Erant autem ambo apud Deum iusti, sese in omnibus Domini praeceptis ac institutis gerentes inculpato. ⁷Sed non erant eis liberi : quandoquidem et Elisabeta sterilis erat, et ambo aetate provecta. ⁸Accidit, dum is in suae classis ordine sacerdotio coram Deo fungitur, ⁹ex more sacerdotii ut ei suffiendi fors obtingeret. Itaque in Domini aedem ingressus est, ¹⁰omni populi multitudine foris hora suffitionis orante. ¹¹Apparuit autem ei Domini angelus ad arae suffitoriae dexteram astans. ¹²Quo viso, turbatus Zacharias, et timore perculsus est. ¹³Sed eum sic allocutus est angelus : Ne metue, Zacharia, nam exaudita sunt tuae preces : et tua conjux Elisabeta tibi filium pariet, quem Johannem nomine vocabis, ¹⁴qui tibi gaudio erit et laetitiae, multique ex ejus nativitate gaudebunt : ¹⁵Erit enim in Domini conspectu magnus : nec vinum, nec temetum bibet, ac sacro spiritu plenus erit jam ab utero matris, ¹⁶et Israelitarum multos ad Dominum ipsorum Deum reconciliabit, ¹⁷eumque antecedit ipse, Eliano spiritu potentiaque praeditus, ut patrum animos ad natos convertat, et contumaces ad justorum prudentiam perducatur, Dominoque compositum populum praeparet. ¹⁸At Zacharias : Unde istud cognoscam ? inquit angelo : cum et ego sim senex, et uxor mea jam grandis natu ? ¹⁹Cui angelus respondens

inquit: Ego sum Gabriel, qui Deo appareo, et missus sum ut te alloquerer, tibi que haec laeta nunciarem.

²⁰Atque hoc sic habeto te fore mutum, et loquendi impotem donec haec evenerint: quoniam meis dictis non credidisti, quae suo tempore comprobabuntur. ²¹Ex-

pectabat autem populus Zachariam, eumque tamdiu in aede morari mirabatur. ²²Is vero egressus, eos alloqui non poterat: itaque intellexerunt, eum visum aliquod

in aede vidisse. Ipse vero eis innuebat, remansitque mutus: ²³ac peracto sui muneris spacio, domum petiit.

²⁴Post id tempus concepit ejus uxor Elifabeta, et se quinque menses abdedit, ²⁵propterea quod haec ei pra-

stitisset Dominus, dum ejus inter homines dedecus abolere curat. ²⁶Mense autem sexto missus est a Deo an-

gelus Gabriel, in oppidum Galilaeae, nomine Nazaretham, ²⁷ad virginem desponsam viro, qui nomen habe-

bat Iosephus, ex domo Davidis: Virginis autem Maria nomen erat. ²⁸Ad eam ingressus angelus, dixit: Salve

accepta, cui Dominus adest, quaeque es mulierum fortunatissima. ²⁹At illa eo viso, ejus sermone turbata, co-

gitabat qualis esset ea salutatio. ³⁰Et angelus: Ne metue, Maria: nam propitium habes Deum: ³¹ac scito, te

utero concepturam, parituramque filium quem Iesum nomine vocabis. ³²Is erit magnus, et Supremi filius vo-

cabitur: eique dabit Dominus Deus solium Davidis, ejus parentis, ³³isque in Iacobeorum domum regnabit in

perpetuum, nec ullus ejus regni finis erit. ³⁴At Maria: Quo pacto fiet istud? inquit angelo: cum ego virum

nesciam? ³⁵Et ille respondens: Te spiritus sanctus, in-

quit, invadet, et Supremi vis inumbrabit : itaque sanctus iste partus dicetur Dei filius. ³⁶Et quidem Elisabeta, cognata tua, concepit et ipsa filium in senectute sua : eique jam sextus hic mensis agitur, quae tamen sterilis dicebatur. ³⁷Adeo nulla res est, quam Deus facere non possit. ³⁸Tum Maria : Ecce me Domini servam, eveniat mihi ita ut tu dixisti. Ita angelus ab ea discessit. ³⁹Per eos dies profecta est Maria festinanter in montana, in urbem Judaeae : ⁴⁰Et ingressa domum Zachariae, salutavit Elisabetam. ⁴¹Atque ubi audivit Elisabeta Mariae salutationem, exultavit infans in ejus utero : repletaque sancto spiritu Elisabeta, ⁴²exclamavit magna voce, et inquit : Tu es mulierum felicissima : felix et istius ventris foetus. ⁴³Unde autem hoc mihi, ut me mei Domini mater invifat ? ⁴⁴Nam simulac tuae salutationis vox pervenit ad meas aures, exultavit laetitia infans in ventre meo. ⁴⁵Beatam te, quae credideris perfectum iri quae tibi a Domino significata sunt. ⁴⁶Tum Maria sic fatur : Magnificat animus meus Dominum, ⁴⁷Exultatque mea mens de Deo servatore meo : ⁴⁸Qui spectaverit humilitatem ancillae suae, unde me in posterum beatam praedicatura sunt omnia secula. ⁴⁹Quoniam mihi magna fecit praepotens ille, cujus et nomen sanctum est, ⁵⁰et clementia perennis erga reverentes eum. ⁵¹Qui fortia patrat suo brachio, profligat eos qui animi fastu insolefcunt. ⁵²Deturbat potentes de solis, et humiles extollit. ⁵³Esurientes bonis explet, et divites inanes dimittit. ⁵⁴Subvenit Israelitis suis clementiae memor. ⁵⁵Quemadmodum majoribus promiserat nostris, Abrahamo, et

ejus futurae posteritati. ⁵⁶Mansit autem Maria cum ea circiter menses tres : deinde domum revertit. ⁵⁷Elisabetha autem, exacto ad pariendum tempore, filium genuit. ⁵⁸Et ejus vicini atque cognati, audientes quanta Dominus erga eam usus esset clementia, congratulabantur ei. ⁵⁹Octavo autem die puerum circumcisum ierunt : et eum patris ejus nomine Zachariam appellabant : ⁶⁰Sed contradixit ejus mater : Non ita, inquit, sed vocabitur Johannes. ⁶¹Cui illi : Nullus est, inquit, in cognatione tua, qui isto nomine nuncupetur. ⁶²Deinde innuunt ejus patri, quid eum vellet appellari. ⁶³Et ille, petita tabella, scripsit, ejus nomen esse Johannem : id quod mirati sunt omnes. ⁶⁴Atque ille aperto protinus ejus ore, solutaque lingua, loqui coepit, Deo gratias agens. ⁶⁵Metuque correpti sunt omnes eorum finitimi, ac per omnia Judaeae montana discitabantur haec omnia : ⁶⁶Quae quicumque audierant, in animo reponebant, cogitantes, quidnam futurus esset ille puer ? Atque ei Domini manus aderat. ⁶⁷Zacharias autem pater ejus, sancto spiritu plenus, vaticinatus est his verbis : ⁶⁸Grates Domino Israelitarum Deo, qui populi sui liberationem procuret, ⁶⁹erigatque nobis cornu salutis in domo sui Davidis : ⁷⁰Quemadmodum promiserat patrum ore sanctorum suorum vatum, ⁷¹quo vindicemur ab hostibus nostris, et ex omnium manu qui nos odere : ⁷²Ut utatur clementia erga majores nostros, et sui sancti foederis recordetur : ⁷³Qui jurejurando promiserit Abrahamo patri nostro, ⁷⁴daturum se nobis, ut intrepide, ex hostium nostrorum manu liberati, ⁷⁵ipsum coram

pie iusteque colamus, toto vitae nostrae tempore. ⁷⁶Et tu puer Supremi vates vocabere: praebis enim Domino, paratum vias ejus, ⁷⁷ad dandam salutis cognitionem ejus populo, quod eis venia datur peccatorum, ⁷⁸per intimam Dei nostri misericordiam, qua nos ex alto visitatus, ⁷⁹qui appareat iis qui in tenebris et atra nocte degunt, ad dirigendos pedes nostros in viam pacis. ⁸⁰Puer autem crescebat, et spiritu confirmabatur, ac in desertis agebat usque ad diem, qua Israelitis ostenderetur.

C A P U T II.

Orbis census. Mariae partus in stabulo: ad pastores angelus de Christo, vox coelestis: pastores ad infantem. Mariae cura: in circumcisione Jesus: puer Deo sistitur: fertur ex lege. Simeonis canticum, ad Mariam vaticinium. Vates Anna. Josephi reditus Nazaretham. Pueri ingenium, virtus, ejusdem in fano dissertatio. Mariae natique dicta. Parentum ignorantia: pueri obsequium, et profectus in horas.

PER id tempus decreto promulgatum est ab Augusto Caesare, ut censeretur totus orbis, ²qui primus census habitus est Quirino praetore Syriae. ³Igitur cum omnes ad profitendum in suam quisque civitatem proficiscerentur, ⁴ascendit etiam Josephus ex Galilaea, ex oppido Nazaretham, in Judaeam, in Davidis oppidum, quae Bethlehem vocatur, quod esset ipse Davidicae domus atque familiae: ⁵ut profiteretur una cum Maria desponsa sibi uxore praegnante. ⁶Accidit autem, ut dum illic sunt, illa exacto ad pariendum tempore, ⁷filium

suum pareret primogenitum : quem fasciis involvit, et in praesepe reclinavit, quod eis in diverforio locus non esset. ⁸Erant pastores in eadem regione excubantes, et nocturnis vigiliis ovile suum custodientes : ⁹quibus ecce Domini angelus astitit, eosque Domini splendor circumfulsit, et magno timore perterritos, ¹⁰sic est angelus allocutus. Ne timete : en ego vobis enim ingentem nuncio laetitiam, toti populo futuram : ¹¹videlicet vobis hodie natum esse servatorem, qui est Christus Dominus, in oppido Davidis : ¹²Atque hoc vobis signum erit : invenietis infantem fasciis involutum, jacentem in praesepe. ¹³Et repente extitit cum angelo coelestium copiarum multitudo, Deum laudantium, et ita dicentium : ¹⁴Gloria in supremis Deo, et in terra pax : erga homines benevolentia. ¹⁵Deinde ubi ab eis discesserunt in coelum angeli, pastores illi cohortati sunt invicem, ut Bethlehemi peterent, et viserent quid rei accidisset, quod Dominus sibi declarasset. ¹⁶Itaque celeriter profecti, invenerunt Mariam et Josephum, et jacentem in praesepe infantem : ¹⁷Quo viso, praedixerunt quid sibi de puero illo dictum fuisset. ¹⁸Ac quotquot audierunt, ea mirati sunt, quae eis a pastoribus dicta sunt. ¹⁹Maria vero eas res omnes observabat, cum animo suo perpendens. ²⁰Redierunt autem pastores Deum celebrantes atque collaudantes, propter ea omnia quae et audierant, et quemadmodum eis praedictum fuerat, viderant. ²¹Postquam dies octo ad circumcidendum puerum completi sunt, nuncupatum ejus est nomen J E S U S : quod nuncupatum fuerat ab angelo, priusquam in utero

conciperetur: ²²Completis autem eorum purificationis diebus, ex lege Moſis tulerunt eum Hieroſolymam, ut Domino ſiſterent, ²³(quemadmodum in Domini lege ſcriptum eſt, ſcilicet omnem marem, qui vulvam aperuiſſet, Domino ſacrum eſſe dicendum,) ²⁴utque munus conferrent, quemadmodum in Domini lege dictum eſt, par turturum, aut duos pipiones. ²⁵Erat tum Hieroſolymae homo nomine Simeon, qui homo juſtus erat, et religioſus, expectans Iſraelitarum conſolationem, et ſancto ſpiritu praeditus. ²⁶Huic fuerat ſancti ſpiritus oraculo dictum, non prius eſſe mortem ſenſurum, quam Domini Chriſtum vidiffet, ²⁷iſ inſtinctu ſpiritus venit in fanum, atque ubi intulerunt parentes puerum Jeſum, ut de eo ex legis ritu facerent, ²⁸ipſe eum ſuis ulnis excepit, Deoque gratias egit hiſ verbis: ²⁹Nunc dimittis tuum me Domine, ſecundum promiſſionem tuam placide. ³⁰Quandoquidem vidi meis oculis ſalutem tuam, ³¹quam omnibus expoſitam populis paraſti: ³²Lumen gentibus pateſciendum, et tuorum Iſraelitarum gloriam. ³³Mirabantur autem ejus pater atque mater, ea quae de eo dicebantur. ³⁴Eiſque fauſta precatus Simeon, ejus matrem Mariam ſic affatus eſt: Scito hunc multorum vel caſui vel reſurrectioni in Iſraelitis deſtinatum eſſe, et ſignum fore cui contradicatur. ³⁵Quintuum quoque animum penetrabit gladius, ut pateſciant multarum mentium cogitationes. ³⁶Erat autem Anna vates, Phanuelis filia, ex Aſeriana tribu: quae multum aetate proveſta, vixerat annos cum viro ſeptem a virginitate ſua: ³⁷Eratque eadem vidua annorum circiter

quatuor et octoginta, quae ex fano non discedebat, jejuniis precibusque noctes et dies Deum colens. ³⁸Haec eadem hora supervenit, et Domino gratias agere, deque eo loqui coepit omnibus, qui Hierosolymis liberationem expectabant. ³⁹Et illi omnibus ex lege Domini peractis redierunt in Galilaeam, in oppidum suum Nazaretham. ⁴⁰Puer vero crescebat, et spiritu confirmabatur, sapientiaque replebatur, eique aderat Dei gratia. ⁴¹Proficisciebantur autem ejus parentes quotannis Hierosolymam festis Paschae. ⁴²Igitur dum jam erat annorum duodecim, cum illi Hierosolymam ex more festorum ascendissent, ⁴³diesque peregissent, eis revertentibus remansit puer Jesus Hierosolymae. ⁴⁴Id quod ignorantes ejus parentes, eum in comitatu esse rati, postquam iter unius diei fecerunt coeperunt eum inter cognatos et familiares conquirere : ⁴⁵eoque non invento, reverterunt Hierosolymam eum quaesitum. ⁴⁶Accidit autem ut post tri-
dum eum in fano invenerint, inter magistros sedentem, eosque audientem ac interrogantem. ⁴⁷Stupebant autem omnes eum audientes, ejus acumen, ac responsiones. ⁴⁸Atque eo viso attoniti sunt illi, eumque sic est allo-
cuta mater : Nate, cur nobis ita fecisti ? en pater tuus et ego te dolentes quaerebamus. ⁴⁹At ille : Quorsum me quaerebatis ? inquit eis. An nesciebatis, mihi agen-
da esse mei patris negotia ? ⁵⁰At illi, quid ille sibi dixisset, non intellexerunt. ⁵¹Et ille cum eis descendit, venitque Nazaretham, et eis erat morigerus. Ejus au-
tem mater eas res omnes animo observabat, ⁵²et Jesus

sapientia, et aetate, et gratia, tum apud Deum proficiebat, tum apud homines.

C A P U T III.

Johannis habitatio, concio, objurgatio acerba, praecepta: hujus et Christi collatio, item baptismatum. Christi potestas. Herodis scelus. Baptistae carcer. Christi baptismus. Vox coelestis, cum spiritu Sancto imagine columbae. Jesu aetas, genealogia ad usque Adamum, et Deum.

ANNO autem imperii Tiberii Caesaris decimo quinto, Pontio Pilato Judaeae praetore, Herode Galilaeae tetrarcha: Philippo ejus fratre Ituraeae et Trachonitidis regionis tetrarcha, et Lyfania Abylenae tetrarcha, ²Pontificibus Anna et Caiapha, habitus est a Deo sermo ad Johannem Zachariae filium in solitudine: ³is que venit per omnem Jordanis oram, emendationis vitae baptismus publicatum, ad peccatorum veniam: ⁴Quemadmodum in vatis Esaiiae effatorum libro scriptum est, dum dicit: Vox clamantis in solitudine: Praeparate Domini viam, rectas facite semitas ejus. ⁵Omnis et vallis complebitur, et mons collisque deprimetur, et prava in recta, et asperae viae redigentur in planas, ⁶aspicientque mortales omnes divinam salutem. ⁷Dicebat igitur hominum vulgo, qui proficiscebantur ut ab eo baptizarentur: Viperina progenies, quis vos summovit futuram iram fugere: ⁸Edite ergo dignos correctam vitam fructus: neu velitis apud vos sic cogitare, Patrem habemus Abrahamum. Dico enim vobis: posse Deum ex

his lapidibus Abrahamo fuscitare natos. ⁹Jam vero securis arborum radici admota est. Itaque omnis arbor bonum fructum non edens, excidenda et in ignem est conjicienda. ¹⁰Et a vulgo sic interrogatus: Quid ergo agemus? ¹¹Respondit eis in hunc modum: Qui duas habet tunicas, impertiat non habenti, et qui habet cibaria, itidem faciat. ¹²Venerunt item publicani ut lavarentur: eique dixerunt: Magister, quid agemus? ¹³Quibus ille: Nihil amplius inquit, exigite, quam quantum vobis praescriptum est. ¹⁴Interrogarunt eum etiam milites his verbis: Et nos quid agemus? Quibus ille: Neminem, inquit concutite, neve calumniimini, et vestris este stipendiis contenti. ¹⁵Dubitante autem populo, omnibusque de Johanne animo cogitantibus, num is esset Christus, ¹⁶Johannes sic est omnes allocutus: Ego quidem aqua vos baptizo: sed adventat quidem ita me praestantior, ut ego dignus non sim qui ejus calceorum solvam corrigiam. Is vos sancto spiritu et igne baptizabit. ¹⁷Habet autem in manu vannum suam, areamque suam perpurgabit, et frumentum in horreum suum comportabit, paleam autem igni cremabit inextincto. ¹⁸Ita multa etiam alia monens, populum instituebat. ¹⁹At Herodes tetrarcha, cum ab eo de Herodiade, sui fratris uxore, deque tot quae committebat, sceleribus argueretur, ²⁰hoc insuper ad omnia alia adjecit, quod Johannem in carcerem conclusit. ²¹Accidit autem, ut baptizato omni populo, necnon Jesu baptizato, ac orante, aperiretur coelum, ²²descenderetque Spiritus sanctus corporea specie, quasi columba, in

eum, et existeret de coelo vox dicens: Tu es meus charissimus filius, tu mihi acceptus es. ²³Incipiebat autem Jesus annorum esse fere triginta, Josephi (ut putabatur) filius, Elis filii, ²⁴Mathathi filii, Levis filii, Melchis filii, Jannae filii, Josephi filii, ²⁵Mattathiae filii, Amosi filii, Naumi filii, Essis filii, Naggae filii, ²⁶Maathi filii, Mathathiae filii, Semeis filii, Josephi filii, Judae filii, ²⁷Jahannae filii, Resiae filii, Zorobabelis filii, Salathielis filii, Niris filii, ²⁸Melchis filii, Addis filii, Cofami filii, Elmadami filii, Heris filii, ²⁹Hiefonis filii, Eliezeris filii, Joremi filii, Matthae filii, Levis filii, ³⁰Simeonis filii, Judae filii, Josephi filii, Jonami filii, Elia-cimi filii, ³¹Meleae filii, Menami filii, Mathathani filii, Nathami filii, Davidis filii, ³²Isaei filii, Obedis filii, Boozis filii, Salmonis filii, Naassonis filii, ³³Aminidabi filii, Arami filii, Esromi filii, Pharis filii, Judae filii, ³⁴Jacobi filii, Isaaci filii, Abrahami filii, Tharae filii, Nacoris filii, ³⁵Saruchi filii, Ragavi filii, Phaleci filii, Hebris filii, Salae filii, ³⁶Cainanis filii, Arphaxati filii, Semi filii, Noae filii, Lamechi filii, ³⁷Mathusalae filii, Enochi filii, Jarethi filii, Maleleelis filii, Cainanis filii, ³⁸Enosi filii, Sethi filii, Adami filii, Dei filii.

C A P U T IV.

In solitudine Christus: tentatus, jejunos, esuriens, contra diabolum. Christi in Galilaea doctrina. Nazarethae lectio, de Jesu vaticinium. Concio, responsum Jesu de vate in patria, de Elia, et Syro. Jesu a suis evasio. Capernai concio. Daemoniatus Simonis socrus. Daemones de Jesu, objurgati.

JESUS vero sancto spiritu plenus, reversus est a Jordane, et spiritus instinctu actus in solitudinem, ²ac quadraginta dies tentatus est a diabolo, per quos dies cum nihil comedisset, et eis finitis tandem esuriret, ³dixit ei diabolus: Si Dei filius es, jube huic lapidi ut fiat panis. ⁴Cui Jesus respondens: Scriptum est, inquit, non solo pane vivere hominem, sed etiam eo omni quod ex ore Dei proficiscitur. ⁵Tum diabolus eum in excelsum montem subduxit, et ei omnia mundi regna momento temporis ostendit, ⁶eumque sic allocutus est diabolus: Hanc ego omnem potestatem, eorumque gloriam omnem tibi dabo. Nam ea mihi tradita est, ita ut cuicunque velim, eam donem. ⁷Quod si tu me coram adoreris, erunt omnia tua. ⁸At Jesus ei respondens: Abi ex conspectu meo, Satana, inquit. Scriptum est enim: Dominum Deum tuum adorato, eumque solum colito. ⁹Duxit item eum Hierosolymam, et in templi pinnis collocavit, atque ita allocutus est: Si Dei filius es, jace teipsum hinc deorsum. ¹⁰Nam ita scriptum est: Angelis suis de te mandabit, ut te custodiant, ¹¹manibusque sustineant, ne pedibus in lapides impingas. ¹²At Jesus sic ei respondit: Dictum est, Dominum Deum tuum ne tentato. ¹³Et diabolus, peracta omni tentatione, ab eo discessit ad tempus. ¹⁴Jesus vero vi spiritus rediit in Galilaeam, dimanavitque ejus fama per totam regionem finitimam: ¹⁵et ipse docebat in eorum collegiis, ab omnibusque celebrabatur. ¹⁶Venit autem Nazaretham, ubi fuerat educatus: et ingressus (ut erat ei mos) die Sabbati in collegium, surrexit ad legendum. ¹⁷Tra-

ditus est autem ei vatis Esaiae liber : quo libro explicato, reperit locum, ubi sic scriptum erat. ¹⁸Spiritus Domini praeditus sum, quandoquidem me unxit, me ad laeta pauperibus nuncianda misit, ad medicandum mente fractis, ¹⁹ad edicendum captivis libertatem, et caecis visum, ad calamitosos in libertatem emittendos, ad edicendum favorabilem Domini annum. ²⁰Deinde plicato libro, et ministro tradito, resedit : et omnium in collegio oculis in eum intentis, ²¹coepit eis dicere : Id scriptum hodie esse audientibus eis comprobatum. ²²Atque omnes de eo testabantur, et orationis gratiam mirabantur, quae ex ejus ore manabat, ac ita dicebant : Nonne hic est Iosephi filius ? ²³Et ille : Omnino (inquit eis) mihi dicetis hoc proverbium, Medice cura teipsum. Quae Capharnai facta audivimus, fac etiam hic in tua patria. ²⁴Hoc vobis confirmo, inquit, nullum vatem acceptum esse in sua patria. ²⁵Atque hoc a me certo sic habetote : Multae viduae erant Eliae temporibus apud Israelitas, cum coelo per tres annos et sex menses clauso, extitit gravis fames per totam terram : ²⁶et tamen ad earum nullam missus est Elias, sed tantum ad Sarephtham Sidonium oppidum, ad mulierem viduam : ²⁷et multi erant sub Elisaeo vate leprosi apud Israelitas, et tamen nullus eorum purgatus est, sed tantum Naaman Syrus. ²⁸Haec audientes omnes in collegio, ira pleni surrexerunt, ²⁹eumque ex oppido ejecerunt, et usque ad montis cacumen (in quo constructum erat eorum oppidum) duxerunt, ut eum praecipitarent. ³⁰At ille per medios digressus abiit, ³¹et Capharnaum Galilaeae oppi-

dum digressus, docebat eos Sabbatis: ³²atque illi ejus doctrinam stupebant, quippe cujus in oratione inesset autoritas. ³³Erat autem in collegio homo habens impuri daemonii spiritum, qui magna voce sic exclamavit: ³⁴Heu, quid tibi nobiscum rei est, Jesu Nazarene? venisti perditum nos? Novi te qui sis, Sanctus Dei. ³⁵At Jesus eum objurgavit: Obmutesce, inquit, et ex isto exi. Tum daemonium, illo in medium prostrato, exivit ex eo, nihilque laesit eum. ³⁶Qua re attoniti omnes, inter sese hunc in modum colloqui: Quae est haec oratio, quod cum autoritate potentiaque spiritibus immundis ita imperat, ut exeant? ³⁷Atque ejus fama in omnia finitimae regionis loca dimanabat. ³⁸Digressus autem ex collegio, intravit in Simonis domum, laborabat autem Simonis focrus gravi febre. Itaque illi eum pro ea rogarunt. ³⁹Et ille supra eam astans, febrem objurgavit, et febris eam reliquit: atque illa continuo surrexit, eisque ministrare coepit. ⁴⁰Occidente autem sole, omnes, quicumque variis morbis aegrotos habebant, eos ad eum adducebant: et eos ille, impositus unicuique manibus, sanavit. ⁴¹Exibant etiam ex multis daemonia, ita clamantia: Tu es Christus Dei filius. Sed objurgans ille, non sinebat ea dicere, se scire eum esse Christum. ⁴²Deinde orta die, digressus, concessit in desertum locum: eumque vulgo quaerentes homines, ad eum venerunt, eumque ne ab ipsis discederet retinebant. ⁴³At ille eis dixit, oportere se aliis quoque civitatibus nunciare Dei regnum: ad id enim se esse missum. ⁴⁴Ita per Galilaeae collegia praedicabat.

C A P U T V.

Christus e navi docens. Piscium praeda. Piscatores Jesu sectatores. Leprosus ad fanum. Jesus orans. Per tegulas paralyticus. Jesus in noxas, et morbum. Levi vocatio. Pravi Jesu convivae. Pharisei confutati. Christi munus. Collationes aegrorum, nuptiarum, vestis, vini.

CUM autem hominum turba divini sermonis audiendi gratia ei incumberet, ad Generasarethicum lacum astanti, ²conspicatus duo navigia ad lacum stantia (de quibus digressi piscatores retia lavabant) conscendit navigiorum alterum, quod Simonis erat : ³eumque monuit ut paulum a terra summovertet, reseditque et hominum turbam ex navigio docere coepit. ⁴Deinde facto loquendi sine, Simoni jussit, ut in altum subduceret, utque sua retia laxarent ad praedam. ⁵Cui Simon respondit : Praeceptor, tamen si totam noctem laborantes nihil cepimus, tamen ad tuum dictum laxabo rete. ⁶Atque eo facto, tantam piscium multitudinem concluderunt, ut disrumperetur eorum rete. ⁷Itaque focis innuerunt, qui in altero erant navigio, ut se adjutum venirent. Qui ubi venerunt, utramque navem adeo repleverunt, ut eae summergerentur. ⁸Eo viso, Simon Petrus ad ejus genua se abjecit, et, Discede a me, inquit, nam ego nocens homo sum Domine. ⁹Erat enim stupore correptus tum ipse tum omnes ejus comites, ob piscium quam ceperant praedam. Similiter et Jacobus ac Johannes, Zebedaei filii, qui erant Simoni focii.

¹⁰At Jesus Simoni dixit: ne metue, deinceps homines capies. ¹¹Deinde illi deductis ad terram navibus, eum, relictis omnibus, secuti sunt. ¹²Cum esset autem in quodam oppido, ecce vir quidam lepra scians, qui viso Jesu pronus accidit, eumque sic oravit: Domine, si vis, potes me purgare. ¹³Et ille porrecta manu eum tetigit, et, Volo, inquit, purgator: et proxinus ab eo lepra discessit. ¹⁴Ille autem ei praecepit ne cui diceret: sed i ostensum te sacerdoti, et ob tui purificationem libato quod praecepit Moses, ut sit eis testimonio. ¹⁵Increbrescente autem sermone de eo, ingens ad eum conveniebat hominum multitudo, ut audirent, et ab eo a suis morbis sanarentur. ¹⁶Ipse vero in desertis loca secedebat, ac supplicabat. ¹⁷Quodam autem die cum doceret, assidentibus Phariseis, ac legisperitis, qui passim ex Galilaeae et Judaeae vicis, et a Hierosolyma convenerant, cumque Domini vis in illis sanandis adesset, ¹⁸viri quidam ferebant in lecto hominem, qui erat sideratus, eumque conabantur introferre, et ei proponere. ¹⁹Cumque non invenirent qua eum introferrent propter turbam, conscenso tecto, per tegulas eum una cum lectulo, in medium demiserunt ante Jesum. ²⁰Et ille videns eorum fiduciam, dixit ei: Homo, ignoscuntur tibi tua peccata. ²¹At Scribae et Pharisei coeperunt hunc in modum cogitare: Quis est hic, qui tam impia loquatur? Quis ignoscere peccata potest, nisi solus Deus? ²²Et Jesus, cognitis eorum cogitationibus, sic eos affatus est: Quid cogitatis cum vestris animis? ²³Utrum facilius est dicere, Ignoscuntur tibi peccata

tua? an dicere, Surge et ambula? ²⁴Atqui ut intelligatis potestatem habere filium hominis in terra ignoscendi peccata: Tibi dico (inquit fiderato) surge, et sublato lectulo tuo, i domum tuam. ²⁵Atque ille continuo in eorum conspectu surrexit: et eo, in quo jacebat, lectulo, sublato, abiit domum suam, Deum laudans. ²⁶Ea re attoniti omnes Deum collaudare, metuque repleti, dicentes sese hodie incredibilia vidisse. ²⁷Postea egressus, et publicanum Levim nomine conspicatus ad publicanorum mensam sedentem, dixit ei: Sequere me. ²⁸Et ille, relictis omnibus, surrexit, eumque secutus est. ²⁹Fecit autem ei celebre convivum Levis domus suae: ubi cum ingens publicanorum aliorumque cum eis epulantium turba foret. ³⁰Freuebant Scribae et Pharisei contra ejus discipulos, hujusmodi verbis: Cur cum publicanis et improbis cibum et potionem sumitis? ³¹Quibus respondit Jesus in hunc modum: Non egent valentes medico, sed quibus male est. ³²Non veni vocatum infontes, sed fontes, ad frugem. ³³Illi vero sic ei dixerunt: Quis fit ut Johannis discipuli crebro jejunent, ac precibus utantur, itidem et Phariseorum? tui vero epulentur atque potent? ³⁴Quibus ille: Potestisne efficere, inquit, ut qui nuptias celebrant, donec eis sponsus adest, jejunent. ³⁵Sed veniet tempus, cum sponso privabuntur, atque eo quidem tempore jejunabunt. ³⁶Dicebat item eis hanc collationem: Nemo novae vestis pittacium adhibet veteri vesti, alioquin et novam scinderet, nec veteri quadraret ex nova pittacium. ³⁷Neque quisquam condit vinum novum in utres

veteres
sum ei
novos
tur. 3
vult n

De spic
diae
Am
elem
festu

Acc
P
nibusq
rum q
facere
non le
ipse et
positit
rit cor
sacerd
etiam
in col
dexter
risaei,
inveni
homin

veteres : alioquin rumperet vinum novum utres et ipsum efflueret, et utres perirent. ³⁸Sed vinum novum in novos utres condendum est : ita fit ut ambo conserventur. ³⁹Neque vero quisquam potato vetere, protinus vult novum : dicit enim vetus esse melius.

C A P U T VI.

De spicis refutati Pharisei. Tabida manus. In Christum insidiae, is pernox orans: xii. Apostoli. Beati qui. Qui miseri. Amandus hostis, plagae, vis, furta, lex naturae, mutuum, clementia. Temerarium iudicium: largitas. Caeci cadentes, festuca, trabs. Arbor varia. Varius aedificator.

ACCIDIT autem, ut cum Sabbato secundo primo iter per fata faceret, vellerent ejus discipuli spicas, manibusque confricatas comederent. ²Quibus Phariseorum quidam sic dixerunt : Cur facitis quod Sabbatis facere non licet ? ³At Jesus eis respondens : Illudne non legistis, inquit, quod fecerit David, cum esuriret ipse et ejus comites ? ⁴Ut in Dei aedem ingressus, appositos panes sumpserit, comederitque, et suis dederit comitibus : quibus tamen vesci non licet, nisi solis sacerdotibus. ⁵Dominus est filius hominis (inquit eis) etiam Sabbati. ⁶Accidit autem etiam alio Sabbato, ut in collegium ingressus doceret : ubi cum homo esset dextera manu tabida, ⁷observabant eum Scribae et Pharisei, an in Sabbato curaret, ut crimen adversus eum invenirent. ⁸At ille eorum cogitationes intelligens, dixit homini siccam habenti manum : Surge, et sta in medio.

Cumque ille surrexisset et staret, ⁹Dixit Jesus illis: Interrogabo vos, utrum Sabbatis benefacere liceat, an malefacere: vitam servare, an perdere? ¹⁰Deinde omnes illos circum intuitus, dixit homini: Porrige manum tuam. Quod postquam ille fecit, reddita est ejus manus tam sana, quam erat altera. ¹¹At illi furoris pleni, colloqui inter sese, quid Jesu facerent. ¹²Per eos autem dies profectus est in montem ad orandum, et pernox oravit. ¹³Deinde orto die, discipulos suos convocavit, ex eisque duodecim elegit, quos etiam Apostolos nominavit: ¹⁴Simonem, quem etiam Petrum nominavit, et Andream ejus fratrem: Jacobum et Johannem: Philippum et Bartholomaeum: ¹⁵Matthaeum et Thomam: Jacobum Alphaei filium, et Simonem nomine Zelotam: ¹⁶Judam Jacobi fratrem, et Judam Iscariotam, eum qui fuit proditor. ¹⁷Cum his digressus, stetit in campestris loco, nec non ejus discipulorum grex et ingens hominum multitudo, ex omni Judaea, et Hierosolyma, et Tyria Sidoniaque ora, qui venerant ut eum audirent, et a suis morbis curarentur: ¹⁸Item qui ab impuris spiritibus vexabantur. Atque illi sanabantur, ¹⁹eumque vulgus omne tangere conabatur: siquidem vis ab eo proficiscebatur, quae sanabat omnes. ²⁰Atque ille coniectis in discipulos suos oculis, sic dicere: Beati pauperes: nam vestrum est Dei regnum. ²¹Beati qui nunc esuritis: nam saturabimini. Beati qui nunc ploratis: nam ridebitis. ²²Beati eritis, cum vos oderint homines, et separabunt, et conviciabuntur, vestrumque nomen tanquam malum propter filium hominis abjicient. ²³Gau-

detum, et exultate : scitote enim, grandem vobis esse mercedem in coelis. Eodem enim modo faciebant vatribus majores eorum. ²⁴Verum vae vobis divitibus : siquidem jam habetis vestrum solatium. ²⁵Vae vobis qui pleni estis : nam esurietis. Vae vobis qui nunc ridetis : nam lugebitis, atque plorabitis. ²⁶Vae vobis cum vobis bene dicunt omnes homines : idem enim faciebant falsis vatribus majores eorum. ²⁷Sed vobis hoc dico, auditores : amate inimicos vestros, benefacite eis qui vos odere, ²⁸bene precamini iis qui vobis imprecantur, et pro eis orate qui vos afficiunt injuria, ²⁹ferienti tibi malam, praebe etiam alteram : et auferentem tuum pallium, ne a tunica quidem prohibe. ³⁰Quin omnibus a te petentibus dato, et ab auferente tua ne repete : ³¹Ac quemadmodum vultis ut vobis alii faciant, ita et vos eis facitote. ³²Quod si vestros amatores amatis, quae vobis debetur gratia ? cum etiam improbi suos amatores ament. ³³Item, si iis benefacitis qui vobis benefaciunt, quae vobis gratia debetur, cum vel improbi idem faciant. ³⁴Et si iis commodatis, a quibus vos mutuum beneficium speratis, quae vobis debetur gratia ? cum etiam improbi commodent improbis, ut paria recipiant. ³⁵Enimvero amate vestros inimicos, et benefacite et commodate, nihil inde sperantes : et vobis merces erit grandis, eritisque Supremi filii, qui sit erga ingratos ac malos benignus. ³⁶Este igitur misericordes, ut vester etiam pater est misericors. ³⁷Ne judicate, et non judicabimini : ne damnate, et non damnabimini. Remittite et vobis remittetur : ³⁸Donate, et vobis do-

nabitur: vobis mensura bona, conferta, concussa, ac superfluens in sinum donabitur: eadem enim mensura qua metiemini, remetietur vobis. ³⁹Dicebat autem eis similitudinem: Potestne caecus caecum ducere? nonne ambo in foveam cadent? ⁴⁰Non est discipulus supra magistrum suum: quin praeclare cum quoque agitur, si eadem conditione est qua ejus magister. ⁴¹Quid autem cernis festucam in tui fratris oculo, et trabem in tuo ipsius oculo non animadvertis? ⁴²Aut qui potes dicere fratri tuo: Frater, sine ut extraham festucam quae est in oculo tuo: ipse trabem, quae in oculo tuo est, non cernens? Histrio, extrahe prius trabem ex oculo tuo, tum demum cernes ut festucam extrahas, quae est in tui fratris oculo. ⁴³Nulla enim nec bona arbor est, quae tetrum ferat fructum: nec arbor mala, quae bonum ferat fructum. ⁴⁴Nam ex suo quaeque fructu arbor cognoscitur. Non enim ex spinis colliguntur ficus, nec ex rubo vindemiatur uva, ⁴⁵vir bonus ex bona sui cordis cella bonum profert: itemque vir malus ex mala sui cordis cella malum profert: utpote cum ex ejus cordis redundantia loquatur ejus os. ⁴⁶Quid vero me vocatis, Domine, Domine, cum quae ego dico non faciat? ⁴⁷Quisquis ad me venit, meaque dicta et audit et exequitur, demonstrabo vobis cui sit similis. ⁴⁸Est similis homini domum construenti, qui alte fodit, et fundamentum in petra jacet. Deinde si accidit inundatio, quamvis torrens in domum illam impingat, eam tamen convellere nequit, quippe in petra fundatam. ⁴⁹Qui vero audit, nec exequitur, similis est homini qui domum

in terra sine fundamento construxit, in quam domum si torrens irruit, ea protinus corrui, et ingentem trahit ruinam.

C A P U T VII.

Centurionis modestia, fides, laus. Servi sanitas. Filius viduae redivivus. Legatis a Johanne responsum: hujus laudes. Judaei puerorum similes. Mulieris unguentum ad mensam Pharisaei: hujus confutatio. Creditores duo. Collatio Simonis ac foeminae: istius fides.

POSTQUAM omnem orationem suam audiente populo absolvit, ingressus est Capharnaum. ²Cujusdam autem centurionis servus adeo graviter laborabat, ut jam obiturus esset, quem servum ille in precio habebat. ³Itaque audiens de Jesu, misit ad eum Judaeorum senatores oratum, ut suum servum sanatum veniret. ⁴Et illi Jesum aggressi sedulo rogant, ita dicentes: Dignus est cui tu id praestes: ⁵amat enim gentem nostram, idemque nobis collegium construxit. ⁶Jesus vero cum eis profectus est. Cumque jam domo non procul abesset, centurio, missis ad eum amicis, sic monuit: Domine, ne labora: non enim sum dignus cujus tu tectum subeas: ⁷ideoque mihi ipsi ad te veniendum non putavi. Sed jube verbo, et sanabitur puer meus. ⁸Nam ego quoque, qui homo sum alterius potestati subiectus, et militibus praesum, si cui dico, vade, vadit: si alii, veni, venit: si servo meo, fac hoc, facit. ⁹His auditis, Jesus miratus est eum: et conversus, sequenti hominum mul-

titudini dixit : Scitote me ne in Israelitis quidem tantam invenisse fidem. ¹⁰Igitur domum reversi qui fuerant missi, aegrotum servum invenere sanum. ¹¹Accidit postridie ut proficisceretur in oppidum nomine Naim, comitantibus eum frequentibus ejus discipulis, et ingenti hominum turba. ¹²Atque ut oppidi portae appropinquavit, ecce efferebatur mortuus, unicus matri filius, eique viduae, comitanti eam frequente oppidanorum turba. ¹³Ea visa, miseratus eam Dominus, dixit ei : Ne plora. ¹⁴Deinde ad feretrum accessit, et id tetigit, cumque restitissent qui portabant, dixit : Adolescens, inquam tibi, surge. ¹⁵Tum mortuus sedit, loquique coepit, atque ille eum matri suae tradidit. ¹⁶Inde omnes metu correpti, Deum collaudare, dicentes, magnum apud ipsos ortum esse vatem, Deumque suorum curam habere. ¹⁷Atque is sermo de eo totam Judaeam finitimamque regionem pervasit. ¹⁸Haec omnia Johanni sui discipuli nunciarunt : ¹⁹et Johannes advocatos duos quosdam suorum discipulorum, misit ad Jesum, qui ita dicerent : Tune is es qui venturus est ? an alium expectemus ? ²⁰Igitur homines Jesum aggressi, dixerunt : Johannes Baptista nos ad te misit, ut ita diceremus, Tune is es qui venturus est ? an alium expectemus ? ²¹At Jesus eadem hora multos a morbis miseris que, et malis spiritibus curavit, multosque coecos visu donavit. ²²Deinde illis in haec verba respondit : Ite renunciatum Johanni quae videritis ac audiveritis : coeci cernunt, claudi gradiuntur, leprosi purgantur, surdi audiunt, mortui resurgunt, pauperes evangelium docentur, ²³et

beatus est qui in me non offenderit. ²⁴Deinde, digressis
Johannis nunciis, coepit ad vulgus hominum ita dicere
de Johanne : Ad quid spectandum profecti estis in soli-
tudinem ? arundinem vento agitatam ? ²⁵Sed quid spec-
tatum profecti estis ? hominem mollibus indutum vesti-
bus ? At qui splendido vestitu et deliciis utuntur, de-
gunt in regiis. ²⁶Sed ad quid videndum profecti estis ?
Vatem ? Imo vero, inquam vobis, etiam plus quam va-
tem. ²⁷Is est de quo scriptum est : Ego tibi meum prae-
missurus sum nuncium, qui tibi viam praeparet. ²⁸Hoc
enim vobis dico : Major in mulierum progenie, vates
Johanne Baptista nullus est : et tamen qui in Dei regno
minimus est, major est eo. ²⁹Hoc audito, populus om-
nis et publicani Deum collaudarunt, Johannis baptis-
mate baptizati. ³⁰At Pharisei et legisperiti, Dei consi-
lium (quantum in se fuit) resciderunt, ab illo non bap-
tizati. ³¹Et Dominus : Cui igitur rei, inquit, hujus na-
tionis homines comparabo, et cui sunt similes ? ³²Simi-
les sunt, ut cum pueri in foro manentes, alii ad alios
clamant in hunc modum : Nos vobis fistula cecinimus,
et non saltastis ; vobis luximus, et non plorastis. ³³Ve-
nit enim Johannes Baptista, qui nec panem comedit,
nec vinum bibit : et dicitis eum habere daemonium,
³⁴Venit filius hominis, qui et comedit et bibit : et di-
citis hominem esse edacem, vinosumque, et publicano-
rum ac improborum amicum : ³⁵ita suis omnibus aliena
est sapientia. ³⁶Rogavit autem eum Phariseorum qui-
dam, ut secum epularetur ; itaque ille in Pharisei do-
mum ingressus accubuit. ³⁷Tum mulier quaedam in

urbe, eaque impudica, quod eum in Pharisei aedibus epulari intellexerat, unguenti alabastrum ferens, ³⁸ei a tergo flens, astitit ad pedes, coepitque ejus pedes lacrymis rigare, et capitis sui capillis abstergere, ac deosculari, et unguento ungere. ³⁹Quo viso Phariseus, qui eum invitaverat; sic apud sese cogitavit: Hic si vates esset, cognosceret quae qualisque foemina sit, quae eum attrahat: est enim impudica. ⁴⁰At Jesus sic eum contra allocutus est: Simon, habeo quod tibi dicam. Cui ille, Dic, magister, inquit. ⁴¹Duo debitores erant cui-dam creditori, quorum alter quingentos debebat denarios, alter quinquaginta. ⁴²Ille quoniam solvendo non erant, ille utrique condonavit. Dic igitur, uter eorum plus eum amabit? ⁴³Cui Simon respondens: Is opinor, inquit, cui plus condonavit. Et ille: Recte judicas. ⁴⁴Deinde ad foeminam conversus: Vides hanc foeminam? inquit Simoni, Tu mihi domum tuam ingressus, ne aquam quidem ad lavandos pedes meos dedisti: at ea pedes meos et lacrymis rigavit, et sui capitis capillis exterfit. ⁴⁵Tu mihi osculum non dedisti: ea vero, ex quo sum ingressus, mihi pedes deosculari non destitit. ⁴⁶Tu nec oleo mihi caput unxisti: at ea unguento mihi pedes etiam unxit. ⁴⁷Quamobrem sic habeto, ei ejus peccata, quae multa sunt, ignosci, quoniam multum amavit. Cui vero paulum ignoscitur, paulum amat. ⁴⁸Ignoscuntur tibi peccata, inquit ei. ⁴⁹At convivae apud sese cogitare coeperunt, quisnam is esset, qui etiam peccata ignosceret? ⁵⁰Et ille ad mulierem: Tua te fides servavit, inquit: abi salva.

Seminis varia fors, explicatio. Candela in domo. Christi proximi.

Procella. Christi quies. Pavor suorum. Tranquillitas. Legio in porcos. Gadareni contra Jesum. Profluvium diuturnum. Jairi filia rediviva.

DEINCEPS vadebat oppidatim et pagatim praedicans, Deique regnum nuncians, comitantibus eum duodecim. ²Et quibusdam foeminis, quae fuerant a malis spiritibus morbisque curatae, Maria nomine Magdarena, ex qua septem exierant daemonia. ³Et Johanna Chuzae uxore, procuratoris Herodis, et Susanna, aliisque multis, quae ei de suis facultatibus ministrabant. ⁴Confluente autem ingenti multitudine, et hominibus passim ex oppidis eum adeuntibus, sic per similitudinem locutus est: ⁵Ivit fator quidam satum suum semen: quo ferente, aliud cecidit apud viam, idque conculcatum est, et ab aeris volucris comestum. ⁶Aliud in petram cecidit, idque exortum aruit, quod humorem non haberet. ⁷Item aliud cecidit inter spinas, idque enatae simul spinae suffocarunt. ⁸Aliud cecidit in bonam terram, et enatum edidit fructum cum centesimo. Haec dicens clamabat: Qui aures habet, quibus audire possit, audiat. ⁹Interrogarunt autem eum sui discipuli, quaeenam esset ea similitudo? ¹⁰Quibus ille: Vobis datum est, inquit, divini regni arcana cognoscere: cum caeteris vero per similitudines agitur, ut videntes non videant, et audientes non intelligant. ¹¹Est autem haec similitudo. Semen est divinus sermo. ¹²Qui apud viam, ii sunt, qui audiunt, deinde venit diabolus, qui sermonem

ex eorum animis aufert, ne credant atque ita salvi fiant. ¹³Qui vero in petra, ii sunt, qui dum audiunt, cum laetitia accipiunt illi quidem sermonem, sed radicem non habent : itaque credunt ad tempus, et periculorum tempore desciscunt. ¹⁴Quod vero in spinas cecidit, ii sunt ; qui ubi audiverunt, eò veniunt ut curis et divitiis vitaeque voluptatibus suffocentur, neque fructum perferant. ¹⁵Quod vero in bona terra, ii sunt, qui probo et bono animo auditum verbum retinent, et fructum cum patientia ferunt. ¹⁶Nemo vero accensam a se candelam operit aliquo vase, sub lectove ponit, sed candelabro imponit, ut ingredientibus lumen aspiciant. ¹⁷Nihil enim tam tectum est, quod non sit perspicuum futurum : neque tam occultum, quod non sit cognoscendum, et in apertum venturum. ¹⁸Videte igitur quomodo audiatibus : nam qui habet, ei dabitur, qui vero non habet, ei id etiam, quod videtur habere, eripietur. ¹⁹Venerant autem ad eum ejus mater et fratres, qui cum prae turba cum eo congregari non possent, ²⁰et ei a quibusdam nunciatum esset, ejus matrem et fratres foris adesse, eum videre volentes. ²¹Ille sic eis respondit : Mea mater meique fratres ii sunt, qui Dei sermonem audiunt et obeunt. ²²Quodam autem die conscendit ipse cum suis discipulis navem, eisque iussit ut lacum trajicerent. ²³Postquam autem solverunt, navigantibus eis ipse obdormivit : et tanta ventiprocella in lacum delapsa est, ut illi complerentur, ac periclitarentur. ²⁴Itaque eum adorti excitarunt, dicentes : Praeceptor, praeceptor, perimus. At ille surrexit, ventumque et aquae fluctus objurgavit : atque illa pa-

cata sunt, et facta tranquillitas.²⁵ Deinde eos sic alloquitur : Ubi est vestra fiducia ? At illi territi, mirati sunt, sic inter sese dicentes : Quisnam hic est, qui et ventis et aquae sic imperet, ut ei obediant ?²⁶ Navigarunt autem in agrum Gadarenorum, qui contra Galilaeam est :²⁷ Atque ei in terram egresso occurrit vir quidam ex urbe, qui daemonia longo jam tempore habebat, nec vestem induebat, nec domi manebat, sed in monimentis.²⁸ Is viso Jesu, exclamavit, eumque accidit, et magna voce dixit : Quid tibi mecum est, Jesu supremi Dei fili ? oro te, ne me torqueas.²⁹ Jusserat enim impuro spiritui, ut ex homine exiret. Nam longo tempore eum ita correptum habebat, ut licet catenis compedibusque vinctus custodiretur, ruptis vinculis ageretur a daemone in desertum.³⁰ Interrogavit autem eum Jesus, quodnam ei nomen esset ? Cui ille respondit, Legio, siquidem multa daemonia in eum intraverant, ³¹ eaque illum rogabant, ne sibi imperaret ut in tartara abirent. ³² Erat illic numerosus porcorum grex, in monte pascentium : itaque daemonia eum orabant ut sibi in illos intrare permitteret. ³³ Ac illo permittente, egressa ex homine daemonia, ingressa sunt in porcos : atque grex per praeceps delatus in lacum, suffocatus est. ³⁴ Hac re visa, subulci fugerunt, idque in oppido et per rura nunciarunt. ³⁵ Et homines videndae rei causa egressi, venerunt ad Jesum : et sedentem ad Jesu pedes hominem, ex quo exierant daemonia, vestitum et sanae mentis nacti, timuerunt. ³⁶ Cumque eis exposuissent qui viderant quo pacto sanatus fuisset furiosus, ³⁷ rogavit eum omnis finitimae

Gadarenorum regionis multitudo, ut ab ipsis discederet, quoniam magno metu tenebantur. Itaque ille, conscensa navi, reversus est. ³⁸Et eum quidem orabat ille vir, ex quo exierant daemonia, ut esset cum eo: sed dimisit eum Jesus, ita dicens, ³⁹revertere domum tuam, et quae tibi fecerit Deus narrato. Itaque ille discessit, et toto oppido quid sibi Jesus fecisset divulgavit. ⁴⁰Jesum autem reversum vulgo homines exceperunt: nam eum omnes expectabant. ⁴¹Interea venit vir quidam nomine Jairus, qui collegii magister erat. Is Jesu ad pedes accidit, eumque rogavit ut domum suam ingrederetur. ⁴²Erat enim ei unica filia, annorum circiter duodecim, quae moriebatur. ⁴³Ac Jesu vadente, et turba eum suffocante, mulier quaedam sanguinis profluvio jam a duodecim annis laborans (quae quidem consumptis in medicos suis omnibus facultatibus, a nullo curari poterat) ⁴⁴accessit a tergo, ejusque togae limbum tetigit, et statim cohibitum est ejus sanguinis profluvium. ⁴⁵Tum Jesus: Quis me tetigit? inquit. Cum omnes negarent, dixit Petrus, et qui cum eo erant: Praeceptor, te turba angit atque premit, et quaeris quis te tetigerit? ⁴⁶Et Jesus: Tetigit aliquis me, inquit: sensi enim exire ex me vim. ⁴⁷Tum mulier, sese non latuisse videns, tremebunda venit, eumque accidit, et quam ob causam eum tetigisset, ei in totius populi praesentia exposuit, utque confestim fuisset sanata. ⁴⁸Et ille sic ei dixit: Bono es animo, filia, tua te fiducia servavit, abi salva. ⁴⁹Adhuc eo loquente, venit a collegii magistro quidam, qui ei filiam mortuam esse dixit, nec esse quod magistro ne-

gotium
tus el
inde v
Petrus
atque
rare
sed d
mortu
prehe
illa,
cibum
et ille

Apost
de
de
rel
tra
pr
Q
rit
coe

Co
bos:
sanar
nequ

gotium facefferet. ⁵⁰Quo audito, Jesus sic eum allocutus est: ne metue: tantum crede, et sanabitur. ⁵¹Deinde ubi domum venit, non sivit quenquam ingredi, nisi Petrum, et Jacobum, et Johannem, et puellae patrem atque matrem. ⁵²Cumque omnes eam plangentes deplorarent, ille eos plorare vetuit: non enim mortuam esse, sed dormire. ⁵³At illi eum deridebant, scientes, esse mortuam. ⁵⁴Ipsē vero, ejectis foras omnibus, ejusque prehensa manu, sic clamavit: Puella, surge. ⁵⁵Atque illa, reverso ejus spiritu, protinus surrexit, et ille ei cibum dari jussit. ⁵⁶Attoniti sunt autem ejus parentes, et ille eis ne cui rem dicerent, praecepit.

CAPUT IX.

Apostolorum potestas, egestas, institutio, facta. Herodis trepidi de Jesu cupido. Quinque panes, pisces duo, canistra xii. rumor de Jesu, suorum sententia. Praedictum supplicium, et resurrectio. Crux piorum, et lucrum. Aliqui superstites. Jesu transformatio cum Elia, et Mose. Discipulorum sopor, imprudentia. Vox e nube. Daemon per discipulos non pulsus. Qui maximus piorum. Qui a Jesu sunt discipuli. In Samaritanos diritas. Christi inopia. Mortuos qui curet. Qui ad coelum ineptus.

CONVOCATIS autem duodecim, dedit eis vim atque potestatem in omnia daemonia, sanandique morbos: ²eosque ad Dei regnum publicandum, et aegrotos sanandos dimisit, ³eisque dixit: Nihil in viam tollite, neque baculum, neque peram, neque panem, neque

argentum, neque binas tunicas habetote. ⁴Ac in quamcunque domum intraveritis, ibi manetote, et indidem exitote. ⁵Quod si qui vos non admiserint, exite ex illa urbe, et pulverem etiam ex vestris pedibus excutite, quod sit adversus eos testimonio. ⁶Igitur illi digressi vicos obibant, ubique Evangelium docentes, et morbos curantes. ⁷Cum audivisset autem Herodes tetrarcha, quam multa ab eo fierent, dubitabat quod dicebatur a quibusdam, Johannem ex mortuis surrexisse, ⁸a nonnullis item Eliam extitisse: ab aliis autem, aliquem veterum vatum revixisse. ⁹Dicebat autem Herodes: Johanni ego caput praecidi: sed quis est hic, de quo ego talia audio? eumque videre cupiebat. ¹⁰Reversi autem Apostoli, narrarunt ei quae fecerant. Et ille assumptis eis, secessit seorsum in desertum locum, urbis vocatae Bethsaida. ¹¹Quo cognito, vulgus hominum eum secutum est: quos ille excepit, eisque de Dei regno loquebatur, et curationis egentes sanabat. ¹²Ut autem inclinare dies coepit, duodecim eum hujusmodi verbis aggressi sunt: Dimitte hanc hominum multitudinem, ut in finitimos vicos et rura profecti diversentur, et cibaria inveniant: nam hic in deserto loco sumus. ¹³At ille: Praebete vos eis cibum, inquit illis. Cui illi: Non sunt nobis, inquiunt, plures quam quinque panes, et duo pisces: nisi forte eamus emptum ad omnem hunc populum cibaria. ¹⁴Erant enim viri circiter quinquies mille. Tum ille suis discipulis iussit ut curarent, ut illi per quinquagenarios ordines discumberent. ¹⁵Quod postquam illi fecerunt, et ut omnes discumberent curarunt,

¹⁶Ille sumptis quinque panibus, et duobus piscibus, in coelum intuitus, eos (super eis fausta precatione usus) fregit, et discipulis multitudini apponendos dedit: ¹⁷comederuntque omnes ad satietatem, et sublatum est quod eis fragmentorum superfuit, canistra duodecim. ¹⁸Cum autem seorsum orandi gratia esset, et una cum eo adessent discipuli, interrogavit eos his verbis: Quem me vulgo esse dicunt? ¹⁹Cui illi respondent, Johannem Baptistam, alii Eliam, alii vatem aliquem veterum revixisse. ²⁰Et ille: Vos vero, inquit eis, quem me esse dicitis? Et Petrus sic ei respondit: Christum Dei. ²¹Ille vero eis interminatus est, praecepitque ne cui id dicerent, ²²dixitque oportere filium hominis multa pati, et senatoribus pontificibusque et scribis improbari, ac interfici, et tertia die resurgere. ²³Dicebat autem ad omnes: Si quis post me venire vult, abneget ipse se, tol-latque suam crucem quotidie, et me sequatur. ²⁴Nam qui volet animam suam servare, perdet eam, qui vero animam suam mea causa perdet, is eam servabit. ²⁵Quid enim prodest homini, vel totum lucrari mundum, si se- ipsum perdat, aut sui jacturam faciat? ²⁶Quem enim mei meorumque dictorum puduerit, hujus pudebit fili- um hominis, cum in sua et patris sanctorumque ange- lorum gloria venerit. ²⁷Hoc autem vobis certo dico, esse quosdam eorum qui hic adsunt, qui non ante senti- ent mortem, quam Dei regnum videant. ²⁸Deinde octo fere diebus post haec dicta, assumpto Petro, et Johanne, et Jacobo, montem conscendit, precandi gratia. ²⁹At- que eo precante, facta est ejus vultus species alia, ejus-

que vestitus candore fulgurans. ³⁰Et ecce viri duo cum eo colloquebantur, qui quidem erant Moyses et Elias: ³¹Qui cum splendore conspecti, dicebant ejus exitum, quo perfuncturus erat Hierosolymae. ³²Petrus vero et ejus comites somno gravati, postquam experrecti sunt, viderunt ejus splendorem, duosque qui apud eum aderant viros. ³³Atque illis ab eo digredientibus, dixit Petrus Jesu: Praeceptor, bonum est hic esse nos: faciamus tria tabernacula, tibi unum, Moysi unum, et Eliae unum. ³⁴Haec eo loquente, et quid diceret nesciente, extitit nubes quae illos obumbravit. Quibus in nubem ingressis, cum hi territi essent, ³⁵extitit ex nube vox, dicens: Hic est filius meus charissimus: hunc audite. ³⁶Interea dum extitit vox, repertus est Jesus solus. Atque illi tacuerunt, neque cuiquam per eos dies quicquam eorum quae viderant, indicarunt. ³⁷Postridie eis de monte digressis, occurrit ei ingens hominum multitudo, ³⁸et ecce vir quidam ex turba sic exclamavit: Magister, quaeso te respice meum filium, qui mihi unicus est: ³⁹Quem simulac corripuit spiritus, clamat, eumque ille spumas agentem lacerat, et vix ab eo discedit, eum dilanians. ⁴⁰Discipulos quidem tuos oravi ut eum ejicerent: sed non potuerunt. ⁴¹At Jesus respondens: O diffidens, inquit, perversaque natio? quamdiu apud vos ero? vosque feram? adduc tuum huc filium. ⁴²Jam illo accedente, convulsit et laceravit eum daemonium. Sed Jesus impurum spiritum objurgavit, puerumque sanavit, et ejus patri reddidit, omnibus tanta Dei maiestate attonitis. ⁴³Cunctis autem tam multa, quae fece-

rat, mirantibus sic est discipulos suos allocutus: ⁴⁴Con-
jicite vos in aures vestras haec verba: Tradendus est
filius hominis in hominum manus. ⁴⁵At illi dictum illud
ignorabant idque eis ita tectum erat, ut id non senti-
rent: sed eum de eo dicto interrogare formidabant.
⁴⁶Venerunt autem in cogitationem, quis esset eorum
maximus: ⁴⁷et Jesus intelligens eorum animi cogitati-
onem, prehenso puero, et apud se statuto, sic ad eos
verba fecit: ⁴⁸Qui puerum hunc meo nomine accipit,
me accipit: et qui me accipit, eum accipit qui me misit.
Nam vestrum minimus quisque, maximus erit. ⁴⁹Tum
Johannes sic eum allocutus est: Praeceptor, vidimus
quendam nomine tuo ejicientem daemonia, et eum pro-
hibuimus, quoniam non comitatur nos. ⁵⁰Cui Jesus:
Ne prohibete, inquit: qui enim contra nos non est, a
nobis est. ⁵¹Cum autem compleretur ejus assumptionis
dies, ipse ita composito vultu, ut Hierosolymam ire vi-
deretur, ⁵²praemisit ante se nuncios, qui profecti intra-
runt in Samaritanorum vicum, ut ei diverforium para-
rent. ⁵³Sed illi eum non admiserunt, quoniam ire se
Hierosolymam prae se ferebat. ⁵⁴Quo viso, ejus disci-
puli Jacobus et Johannes dixerunt: Domine, vis jube-
amus ignem de coelo descendere, qui eos conficiat, ut
et fecit Elias? ⁵⁵At Jesus conversus, eos objurgavit:
Nescitis inquit, cujusmodi spiritus filii sitis vos. ⁵⁶Nam
filius hominis hominum vitas non perditum venit, sed
servatum. Ita in alium vicum profecti sunt. ⁵⁷Vadenti-
bus autem eis in via, dixit ei quidam: Sequar te quo-
cunque iveris, Domine. ⁵⁸Cui Jesus: Vulpes habent

antra, inquit, et aëreae volucres nidos: at filius hominis non habet ubi caput reclinet. ⁵⁹Item alteri dixit: Sequere me. Et ille: Domine, inquit, permitte mihi ut eam prius sepultum meum patrem. ⁶⁰At Jesus: Sine (inquit ei) mortuos sepelire mortuos suos: tu vero i annunciatum Dei regnum. ⁶¹Item cum alius dixisset: Sequar te, Domine: sed prius permitte mihi valedicere meis domesticis, ⁶²dixit ei Jesus: Nemo qui atro admota manu respicit in tergum, aptus est ad Dei regnum.

C A P U T X.

Discipuli septuaginta duo bini missi. Multa messis. Apostolorum calamitas, inopia. Eduliorum potestas. Minae in Chorazin, et Bethsaidam, et Capharnaum. Reverfi discipuli. Daemones ut fulgur. Piorum gaudia vera. Responsa ad Jurisperitum. Historia de vulnerato a latronibus, qui proximus. Martha, et Maria ad pedes Jesu.

POSTEA constituit Dominus etiam alios septuaginta L. duos, G. eosque binos ante se praemisit in omnes urbes et loca quo ipse venturus erat. ²Atque eos sic affatus est: Messis quidem multa est, sed operarii pauci: quocirca rogate messis dominum, ut operarios emittat in messem suam. ³Vadite, en ego mitto vos tanquam agnos inter lupos. ⁴Ne ferte crumenam, ne peram, neque calceos, neve quenquam in via salutaveritis. ⁵In quamcunque autem domum intrabitis, primum dicite: Salveat haec domus. ⁶Et si quidem erit

ibi aliquis salute dignus, requiescet in eo vestra salus :
fin minus, ad vos revertetur. ⁷Atque in eadem domo
manetote, comedentes et bibentes quae eis suppetent :
nam dignus est operarius mercede sua. Ne migratote
ex domo in domum : ⁸et in quamcunque urbem intra-
veritis, admissique fueritis, vescimini iis quae vobis ap-
ponentur : ⁹et qui erunt in ea aegroti, eos curatote,
eisque ad eos Dei regnum venisse dicitote. ¹⁰In quam
vero urbem ingressi, nec admissi fueritis, exitote in ejus
fora, et ita dicitote. ¹¹Etiam pulverem, qui nobis ex
urbe vestra adhaesit, vobis absterginus. Caeterum sci-
tote, ad vos divinum venisse regnum. ¹²Sic habetote
cum Sodomis in illa die levius actum iri, quam cum
illa urbe. ¹³Hei tibi Chorazin, hei tibi Bethsaida : nam
si Tyri et Sidone facta forent miracula, quae facta sunt
in vobis, jampridem in centone et pulvere degentes re-
diissent ad frugem. ¹⁴Itaque cum Tyro et Sidone mitius
agetur in iudicio, quam vobiscum. ¹⁵Et tu Capharna-
um, quae ad coelum usque evecta es, ad inferos usque
deprimeris. ¹⁶Qui vos audit, me audit : et qui vos re-
pudiat, me repudiat : qui vero me repudiat, eum repu-
diat qui me misit. ¹⁷Reversi autem septuaginta *L.* duo
G. cum laetitia, dixerunt : Domine etiam daemonia no-
bis per tuum nomen subjiuntur. ¹⁸Quibus ille : Spec-
tabam, inquit, Satanam fulguris ritu lapsum de coelo.
¹⁹Equidem vobis potestatem do serpentes scorpionesque
calcandi, et contra omnes hostis vires, ita ut nihil vos
laesurum sit. ²⁰Verum eo ne gaudete, quod vobis sub-
jiuntur spiritus : sed eo potius gaudete, quod nomina

vestra scripta sunt in coelis. ²¹Ea ipsa hora exultavit spiritu Jesus, dixitque : Ago tibi gratias, pater, coeli terraeque Domine, quod haec sapientes prudentesque celaveris, et infantibus patefeceris : idque, o pater, quoniam sic tibi placitum est. ²²Omnia mihi tradita sunt a patre meo : neque quisquam novit quis sit filius, nisi pater : aut quis sit pater, nisi filius, et cui voluerit filius patefacere. ²³Tum seorsum ad discipulos conversus : Felices, inquit, oculi qui aspiciunt quae vos aspiciatis. ²⁴Scitote enim multos vates atque reges voluisse videre quae vos aspiciatis, neque vidisse : et audire quae auditis, nec audivisse. ²⁵Hic surrexit quidam legisperitus, qui eum huiusmodi verbis tentavit : Magister, quid faciendo sempiternam vitam consequar ? ²⁶Cui ille : In lege quid scriptum est ? inquit : quomodo legis ? ²⁷Et ille respondens : Dominum Deum tuum, inquit, toto animo, totis viribus, totaque mente amato : itemque proximum tuum perinde ac teipsum. ²⁸Recte respondisti, inquit ei : id facito, et vives. ²⁹At ille seipsum, commendare volens, dixit Jesu : Ecquis est meus proximus ? ³⁰Tum Jesus ita subjecit : Homo quidam Hierosolyma ad Hierichuntem descendens, in latrones incidit, qui eum despoliarunt, inflictisque vulneribus discesserunt, eo seminece relicto. ³¹Forte fortuna sacerdos quidam descendebat per eam viam, illum ut vidit, praeteriit. ³²Similiter et Levita ad eum locum delatus, ubi venit, viditque, praeteriit. ³³Samaritanus vero quidam iter faciens, venit ad eum : eoque viso, misertus, accessit, ³⁴et ejus vulnera oleo vinoque per-

fusa obligavit, et eum jumento suo impositum duxit in diverforium, ejusque curam egit : ³⁵et postridie digressurus, deprompsit duos denarios, et cauponi dedit, ei-que mandavit ut ejus curam haberet : sese quicquid ille insuper insumpsisset, ei in suo reditu esse soluturum. ³⁶Quis igitur horum trium tibi videtur proximus illius fuisse, qui in latrones inciderat ? ³⁷Et ille : Qui ei misericordiam tribuit, inquit. Tum Jesus : I, inquit, et tu facito similiter. ³⁸Accidit autem, ut eis iter facientibus, ingrederetur in quendam vicum : et mulier quaedam nomine Martha eum domi suae accepit. ³⁹Huic soror erat nomine Maria, quae ad Jesu pedes assidens, audiebat ejus orationem. ⁴⁰Martha vero, quae tanto ministerio distraheretur, sic dicere institit : Domine, hoccine non curas, quod mea soror solam me ministrare finit ? Dic igitur ei ut me adjuvet. ⁴¹Cui Jesus respondens, Martha, Martha, inquit, tu multis sollicita turbaris, et uno est opus. ⁴²Maria bonam conditionem elegit, quae quidem ab ea non auferetur.

C A P U T XI.

Oratio Christi. Petendum, quaerendum. Collationes de Amico, de Patre. Calumniae repulsae in Jesum, de Beelzebule. Spiritus impurus, vagus. Qui vere beati. Lucerna. Manus illotae, Hypocritarum ingenia.

CUM autem quodam in loco oraret, postquam desiit, dixit ei quidam ejus discipulorum : Domine, doce nos orare, ut et Johannes docuit suos discipulos. ²Et

ille : Cum orabitis, inquit eis, dicitote : Pater noster qui es in coelis : Sancte colatur nomen tuum. Veniat regnum tuum. Fiat voluntas tua, ut in coelo, sic et in terra. ³Victum nostrum alimentarium da nobis quotidie : ⁴et remitte nobis peccata nostra, quandoquidem ipsi remittimus omnibus qui nobis debent : neve nos in tentationem adducito, sed a malo tuere. ⁵Tum illud eis dixit : Si quis vestrum habeat amicum, quem media nocte adeat, eique dicat : Amice, da mihi mutuo tres panes : ⁶Etenim venit ad me amicus meus ex via, cui quid apponam non habeo, ⁷atque ille intus ita respondeat : Noli mihi molestiam exhibere : jam clausa janua est, et pueri mei mecum in lecto sunt : non possum surgere, et tibi dare *L.* si ille pulsare perseveraverit *G.* ⁸Mihi credite, etsi non surget ad ei dandum, quia sit ejus amicus : at certe propter ejus importunitatem surget, eique tot dabit, quot ille egebit. ⁹Ego quoque vobis dico : Petite, et dabitur vobis : quaerite, et invenietis : pulsate, et vobis aperietur : ¹⁰Quisquis enim petit, adipiscitur : et qui quaerit, invenit : et pulsanti aperitur. ¹¹Quis autem vestrum est, qui pater poscenti filio panem, det lapidem ? aut poscenti piscem, det pro pisce anguem ? ¹²Aut si ovum petat, det ei scorpionem ? ¹³Quod si vos, qui mali estis, scitis bona dona dare vestris liberis, quanto magis pater coelestis dabit sanctum spiritum petentibus a se ? ¹⁴Ejiciebat autem aliquando daemonium, quod erat mutum : quo daemonio egresso, locutus est mutus, id quod vulgo mirati sunt. ¹⁵At eorum quidam dicebant, eum per Beelzebulem

daemoniorum principem ejicere daemonia. ¹⁶Alii tentandi gratia signum ab eo petebant de coelo. ¹⁷Quorum ipse cogitationes intelligens : dixit eis : Omne regnum a seipso dissidens vastatur, et domus super domum cadit. ¹⁸Quod si Satanas a seipso dissideret, quo pacto staret ejus regnum ? ut vos me dicatis per Beelzebulem ejicere daemonia ? ¹⁹Quod si ego per Beelzebulem ejicio daemonia, vestri generis homines per quem ejiciunt ? Itaque erunt ipsi vestri judices. ²⁰Sin ego divino digito ejicio daemonia, ergo venit ad vos divinum regnum. ²¹Cum quis fortis armatus suum atrium custodit, salvae sunt ejus facultates. ²²Sed si quis eo fortior eum adortus vicerit, ejus et arma quibus confidebat, aufert, et spolia distribuit. ²³Qui mecum non est, contra me est : et qui mecum non congerit, dissipat. ²⁴Dum impurus spiritus exiit ex aliquo homine, siticulosa loca peragrat, quietem quaerens. Eam postquam non invenit, statuit domum suam redire, unde exierat, ²⁵Deinde ubi venit, et eam versam ornatamque offendit, ²⁶accerfit septem alios spiritus deteriores se. Qui illuc ingressi, ibi manent : atque ita fit hominis illius conditio posterior, priore deterior. ²⁷Eo haec dicente, mulier quaedam ex turba, sublata voce dixit ei : Beatus venter qui te portavit, et ubera quae suxisti. ²⁸At ille : Imo inquit, beati qui divinum sermonem et audiunt et conservant. ²⁹Vulgo autem coeunte, sic inquit : Haec natio mala est : signum quaerit : et nullum ei signum dabitur, nisi signum Jonae vatis. ³⁰Ut enim fuit Jonas signum Ninivitis, sic erit etiam filius hominis huic nationi.

³¹Austri regina surget in iudicio cum hujus nationis hominibus, eosque damnabit, quod ex ultimis terris venerit auditum Solomonis sapientiam, cum hic sit Solomone praestantior. ³²Homines Ninivitae surgent in iudicio cum hac natione, eamque damnabunt, quod ad Jonae praeconium mores suos correxerint, cum hic sit Jona praestantior. ³³Nemo accensam lucernam in occulto ponit, aut sub modio, sed in candelabro, ut intrantes lumen aspiciant. ³⁴Lucerna corporis est oculus. Quod si tuus oculus syncerus est, etiam totum corpus tuum lucidum est: sin improbus est, tuum quoque corpus tenebricosum est. ³⁵Vide ergo, ne quod in te lumen est, tenebrae sint. ³⁶Quod si tuum corpus totum erit lucidum, et ita lucidum, ut nullam tenebricosi partem habeat, perinde erit ac si te fulgore lucerna collustret. ³⁷Haec locutum rogavit Phariseus quidam, ut apud se pranderet. Et ille ingressus accubuit. ³⁸Et Phariseus miratus est, videns eum non prius ante prandium lavisse. ³⁹Et Dominus dixit ei: Nunc vos Pharisei exteriorem poculi catinique partem purgatis, cum interiora vestra rapinae sint et malitiae plena. ⁴⁰Dementes, quasi vero non idem qui exteriora fecit, etiam interiora fecerit. ⁴¹Facite modo benigne ex iis quae suppetunt, ita fiet ut vobis omnia munda sint. ⁴²Sed vae vobis Phariseis, qui mentam, rutam, denique omne olus decimatis: et aequitatem, Dei que amorem praetermititis. Debebant et haec fieri, et illa non omitti. ⁴³Vae vobis Phariseis, qui primum sedendi locum in collegiis, et salutationes in foris amatis. ⁴⁴Vae vobis Scribae et Pha-

rifaei
chra,
sic eum
dicens
bis leg
tis on
tingiti
cum v
jorum
perem
divina
legato
⁵⁰ut d
nium
guine
et aed
tur de
ficient
tes im
legisp
multi
ex ej

Phari
ra.
De
pre
for

rifaei personati, qui perinde estis atque abdita sepulchra, super quae inscientes gradiuntur homines. ⁴⁵Tum sic eum allocutus est quidam legisperitus. Magister, ista dicens, nobis quoque facis injuriam. ⁴⁶At ille: Et vobis legisperitis, inquit, vae, qui alios gravissimis oneratis oneribus, quae onera vos ne uno quidem digito attingitis. ⁴⁷Vae vobis, quod vatum monimenta extruitis, cum vestri majores eos interfecerint. ⁴⁸Ergo vobis majorem vestrorum facta placere testamini, dum, quos illi peremerunt, eorum vos monimenta extruitis. ⁴⁹Itaque divina Sapiencia sic fata est: Mittam ad eos vates et legatos, quos partim interficient, partim persequentur, ⁵⁰ut de hac natione supplicium sumatur sanguinis omnium vatum, ab orbe condito effusi, ⁵¹ab Abelis sanguine, usque ad Zachariae sanguinem, qui inter aram et aedem peremptus est. Ita est, inquam vobis, fumentur de hac natione poenae. ⁵²Vae vobis legisperitis, qui scientiae clavem abstulistis, nec ipsi intraistis, et intrantes impedivistis. ⁵³Haec eo ad illos dicente, coeperunt legisperiti et Pharisei acriter instare, et ejus orationem multis rationibus insidiosae captare, ⁵⁴conantes aliquid ex ejus ore aucupari, quo eum criminarentur.

C A P U T XII.

Phariseorum fermentum. Quis nobis timendus. Dei de suis cura. Quos Jesus tandem agnoscat. Cui non ignoscetur unquam. Doctor spiritus sanctus. Avari consilium vanum. Dei de nobis providentia. Thesaurus ubi statuendus. Servus malus percussor. Sciens, imprudens. Ignis a Christo. Orbis dissidia.

INTEREA cum tot vulgi millia convenissent, ut inter se opprimerent, coepit ille sic ad suos discipulos verba facere: In primis cavete vobis a Phariseorum fermento: hoc est simulatione. ²Nihil enim tam tectum est, quod non sit detegendum: neque tam occultum, quod non sit cognoscendum. ³Itaque quicquid in tenebris dixeritis, id in luce audietur: et quod in aurem in penetralibus locuti fueritis, id in tectis praedicabitur. ⁴Hoc autem vobis amicis meis dico: Ne eos timeatis, qui corpus quidem interficiunt, sed deinde quid amplius faciant, non habent. ⁵Sed vobis demonstrabo quem timeatis. Timeate eum, qui postquam interfecit, potestatem habet in gehennam conjiciendi: hunc, inquam, timeate. ⁶Cum vaeneant quinque passeruli duobus asserius, tamen eorum nullus in oblivione est apud Deum. ⁷At vestrum etiam capitis capilli sunt omnes numerati. Quare ne timeate, longe passeris antecellitis. ⁸Illud quidem sic habetote: quisquis me apud homines agnoverit, hunc vicissim agnoscet filius hominis apud divinos angelos. ⁹Qui vero me apud homines abnegaverit, abnegabitur apud divinos angelos. ¹⁰Et quisquis aliquando adversus filium hominis dixerit, ignoscetur ei: sed ei qui sancto spiritui maledixerit, non ignoscetur. ¹¹Cum autem in collegia, et ad magistratus potestatesque sustinerimini, ne solliciti estote, quomodo, aut quid respondeatis, aut dicatis. ¹²Sanctus enim spiritus docebit vos eandem hora quae dicenda sint. ¹³Dixit autem ei quidam ex turba: Magister, jube meo fratri, ut mecum haereditatem partiat. ¹⁴Cui ille: Homo, inquit, qui

ne vobis judicem, aut divisorem constituit? ¹⁵Deinde illos alloquens: Videte, ut avaritiam caveatis. Non enim in eo cujusque vita sita est, si facultatibus abundet. ¹⁶Tum eis hujusmodi similitudinem dixit: Quidam dives homo, cum ejus fundus abunde extulisset, ¹⁷sic secum ipse cogitabat: Quid agam cum non habeam quo meas fruges congeram? ¹⁸Hoc agam, inquit: horrea mea diruam, et majora construam, eoque omnes meos proventus, et bona congeram, ¹⁹atque ita animae meae dicam: Anima, habes multa bona in multos annos condita, requiesce, comede, bibe, indulge voluptati. ²⁰At Deus sic eum interpellavit: O demens, hac nocte reposcetur a te anima tua, quae vero parasti, cujus erunt! ²¹Sic accidit ei, qui sibi ipsi congerit, neque Deo dives est. ²²Hanc ob rem vobis ita dico (inquit suis discipulis) ne solliciti este de vita vestra, quid comaturi: neque de corpore, quid induturi sitis. ²³Vita plus est quam alimentum, et corpus quam indumentum. ²⁴Contemplamini corvos, qui neque serunt, neque metunt, neque cellam aut horreum habent, tamen eos nutrit Deus: quanto vos volucris praestatis? ²⁵Quis autem vestrum sua cura possit suam staturam augere uno cubito? ²⁶Quod si ne minima quidem potestis, quid de caeteris sollicitamini? ²⁷Contemplamini lilia ut crescant, cum neque laborent, neque neant; Atqui scitote ne Solomonem quidem in suo tanto splendore, vestiri solitum, ut eorum quodlibet. ²⁸Quod si herbam, quae hodie est in agro, et cras in clibanum conjicitur, tamen Deus ita vestit, quanto magis vos; et

parum fidentes ! ²⁹Vos igitur ne requirite quid esuri,
bibiturive sitis, neve pendete. ³⁰Haec enim omnia mun-
di gentes requirunt, quae vobis opus esse scit pater ves-
ter. ³¹Sed quaerite Dei regnum, et haec omnia vobis
addentur. ³²Ne formidate, o parvum ovile : nam visum
est patri vestro vobis dare regnum. ³³Vendite facultates
vestras, et egentibus largimini. Facite vobis crumenas,
quae non veterascant, thesaurum inexhaustum in coelis,
quo neque fur accedit, neque tinea corrumpit. ³⁴Nam
ubi est thesaurus vester, ibi etiam erit vester animus.
³⁵Sint vobis latera succincta, et ardentes lucernae :
³⁶Similesque hominibus este dominum suum expectan-
tibus, quando discedet a nuptiis, ut simulac venerit ac
pulsaverit, ei aperiant. ³⁷Felices illi servi, quos cum
venerit dominus, invenerit vigilantes. Mihi credite, ac-
cinget se, eosque accumbere jubebit, et eis ministratum
veniet. ³⁸Quod si, seu secunda, seu tertia venerit vigi-
lia, idem invenerit, felices sunt illi servi. ³⁹Illud autem
scitote, si sciret paterfamilias qua hora fur venturus es-
set, vigilaturum esse, neque domum suam perfodi pas-
surum. ⁴⁰Vos igitur este parati : nam qua hora non pu-
tatis, filius hominis venturus est. ⁴¹Tum Petrus : Do-
mine, inquit ei, ad nosne similitudinem istam dicis, an
etiam ad omnes ? ⁴²Et Dominus : Si quis est fidelis dis-
pensator, et prudens, inquit, quem praefecerit herus
suae familiae, ut ei suo tempore demensum praebeat :
⁴³Beatus est ille servus, quem cum venerit ejus herus,
invenerit officium suum facientem. ⁴⁴Mihi certo credi-
te, eum suis omnibus facultatibus praeficiet. ⁴⁵Sin co-

gitaver
non v
epular
us ser
disseca
servus
data f
labit.
vius v
ab eo
missum
veni i
volo ?
solvat
ris co
quam
incep
et du
lius :
et a
inqui
adver
austru
homi
pus h
ipsis
adver
ab eo
judex

gitaverit servus ille cum animo suo, herum suum diu non venire, coeperitque famulos, et famulas pulsare, epularique, et potare, et inebriari: ⁴⁶Veniet herus illius servi inexpectato ei die, ignotaque hora, eumque discabit, et in infidelium numero habebit. ⁴⁷Is vero servus qui cum heri sui voluntatem sciret, non mandata fecerit, nec ejus voluntati paruerit, gravius vapulabit. ⁴⁸Qui vero nesciverit, et plagis digna fecerit, levius vapulabit. Ac cuicumque multum traditum fuerit, ab eo multum exigetur: et quanto cuique plus commissum fuerit, tanto plus ab eo reposcetur. ⁴⁹Ighem veni injectum in terram, qui si jam incensus est, quid volo? ⁵⁰Baptismate baptizandus sum, quod dum absolvatur, vehementer angor. ⁵¹An me ad pacem in terris conciliandam venisse arbitramini? Nequaquam (inquam vobis) sed potius discordiam. ⁵²Erunt enim deinceps quinque in una domo dissidentes, tres a duobus et duo a tribus. ⁵³Dissidebit pater a filio, et a patre filius: mater a filia, et a matre filia: socrus a nuru sua, et a focru nurus. ⁵⁴Deinde ad vulgus: Dum videtis, inquit, exorientem ab occasu nubem, continuo dicitis adventare pluviam, atque ita fit: ⁵⁵et dum spirantem austrum dicitis aestum futurum, id quod fit. ⁵⁶Ficti homines, terrae coelique faciem discernere scitis: tempus hoc quod fit ut non discernatis? ⁵⁷Aut cur ex vobis ipsis non judicatis ex aequo? ⁵⁸Cum enim una cum adversario tuo magistratum adis, da operam in via ut ab eo libereris, ne te et ille ad judicem pertrahat, et iudex lictori tradat, et lictor det in custodiam. ⁵⁹Mihi

crede, non exibis inde, quin ultimum etiam teruncium solveris.

C A P U T XIII.

Galilaei per Pilatum caesi, defensi a Christo. Exemplum ficus in vinea, abscindenda. Curata mulier. Personati de sabbato rejecti. Regnum Dei quibus simile sit rebus, nempe sinapi, fermento, angustia salutis, alieni servandi. Vulpes Herodis. Minae in Hierosolymam.

ADFUERUNT autem quidam eodem tempore, qui ei de Galilaeis nunciarunt, quorum sanguinem Pilatus cum eorum sacrificiis miscuerat. ²Quibus Jesus in haec verba respondit: An putatis Galilaeos illos omnium fuisse Galilaeorum improbissimos, quod talia passi sint? ³Nequaquam, inquam vobis. Sed vos nisi ad frugem redieritis, omnes similiter peribitis. ⁴Item illos duodeviginti, quos delapsa turris in Siloa, interfecit, an fuisse putatis omnium Hierosolymitanorum nocentissimos? ⁵Nequaquam, inquam vobis: sed vos nisi ad frugem redieritis, omnes similiter peribitis. ⁶Dixit item hoc exemplum: Ficum habebat quidam in vinea sua satam, ex qua ficu fructum petatum venit nec invenit. ⁷Itaque dixit vinitori: Ego jam per tres annos fructum ex hac ficu petatum venio, nec tamen invenio, abscinde eam, quorsum terram inutiliter occupat? ⁸Cui ille: Domine, inquit respondens: sine eam etiam hunc annum, dum ego eam ablaqueem, atque stercorem, ⁹si forte fructum edat. Sin minus, tu eam postea abscin-

les. ¹⁰Docebat autem aliquando in quodam collegio
Sabbatis, ¹¹et aderat quaedam mulier spiritum habens
debilitatis jam annos duodeviginti, eaque sic incurva,
ut se erigere prorsus non posset. ¹²Eam visam vocavit
Iesus, eique dixit: Mulier, soluta es ab infirmitate
tua: ¹³Eique manus imposuit: atque illa protinus cor-
recta, Deo gratias agebat. ¹⁴Hic collegii magister, Je-
sum Sabbato curasse indignans, his verbis plebem allo-
quitur: Sex dies sunt, in quibus agi debet: in iis igitur
venite, ut curemini, non die Sabbati. ¹⁵At Dominus sic
ad eum contra locutus est: O perfonate, nonne ves-
trum quisque Sabbato bovem asinumve suum solvit a
praesepe, et potum ducit? ¹⁶Hanc vero, quae fit Abra-
hama prognata, quam vinctam habuit Satanas annos
jam duodeviginti, non oportebat ab hoc vinculo solvi
die Sabbati? ¹⁷Haec eo dicente, pudebat omnes ejus
adversarios: at vulgus omne tot praeclaris, quae ab eo
fiebant, rebus laetabatur. ¹⁸Dicebat item: Cui simile
est divinum regnum? aut cui id assimilem? ¹⁹Simile est
 grano sinapis, quod sumit homo, et in hortum suum
jacit, idque sic crescit, ut fiat arbor tanta, ut aëreae vo-
lucres in ejus ramis nidificent. ²⁰Itemque dixit: Cui
divinum regnum assimilem? ²¹Simile est fermento, quod
mulier sumit, et in farinae sata tria recondit, dum tota
fermentetur. ²²Igitur cum oppidatim vicatimque va-
dens doceret, et ad Hierosolymam iter faceret, ²³qui-
dam sic ex eo quaesivit: Domine, an pauci servandi
sunt? ²⁴Et ille: Contendite, inquit eis, intrare per an-
gustam portam. Nam multi (ut hoc sciatis) qui intrare

conabuntur, non poterunt. ²⁵Postquam intraverit paterfamilias, ostiumque clauferit, et vos foris stare, et ostium pulsare coeperitis, dicentes : Domine, Domine, aperi nobis : ille vobis ita respondebit, Nescio vos unde sitis. ²⁶Tum vos ita dicere insistetis : Epulati sumus coram te, et bibimus, et tu in nostris plateis docuisti. ²⁷Ait ille : Profecto nescio vos, inquit, unde sitis. Facessite a me omnes malefici. ²⁸Illic erit ploratus stridorque dentium, dum Abrahamum, Isaacum, et Jacobum, omnesque vates in Dei regno conspicietis, vos vero foras ejici, ²⁹venientque ab Oriente, et Occidente, et Borea, et Austro, qui in divino regno accumbant. ³⁰Et quidem ultimi sunt, qui primi erunt et primi sunt, qui erunt ultimi. ³¹Eodem die Pharisei quidam eum his verbis convenerunt : Abi, et hinc discede, nam Herodes vult interficere te. ³²Quibus ille : Ite, inquit, dicite isti vulpi, me daemonia ejecturum, sanationesque peracturum esse hodie et cras : tertio autem die perfectum iri. ³³Veruntamen mihi hodie et cras, et tertio die ambulandum esse : quoniam non licet ullum vatem extra Hierosolymam perire. ³⁴Hierosolyma, Hierosolyma, quae vates interficis, et ad te missos lapidas, quoties volui tuos natos congregare, quomodo gallina suum nidum sub alas ? neque voluistis. ³⁵Scitote futurum esse, ut vobis vestra domus deserta relinquatur. Atque illud sic habetote, vos non prius esse visuros me, quam tempus veniat, quo dicetis : Bene sit venienti in nomine Domini.

*Jesus Pharisei convivat. De Sabbato disceptatio. Modestia
piorum. Qui vocandi ad epulas. Ad convivium vocati mi-
seriores. Quis Christi discipulus. Sal infatuatum.*

CUM autem in domum venisset cujusdam Phariseo-
rum primarii Sabbato ad cibum capiendum, ²et illi
eum observarent, adessetque tum homo quidam hydro-
picus ante eum, ³Jesus legisperitos, et Phariseos allo-
quens quaesivit an Sabbatō curare fas esset. ⁴Atque illis
tacentibus, Jesus illumprehendit, sanavitque, et dimi-
sit, ⁵illosque sic affatus est: Quis vestrum est, qui si
ejus asinus aut bos in puteum cadat, non eum protinus
extrahat die Sabbati? ⁶Ad haec illi ei contra respon-
dere non potuerunt. ⁷Dixit item invitatis exemplum
(animadvertens ut prima accubandi loca deligerent)
eos sic alloquens, ⁸Si fueris ab aliquo vocatus ad nup-
tias, noli accubare primo loco, ne si quis honoratior te
sit ab eo invitatus, ⁹veniat qui et te et illum vocavit,
tibiue ut illi locum des, jubeat, atque ita sit tibi ulti-
mus locus cum pudore occupandus. ¹⁰Sed cum fueris
invitatus, i accubitum ultimo loco, ut cum venerit qui
te invitaverit, dicat tibi: Amice, ascende superius, id
quod tibi erit apud eos qui tecum accumbent, glorio-
sum. ¹¹Nam quisquis seipsum exexerit, deprimetur, et
qui se deprefferit, evehetur. ¹²Dixit item ei, qui se in-
vitaverat: Cum prandium coenamve facis, ne vocato
tuos amicos, nec fratres, nec cognatos, nec vicinos, *L.*
nec *G.* divites, ne illi te vicissim invitent, tibiue refe-
ratur gratia. ¹³Sed cum convivium celebras, voca pau-

peres, mutilos, claudos, caecos : ¹⁴Et felix eris, quoniam te remunerari nequeunt. Reddetur enim tibi in resurrectione iustorum. ¹⁵His auditis, quidam convivarum dixit ei : Felix, qui cibum capit in divino regno. ¹⁶Et ille : Homo quidam (inquit ei) fecit magnam coenam, multosque invitavit : ¹⁷Et hora coenae servum suum misit, qui invitatos venire juberet : jam enim parata esse omnia. ¹⁸At illi omnes ad unum se excusare. Primus sic ei dixit : Fundum emi, et eum visere necesse habeo, rogo te habe me excusatum. ¹⁹Alter item dixit : Juga boum emi quinque, et ea expertum eo : rogo te habe me excusatum. ²⁰Item alius : Uxorem duxi, inquit, ideoque ire non possum. ²¹Haec servus domino suo renunciatum ivit. Tum iratus paterfamilias, dixit servo suo. Egredere e vestigio in urbis areas atque vicos : et pauperes, mutilosque, et claudos, et caecos huc introducito. ²²Deinde servus : Domine, inquit, factum est ut imperasti : sed superest locus : ²³Tum dominus : Proficiscere in vias, inquit, et in septa, et intrare coge, ut domus mea compleatur. ²⁴Nam illud scitote, neminem hominum illorum invitatorum esse meam coenam gustaturum. ²⁵Cum autem eum ingens hominum turba comitaretur, conversus dixit eis : ²⁶Si quis ad me venit, nec suum patrem, et matrem, et uxorem, et liberos, et fratres, et sorores, atque adeo suam ipsius animam odit, non potest meus esse discipulus. ²⁷Qui non portat suam crucem, et me sequitur, non potest meus esse discipulus. ²⁸Quis enim vestrum volens turrin construere, non prius sedens

sumptum computat, an habeat quae ad perfectionem requirantur? ²⁹Ne si jactis fundamentis absolvere non valeat, omnes qui id spectabunt, eum illudere incipiant, ³⁰dicentes, eum hominem, quae aedificare coeperit, exaedificare nequivisse. ³¹Aut quis rex ad praelium cum alio rege committendum profecturus, non ante sedens deliberat, an possit cum decem millibus obviam ire illi qui se cum viginti millibus adoriatur? ³²Alioquin adhuc illo procul absente, legatos de pace mittit. ³³Sic igitur quicumque vestrum non suis omnibus valedicit, non potest meus esse discipulus. ³⁴Bonum est sal: verum si sal infatuatum fuerit, quo condietur? ³⁵Nec terrae est, nec stercorei accommodatum: foras projicitur, Qui aures habet ad audiendum, audiat.

C A P U T XV.

Malos cur Jesus non abigat. Ovis perdita, drachma reperta, filius dissolutus, ad frugem rediens. Frater invidus.

FREQUENTABANT autem eum omnes publicani, et improbi, ejus audiendi gratia, ²et fremebant Pharisaei atque Scribae, dicentes, eum improbos admittere, cumque eis cibum capere: ³Atque ille eis hujusmodi similitudinem in haec verba dixit: ⁴quis homo vestrum est, qui si centum habeat oves, et earum unum perdiderit, non relinquat in saltu nonaginta novem, et ad perditam vadat, donec eam inveniat? ⁵Quam inventam suis imponit humeris, gaudens: ⁶Domumque profectus, convocatos suos amicos et vicinos admonet, ut

sibi congratulentur, qui suam ovem perditam invenerit.
⁷Scitote eodem modo majorem fore in coelo laetitiam ob unum fontem, qui redeat ad frugem, quam ob nonaginta novem infontes, qui vitae correctione non egent.
⁸Aut quae mulier est, quae si drachmas habeat decem, et unam drachmam amittat, non lucernam accendat domumque verrat, et diligenter conquirat donec inveniat?
⁹Ac ea inventa, convocat amicos, et vicinas, easque ut sibi congratulentur monet: sese enim quam perdiderat invenisse drachmam.
¹⁰Eodem modo scitote apud divinos angelos laetitiam fieri ob unum fontem, qui ad frugem redeat.
¹¹Item illud dixit: Habebat homo quidam filios duos.
¹²Quorum junior patri dixit: Pater da mihi competentem bonorum partem. Itaque ille divisit ei facultates,
¹³ac non multis post diebus, junior filius, congestis omnibus, in longinquam regionem peregre profectus est, atque illic facultates suas luxuriose vivendo prodegit.
¹⁴Postquam omnia absumpsit, orta in illa regione gravi fame, coepit indigere.
¹⁵Itaque adiit ejus regionis civium quendam, et apud eum haesit, atque ille eum in praedium suum misit ad pascendos porcos:
¹⁶Isque eo devenit, ut cuperet ventrem suum replere siliquis, quas porci comedebant, nec ei quisquam dabat.
¹⁷Igitur ad sese reversus ita cogitare: Quam multi mei patris mercenarii panibus circumfluunt? et ego fame pereor.
¹⁸Recipiam me ad meum patrem, eique dicam: Pater, et in coelum, et adversum te peccavi:
¹⁹Ita, ut jam non sim dignus qui dicar tuus filius: utere me perinde ac uno tuorum mercena-

riorum. ²⁰Ita profectus venit ad patrem suum. Quem adhuc procul absentem conspicatus pater, misertus accurrit, eique in collum infiliit, et eum deosculatus est. ²¹Et filius sic illum allocutus est: Pater, et in coelum, et adversum te peccavi, ita, ut jam non sim dignus qui dicar tuus filius. ²²At pater: Proferte (inquit suis servis) priorem stolam, eumque induite, et ejus manui annulum adhibete, et calceos pedibus, ²³eductumque vitulum altilem mactate, laetique epulemur: ²⁴Nam hic filius meus, qui mortuus erat, revixit: et qui perditus erat, inventus est. Itaque laetari coeperunt. ²⁵Erat autem ejus filius natu grandior ruri. Is cum veniens domui propinquasset, audito concentu atque choris, ²⁶vocato uno famulorum suorum, sciscitatus ex eo est, quid ea sibi vellent? ²⁷Cui ille: Venit tuus frater, inquit: itaque mactavit tuus pater altilem vitulum, quod eum receperit incolumem. ²⁸Ille vero iratus noluit ingredi. Cumque pater ejus egressus, eum hortaretur, ille patri respondit in hunc modum: ²⁹Ego tot annos tibi servio, nec unquam contra tuum praeceptum feci, et tu mihi nunquam vel hoedum dedisti, ut cum meis amicis laetarer. ³⁰At iste tuus filius, qui facultates tuas cum scortis abliguriit, ubi venit, tu ei altilem vitulum mactasti. ³¹At ille: Nate, inquit ei, tu mecum semper es, et omnia mea tua sunt. ³²Enimvero de tuo hoc fratre laetari et gaudere oportuit, quod cum mortuus esset, revixit: cum perditus esset, inventus est.

C A P U T XVI.

*Callidus Dispensator. Opum utilitas. Dominium repugnans.
Pietas vim passa. Repudium. Lazarus felix. Divitis mi-
seria.*

DIXIT item suis discipulis : Homo quidam dives dispensatorem habebat, qui apud eum tanquam qui ejus bona dilapidaret, delatus est : ²et ille vocatum eum, sic allocutus est : Quid est, quod audio de te ? redde tuae dispensationis rationem : nec enim tibi licebit amplius dispensatorem esse. ³Tum dispensator sic secum cogitare : Quid agam ? cum meus herus a me dispensationem auferat : Fodere non valeo, mendicare erubesco : ⁴scio quid agam, ut cum abdicatus dispensatione fuero, sint qui me in suas domos accipiant. ⁵Igitur advocatis singulis heri sui debitoribus, dixit primo : Quantum debes hero meo ? ⁶Centum batos olei, inquit. Et ille : Accipe tuum scriptum, inquit ei, et sede continuo, ac scribe quinquaginta. ⁷Deinde alteri dixit : Tu vero quantum debes ? Centum frumenti coros. Accipe tuum scriptum, inquit, et scribe octoginta. ⁸Itaque laudavit herus dispensatorem iniquum, quod prudenter fecisset. Nam hujus seculi homines sunt in suo genere prudentiores, quam homines lucis. ⁹Et ego hoc vobis dico : Facite vobis amicos ex falsis opibus, ut cum defuncti fueritis, admittant vos in aeterna domicilia. ¹⁰Qui in minima re fidus est, idem in magna fidus est : et qui est in re minima injustus, idem in magna injustus est.

¹¹Quod si in falsis opibus fidi non fueritis, veras quis vobis credat? ¹²et si in alieno fidi non fueritis, vestrum quis vobis committat? ¹³Nullus famulus potest servire duobus dominis: aut enim alterum oderit, alterum amabit: aut alterum tuebitur, alterum contemnet. Non potestis et Deo servire, et opibus. ¹⁴Audiebant autem haec omnia etiam Pharisei, qui erant avari, eumque deridebant. ¹⁵Itane ille sic eis dixit: Vos ii estis, qui vos hominibus probetis: sed Deus vestros animos novit, nam quod est apud homines sublime, id apud Deum est abominandum. ¹⁶Lex et vates usque ad Johannem: postea divinum regnum nunciatur, atque in id omnes irrumpunt. ¹⁷Est autem facilius coelum terramque intrare, quam legis vel unum apicem intercidere. ¹⁸Quisquis uxorem suam dimittit, et aliam ducit, adulterat: et quisquis a viro dimissam ducit, adulterat. ¹⁹Erat autem homo quidam dives, qui purpura et bysso vestiebatur, quotidie laute voluptatibus indulgens. ²⁰Erat et quidam pauper nomine Lazarus, qui ad ejus vestibulum jacebat ulcerosus, ²¹cupiensque saturari micis, quae de divitis mensa decidebant. Quin et canes veniebant, et ejus ulcera lingebant. ²²Accidit autem ut moreretur pauper, et ab Angelis in Abrahami gremium auferretur. Mortuus est et dives, et sepultus. ²³Atque is in orco, sublati oculis, cum esset in cruciatibus, aspicit Abrahamum procul, et in ejus gremio Lazarum, ²⁴et Pater Abrahamae (inquit clamans) miserere mei, et mitte Lazarum, qui summo digito suo in aqua intincto, mihi linguam refrigeret: crucior enim in hac

flamma. ²⁵At Abrahamus : Nate, inquit, memineris et te tuis bonis in vita tua, et Lazarum malis esse defunctum : Nunc et hic in solatio, et tu in dolore es. ²⁶Praeterea constat omnino inter nos et vos vasta vorago, ut qui velint hinc ad vos transire, non possint, neque qui istic sunt, ad nos trajiciant. ²⁷Tum ille, rogo igitur te, pater, ut eum in mei patris domum mittas, ²⁸ut meos fratres (habeo enim quinque) commonefaciat, ne ipsi quoque in hunc cruciatus locum veniant. ²⁹At Abrahamus : Habent Mosem et vates, inquit ei : eos audiunt. ³⁰Et ille : At vero, pater Abrahamae, si quis a mortuis ad eos fuerit profectus, corrigent se. ³¹Si Mosem (inquit ille) et vates non audiunt, ne si quidem quispiam ex mortuis resurgat, obtemperabunt.

C A P U T XVII.

*Offensionum necessitas. Offendentis miseria : benignitas in hostes.
Leprosi x. gratus unus. Christi reditus. Judicium repentinum.*

DIXIT autem discipulis : Non possunt non evenire offensiones : sed vac ei per quem eveniunt : ²Sati-
us esset ei, circumjecta ejus collo asinaria mola, in mare dejici, quam vel minimum horum offendere. ³Cavete vobis. Quod si in te peccaverit tuus frater : reprehende eum : et si eum poeniteat ignosce ei. ⁴Quod si vel septies uno die in te peccaverit, et septies eodem die ad te redierit, et se poenitere dixerit, ignosce ei. ⁵Dixerunt autem Apostoli Domino : Adauge nobis fidem. ⁶Et Dominus : Si tantum fidei haberetis, inquit, quantum est

granum sinapis, et huic caprifico juberetis ut extirparetur, et in mari plantaretur, obediret vobis.⁷ Quis autem restrum est, qui si arantem aut pascentem servum habeat, eum rure reversum protinus accubitus ire jubeat?⁸ Ac non potius sic ei dicat: Para quod ego coenem, accinctusque mihi ministra, donec comedero, ac bibero: postea comes ac bibes tu.⁹ Num gratiam habet ei servo, quod sibi mandata fecerit: Non puto.¹⁰ Sic et vos, cum omnia vobis mandata feceritis, dicite vos inutiles esse servos, qui quod debueritis facere, feceritis.¹¹ Cum autem Hierosolymam contenderet, et per Samariam Galilaeamque vaderet, ¹²ei in quendam vicum ingredienti occurrerunt decem homines leprosi, qui procul steterunt, ¹³et sublata voce dixerunt: Jesu praeceptor miserere nostri. ¹⁴Quibus ille visis: Ite, inquit, ostensum vos sacerdotibus. Atque illi inter abeundum purgati sunt.¹⁵ Unus autem eorum, se sanatum esse videns, rediit, Deum magna voce collaudans: ¹⁶Et ad illius pedes pronus accidit, ei gratias agens. Erat autem is Samaritanus. ¹⁷At Jesus sic locutus est: Nonne decem purgati sunt? ubi vero sunt novem? ¹⁸Nullumne repertum esse qui sit ad gloriam Deotribuendam reversus, nisi hunc alienigenam? ¹⁹Surge (inquit) abi: tua te fides servavit.²⁰ Interrogatus autem a Phariseis, quando venturum esset divinum regnum, sic eis respondit: Non ita venturum est divinum regnum, ut observetur, ²¹aut hic illicve esse demonstretur. Scitote enim, divinum regnum intra vos esse. ²²Tum discipulos alloquens: Veniet tempus, inquit, cum vel unum filii hominis dierum

cernere cupietis, nec videbitis. ²³Vobisque hic aut illic adesse dicetur: nolite adire, nec insequi. ²⁴Ut enim fulgur ab altero coeli extremo ad alterum extremum refulgens lucet, sic erit etiam filius hominis in sua die, ²⁵Sed prius oportet eum multa pati, et improbari ab hac natione, ²⁶ac quemadmodum Noae temporibus accidit, sic accidet temporibus filii hominis. ²⁷Comedebant, bibebant, ducebant uxores, nubebant, usque ad diem, quo ingressio in arcam Noa, venit diluvium, quod omnes perdidit. ²⁸Similiter, ut et Loti temporibus accidit: comedebant, bibebant, emebant, vendebant, plantabant, aedificabant: ²⁹Quo vero die exiit Sodomis Lotus, pluit ignis et sulphur de coelo, quod omnes perdidit. ³⁰Itidem accidet, qua die filius hominis patefet. ³¹In illa die, qui in tecto erit, si erit ejus supellex domi, ne descendat ad eam auferendam, Itidem qui ruri, ne retro revertatur. ³²Memineritis autem uxoris Loti. ³³Qui animam suam servare conabitur, eam perdet: et qui eam perdiderit, conservabit. ³⁴Hoc vobis dico: in ea nocte erunt in uno cubili duo, quorum alter assumetur, alter relinquetur. ³⁵Duarum, quae simul molent, altera assumetur, altera relinquetur. ³⁶Duorum qui ruri erunt, alter assumetur, alter relinquetur. ³⁷Et illi eum alloquentes: Ubi Domine? inquirunt. Quibus ille: Ubi corpus, inquit, erit, eo etiam aquilae coibunt.

C A P U T XVIII.

Vidua Judicem obtundens. Publicanus Phariseo melior. Quis bonus. Semet in lege laudans. Opulentiae damna. Praedicatio

mors, ac resurrectio. Discipulorum ineptia. Caecus videns fide.

DIXIT etiam eis exemplum, quo semper orandum esse, nec defatigari oportere ostenderet. ²Judex erat quidam in quadam urbe, inquit, qui nec Deum metuebat, nec homines reverebatur. ³Erat in eadem urbe vidua quaedam, quae ad eum itabat, et ut se de adversario suo vindicaret, petebat. ⁴Ille vero aliquandiu noluit. Sed postea sic secum dixit: Etsi nec Deum metuo, nec homines revereor: ⁵Tamen quia mihi negotium facessit haec vidua, eam vindicabo, ne me affidue ventitans, obtundat. ⁶Audite, inquit Dominus, quid judex injustus dicat. ⁷Ergo Deus electos suos, ad se dies noctesque quiritantes, non ulciscetur? et tam erit in eos difficilis? ⁸Scitote eum cito ulturum esse eos. Caeterum filius hominis cum veniet, scilicet fidem in terris inveniet? ⁹Dixit item ad quosdam (qui sibi se justos esse persuaferant, aliosque contemnebant) hoc exemplum. ¹⁰Homines duo in templum ascenderunt, orandi gratia, alter Phariseus, alter publicanus. ¹¹Ibi Phariseus haec apud se precabatur: Deus ago tibi gratias, quod non sum quales reliqui hominum, rapaces, injusti, adulteri: aut etiam qualis hic publicanus. ¹²Jejuno bis intra singula Sabbata: decumas do omnium quae possideo. ¹³At publicanus procul abstitens, ne oculos quidem in coelum attollere audebat, sed sibi pectus tundeat, dicens: Deus propitius esto mihi fonti. ¹⁴Scitote, hunc approbatum descendisse domum suam: illum non item. Nam quisquis seipsum extulerit, depri-

metur: et qui se deprefferit, extolletur. ¹⁵ Afferebant autem ei etiam parvulos, ut eos tangeret. Quo viso, discipuli illos objurgabant. ¹⁶ At Jesus accersitis parvulis: Sinite, inquit, pueros ad me venire, et eos ne prohibete: talium enim est divinum regnum. ¹⁷ Hoc vobis confirmo, qui divinum regnum non acceperit ut puer, is in id non intrabit. ¹⁸ Item interrogavit eum quidam qui magistratum gerebat, his verbis: Magister bone, quid faciendo vitam consequar aeternam? ¹⁹ Cui Jesus: Quid me dicis bonum? inquit. Nullus est bonus, nisi unus Deus. ²⁰ Praecepta nostri: Ne adulterato: ne occidito: ne furator: ne falsum testimonium dicito: tuum patrem et matrem honorato. ²¹ Et ille: Haec omnia, inquit, executus sum ab ineunte aetate. ²² His auditis, Jesus inquit ei: Adhuc unum tibi deest: quicquid habes vende, et dispertire pauperibus, habiturus in coelo thesaurum: deinde ades, et me sequere. ²³ At ille, his auditis, tristis est factus: quippe qui praedives esset. ²⁴ Eum tristem factum videns Jesus, dixit: O quam difficulter, qui pecunias habent, in divinum regnum intrabunt? ²⁵ Facilius est enim rudentem per acus foramen trajici, quam divitem in divinum intrare regnum. ²⁶ Tum auditores: Quis igitur servari possit? inquirunt. ²⁷ Et illae: Quae ab hominibus fieri nequeunt, ea a Deo fieri possunt. ²⁸ Tum Petrus: Nos quidem, inquit, omnibus relictis, te secuti sumus. ²⁹ Et ille: Hoc certo scitote, inquit eis, neminem esse qui domum, qui parentes, qui fratres, qui uxorem, qui liberos divini regni causa reliquerit, ³⁰ quin sit et in hoc tempore saepe con-

duplica
turis
cendim
omnia
extran
spuetur
surget.
tectae
³⁵ Eo
viam
homin
set? ³
praete
rere m
ut tace
rere m
ravit:
tibi vi
⁴² Et
⁴³ Atq
collau
dem.

Christi
vece
puly

E o
q

duplicata, et in futuro seculo vitam aeternam consecuturus. ³¹Assumptis autem duodecim, dixit eis: En ascendimus Hierosolyma, et filio hominis accident plane omnia quae sunt a vatibus scripta. ³²Tradetur enim extraneis, et illudetur, et contumeliis afficietur, et conspuetur, ³³et verberatus interficietur, et tertio die resurget. ³⁴At illi nihil horum intellexerunt, adeoque tecta eis erat ea oratio, ut quae dicerentur, ignorarent. ³⁵Eo autem Hierichunti propinquante, sedebat apud viam quidam caecus mendicans. ³⁶Is praetereuntem hominum turbam audiens, sciscitatus est quid illud esset? ³⁷Cumque ei indicatum esset, Jesum Nazarenum praeterire, ³⁸clamavit his verbis: Jesu Davidide, misere mei. ³⁹Et quamvis praecedentes increparent eum, ut taceret, ille multo magis clamabat: Davidide, misere mei. ⁴⁰Tum Jesus restitit, et eum ad se duci imperavit: ac ubi ille accessit, sic eum interrogavit: ⁴¹Quid tibi vis faciam? Et ille: Domine, inquit, ut videam. ⁴²Et Jesus: Cerne, inquit ei: tua te fides servavit. ⁴³Atque ille continuo vidit, eumque secutus est, Deum collaudans. Quo viso, populus omnis Deo tribuit laudem.

C A P U T XIX.

Christi Zachaeus hospes. Varii minarum negotiatores. Ultimus vecors. Jesus afello vestus. Urbis ruina instans. Videntes pulsi sano.

Eo autem ingresso, et per Hierichuntem eunte, ²erat quidam vir, qui nomine Zachaeus vocabatur, pub-

licanorum magister, isque dives. ³Is cum conaretur Je-
 sum videre quis esset, neque prae hominum turba pos-
 set, utpote qui esset statura parvus, ⁴praecurrit et in
 caprificum ascendit, ut eum videret: nam illac transi-
 turus erat. ⁵Ad eum locum ubi venit Jesus, suspexit, et
 eo viso sic ei dixit: Zachae, descende propere: hodie
 enim mihi domi tuae manendum est. ⁶Atque ille cele-
 riter descendit, eumque laetus accepit. ⁷Quo viso fre-
 mebant omnes, quod ad hominem improbum diversum
 ivisset. ⁸Zachaeus vero Dominum sic alloqui insti-
 tit: Scito me, Domine, dimidium facultatum mearum
 largiri pauperibus: quod si quem ulla re fraudavi, red-
 do quadruplum. ⁹Tum Jesus ei dicit, salutem eo die
 partam esse ei domui, quatenus ipse quoque Abraha-
 mides esset: ¹⁰Venisse enim filium hominis ad perdita
 quaerenda, atque servanda. ¹¹Illis autem haec audien-
 tibus, subiecit exemplum, quod ipse prope Hierosoly-
 mam esset, et illi adfuturum mox divinum regnum ar-
 bitrarentur. ¹²Ait ergo: Homo quidam nobilis profes-
 turus in longinquam regionem, ut in regni possessionem
 invaderet, deinde rediturus, ¹³vocatis suis decem ser-
 vis, dedit decem minas, eisque mandavit ut negotia-
 rentur, donec ipse reveniret. ¹⁴Ejus autem cives eum
 oderant: itaque missis post eum legatis, negarunt se
 velle ut is in se regnaret. ¹⁵Postquam ille regnum ad-
 ceptus rediit, jussit ad se servos illos accersi, quibus ar-
 gentum dederat, ut sciret quid quisque negotiando lu-
 cratus esset. ¹⁶Ergo primus advenit, et, Domine, inquit,
 tua mina decem minas peperit. ¹⁷Cui ille: Recte, bone

serve: quoniam in tantilla re fidelis fuisti, habeto in decem oppida potestatem. ¹⁸Deinde venit alter: Domine, inquit, tua mina quinque minas confecit. ¹⁹Et ille: Tu quoque (inquit etiam huic) praeesto quinque oppidis. ²⁰Item venit alius: Domine, inquit, ecce mina tua, quam ego in linteo compositam habui: ²¹Metuebam enim te, utpote hominem severum, qui et quod non deposuisti tollas, et quod non seminasti metas. ²²At ille: Ex tuo ipsius ore te damnabo, inquit ei, serve nequam. Sciebas me hominem severum esse, qui et quod non deposui tollam, et quod non seminavi metam. ²³Cur ergo non dedisti meum argentum ad mensam, et ego reversus id cum foenore recipissem: ²⁴Auferte ei minam, inquit eis qui aderant, et ei date qui decem minas habet. ²⁵At illi: Domine, habet decem minas. ²⁶Ergo scitote omni habenti dandum esse, inquit: non habenti autem, etiam quod habet, auferendum. ²⁷Caeterum inimicos illos meos, qui me in se regnare noluerunt, adducite huc, et coram me jugulate. ²⁸Haec fatus progredi perrexit, Hierosolymam ascendens. ²⁹Ut autem prope Bethphagen et Bethaniam venit ad montem qui vocatur Olivarum, misit discipulorum suorum duos cum his mandatis. ³⁰Ite in vicum qui est e regione, in quem ingredienti, inveniatis asellum vinctum, quem nemo unquam hominum insedit: eum solvitote et adducitote. ³¹Quod si quis vos cur solvatis interroget, sic ei dicetis: Domino eum opus esse. ³²Igitur profecti qui erant missi, invenerunt quod eis ille dixerat. ³³Cumque ex eis asellum solventibus

quaesivissent ejus domini, cur asellum solverent, ³⁴dixerunt cum Domino opus esse, ³⁵eumque ad Jesum adduxerunt: et injectis in asellum suis vestimentis, eo Jesum imposuerunt. ³⁶Atque eo vadente, insternebant suis vestimentis viam. ³⁷Ac ubi jam prope montis Olivarum descensum venit, coepit universa discipulorum multitudo Deum laeta laudare magna voce, de tot quae viderant miraculis, his verbis: ³⁸Bene sit venienti regi in nomine Domini: pax in coelo, et gloria in supremis. ³⁹At quidam Phariseorum ex turba dixerunt ei: Magister objurga tuos discipulos. ⁴⁰Quibus ille respondens: Scitote, inquit, si taceant hi, clamatueros esse lapides. ⁴¹Deinde ut propius accessit, visa urbe deploravit eam, dicens, ⁴²O si scires tu, et quidem hac ipsa tua die, quae tibi saluti forent: sed nunc tuos latent oculos. ⁴³Veniet enim tibi dies, cum te tui hostes vallo circumdabunt, et circumsidebunt, et prement undique. ⁴⁴Teque et tuos in te natos complanabunt, nec in te lapidem lapidi impositum relinquent: quoniam tempus, quo tui habita cura fuerit, non noveris. ⁴⁵Deinde in fanum ingressus, coepit vendentes in eo et ementes ejicere, dicens eis: ⁴⁶Scriptum est: Mea domus, supplicationis domus est: at vos ex ea latronum speluncam fecistis. ⁴⁷Docebat autem quotidie in fano. Pharisei vero et Scribae eum perimere conabantur, necnon populi primarii: ⁴⁸Sed quid agerent, non inveniebant, quod cunctus populus ab ejus ore pendeat.

Veniae cultores perdendi. Lapis offensionis. Officium in Deum, in principem. Sadducaci rejeſti, de reſurrectione, ac vidua vii. conjugii. Davidis Dominus geminus, Phariſaeorum cum faſtus, tum avaritia.

QUODAM autem illorum dierum eo populum in fano docente ac inſtituente adſuerunt pontifices et ſcribae cum ſenatoribus, eumque ſic allocuti ſunt : ²Dic nobis, qua poteſtate iſta facias, aut quis tibi poteſtatem iſtam dederit ? ³Quibus ille reſpondens : Interrogabo vos ego viciffim quiddam, inquit, quod mihi dicite. ⁴Johannis baptiſma a coelone erat, an hominibus ? ⁵Illi vero ſic apud ſe ratiocinari : Si dixerimus a coelo, dicet : Cur ergo ei non credidiſtis ? ⁶Sin ab hominibus dixerimus, univerſus populus nos lapidabit : perſuaſum eſt enim ei, Johannem eſſe vatem. ⁷Itaque reſponderunt, ſe nescire unde. ⁸Et Jeſus : Nec ego vobis dico, inquit eis, qua poteſtate haec faciam. ⁹Coepit autem ad populum hoc exemplum dicere : Homo quidam vineam conſevit, et ea colonis elocata, domo abſuit ſatis diu. ¹⁰Deinde ſuo tempore miſit ad colonos ſervum, ut illi ei de vineae fructu darent. At coloni eum verberatum dimiſerunt inanem. ¹¹Ille alterum item ſervum miſit, et illi eum quoque verberatum, et contumelia affectum, dimiſerunt inanem. ¹²Cumque tertium item miſiſſet, illi eum etiam vulneratum expulerunt. ¹³Tum vineae dominus : Quid agam ? inquit, mittam filium meum chariſſimum : fortassis hunc viſum reverebuntur. ¹⁴At coloni eo viſo, ſic inter ſeſe dicere : Hic

est haeres: agite perimamus eum, ut nostra fiat haereditas. ¹⁵Itaque ejectum ex vinea occiderunt. Quid ergo faciet eis vineae dominus? ¹⁶Veniet, et colonos illos perdet, aliisque vineam elocabit. Hoc audito illi dixerunt: Absit. ¹⁷Et ille eos intuitus: Quid ergo est scriptum illud? Quem lapidem improbaverant aedificatores, is adhibitus est ad caput anguli. ¹⁸In eum lapidem quis incidit, collidetur, et in quem incidit, ipse eum comminuet. ¹⁹Igitur pontifices et scribae ei manus injicere eadem hora conati sunt, intellexerunt enim, eum adversum se illud exemplum dixisse: sed populum timuerunt. ²⁰Itaque illud observarunt, ut mitterent emissarios, qui se viros bonos simularent, ut eum verbis caperent, atque ita magistratui et praetoris potestati traderent. ²¹Atque hi sic eum interrogarunt: Magister, scimus te recte dicere, ac docere, neque personae rationem habere, sed vere divinam vitae viam docere. ²²Licetne nobis Caesari tributum pendere, an non? ²³At ille eorum versutiam intelligens: Quid mentatis? inquit: ²⁴Ostendite mihi denarium. Cujus habet imaginem, et titulum? Caesaris, inquit illi respondentes. ²⁵Et ille: solvite igitur, inquit eis, Caesariana Caesari, et divina Deo. ²⁶Ita illi, cum nullum ejus verbum apud populum carpere potuissent, ejus responsionem admirati, tacuerunt. ²⁷Tum eum aggressi Sadducaeorum quidam, qui resurrectionem esse negant, sic interrogarunt: ²⁸Magister, scripsit nobis Moses, si cujus frater mortuus fuerit, uxorem habens, isque sine liberis mortuus fuerit, ut ducat ejus frater uxorem,

fratrique suo prolem suscitet. ²⁹Jam vero septem fuere fratres, quorum primus uxore ducta mortuus est sine liberis, ³⁰duxitque secundus uxorem, et is item sine liberis mortuus est. ³¹Atque illam duxit tertius, itidemque septem, neque liberos reliquerunt. ³²Atque illis mortuis, postrema omnium mortua est etiam foemina. ³³Igitur in resurrectione cujus eorum futura est uxor? cum septem eam in matrimonio habuerint. ³⁴Et Jesus eis ita respondit: Hujus vitae homines et ducunt uxores et nubunt: ³⁵At quibus vitam illam assequi, et ex mortuis surrexisse contigit, ii nec ducunt uxores, nec nubunt, ³⁶quippe cum jam mori nequeant, sunt enim angelorum similes, et Dei filii sunt, qui sint resurrectionis filii. ³⁷Mortuos autem resurgere, etiam Moses indicavit in rubo, ubi Dominum dicit Abrahami Deum, et Isaaci Deum, et Jacobi Deum. ³⁸Deus quidem non mortuorum est, sed viventium, utpote quum ei vivant omnes. ³⁹Tum quidam scribarum sic eum alloquuntur: Magister, probe dixisti. ⁴⁰Neque deinceps audebant eum quicquam interrogare. ⁴¹Et ille: Qui sit ut dicant, Christum Davide prognatum fore? ⁴²Cum ipse David dicat in Psalmorum libro: Ait Dominus domino meo, Sede ad meam dexteram. ⁴³Donec efficiam ex tuis hostibus tuorum pedum subsellium. ⁴⁴Quod si eum David dominum vocat, qui sit ut sit eo prognatus? ⁴⁵Tum audiente cuncto populo, dixit suis discipulis: ⁴⁶Cavete Scribas, qui stolati libenter ambulant, et in foris salutationes, et in collegiis primas sessiones, et primas in coenis accubationes amant: ⁴⁷Qui vidua-

rum domos per speciem prolixarum precum devorant, eoque graviores poenas luent.

C A P U T XXI.

Viduae teruncii in fiscum. Fani ruina impendens. Orbis calamitates. Piorum plagae. Urbis excidium.

QUUM autem aspiciens vidisset conferentes sua munera in fiscum divites, ²quumque vidisset etiam quandam pauperulam viduam eo duos conferentem teruncios, dixit: ³Hoc certo vobis dico, hanc viduam plurimum omnium contulisse. ⁴Nam omnes hi ex eo quod sibi supererat, contulerunt in divina donaria: at haec ex inopia sua, quicquid facultatum habebat, contulit. ⁵Item quibusdam de fano dicentibus, pulchris esse lapidibus et donariis ornatum, dixit: ⁶Videtis haec? veniet dies, cum nullus lapidi lapis impositus relinquitur, qui non dissolvatur. ⁷Et illi eum interrogantes: Magister, inquiunt, quando igitur ista fient? et quo signo ista futura significabuntur? ⁸Et ille: Videte inquit, ne decipiamini, multi enim venient meo nomine, qui se eum esse dicant: et quidem tempus instat. Nolite igitur eos affectari. ⁹Cum vero bella et seditiones audietis, nolite expavescere: oportet enim haec omnia prius fieri: sed non continuo finis erit. ¹⁰Consurget et gens in gentem (inquebat tum eis) et regnum in regnum, ¹¹magnique terrae motus nonnullis in locis, et fames et pestes erunt, terriculaeque et signa de coelo magna. ¹²Sed ante haec omnia injicientur vobis manus,

et vexabimini, inque collegia et custodias trademini, atque ad reges et praetores mei nominis causa perducemini: ¹³Id quod vobis erit testimonio. ¹⁴Igitur animum inducite, causae dictionem non praemeditari. ¹⁵Ego enim vobis ejusmodi os et sapientiam dabo, ut ei contradicere aut resistere nequeant omnes adversarii vestri. ¹⁶Prodemi autem etiam a parentibus, et fratribus, et cognatis, et amicis, qui vestrum nonnullos necabunt, ¹⁷eritisque cunctis invisi propter nomen meum. ¹⁸Verum ne pilus quidem vestri capitis peribit. ¹⁹Vestra patientia, vestrae saluti consulite. ²⁰Cum autem circumdatam exercitibus Hierosolymam videbitis, tum scitote, ejus instare vastitatem. ²¹Tum qui erunt in Judaea, fugiant in montes: et qui erunt in medio, discedant: et qui in agris erunt, ne intrent in eam. ²²Nam supplicii tempora erunt illa, ut eveniant omnia quae scripta sunt. ²³Hei uterum ferentibus et lactantibus per ea tempora. Nam haec regio graviter premetur, et in hunc populum atrociter faevietur. ²⁴Ut gladium acie cadant, et per omnes gentes exulent, calceturque a gentibus Hierosolyma, donec exterarum gentium tempora compleantur. ²⁵Et erunt signa in sole et luna, et sideribus, et in terris tantus gentium angor trepidantium, mari undisque resonantibus, ²⁶ut homines, eorum metu et expectatione, quae orbi immineant, exanimentur: nam coelestes potestates concutientur, ²⁷ac tum aspicietur filius hominis veniens in nube, cum ingenti potestate atque gloria. ²⁸His autem fieri incipientibus suspicitote, et capita attollitote, quoniam vestra instabit liberatio. ²⁹Tum eis

similitudinem dixit : Cernite ficum, et omnes arbores :
³⁰Quum jam frondescent, id vos per vos ipsos cernentes,
 cognoscitis jam prope esse aetatem. ³¹Similiter et vos,
 quum haec fieri videbitis, scitote prope esse divinum reg-
 num. ³²Hoc vobis confirmo, non prius esse praeteritu-
 ram aetatem hanc, quam fiant omnia. ³³Etiamsi coelum
 et terra pereant, mea dicta non peribunt. ³⁴Verum ca-
 vetes ne forte obruantur animi vestri crapula et ebie-
 tate, et hujus vitae curis : atque ita vos nec opinantes
 illa dies opprimat. ³⁵Adveniet enim tanquam decipula
 omnibus in totius terrae solo degentibus. ³⁶Vigilate igitur,
 omni tempore orantes, ut vobis haec omnia even-
 tura effugere liceat, et coram filio hominis consistere.
³⁷Ita interdiu docebat in fano : in noctes autem exibat,
 et in monte, qui vocatur Olivarum, versabatur. ³⁸Atque
 omnis populus ad eum mane ventitabat in templum,
 ejus audiendi gratia.

C A P U T XXII.

*Ad Antistites proditor. Coena. Qui piorum Princeps. Preces
 pro Petro, hujus temeritas. In oliveto Jesu preces. Angelus
 ad eum. Captus Jesus. Pugnans Petrus, ter mox mendax.
 Jesu calamitates.*

INSTABAT autem azymorum festum, quod Pascha
 dicitur, ²et quaerebant pontifices et scribae ejus in-
 terficiendi modum : timebant enim plebem. ³Intravit
 autem Satanias in Judam cognomine Iscariotam, qui
 erat ex duodecim numero. ⁴Itaque is pontifices et an-

tistites aggressus, verba cum eis fecit, quo pacto eum traderet eis. ⁵Quo laetati illi, pacti sunt, ei se daturos argentum. ⁶Itaque pollicitus, quaerebat opportunitatem cum illis sine turba tradendi. ⁷Postquam autem venit azymorum dies, in quo immolandum erat Pascha, ⁸misit Jesus Petrum et Johannem: Ite (inquit) paratum nobis pascha, ut polluceamus. ⁹Et illi: Ubi vis paremus? inquirunt ei. ¹⁰Quibus ille: Simulac in urbem intraveritis, inquit, incidetis in hominem aquae fictile ferentem: eum sequimini in domum quo ingredietur, ¹¹Et sic ejus domus patrifamilias dicitote: Quaerit ex te magister, ubinam sit mansio, ubi Pascha cum suis discipulis polluceat? ¹²Atque ille vobis coenaculum ingens instratum ostendet: illic paratote. ¹³Igitur digressi, et quae ille eis praedixerat nacti pararunt Pascha. ¹⁴Ac postquam venit hora, accubuit, et duodecim apostoli cum eo, ¹⁵Eosque sic allocutus est: Hujus vobiscum pollucendi Paschae cupiditate ductus sum, antequam supplicio afficiar. ¹⁶Hoc enim sic habetote, me eo non pollucturum esse, donec in Dei regno compleatur. ¹⁷Tum sumpto poculo, actisque gratiis, dixit: Accipite hoc, et inter vos dividite. ¹⁸Scitote enim, non ante me bibiturum esse de fructu vitis, quam Dei regnum veniat. ¹⁹Item sumptum panem actis gratiis fregit, eisque dedit, dicens: Hoc est corpus meum, pro vobis dandum: hoc facite in mei recordationem. ²⁰Similiter et poculum postquam coenatum est, dicens: Hoc poculum est novum foedus, quod fit per meum sanguinem, qui est pro vobis effundendus. ²¹Caeterum scitote,

mei proditoris manum esse mecum in mensa. ²²Et filius hominis quidem abit, ut est definitum: verum vae homini illi, per quem prodendus est. ²³Illi vero coeperunt inter sese quaerere, quisnam eorum foret, qui id facturus esset. ²⁴Exitit etiam inter eos contentio, quis eorum maximus esse videretur. ²⁵At ille: Gentium reges (inquit eis) in eas dominantur: quique eis imperant, gubernatores appellantur. ²⁶At vos non ita: quin vestrum maximus perinde sit ac minimus: et qui praeest, perinde ac qui ministrat. ²⁷Uter enim major est? qui accumbit, an qui ministrat? nonne qui accumbit? Atqui ego sum inter vos perinde ac qui ministret. ²⁸Vos vero ii estis qui mecum permanseritis in meis adversis: ²⁹Et ego regnum, quemadmodum mihi pater meus legavit, sic vobis lego, ³⁰ut comedatis et bibatis in mea mensa in regno meo, et in tribunalibus sedeatis, iudicantes duodecim tribubus Israelitarum. ³¹Dixit item Dominus: Simon, Simon, conatus est quidem Satanas cribrare vos ut frumentum. ³²Verum ego pro te oravi, ne te fides deficeret. Tu vicissim aliquando recreatus, confirmato fratres tuos. ³³At ille: Domine, inquit ei, tecum paratus sum et carcerem et mortem adire. ³⁴Et ille: Sic habeto Petre, inquit: non prius gallum hodie cantaturum, quam tu me tibi notum esse ter negaveris. ³⁵Caeterum dum vos sine crumena, inquit eis, et pera et calces dimisi, num qua re caruistis? Nulla, inquirunt. ³⁶At nunc, inquit eis, et crumenam qui habet ferat, itemque peram: et qui gladium non habet, vendat suum pallium, et emat. ³⁷Scitote enim, in me comprobandum

adhuc
habent
hic du
conten
sunt d
Orate
ad lap
hujus
culum
paruit
44 At
dore
bent
pulos
dixit
tione
homi
duod
48 Et
lium
rum
50 Pe
dext
Sini
navi
ficib
ad l
tidie
sed

adhuc esse scriptum illud : Et inter nefarios habitus est, habent enim meae res finem. ³⁸Et illi : Domine, ecce hic duo gladii. Satis est, inquit eis. ³⁹Tum egressus contendit de more in olivarum montem, eumque secuti sunt discipuli. ⁴⁰Atque ubi ad locum venit, dixit eis : Orate, ne in tentationem veniatis. ⁴¹Tum ab eis ferme ad lapidis jactum digressus, positis genibus precatus est hujusmodi verbis : ⁴²Pater, averte, si vis, hoc a me poculum. Quanquam non mea, sed tua voluntas fiat. ⁴³Apparuit autem ei angelus de coelo, qui eum confirmaret. ⁴⁴Atque ille cum esset in aestu, contentius orabat, et sudore manabat simili sanguineis guttis, ad terram delabentibus, ⁴⁵deinde precatus surrexit, et ad suos discipulos venit, quos prae aegritudine dormientes nactus, dixit eis. ⁴⁶Quid dormitis ? surgite, orate, ne in tentationem veniatis. ⁴⁷Atque adhuc eo loquente, supervenit hominum turba, quibus is qui Judas dicebatur, unus ex duodecim, praeibat. Is ad Jesum osculandum accessit. ⁴⁸Et Jesus sic eum allocutus est : Juda, tunc osculo filium hominis prodis ? ⁴⁹Videntes autem sui quid futurum esset, dixerunt ei : Domine, feriemus ne gladio ? ⁵⁰Percussitque quidam eorum pontificis servum, eique dexteram abscidit auriculam. ⁵¹Et Jesus respondens : Sinite haecenus, inquit : et tacta illius auricula, eum sanavit. ⁵²Dixit autem Jesus eis qui se invaserant, pontificibus, et fani antistitibus, ac senatoribus : Tanquam ad latronem exiistis cum gladiis et fustibus : ⁵³Cum quotidie essem apud vos in fano, non injecistis mihi manus, sed haec vestra est hora, et tenebrarum potestas. ⁵⁴At

illi eum comprehensum duxerunt, et in pontificis domum introduxerunt. Petrus autem procul sequebatur. ⁵⁵Cumque illi ignem in medio atrio incendissent, et confedissent, sedebat etiam Petrus inter eos. ⁵⁶Eum sedentem ad ignem conspicata et intuita quaedam ancilla, dixit: Hic quoque cum eo erat. ⁵⁷At ille eum negavit, dicens: Mulier, non novi eum. ⁵⁸Item paulo post alius eo viso dixit: Et tu ex eis es. At Petrus: Homo, inquit, non sum. ⁵⁹Deinde interposita una fere hora, alius quidam sic affirmabat: Profecto hic quoque cum eo erat, etenim Galilaeus est. ⁶⁰At Petrus: Homo, inquit, nescio quid dicas. Tum statim, eo adhuc loquente, cecinit gallus. ⁶¹Et conversus Dominus Petrum aspexit, et Petrus Domini dictum recordatus, qui ei fore dixerat, ut priusquam gallus caneret, eum ter negaret, ⁶²foras egressus, acerbe flevit. ⁶³Jesum autem qui tenebant homines, illudebant, verberantes: ⁶⁴Eoque velato, tunde-
bant ei faciem, et ita interrogabant: Divina quis sit qui te percussit? ⁶⁵Atque alia multa contumeliose dicebant in eum. ⁶⁶Deinde orto die coivit populi senatus, Pontifices et Scribae, et ei in suum confessum adducto sic dixerunt: ⁶⁷Dic nobis, an tu Christus sis: Quibus ille: Si vobis dixero, non credetis: ⁶⁸Quod si vos etiam interrogavero, non mihi respondebitis, aut me absolvetis. ⁶⁹Futurum est, ut sedeat filius hominis ad dexteram potentis Dei. ⁷⁰Tu igitur Dei filius es? inquirunt omnes. Et ille: Sum quem vos esse me dicitis, inquit eis. ⁷¹Tum illi: Quid jam nobis testimonio opus est, inquirunt, cum ipsi ex ejus ore audiverimus?

Ad Pi
Red
Pop
fus:
Vell
nim

I G I
du
centes
fari tr
gem.
rex e
latus
vit, u
illi u
tam J
tus a
? Ac p
eum
erat.
pe qu
dieba
ret.
ille
Scrib
despi
tus,
sunt

Ad Pilatum Jesus. Falsa crimina. Ad Herodem Jesus tacitus. Reditus in gratiam Regis, ac Praetoris. Pro Christo Praetor. Populi furor. Cyrenaeus. Duo latrones. Pro carnificibus Jesus: illusiones, differtia, titulus. Felix latro, mundi tenebrae. Veli scissio. Christi mors. Verus Centurio. Iosephi pietas. Monumentum novum.

IGITUR surrexit omnis eorum multitudo, et eum duxit ad Pilatum, ²eumque accusare institerunt, dicentes, se ab eo gentem everti deprehendisse, et eum Caesari tributa solvi vetare, dicentem se Christum esse regem. ³Et Pilatus eum interrogavit: Tunc Judaeorum rex es? Cui ille respondens: Ut tu dicis, inquit. ⁴Pilatus vero Pontificibus, et hominum multitudini negavit, ullum se in eo homine crimen deprehendere: ⁵At illi urgere: Excitat populum, inquiunt, docens per totam Judaeam, exorsus a Galilaea hucusque. ⁶Hic Pilatus audita Galilaea, quaesivit an homo Galilaeus esset. ⁷Ac postquam eum ditionis Herodis esse cognovit, misit eum ad Herodem, qui et ipse Hierosolymis per eos dies erat. ⁸Herodes viso Jesu, magnopere laetatus est, quippe qui eum jamdiu videre cuperet (quod multa de eo audiebat) et se aliquid ab eo prodigiose fieri visurum speraret. ⁹Verum licet eum multis de rebus interrogaverit, ille nihil ei respondit: ¹⁰Quamvis etiam Pontifices et Scribae qui aderant, eum acriter accusarent. ¹¹Itaque despiciatus eum Herodes, cum suis militibus, ac ludificatus, indutum veste splendida Pilato remisit. ¹²Factique sunt inter sese amici Pilatus et Herodes eo ipso die: nam

antea inter eos intercedebat simulas. ¹³Pilatus autem convocatos Pontifices et magistratus ac populum sic allocutus est: ¹⁴Adduxistis hunc hominem mihi, tanquam qui populum avertat: atqui ego in vestra praesentia examinans, nullum eorum crimen in hoc homine deprehendi, quibus vos eum accusatis. ¹⁵Sed nec Herodes, ad eum enim misi vos, et videtis nihil morte dignum ab hoc factum esse. ¹⁶Itaque eum castigabo, ac relaxabo. ¹⁷Habebat autem necesse eis unum relaxare per festum. ¹⁸Igitur illi universa multitudine exclamarunt ut eum tolleretur, sibi que Barrabam remitteret. ¹⁹Qui fuerat propter seditionem quandam in urbe factam, et caedem, coniectus in carcerem. ²⁰Cumque rursus Pilatus Jesum absolvere volens, clamasset, ²¹illi sic reclamare: Crucifige, crucifige eum. ²²Quid enim is mali fecit? inquit, eos tertium alloquens. Nullum in eo capitale crimen deprehendi. Itaque eum castigabo et absolvam. ²³At illi magnis clamoribus instare, flagitantes ut is crucifigetur, gliscentibus eorum Pontificumque vocibus. ²⁴Itaque Pilatus eorum postulata facere decrevit: ²⁵Eisque eum qui propter seditionem et caedem fuerat in custodiam datus, et quem flagitabant, absolvit. Jesum autem eorum arbitrio tradidit. ²⁶Hoc illi abducto, Simonem quendam Cyrenaeum, rure venientem, comprehenderunt, eique crucem post Jesu tergum ferendam imposuerunt. ²⁷Sequebatur autem eum ingens hominum multitudo, et mulierum, quae plangebant, eumque lamentabantur. ²⁸Ad quas Jesus conversus, dixit: Hierosolymitanae foeminae, ne me deplorate, sed vos vestrosque natos de-

plorare. ²⁹Nam scitote fore tempus, quo beatae dicentur steriles, et uteri qui non genuerint, et ubera quae non lactaverint. ³⁰Cum quidem eo venietur, ut dicant homines montibus, Corruite in nos : et collibus, Obruite nos. ³¹Nam si viridi arbori fiunt haec, aridae quid fiet ? ³²Ducebantur autem etiam alii duo facinorosi, cum eo interficiendi. ³³Atque ubi ad locum ventum est, qui Calvaria vocatur, illi eum ibi, et facinorosos, alterum ad dexteram, alterum ad sinistram, crucifixerunt. ³⁴Et Jesus : Pater, inquit, ignosce eis : nesciunt enim quid faciant. Illi vero ejus vestimenta forte jacta partiti sunt. ³⁵Astabatque spectans populus, et magistratus quoque eum cum eis deridebant. Alios servavit, inqueiebant, servet seipsum, si is Christus est Dei electus. ³⁶Accedebant etiam milites, qui ei illuderent, et acetum ei offerebant, ³⁷et : Si tu Judaeorum Rex es, inqueiebant, serva teipsum. ³⁸Erat et titulus supra eum, Graecis, Romanis, et Hebraicis literis scriptus, HIC EST JUDAEORUM REX. ³⁹Atque unus pendentium facinorosorum ei maledicebat, ita dicens : Si tu Christus es, serva et teipsum et nos. ⁴⁰At alter contra, sic eum objurgare : An tu Deum non metuis, qui sis in eodem supplicio ? ⁴¹Et nos quidem merito, nam nostris digna factis accipimus : at hic nullum facinus commisit. ⁴²Tum ad Jesum : Memento mei, Domine, inquit, cum veneris in regnum tuum. ⁴³Cui Jesus : Hoc tibi confirmo, inquit, te hodie fore mecum in Paradiso. ⁴⁴Erat autem hora fere sexta, et tenebrae per totam terram extiterunt usque ad horam nonam : ⁴⁵Et sol infuscatus est, et templi velum medium

scissum est. ⁴⁶Et Jesus clamans ingenti voce, dixit: Pater, tibi in manus commendo spiritum meum. Atque haec locutus, expiravit. ⁴⁷Ea re visa, centurio Deo gloriam tribuit, dicens: Profecto hic homo justus erat. ⁴⁸Et omnis hominum multitudo, qui ad hoc spectaculum venerant, videntes quae facta forent, tundentes sua pectora reversi sunt. ⁴⁹Astabant autem omnes ejus noti procul, nec non foeminae, quae eum fuerant a Galilaea secutae, ea aspicientes. ⁵⁰Tum vir quidam nomine Josephus, senator, isque vir bonus et justus, ⁵¹qui illorum consilio et facto non assensus erat, ab Arimathea Judaeorum oppido, qui et ipse Dei regnum expectabat. ⁵²Is inquam Pilatum aggressus, Jesu corpus postulavit. ⁵³Idque detractum, linteo involvit, et in exciso monumento posuit, ubi nemo adhuc situs fuerat. ⁵⁴Erat autem ea dies Praeparatio, qua Sabbatum illucescebat. ⁵⁵Et mulieres subsecutae, quae ex Galilaea cum eo venerant, monumentum aspexerunt, et ut ejus corpus positum sit: ⁵⁶Reversaefque praepararunt aromata et unguenta, et Sabbato quidem ex praecepto quieverunt.

C A P U T XXIV.

Ad monumentum aromata. Jesus non inventus. Angeli duo. Mulieres ad Apostolos. Ad sepulcrum Petrus. Christus cum duobus in itinere: plagae Christi attractatae. In Bethania Jesus in Coelum. Discipulorum charitas.

PRIMO autem post Sabbatum die, summo mane, venerunt ad monumentum, ferentes quae paraverant aro-

mata, quibusdam eas comitantibus : ²Saxumque invenerunt a monumento avolutum : ³Et ingressae, Domini Jesu corpus non invenerunt : ⁴Atque hinc cum ea de re consternatae essent, ecce duo viri eis in vestibus astitere coruscantibus, ⁵qui perterritas, et vultum ad terram inclinantes, sic allocuti sunt : Quid quaeritis ? viventem inter mortuos : ⁶Non est hic, sed surrexit. Mementote ut vobis locutus sit, cum esset adhuc in Galilaea, ⁷dicens oportere filium hominis in hominum improborum manus tradi et crucifigi, et tertio die resurgere. ⁸Tum illae ejus verborum recordatae sunt, ⁹et a monumento reversae, haec omnia undecim omnibusque caeteris renunciaverunt. ¹⁰Erat autem Magdalena Maria, et Johanna, et Maria Jacobi mater, et reliquae una cum eis, quae haec Apostolis dixerunt. ¹¹Sed illis earum verba pro nugis habita sunt, nec eis crediderunt. ¹²Petrus autem surgit, et ad monumentum currit : et introspiciens aspicit lintea sola posita, et abiit, secum ipse eam rem admirans. ¹³Proficiscebantur autem eorum duo eo ipso die in vicum, distantem a Hierosolyma stadia sexaginta, cujus nomen erat Emaus. ¹⁴Et inter sese de omnibus iis rebus quae acciderant colloquebantur. ¹⁵Atque eis colloquentibus ac disputantibus, ipse Jesus accedit, et cum eis iter facit. ¹⁶Ita autem tenebantur eorum oculi, ut eum non agnoscerent. ¹⁷Atque ille : Qui sunt isti sermones, inquit eis, quos inter vos confertis, ambulantes, idque tristis ? ¹⁸Cui unus, nomine Cleophas, ita respondit : Tune solus adeo Hierosolymae hospes es, ut ea nescias quae in ea per hosce dies acciderunt ? ¹⁹Quaenam ? inquit eis.

De Jesu Nazareno, inquit, qui vir vates fuit, re ver-
bisque potens, et in Dei et in totius populi conspectu :
²⁰utque eum tradiderint pontifices magistratusque nostri
ad capitale iudicium, et in crucem sustulerint ? ²¹Et ta-
men nos eum esse sperabamus, qui Israelitas liberaturus
esset. Accedit ad haec omnia, quod tertius hic dies agi-
tur, ex quo haec facta sunt. ²²Quanquam mulieres quae-
dam ex nostris stupefecerunt nos : quae mane ad moni-
mentum profectae, ²³neque corpus nactae, redierunt,
et se angelorum visum vidisse dixerunt, qui eum vivere
dicerent. ²⁴Et sociorum nostrorum quidam ad moni-
mentum profecti, sic esse compererunt, quemadmodum
dixerant foeminae : ipsum quidem non viderunt. ²⁵Et
ille : O socordes, inquit eis, et animo tardi, ad creden-
da quae tam multa dixere vates. ²⁶Quasi vero non ea
pati Christum, et ita suam inire gloriam oportuerit.
²⁷Tum exorsus a Mose, omnes obiens vates, eis per om-
nia scripta, quae de seipso dicta forent, interpretabatur.
²⁸Deinde ubi prope vicum, quo proficiscebantur, ven-
tum est, ipse se longius ire simulabat. ²⁹Sed illi eum
coegerunt, dicentes : Mane nobiscum : appetit enim
vespera, et dies inclinavit. Itaque ingressus est ad ma-
nendum cum eis. ³⁰Atque inter accumbendum cum eis,
panem sumpsit eumque, fausta super eo precatione usus,
fregit, et eis praeiuit. ³¹Et illi apertis eorum oculis,
eum agnoverunt : atque ille ex eorum conspectu eva-
nuit. ³²Tum illi inter sese sic dicere : Nimirum nobis
ardebat animus, cum nos in via alloqueretur, cumque
nobis scripta aperiret. ³³Ergo ea ipsa hora surgunt, et

Hierosolymam redeunt, et congregatos inveniunt undecim, eorumque socios, ³⁴qui dicebant reipsa surrexisse Dominum, seque Simoni ostendisse. ³⁵Atque ipsi quae in via contigissent, narrare coeperunt, utque eis frangendo pane cognitus fuisset. ³⁶Haec eis loquentibus, ipse Iesus in eorum medio stetit, et : Salvete, inquit. ³⁷Cumque pavefacti ac perterriti, se spiritum cernere putarent, dixit eis. ³⁸Quid turbati estis ? aut cur istae subeunt animos vestros cogitationes ? ³⁹Aspicite meas manus atque pedes, quod ipse ego sum. Attrectate me, et aspicite : nam spiritus quidem carnem et ossa non habet, ut habere me videtis. ⁴⁰Haec locutus, ostendit eis manus atque pedes. ⁴¹Cumque adhuc prae gaudio diffiderent, ac mirarentur, dixit eis : Habetis hic aliquid edulii ? ⁴²Tum illi tostis piscis partem, et favi mellis, praebuerunt, ⁴³Et ille coram eis sumpsit, ac comedit, ⁴⁴et ad eos sic verba fecit : Haec sunt quae vobis, dum adhuc vobiscum eram, dixi, Scilicet oportere omnia in Moysi lege, Vatribusque, et Psalmis, de me scripta perfici. ⁴⁵Tum eis mentem ad intelligenda scripta aperuit, ⁴⁶et ita dixit : Sic scriptum fuit, et sic Christum supplicio affici oportuit, et tertia die ex mortuis resurgere, ⁴⁷ejusque nomine vitae correctionem, et peccatorum veniam per omnes gentes, facto a Hierosolymis initio, praedicari. ⁴⁸Atque horum vos testes estis, et ego sum vobis patris mei promissum missurus. ⁴⁹Vos vero manete in urbe Hierosolyma, donec potestatem desuper induatis. ⁵⁰Eduxit autem eos foras Bethaniam usque, sublatisque manibus eis bene ominatus est : ⁵¹Et inter

ominandum eis, discessit ab eis, et in coelum subla-
tus est. ⁵²Atque illi eum venerati, Hierosolymam cum
ingenti laetitia redierunt: ⁵³Et erant continenter in
templo, Deum collaudantes, eique gratias agentes.
Amen.

E

J

Ser

t

f

c

t

I N

3 On

hil,

hom

hen

Joh

tur,

lux,

qua

10 In

mur

non

EVANGELIUM

AUTHORE

JOHANNES.

CAPUT I.

Sermo ille ante secula ex Deo genitus. Et qui semper apud Patrem residebat. Homo factus est. Johannes quorsum a Deo missus. Concio ipsius de officio Christi. Testimonium ejusdem Sacerdotibus redditum. Andreae vocatio: Petri: Philippi: Nathanaelis.

IN Principio erat sermo, et sermo erat apud Deum, et Deus erat is sermo. ²Is erat in principio apud Deum. ³Omnia per eum facta sunt, et absque eo factum est nihil, quod factum sit. ⁴In eo vita erat, et vita erat lux hominum, ⁵et lux in tenebris lucet, nec eam comprehenderunt tenebrae. ⁶Fuit homo missus a Deo, nomine Johannes. ⁷Is venit ob testimonium, ut de luce testaretur, ut omnes per eum crederent. ⁸Non erat ille ipsa lux, sed qui de luce testaretur. ⁹Erat ipsa vera lux, quae collustrat omnem hominem veniens in mundum. ¹⁰In mundo erat, et mundus per eum factus fuit, et mundus eum non cognovit, ¹¹in sua venit, et sui eum non acceperunt. ¹²Quicumque autem eum acceperunt, iis

eam potestatem dedit, ut Dei filii fierent, fidem habentibus ejus nomini: ¹³qui non ex sanguine, nec ex voluntate carnis, nec ex voluntate viri, sed ex Deo geniti sunt. ¹⁴Et fermo caro factus est, et apud nos gratiae veritatisque plenus habitavit: ejusque splendorem, ut unigenae a patre splendorem aspeximus. ¹⁵De eo testificatus est Johannes, clamans his verbis: Hic est quem dixi, qui post me veniens, ante me fuit, quippe qui prior me sit, ¹⁶atque ex ejus plenitudine nos omnes sumpsimus et gratiam pro gratia: ¹⁷Siquidem lex per Mosem tradita est, gratia et veritas per Jesum Christum contigit. ¹⁸Deum nemo vidit unquam: unigena filius, qui est in sinu patris, is exposuit: ¹⁹Atque hoc est Johannis testimonium, tum cum miserunt Judaei Hierosolyma sacerdotes et Levitas, qui ex eo quaererent quis esset. ²⁰Atque ille confessus est, neque negavit: confessus est se non esse Christum. ²¹Quid ergo? inquit illi interrogantes: Elias es tu? Non sum inquit. Vates es tu? Non, inquit ille respondens. ²²Et illi: Quis es? inquit ei, ut responsum demus eis qui nos miserunt. Quid de teipso dicis? ²³Ego sum, inquit, vox in solitudine clamantis: Corrigit Domini viam, quemadmodum dixit Esaias vates. ²⁴Tum qui erant missi (erant autem ex Phariseis) sic eum interrogarunt: ²⁵Quid ergo baptizas, si tu neque Christus es, nec Elias, nec vates? ²⁶Ego aqua baptizo, inquit eis respondens Johannes: sed inter vos adest, quem vos non nostis: ²⁷Is est qui et post me venit, et ante me fuit, cujus ego non sum dignus qui calcei corrigiam solvam. ²⁸Haec Bethabarae facta sunt, trans Jor-

danem, ubi baptizabat Johannes. ²⁹Postridie aspicit Johannes venientem ad se Jesum, et dicit: Ecce agnus Dei, qui mundi peccatum tollit. ³⁰Hic est de quo dixi: Post me venit vir, qui ante me fuit, quippe prior me. ³¹Equidem eum non noveram: sed ut patefiat Israelitis, propterea veni ego aqua baptizatum. ³²Atque his verbis testificatus est Johannes. Vidi spiritum descendentem, veluti columbam de coelo, et super eo manentem. ³³Atque equidem non noveram eum: sed qui me ad aqua baptizandum misit, is mihi sic dixit: super quem descendere et manere spiritum videris, is est qui sancto spiritu baptizat. ³⁴Ego vero et vidi, et hunc esse Dei filium testatus sum. ³⁵Postridie rursus aderat Johannes, necnon ejus discipulorum duo, ³⁶et conspicatus ambulans Jesum, dicit: Ecce agnus Dei. ³⁷Ejus verbis auditis, duo illi ejus discipuli Jesum secuti sunt. ³⁸Et Jesus conversus, et eos sequentes intuitus, dixit eis: Quid quaeritis? Cui illi: Rabbi (quod perinde est ac si dicas, Magister) ubi manes? ³⁹Venite visum, inquit eis. Et illi iyerunt, et apud eum manserunt eum diem. Erat autem hora circiter decima. ⁴⁰Erat Andreas Simonis Petri frater unus ex duobus, qui eum audito Johanne secuti fuerant. ⁴¹Is prior fratrem suum Simonem nactus, dicit ei: Invenimus Messiam (quod verbum Unc-tum declarat:) ⁴²Eumque duxit ad Jesum. Eum intuitus Jesus ait: Tu es Simon Jonae filius: tu vocabere Cephas: id verbum Petrum sonat. ⁴³Postero die voluit Jesus in Galilaeam proficisci, et Philippum nactus, dixit ei: Sequere me. ⁴⁴Erat autem Philippus a Beth-

faida, Andreae et Petri urbe. ⁴⁵Philippus Nathanaelem nactus, sic alloquitur : Quem scripsit Moses in lege, et vates, invenimus Jesum Josephi filium a Nazareth. ⁴⁶Cui Nathanael, A Nazareth, inquit, potest aliquid bonum esse ? Et Philippus, Veni visum, inquit ei. ⁴⁷Vidit Jesus venientem ad se Nathanaelem, et de eo dixit : Ecce vere Israelita, in quo dolus non est. ⁴⁸Et Nathanael : Unde me nosti ? inquit ei. Cui Jesus respondens : Antequam te Philippus vocaret, inquit, cum esses sub ficu, ego te videbam. ⁴⁹Tum Nathanael : Rabbi (inquit eum alloquens) tu es Dei filius, tu rex es Israelitarum. ⁵⁰Et Jesus : Quoniam tibi dixi (inquit ei) te a me sub ficu esse visum, credis. Majora his videbis. ⁵¹Hoc vobis (inquit ei) etiam atque etiam confirmo, futurum esse ut apertum coelum videatis, et Dei angelos ascendentes et descendentes ad filium hominis.

C A P U T II.

Christus aquam in vinum mutata, facit signorum suorum principium. Capharnaum descendit : hinc Hierosolymam ascendit, et mercatum e templo ejicit. Templum, nempe corpus suum solvendum a Judaeis praedicat. Multi credunt in eum ob signa quae edebat.

TERTIO autem die nuptiae factae sunt Canae in Galilaea, ubi et Jesu mater erat. ²Et Jesus, ejusque discipuli ad nuptias vocati sunt. ³Cumque defecisset vinum, Jesum mater sic alloquitur : Vinum non habent. ⁴Cui Jesus : Quid tum postea ? mulier, nondum venit hora

mea. ⁵Mater ministros monuit, ut quod ille eis iussisset, facerent. ⁶Erant illic posita sex lapidea folia, ut ferebat Judaeorum purificatio, binarum ternarumve metretarum capacia. ⁷Ea folia ut aqua replerent, iussit eis Jesus. Cumque ad summum usque replevissent, ⁸iussit ut nunc haurirent, et convivii magistro ferrent. Atque illi tulerunt. ⁹Ut vero gustavit convivii magister factum ex aqua vinum, ignarus unde esset (nam ministri quidem sciebant, qui aquam hauserant) sponsum accersit, ¹⁰Et sic alloquitur: Cum omnes homines primum bonum vinum apponant, deinde potis convivis deterius, tu bonum vinum hucusque servasti. ¹¹Hoc praebuit miraculorum initium Jesus Canae in Galilaea, suamque gloriam ostendit, et ei fidem habuerunt ejus discipuli. ¹²Postea descendit Capharnaum una cum sua matre et fratribus, et discipulis, atque illic mansere non multos dies. ¹³Cumque instaret Judaeorum Pascha, ascendit Hierosolymam Jesus, ¹⁴et nactus in templo vendentes boves, et oves, et columbas, et numularios sedentes, ¹⁵facta ex loris scutica omnes eiecit ex fano, ovesque et boves et mensariorum aes effudit, evertitque mensas. ¹⁶Et columbarum venditoribus dixit: Haec auferte hinc, et ex mei patris domo ne facite mercatoriam domum. ¹⁷Recordati sunt autem ejus discipuli, ita scriptum esse: *Tuae domus studio conficior.* ¹⁸At Judaei sic eum contra allocuti sunt: Ede nobis aliquod prodigium, quo intelligamus ista tibi licere. ¹⁹Quibus respondens Jesus: Dissolvite hoc templum, inquit, et ego tribus diebus id excitabo. ²⁰Et Judaei: Quadraginta sex annis construc-

tum est hoc templum, inquiunt, et tu id tribus diebus excitabis? ²¹At ille de sui corporis templo dicebat. ²²Itaque postquam ex mortuis surrexit, recordati sunt ejus discipuli id eum illis dixisse: scriptoque, et Jesu dicto crediderunt. ²³Quum autem Hierosolymis esset in festo Paschae, frequentes in ejus nomen crediderunt, videntes quam mira faceret. ²⁴At ipse Jesus non se eis credebatur, propterea quod cognoscebat omnes: ²⁵Nec ei opus erat ut de homine a quoquam moneretur, quippe qui nosset quid inesset in homine.

C A P U T III.

Christus Nicodemum ab ipsis fundamentis Christianae regenerationis instituit. Serpens in deserto. Johannes baptizat, et suos docet, se non esse Christum.

ERAT autem homo quidam ex Phariseis, nomine Nicodemus, Judaeorum primarius. ²Is Jesum noctu adiit, et eum sic allocutus: Magister, scimus te venisse doctorem a Deo. Nam ista tam miranda facere, quae tu facis, nemo possit, nisi adsit ei Deus. ³Cui Jesus respondens: Hoc tibi etiam atque etiam confirmo, inquit, qui denuo natus non fuerit, eum non posse divinum regnum videre. ⁴Et Nicodemus: Quo pacto possit homo nasci, qui sit senex? Nunquid potest iterum in ventrem suae matris ingredi, atque nasci? ⁵At Jesus ei respondens: Hoc tibi magnopere confirmo, qui ex aqua et spiritu natus non fuerit, non posse in divinum regnum intrare. ⁶Quod ex carne natum est, caro est,

et quod ex spiritu natum est, spiritus est. ⁷Noli mirari quod tibi dixerim, vobis esse renascendum. ⁸Ventus quovis flat, ejusque sonitum tu audis : sed unde veniat, aut quo abeat, nescis. Sic est, quisquis ex spiritu natus est. ⁹At Nicodemus contra : Quo pacto possunt ista fieri ? inquit. ¹⁰Cui respondens Jesus : Tu Israelitarum doctor es, et haec nescis ? ¹¹Hoc iterum atque iterum tibi confirmo : nos quod dicimus, et testificamur, id scimus ac vidimus, et tamen testimonium nostrum non accipitis. ¹²Si cum terrestria vobis dixerim, tamen non creditis, quomodo si dixero coelestia, creditis ? ¹³Atqui nemo coelum conscendit, nisi qui ex coelo descendit, filius hominis qui est in coelo. ¹⁴Ac quemadmodum Moses serpentem extulit in solitudine, sic oportet filium hominis extolli, ¹⁵ut quisquis ei fidem habet, non pereat, sed vitam obtineat sempiternam, ¹⁶sic enim amavit Deus mundum, ut filium suum unicum dederit, ut quisquis in eum credat, non pereat, sed vitam obtineat sempiternam. ¹⁷Non enim misit Deus filium suum in mundum, ut mundum damnet, sed ut servetur per eum mundus. ¹⁸Qui in eum credit, non damnabitur : qui vero non credit, jam damnatus est, quod in unigenae Dei filii nomen non crediderit. ¹⁹Haec est autem damnatio, quod cum venerit in mundum lux, tenebras magis quam lucem amaverint homines, quippe quorum prava forent opera. ²⁰Quisquis enim vitiosa facit, lucem odit, nec in lucem prodit, ne ejus facta arguantur. ²¹Sed qui vera facit, is in lucem prodit, ut patefiant ejus opera, utpote facta divinitus. ²²Postea ve-

nit Jesus una cum suis discipulis in Judaeam terram, et illic cum eis degens baptizabat. ²³Johannes vero in Aenone prope Salim baptizabat, quod ibi multa erat aqua, ventitabantque homines et baptizabantur: ²⁴Nondum enim erat conjectus in carcerem Johannes. ²⁵Orta igitur quaestione inter Johannis discipulos, et Judaeos, de purificatione, ²⁶Johannem adierunt, eumque sic allocuti sunt: Magister, qui tecum erat trans Jordanem, cui tu testimonium dedisti, eum scito baptizare, et omnes ad eum itare. ²⁷Et Johannes ita respondit: Nihil usurpare potest homo, nisi sit ei de coelo datum. ²⁸Ipsi vos testes estis, me dixisse, non esse me Christum, sed ei praemissum. ²⁹Qui sponsum habet, sponsus est. Sponsi autem amicus, qui ei astat, et eum audit, voluptatem ex sponsi voce capit. ³⁰Haec igitur mea voluptas expleta est: illum crescere, me decrescere oportet. ³¹Qui superne venit, supra omnes est: qui a terra est, is et terrestris est, et terrestria loquitur. Qui a coelo venit, supra omnes est: ³²Quodque et vidit et audivit, id testatur, et tamen ejus testimonium admittit nemo. ³³Qui ejus testimonium admittit, is veracem esse Deum consignat: ³⁴Quippe cum is quem Deus misit, Dei verba eloquatur, utpote quem Deus sine modo spiritu donet. ³⁵Amat pater filium, eique omnia tradidit in manus. ³⁶Qui filio fidem habet, vitam consecuturus est sempiternam. Qui vero filio non paret, is vitam non videbit, sed ei imminet ira divina.

Jesus fatigatus potum petit a muliere Samaritana. Veram adorationem docet. Fatetur se esse Messiam. Cibus ipsius. Samaritani credunt in eum. Regii filium sanat.

UT igitur cognovit Dominus Phariseos audivisse Jesum plures facere discipulos, et baptizare, quam Johannem, ²(Quamquam Jesus ipse non baptizabat, sed ejus discipuli) ³Reliquit Judaeam, et rursus abiit in Galilaeam. ⁴Erat autem ei per Samariam iter faciendum. ⁵Itaque venit ad oppidum Samariae, nomine Sychar, prope locum quem Jacobus Josepho filio suo donavit, ⁶ubi Jacobi fons erat. Igitur Jesus ex itinere fessus, ibi apud fontem resedit, hora ferme sexta. ⁷Venit mulier a Samaria haustum aquam. Et Jesus ei ita dixit: Da mihi bibere. ⁸Ejus enim discipuli iverant in urbem, ut cibos emerent. ⁹At mulier Samaritana sic ei respondit: qui sit, ut tu Judaeus a me muliere Samaritana potum petas? non enim habent Judaei cum Samaritanis commercium. ¹⁰Et Jesus ei respondens: si Dei donum intelligeres, inquit, et quisnam sit qui a te potum postulat, tu peteres ab eo, tibi que ipse daret aquam vivam. ¹¹Tum mulier: Domine, inquit ei, neque tu haurum habes, et puteus est profundus: unde igitur habes istam aquam vivam? ¹²Num tu major es parente nostro Jacobo, qui nobis puteum tradidit, et hac aquatione usus est tum ipse, tum ejus nati atque pecora? ¹³Cui Jesus ita respondit: Quisquis ex hac aqua bibit, tamen rursum sitit: ¹⁴Sed qui ex aqua, quam ego ei dedero, biberit, is nunquam sitiet, quin aqua, quam ei dedero, fiet in eo

fons scaturiens ad vitam aeternam. ¹⁵Et mulier : Domine imperti me ista aqua, ne sitiam, aut huc haustura veniam. ¹⁶Cui Jesus : I evocatum virum tuum, et huc venito. ¹⁷Non habeo virum, inquit ei respondens mulier. Et Jesus : Recte dicis, non habere te virum, ¹⁸Quinque enim viros habuisti : nunc quem habes non est tuus vir. Istud vere dixisti. ¹⁹Hic mulier : Domine, inquit ei, video te vatem esse. ²⁰Majores nostri in hoc monte Deum coluerunt : atqui vos dicitis Hierosolymis esse locum, ubi sit colendus. ²¹Cui Jesus : Mulier crede mihi, adventat hora, cum nec in hoc monte, nec Hierosolymis patrem coletis. ²²Vos quid colatis nescitis : nos quid colamus, scimus. quippe quia salus a Judaeis est. ²³Sed adventat hora, et nunc est, cum veri cultores patrem in spiritu et veritate colent. Etenim pater a talibus se coli postulat. ²⁴Spiritus est Deus : et qui eum colunt, in spiritu et veritate debent colere. ²⁵Et mulier : scio, inquit ei, venturum esse Messiam (qui unctus dicitur.) Is quum venerit, rem omnem nobis explicabit. ²⁶Et Jesus : ego is sum, inquit ei, qui tecum loquor. ²⁷Interea supervenerunt ejus discipuli, et eum cum foemina loqui mirati sane sunt : nullus tamen quid quaereret, aut quid cum ea loqueretur percontatus est. ²⁸Igitur mulier, relicta sua situla, urbem petiit, hominesque monuit, ²⁹ut hominem viserent, qui sibi omnia facta sua dixisset : fortassis eum esse Christum. ³⁰Itaque ex urbe egressi, venerunt ad eum. ³¹Interea sic eum hortati sunt ejus discipuli : Magister, cape cibum. ³²At ille : ego cibum habeo comedendum, inquit eis, quem vos ne-

scitis. ³³Ac quaerentibus inter sese ejus discipulis, num quis ei cibum attulisset, ³⁴Jesus sic eos alloquitur : mihi pastus est, ejus voluntatem exequi, qui me misit, ejusque opus absolvere. ³⁵Vos quidem dicitis, hinc ad quatuor menses futuram esse messem. At ego sic vobis dico : erigite oculos, et rura aspiciate ut jam alba sint ad messem. ³⁶Et messor mercedem accipit, et sator fruges congerit ad victum perpetuum, ut sator simul gaudeat, et messor. ³⁷Nam in hoc dictum illud comprobatur : alius est qui ferit, alius qui metit. ³⁸Ego vos misi ad metendum quod vos non laborastis : alii laborarunt, vos in eorum laborem invasistis. ³⁹Ex ea autem urbe multi Samaritanorum in eum crediderunt propter foeminae sermonem, testificantis, eum sibi quicquid ipsa fecisset dixisse. ⁴⁰Igitur ut ad eum venerunt Samaritani, rogaverunt ut apud se maneret : itaque mansit illic duos dies, ⁴¹multoque plures ob ejus sermonem crediderunt, ⁴²mulierique dicebant, non se jam propter ipsius sermonem credere : ipsos enim audivisse, scireque eum vere mundi servatorem esse Christum. ⁴³Deinde biduo post illinc profectus, discessit in Galilaeam. ⁴⁴Ipse enim Jesus testatus est, nullum vatem in sua patria in honore esse. ⁴⁵Ut ergo venit in Galilaeam acceperunt eum Galilaei, ut qui omnia vidissent quae Hierosolymis in festo fecerat : nam et ipsi ad festum iverant. ⁴⁶Venit igitur Jesus rursus Canam Galilaeae, ubi fecerat ex aqua vinum. Erat autem quidam regius, cujus filius aegrotabat Capharnai. ⁴⁷Is audiens Jesum ex Judaea venire in Galilaeam, eum adiit, rogavitque ut descenderet, suumque

filium sanaret : nam jamjam moriturus erat. ⁴⁸Et Jesus : nisi ostenta et miracula videritis, inquit ei, non sitis credituri. ⁴⁹At regius : Domine, inquit, descende priusquam moriatur puer meus. ⁵⁰Et Jesus : abi, inquit, vivit tuus filius. Hic Jesu verbis auditis credidit homo, et discessit. ⁵¹Jam vero eo descendente, ei obviam facti ejus servi, nunciarunt ejus puerum vivere. ⁵²Eique sciscitanti qua hora melius habuisset, dixerunt : pridie hora septima liberatum fuisse febre. ⁵³Cognovit itaque pater eam ipsam horam esse, qua ei dixerat Jesus, ejus filium vivere, crediditque tum ipse, tum ejus universa domus. ⁵⁴Hoc item alterum ostentum edidit Jesus, cum ex Judaea venisset in Galilaeam.

C A P U T V.

Christus ad piscinam decumbentem sanat in Sabbato. Phariseos praecipiti judicio factum suum calumniantes, Autoritate patris sui convincit. Divinam suam virtutem multis argumentis, Moysis etiam testimonio comprobat.

POSTEA cum esset Judaeorum festum, ascendit Jesus Hierosolymam. ²Est autem Hierosolymis apud ovari-
cam piscinam, ea quae Hebraice Bethesda nuncupatur,
quinque porticus habens. ³In his jacebat ingens aegro-
tantium multitudo, caecorum, claudorum, tabidorum,
aquae motionem expectantium. ⁴Angelus enim certo
tempore descendebat in piscinam, aquamque turbabat :
post quam aquaeurbationem qui primus *L.* in pisci-
nam *G.* descendebat, sanus evadebat, quocunque tan-

dem morbo teneretur. ⁵Erat illic homo quidam annum agens in morbo duodequadragesimum. ⁶Hunc ut vidit Jesus decumbentem, et jamdiu decubuisse cognovit, dicit ei: vis sanus fieri? ⁷Cui aegrotus: Domine, inquit respondens, hominem non habeo, qui me, dum turbata est aqua, conjiciat in piscinam. Interim dum eo ego, alius ante me descendit. ⁸Tum Jesus: surge inquit ei, tolle grabatum tuum, et ambula. ⁹Atque homo confestim sanus evasit, et sublato suo grabato, ambulabat. Erat autem ea die Sabbatum. ¹⁰Itaque dicebant Judaei curato: Sabbatum est, non licet tibi tollere grabatum. ¹¹Quibus ille sic respondit: qui me sanum effecit, is mihi jussit ut grabatum meum tollerem, et ambulare. ¹²Igitur eum interrogarunt quis esset homo, qui ei jussisset ut suum grabatum tollerem, et ambularet? ¹³At ille sanatus nesciebat quis esset. Jesus enim sese subdlexerat, cum esset hominum turba in eo loco: ¹⁴postea nactus eum Jesus in fano, sic alloquitur: en sanus evasisti: noli amplius peccare, ne quid tibi deterius accidat. ¹⁵Homo Judaeis nunciatum ivit, Jesum esse qui se sanum effecisset. ¹⁶Hanc ob causam insectabantur Jesum Judaei, et occidere conabantur, quod ea Sabbato faceret. ¹⁷At Jesus contra, sic eis dixit: Pater meus haec operatur, et ego operor. ¹⁸Hanc igitur ob rem magis eum interficere conabantur, quod non solum Sabbatum rumperet, sed etiam patrem suum diceret Deum, sese Deo parem faciens. ¹⁹Respondit igitur eis Jesus hujusmodi verbis: illud vobis etiam atque etiam confirmo, nihil posse filium ex seipso facere, nisi quid faci-

entem patrem viderit : quae enim ille facit, haec filius quoque similiter facit. ²⁰Nam pater filium amat, eique ostendit omnia quae facit ipse : quinetiam his majora ei monstrabit opera, ut vos admiremini. ²¹Ut enim pater mortuos suscitatur, ac vivificatur, sic etiam filius quos vult vivificatur. ²²Nec enim pater quenquam judicat, sed omne iudicium filio dedit : ²³ut omnes filium honorent, quemadmodum patrem honorant. Qui filium non honorat, patrem non honorat, qui eum misit. ²⁴Illud etiam atque etiam certo scitote : qui sermonem meum audit, et ei credit qui me misit, is vitam habet aeternam : nec in iudicium venturus est, sed ex morte migravit in vitam. ²⁵Illud iterum atque iterum sic certo habetote, venire horam, et nunc esse, cum mortui audient filii Dei vocem, et qui audiverint, reviviscunt. ²⁶Ut enim pater vita praeditus est, sic etiam filio dedit vita praeditum esse, ²⁷eique potestatem dedit etiam iudicium exercendi, quoniam filius hominis est. ²⁸Nolite hoc mirari : nam venit hora, in qua omnes, qui in monumentis erunt, audient ejus vocem : ²⁹et prodibunt, qui bona fecerint, ut ad vitam resurgant : qui vero vitiosa egerint, ut ad supplicium resurgant. ³⁰Nihil possum ego ex meipso facere. Ut audio, sic iudico, iustumque est meum iudicium : quippe qui non meae, sed ejus, qui me misit, patris voluntati studeam. ³¹Si ego de meipso testor, meum testimonium verum non est. ³²Alius est qui de me testatur : ac verum esse testimonium, quod de me dicit, scio. ³³Vos ad Johannem misistis, isque verum testatus est, ³⁴ego vero non ab homine testimonium admitto : sed haec dico,

ut vos salvi sitis. ³⁵Ille ardens lucensque lucerna erat, cujus in lumine vos ad tempus exultare voluistis. ³⁶At ego testimonium habeo majus quam Johannis. Quae enim opera mihi perficienda pater tradidit, haec, quae ego facio, opera, de me testantur, me a patre esse missum : ³⁷et qui misit me pater, is de me testatus est, et vos ejus neque vocem audivistis unquam, neque speciem vidistis, ³⁸neque sermonem habetis manentem in vobis : quoniam quem misit ille, huic vos non creditis. ³⁹Scrutamini literas, quandoquidem in eis vos aeternam habere vitam putatis, et ea sunt quae de me testantur : ⁴⁰et tamen ad me venire non vultis, ut vitam adipiscamini. ⁴¹Gloriam ab hominibus non admitto : ⁴²verum vos novi non esse Dei amore praeditos. ⁴³Ego in mei patris nomine veni, nec accipitis me : si alius in suo ipsius nomine venerit, eum accipietis. ⁴⁴Qui possitis credere vos, qui et alii ab aliis gloriam accipiat, neque gloriae, quae a solo Deo est, studeatis ? ⁴⁵Ne putate fore, ut ego vos apud patrem accusem : est qui vos accuset, Moses, in quo vos spem habetis. ⁴⁶Si enim Mosi crederetis, mihi crederetis, utpote cum is de me scripserit. ⁴⁷Quod si illius scriptis non creditis, quomodo meis verbis credatis ?

CAPUT VI.

Quinque panibus et duobus pisciculis cibantur. Secedens Christus, Discipulos navigantes Aquis inambulans assequitur. De vero et non perituro Pane vitat disserit. Murmurant Judaei : et discipuli plerique recedunt ab eo. Apostoli Dei filium esse fidentur.

POSTEA trajecit Jesus Galilaeae lacum Tiberiadis, ²sequente eum frequenti hominum multitudine, quod viderent quam portentosa faceret in aegrotantibus. ³Conscendit autem Jesus montem, et ibi cum suis discipulis resedit, ⁴cum quidem instaret Pascha, Judaeorum festum. ⁵Sublatis igitur oculis Jesus, videns ingentem hominum multitudinem ad se venire, dicit Philippo: unde panes ememus, quos hi comedant? ⁶Id autem dicebat, ejus tentandi gratia: sciebat enim ipse quid facturus esset. ⁷Cui Philippus ita respondit: ducentorum denariorum panes non satis sint eis, ut eorum quisque paululum quid accipiat. ⁸Tum unus ex ejus discipulis, Andreas Simonis Petri frater, sic eum alloquitur: ⁹Est hic quidam puer, qui habet quinque panes hordeaceos, et duos pisces: sed haec quantula sunt ad tam multos? ¹⁰Et Jesus: facite, inquit, ut homines discumbant. Erat autem in eo loco multum graminis. Igitur discubuerunt viri, numero circiter quinquies mille. ¹¹Et Jesus sumptos panes, actis gratiis, distribuit discipulis: discipuli porro discumbentibus: itidemque ex piscibus quantum voluerunt. ¹²Atque illis expletis, jussit discipulis suis ut superantia frustra colligerent, ne quid periret. ¹³Itaque collegerunt, et duodecim canistra ex quinque hordeaceis panibus replevere frustis, quae convivis superfuerant. ¹⁴Igitur homines videntes quod ostentum edidisset Jesus, dicebant eum vere vatem illum esse, qui in orbem venturus esset. ¹⁵At Jesus intelligens, venturos esse, et se rapturos, ut regem facerent, secessit rursus in montem ipse solus. ¹⁶Deinde

Sub vesperam descenderunt ejus discipuli ad lacum, ¹⁷et conscensa navi, contendebant trans lacum ad Capharnaum : et jam contenebraverat, nec ad eos venerat Jesus, ¹⁸et lacus vehementi flante vento concitabatur. ¹⁹Postquam igitur stadia fere vigintiquinque aut triginta remigarunt, aspiciunt ambulantem in lacu Jesum, ac prope navem progressum : itaque territi sunt. ²⁰Et Jesus dixit eis : ego sum, ne timete. ²¹Et illi eum navem accipere voluerunt : ac protinus appulit navis ad terram, ad quam tendebant. ²²Postero die hominum turba, quae trans lacum erat, videns nullam illic aliam esse navim, nisi unam illam quam conscenderant ejus discipuli, neque Jesum cum suis discipulis ingressum esse navem, sed solos ejus discipulos abiisse, ²³alias autem naves a Tiberiade venisse prope eum locum, ubi illi panem actis a Domino gratiis comederant. ²⁴Cum inquam vidisset hominum turba illic, nec Jesum adesse, nec ejus discipulos, conscenderunt et ipsi naves, et ad Capharnaum venerunt, Jesum quaerentes. ²⁵Quem trans lacum nacti, sic alloquuntur : Magister, quando huc venisti ? ²⁶Quibus ita respondit Jesus : profecto, profecto, inquam, non ideo me quaeritis, quia portenta vidistis, sed quia panes comedistis ad satietatem. ²⁷Procurate non perituum cibum, sed in omnem perennitatem permanfurum, quem vobis filius hominis dabit : hunc enim pater consignavit Deus. ²⁸Et illi : quid agemus, inquit, ut divina opera faciamus ? ²⁹Quibus respondens Jesus : hoc divinum opus est, inquit, ut in eum credatis, quem ille misit. ³⁰Et illi : quod ergo tu specimen das,

ut eo viso tibi credamus ? quid facis ? ³¹Majores nostri Manna in solitudine comederunt, quemadmodum scriptum est : panem de coelo dedit eis comedendum. ³²Quibus Jesus : hoc vobis, inquit, etiam atque etiam confirmo, non Mosem vobis panem dedisse de coelo : sed meus pater verum vobis de coelo panem dat. ³³Nam divinus panis est qui de coelo descendit, vitamque dat mundo. ³⁴Tum illi : Domine, da nobis perpetuo panem istum. ³⁵Et Jesus : ego sum panis vitalis. Qui venit ad me, nunquam esuriat : et qui mihi fidem habet, nunquam sitiet. ³⁶Sed hoc vobis dico : vos et videtis me, neque creditis. ³⁷Quicquid mihi dat pater, ad me veniet : et venientem ad me ego non ejicio foras. ³⁸Descendi enim de coelo, non ut meam, sed ut ejus, qui me misit, voluntatem exequar. ³⁹Haec est autem ejus qui me misit patris voluntas, ut quicquid mihi dederit, nihil ex eo deperdam, sed id ultimo die exuscitem. ⁴⁰Haec est autem ejus, qui me misit, voluntas, ut quisquis filium videt, in eumque credit, vitam adipiscatur aeternam, et ego eum ultimo die exuscitem. ⁴¹At Judaei de eo fremere, quod se dixerat esse panem qui de coelo descendisset. ⁴²Nonne hic est Jesus, dicebant, Josephi filius, cujus nos patrem matremque novimus ? Qui sit ergo ut is se de coelo descendisse dicat ? ⁴³At Jesus sic eis contra respondit : ne mussate inter vos. ⁴⁴Nemo potest ad me venire, nisi pater, qui me misit, eum trahat, a me ultimo die suscitandum. ⁴⁵Scriptum est in vatibus : eruntque omnes divinitus docti. Quisquis ergo ex patre audivit, ac didicit, is ad me venit. ⁴⁶Non quia patrem

viderit quisquam, nisi qui est a Deo, is patrem vidit.
⁴⁷Hoc etiam etiamque vobis confirmo, qui in me credit, vitam habet aeternam. ⁴⁸Ego sum panis vitalis.
⁴⁹Majores vestri, qui manna vixerunt in desertis, tamen mortui sunt. ⁵⁰Hic est panis qui de coelo descendit, quo qui vescatur non sit moriturus. ⁵¹Ego sum panis vivus, qui de coelo descendit: quo pane qui vescetur, vivet in perpetuum. Panis autem quem ego dabo, caro mea est, quam ego pro mundi vita dabo. ⁵²At Judaei sic inter sese decertare: quomodo potest hic nobis carnem *L. suam G. dare* comedendam? ⁵³Et Jesus: hoc certo certoque scitote, inquit eis, nisi filii hominis et carnem comederitis, et sanguinem biberitis, non esse vos vita praeditos. ⁵⁴Qui mea carne vescitur, meumque sanguinem bibit, is vitam habet aeternam, eumque ego ultima die suscitabo. ⁵⁵Caro enim mea vere est cibus, et sanguis meus vere est potio. ⁵⁶Qui mea carne vescitur, meumque sanguinem bibit, is in me manet, et ego in eo. ⁵⁷Quemadmodum vivit pater, qui me misit, ita et ego per patrem vivo: et qui me vescetur, is quoque per me vivet. ⁵⁸Hic est panis qui de coelo descendit, non quale manna, quo quum vixerint majores vestri, tamen mortui sunt. Hoc pane qui vescetur, vivet in sempiternum. ⁵⁹Haec dixit in collegio docens Capharnaï. ⁶⁰Quibus auditis multi ex ejus discipulis dixerunt: durus est hic sermo, quis eum audire possit? ⁶¹At Jesus apud seipsum intelligens, suos discipulos de eo muscare, sic eos affatur: Hoc vos offendit? ⁶²Quid si videritis filium hominis eò ascendentem ubi erat antea?

⁶³Spiritus est qui vivificat : caro nihil prodest. Verba quae ego vobis loquor, spiritus sunt, et vita sunt. ⁶⁴Sed sunt ex vobis quidam qui non credunt. Sciebat enim a principio Jesus, quinam essent qui non crederent, et quis se proditurus esset. ⁶⁵Hanc ob causam, inquit, dixi vobis, neminem ad me venire posse, nisi id ei datum fuerit a patre meo. ⁶⁶Ex illo multi ejus discipulorum retro abierunt, nec amplius cum eo versabantur. ⁶⁷Igitur Jesus duodecim sic alloquutus est : num vos quoque vultis discedere ? ⁶⁸Cui Simon Petrus ita respondit : Domine, ad quem abeamus ? tu aeternae vitae verba habes : ⁶⁹et nos credimus et novimus, te esse Christum viventis Dei filium. ⁷⁰Et Jesus : quum ego vos duodecim elegerim (inquit eos alloquens) unus vestrum diabolus est. ⁷¹Dicebat autem Judam Simonis filium Iscariotam : is enim eum proditurus erat, quum unus esset ex duodecim.

C A P U T VII.

Christus affines ad festum tabernaculorum profectos, clam sequitur. Docet in templo. Varia de illo sunt vulgi judicia. Sacerdotes jubent eum comprehendi. Dissidium in turba propter eum. Et inter Phariseos et satellites ad capiendum eum missos. Et Nicodemum.

POSTEA versabatur Jesus in Galilaea : nolebat enim in Judaea versari, quod eum conarentur interficere Judaei. ²Instabat autem Judaeorum festum umbraculorum, ³et eum sic allocuti sunt ejus fratres : migra-

hinc, et in Judaeam proficiscere, ut tui quoque discipuli ista, quae tu facis, opera videant.⁴Nemo enim quicquam facit in occulto, qui se celebrem esse studeat. Si ista facis, patefacito teipsum mundo.⁵Nec enim ejus fratres fidem ei habebant.⁶Et Jesus ait eis: nondum adest meum tempus: at vestrum tempus semper est paratum.⁷Non potest mundus odisse vos: at me odit, quoniam ego testor ejus opera esse mala.⁸Vos ascendite ad hoc festum: ego nondum ad hoc festum ascendo, quod meum tempus nondum est completum.⁹Haec ad eos fatus, mansit in Galilaea.¹⁰Deinde postquam ascenderunt ejus fratres, ascendit et ipse ad festum, non palam, sed subocculte.¹¹Igitur Judaei eum in festo requirebant, et ubinam esset ille, quaerebant:¹²multusque de eo fremitus erat vulgo, partim eum bonum esse dicentibus, partim negantibus, sed vulgus hominum ab eo decipi.¹³Nemo tamen aperte de eo loquebatur, prae Judaeorum metu.¹⁴Jam vero medio festo ascendit Jesus in fanum, et docebat,¹⁵mirantibus Judaeis, et quo pacto literas nosset quaerentibus, cum non didicisset.¹⁶Quibus Jesus hac oratione respondit: mea doctrina, mea non est, sed ejus qui me misit.¹⁷Si quis volet ejus voluntati parere, cognoscet de doctrina utrum ea sit a Deo, an ego mea sponte loquar.¹⁸Qui sua sponte loquitur, suae ipsius gloriae studet: qui vero ejus, a quo missus est, gloriae studet, is verax est, et ab injustitia alienus.¹⁹Moses legem vobis tradidit, et tamen nullus vestrum legi paret. Quid me interficere conamini?²⁰Et vulgus: tu furis, inquiunt respondentes: quis te

conatur interficere? ²¹Quibus Jesus ita respondit: ego opus unum feci, et vos omnes miramini. ²²Ideo vobis circumcissionem tradidit Moses, non quod ea sit a Mose, sed a majoribus: et circumciditis Sabbato hominem. ²³Si circumcissionem accipit homo Sabbato, ut non solvatur Mosis lex: mihi succensetis, quod totum hominem sanum effeci Sabbato? ²⁴Ne ex aspectu judicate, sed justum judicium facite. ²⁵Dicebant ergo quidam Hierosolymitanorum: nonne hic est quem conantur occidere? ²⁶Atqui aperte loquitur, nec ei quicquam contradicitur. Num vere norunt procures, eum vere esse Christum? ²⁷Sed hunc scimus unde sit: at Christus cum venerit, unde sit, nemo sciet. ²⁸At Jesus in fano clamans, docebat hujusmodi verbis: scilicet vos me nostis, et unde sim nostis: ego vero mea sponte non veni, sed ab eo missus qui verax est, quem vos non nostis. ²⁹At ego eum novi, quippe cum ab eo sim, cumque is me miserit. ³⁰Illi vero eum comprehendere conabantur, nec tamen quisquam ei manus iniecit, quoniam nondum venerat ejus hora. ³¹At ex plebe frequentes ei fidem habuerunt, et ita discitabant: Christus cum venerit, num plura portenta edet, quam hic edidit? ³²Haec vulgo de eo mussari audientes Pharisei, miserunt tum ipsi, tum pontifices, ministros, qui eum comprehenderent. ³³Quibus Jesus ita dixit: postquam adhuc parvo tempore apud vos fuero, discedam ad eum qui me misit. ³⁴Quaeritis me, nec invenietis: atque ubi ero ego, eò vos venire non potestis. ³⁵At Judaei sic apud sese discitare: quonam abiturus est hic, ut nos

eum non simus inventuri ? Num in disperfas Graecorum nationes discessurus est, docturusque Graecos ?

³⁶Quod est id dictum, quo dixit ? Quaeritis me, nec invenientis : et ubi ero ego, eò vos venire non potestis ?

³⁷Postremo autem die, qui erat festi celeberrimus, constitit Jesus, et hisce verbis clamavit : si quis sitit, veniat ad me, et bibat. ³⁸Qui mihi fidem habet, ut per-

hibent literae, ejus ex ventre fluent perennis aquae flumina. ³⁹Id autem dicebat de spiritu, quem accepturi erant, qui in eum crederent. Nondum enim erat spiri-

tus sanctus, utpote cum Jesus nondum gloriosus esset factus. ⁴⁰Plerique igitur ex plebe, audita ea oratione, dicebant eum esse vere vatem. ⁴¹Alii dicebant esse Chri-

stum : alii Christum a Galilaea profecturum negabant : ⁴²quippe cum in literis haberetur, ex Davidis semine, et a Bethlehema (quo in vico fuerat David) profectu-

rum esse Christum. ⁴³Itaque propter eum extitit in vulgo dissidium : ⁴⁴Atque eorum nonnulli eum comprehendere volebant : sed nullus ei manus injecit. ⁴⁵Venerunt

igitur ministri ad pontifices et Phariseos, et quaerentibus illis cur eum non adduxissent, ⁴⁶Responderunt nul-

lum unquam hominem sic locutum fuisse, ut is homo. ⁴⁷At Pharisei contra : num vos quoque decepti estis ? in-

quiunt eis. ⁴⁸Num quis ex proceribus in eum credidit, aut ex Phariseis ? ⁴⁹At ista plebs ignara legis, nefaria est. ⁵⁰Hic Nicodemus, qui eum noctu convenerat, et erat ex eorum numero, sic ad eos verba facit : ⁵¹an

lex nostra hominem damnat, nisi prius eum audiverit, ejusque factum cognoverit ? ⁵²Cui illi sic responderunt :

an tu quoque a Galilaea es? perscrutare, et videbis nullum ex Galilaea extitisse vatem. ⁵³Ita in suam quisque domum discesserunt.

C A P U T VIII.

Mulieri in adulterio deprehensae condonantur peccata. Christus lux mundi. Pharisei quaerunt ubi sit ipse pater. Filii Abrahamae. Filii Dei. Satan mendacii pater. Abraham vidit diem Christi.

JESUS autem in olivarum montem discessit. ²Deinde mane rursus venit in fanum, omnique ad eum veniente populo confidet, et eos docet. ³Adducunt autem ad eum Scribae et Pharisei mulierem in adulterio deprehensam, eaque in medio constituta, ⁴sic eum alloquuntur: magister, haec mulier deprehensa est in ipso facinore quum adulteraret. ⁵In lege autem Moses nobis tales lapidandas esse praecepit. Tu igitur quid ais? ⁶Hoc autem dicebant, ejus tentandi causa, ut eum accusare possent. At Jesus sese proclinare, et digito humum exarare. ⁷Ac illis eum interrogare pergentibus, erexit se: et, qui vestrum peccati expers est, primus in eam lapidem jaciat. ⁸Haec loquutus, sese rursus proclinat, et terram inscribit. ⁹Quo audito illi discedunt singuli, a senioribus exorsi: relictusque est solus Jesus, et astans in medio foemina. ¹⁰Tum Jesus ut sese erexit, et neminem, excepta muliere, vidit, dixit ei: mulier, ubi sunt illi accusatores tui? nullus te condemnavit? ¹¹Nullus, Domine, inquit illa. Et Jesus:

nec ego te condemno. Abi, et deinceps peccare noli :

¹²Item eos Jesus sic allocutus est : ego sum lux mundi :

Qui me sequetur, non in tenebris gradietur, sed vitae lumen habebit. ¹³Et Pharisei : tu de teipso testaris, in-

quiunt ei : testimonium tuum verum non est. ¹⁴Quibus

Jesus contra : et si ego de meipso testor, est tamen ve-
rum meum testimonium, ut qui sciam unde venerim, et

quo abeam. Vos neque unde venerim, neque quo disce-
dam, scitis. ¹⁵Vos more hominum judicatis : ego ne-

minem judico : ¹⁶et si judicarem ego, iudicium meum

verum esset : utpote qui non sim solus, sed una mecum

etiam adsit, qui misit me pater. ¹⁷In vestra quoque lege

scriptum est, duorum hominum testimonium esse verum.

¹⁸De me et ego ipse testimonium dico, et dicit etiam is

qui me misit pater. ¹⁹Et illi : ubi est tuus pater ? in-

quiunt ei. Vos neque me nostis (respondit Jesus) neque

patrem meum. Si me nossetis, etiam patrem meum nos-

setis. ²⁰Hanc orationem habuit Jesus apud fiscum, do-

cens in fano : nec eum comprehendit quisquam, quod

nondum venerat ejus hora. ²¹Sic eos rursus allocutus

est Jesus : ego abiturus sum, et vos me requiretis, at-

que in vestro peccato moriemini. Quo ego abibo, vos

non potestis venire. ²²Et Judaei : num ipse se interfi-

ciet, inquit, ut dicat, quo ipse abiturus est, non posse

venire nos ? ²³At ille : vos inferne estis, inquit eis, ego

superne sum : vos ex hoc mundo estis, ego non sum ex

hoc mundo. ²⁴Itaque dixi vobis, vos in peccatis vestris

morituros. Nisi enim me eum esse credideritis, in pec-

catis vestris moriemini. ²⁵Et illi : tu quis es ? inqui-

unt ei. Quibus Jesus : id quod jamdudum vobis eloquor, inquit. ²⁶Multa habeo de vobis dicere, et quidem cum judicio : sed ut qui me misit verax est, sic ego ea demum, quae ex eo audiui, apud orbem eloquor. ²⁷Quum illi eum sibi de patre loqui non intelligerent, ²⁸Jesus sic eos alloquitur : postquam filium hominis extuleritis, tum intelligetis, eum esse me, qui mea sponte faciam nihil : sed sicut me docuit pater meus, haec loqui : ²⁹eumque qui me misit, adeste mihi. Non me deseruit solum pater, quandoquidem ego semper quae ei accepta sint facio. ³⁰Haec eo loquente, frequentes ei fidem habuerunt. ³¹Igitur Jesus eos Judaeos, qui sibi fidem habebant, sic allocutus est : si vos in meis dictis manebitis, vere mei discipuli eritis, ³²veritatemque cognoscetis, quae veritas vos in libertatem vindicabit. ³³Illi contra : Abrahami progenies sumus, neque cuiquam unquam servivimus : qui fit ut tu dicas, nos liberos factum iri ? ³⁴Quibus Jesus respondit : certe certe, inquam vobis, quisquis peccatum facit, peccati servus est. ³⁵Servus autem domi non manet perpetuo : filius manet perpetuo. ³⁶Quod si vos filius liberos fecerit, re ipsa liberi eritis. ³⁷Scio vos Abrahami progeniem esse : sed cupitis interficere me, quoniam oratio mea in vobis locum non habet. ³⁸Ego quod a patre meo cognovi, loquor : itidem vos quod didicistis a patre vestro, facitis. ³⁹Cui illi contra : Pater noster Abrahamus est. Et Jesus : si Abrahami nati essetis, inquit eis, Abrahamo digna faceretis. ⁴⁰At nunc cupitis me perimere, hominem, qui verum vobis effatus sum, quod ex Deo audiui. Istud non fecit Abrahamus.

⁴¹Vos patre vestro digna facitis. Cui illi : nos ex stupro nati non sumus : unum patrem habemus Deum. ⁴²Si Deus esset pater vester (inquit eis Jesus) amaretis me : ego enim a Deo profectus veni. Nec enim mea sponte veni, sed ille me misit. ⁴³Cur meam orationem non agnoscitis ? quia mea dicta audire non potestis. ⁴⁴Vos ex patre Diabolo estis, patrisque vestri libidinibus libenter obtemperatis. Ille jam ab initio fuit homicida, nec in veritate perstitit, quippe qui non sit veritate praeditus. Quando falsum loquitur, de suo loquitur, ut qui sit mendax, mendacique pater. ⁴⁵At mihi vos, qui verum dico, non creditis. ⁴⁶Quis me vestrum coarguerit peccati ? quod si verum dico, cur mihi vos non creditis ? ⁴⁷Qui a Deo est, Dei verba audit. Vos ideo non auditis, quod a Deo non estis. ⁴⁸Tum contra Judaei : an non recte dicimus nos, te esse et Samaritanum, et daemonium habere ? ⁴⁹Quibus Jesus respondit : ego daemonium non habeo, sed patrem meum honoro : vos vero me probro afficitis. ⁵⁰Sed non ego meae gloriae studeo : est qui studeat, et cum ratione. ⁵¹Hoc vobis etiam atque etiam confirmo, si quis meae orationi paruerit, eum nunquam visurum esse mortem. ⁵²Tum Judaei : nunc intelligimus te daemonium habere : Abrahamus ipse mortuus est, ipsique vates : et tu dicis, si quis orationi tuae paruerit, eum nunquam visurum esse mortem ? ⁵³Num tu major es patre nostro Abrahamo ? qui tamen mortuus est, et vates ipsi mortui sunt : quem tu te facis ? ⁵⁴Respondit Jesus : si ego meipsum laudarem, laudatio mea nihil esset. Est pater meus qui me laudat, quem vos

dicitis esse vestrum Deum, ⁵⁵ et tamen eum non novistis. At ego eum novi: et si eum mihi notum esse negarem, vestri similis essem, mendax. Sed eum novi, ejusque dictis pareo. ⁵⁶ Abrahamus ille parens vester meam diem videre gestivit, et vidit, idque laetatus est. ⁵⁷ At Judaei: quinquaginta annos nondum habes, et Abrahamum vidisti? ⁵⁸ Quibus Jesus: hoc mihi certo certoque credite, priusquam Abrahamus esset, ego sum. ⁵⁹ Tum illi lapides sustulerunt, quos in eum conjicerent. At Jesus sese abdidit, et ex fano exiit.

C A P U T IX.

Christus caeci nati oculos in Sabbato aperit. Qui quum diu contra Phariseos disputasset, a Synagoga ejectum Christus aeternae lucis cognitione donat.

PRAETERIENS autem Jesus, vidit hominem a natiuitate caecum, ² de quo sic eum interrogarunt ejus discipuli: Magister, utrum quia peccaverit hic, an quia ejus parentes, caecus natus est: ³ quibus Jesus respondit: neque quia ipse, neque quia ejus parentes peccaverint, sed ut in eo divina opera patefiant. ⁴ Mihi agenda sunt ejus qui me misit, negotia, dum dies æst. Veniet nox, quum operari nemo potest. ⁵ Donec in mundo sum, lux mundi sum. ⁶ Haec locutus, spuit humi, et ex sputo lutum fecit, quod lutum caeci oculis illevit, ⁷ eique jussit ut iret lotum in piscina Siloa, quod verbum idem est atque missus. Atque ille ivit, et lavit, rediitque videns. ⁸ Tum vicini, et qui eum ante caecum esse viderant,

quaerebant num is esset, qui antea sedebat et mendicabat. ⁹Alii eum esse, alii ejus similem esse dicebant. Ipse, eum se esse aiebat: ¹⁰et sciscitantibus, quo pacto ei aperti fuissent oculi? ¹¹Sic respondit: homo nomine Jesus, lutum fecit, et mihi oculos illevit, jussitque ut irem ad piscinam Siloam, et lavarem. Ego ivi, et lavi, et dispexi. ¹²Et illi: ubi est ille? Nescio, inquit. ¹³Illi eum qui fuerat aliquando caecus, ad Phariseos ducunt. ¹⁴Erat autem Sabbatum, quando Jesus facto luto ejus oculos aperuit. ¹⁵Igitur eum rursus interrogarunt Pharisei, quo pacto dispexisset? Quibus ille: lutum, inquit, imposuit meis oculis, et lavi, et video. ¹⁶Tum quidam Phariseorum dicere, eum hominem a Deo non esse, quod Sabbatum non ageret. Alii sic dicere: quis posset improbus homo tam prodigiosa facere? Ita quum esset inter eos dissensio, ¹⁷sic caecum rursus interrogant: tu quid de eo dicis, qui tibi oculos aperuerit? Vatem esse, inquit ille. ¹⁸At Judaei eum et caecum fuisse, et dispexisse, non crediderunt, donec accersitos ejus parentes qui dispexerat, ¹⁹sic interrogarunt: hiccine filius est vester, quem vos dicitis caecum esse natum? qui fit ergo ut nunc cernat? ²⁰Quibus ejus parentes ita responderunt: hunc filium esse nostrum, et caecum fuisse natum scimus: ²¹quomodo vero nunc cernat, nescimus: aut quis ei aperuerit oculos, nos nescimus: ipse jam grandis est, ipsum interrogate: ipse de se ipso loquetur. ²²Haec eo dixerunt ejus parentes, quod Judaeos formidabant. Jam enim conspiraverant Judaei; ut si quis eum Christum esse confiteretur, is collegii com-

munione privaretur. ²³Hanc ob causam dixerunt ejus parentes, jam grandem esse : ipsum interrogarent. ²⁴Illi igitur denuo hominem evocarunt, qui caecus fuerat, ei-que dixerunt : tribue Deo gloriam : nos scimus hunc hominem improbum esse. ²⁵Et ille respondens : an improbus sit, inquit, nescio : unum scio, me, qui caecus fui, nunc videre. ²⁶Et illi rursus : quid tibi fecit ? inquit ei : quo pacto tuos oculos aperuit ? ²⁷Quibus ille respondit : jam vobis dixi, nec audivistis : quid rursus vultis audire ? num vos quoque vultis ejus discipuli fieri ? ²⁸At illi ei convicium fecerunt : et, tu es ejus discipulus, inquit : nos vero Moysis discipuli sumus. ²⁹Nos scimus, cum Mose locutum esse Deum : hic autem unde sit nescimus. ³⁰At homo contra : ergo in eo est admirabilitas, inquit, quod vos nescitis unde sit, et tamen oculos meos aperuit. ³¹Jam scimus, improbos a Deo non audiri : sed si quis pius est, et ejus voluntati paret, hunc audit. ³²Nunquam fando auditum est, quendam aperuisse oculos caeci nati. ³³Nisi esset is a Deo, nihil posset facere. ³⁴Tum illi : tu totus in peccatis natus es, inquit ei, et nos doces ? Itaque eum foras ejecerunt. ³⁵Jesus audiens, eum ab illis foras ejectum, nactus eum, sic est allocutus : credisne in Dei filium ? ³⁶Et ille respondens : quis vero is est, Domine, ut in eum credam ? ³⁷Cui Jesus, vides eum, inquit : is est qui tecum loquitur. ³⁸Et ille : credo, Domine, inquit, eumque veneratus est. ³⁹Et Jesus : ad ejusmodi discrimen ego in hunc, inquit, orbem veni, ut qui non vident, videant : et qui vident, caeci fiant. ⁴⁰His auditis, Pha-

risaei qui una erant, dixerunt ei: an et nos caeci sumus? ⁴¹Quibus Jesus: si caeci effetis, inquit, non essetis in vitio: nunc quia dicitis, vos cernere, manet vestrum peccatum.

C A P U T X.

Pharisaeos Christus pastores malos: se vero multis argumentis bonum comprobat. Dissidium propterea oritur. Lapidetollentium, et prebendere cupientium manus evadit.

CERTO certoque scitote, qui in ovium stabulum non per januam intrat, sed alia transcendit, eum furem ac latronem esse. ²Qui vero per januam intrat, pastor est ovium. ³Huic janitor aperit, ejusque vocem audiunt oves, isque suas oves appellat nominatim, educitque, ⁴et emissis ovibus suis praeit viam: eumque sequuntur oves, quippe cujus vocem agnoscant. ⁵Alienum autem non sequantur, sed fugiant, quippe quae alienorum vocem non agnoscant. ⁶Hanc sententiam quum eis dixisset Jesus, nec illi intelligerent quid sibi vellent ea quae eis dicebat. ⁷Jesus porro dixit eis: certo certoque scitote, me ovium esse januam. ⁸Omnes quicumque ante me venerunt, fures sunt et latrones, nec eos audiverunt oves. ⁹Ego sum janua: per me qui intrabit, servabitur, et intrabit, et exhibit, et pascuum inveniet. ¹⁰Fur non venit nisi ut furetur, ut mactet, ut perdat. Ego veni ut vitam habeant, et largius habeant. ¹¹Ego sum pastor bonus. Pastor bonus animam suam ponit pro ovibus. ¹²At mercenarius, qui pastor non est, cujus suae non sunt oves, si venientem

lupum videt, fugit, relictis ovibus : lupus oves rapit, ac profligat. ¹³At mercenarius fugit, nempe mercenarius, nec ovium curam gerens. ¹⁴Ego sum pastor bonus, et meas agnosco, et a meis agnoscor. ¹⁵Ut me novit pater, sic ego patrem novi, animamque pono pro ovibus. ¹⁶Et alias oves habeo, quae non sunt hujus ovilis : quae etiam mihi adducendae sunt, meamque vocem audient, et fiet unum ovile, unus pastor. ¹⁷Ideo me pater amat, quia animam meam pono : ut eam resumam. ¹⁸Eam mihi nullus eripit, sed eam ipse mea sponte pono. Potestatem habeo eam ponendi, itemque potestatem habeo eam rursus sumendi. Hoc praeceptum accepi a patre meo. ¹⁹Propter haec dicta ortum est rursus inter Judaeos dissidium. ²⁰Eorumque plerique dicebant : Daemoniis agitur et insanit, quid eum auditis ? ²¹Alii dicebant : hae res daemonium habentis non sunt : potestne daemonium caecorum oculos aperire ? ²²Quum autem agerentur Hierosolymis Instauralia et hyems esset, ²³ambulareque Jesus in fano in Solomonis porticu, ²⁴Judaei eum circumfusi sic alloquuntur : quandiu suspensos tenebis animos nostros ? si tu Christus es, dic nobis aperte. ²⁵Quibus Jesus ita respondit : dixi vobis, neque creditis. Opera quae ego mei patris nomine facio, ea de me testantur : ²⁶sed vos non creditis : quoniam ex meis ovibus non estis, quemadmodum vobis dixi. ²⁷Oves meae vocem meam audiunt, easque ego novi, et ipsae me sequuntur. ²⁸Et eis vitam do sempiternam, nec possunt unquam perire, nec mihi quisquam eas de manu eripuerit. ²⁹Meus pater, qui mihi dedit

eas, maximus est omnium, nec quisquam possit ex manu mei patris extorquere. ³⁰Ego et pater unum sumus. ³¹Hic Judaei rursum lapides sustulerunt, ut eum lapidarent. ³²Quos Jesus sic contra allocutus est: multa vobis praeclara opera, meo patre autore, edidi: propter quodnam eorum operum me lapidatis? ³³Cui Judaei sic responderunt: ob praeclarum opus non lapidamus te, sed ob impia dicta: et quod homo quum sis, Deum te facis. ³⁴Et Jesus contra: nonne scriptum est in vestra disciplina: ego vos deos appellavi? ³⁵si illos appellavit deos, ad quos Dei sermo habitus est, nec scriptum rescindi potest, ³⁶vos me, quem pater consecravit, et in mundum misit, impie loqui dicitis, quod me Dei filium esse dixerim? ³⁷Si patre meo digna non facio, mihi ne credite, ³⁸sin facio, si mihi minus creditis, at factis credite, ut et patrem in me, et me in eo esse cognoscatis, ac credatis. ³⁹Hic illi eum rursum comprehendere conabantur. Sed exiit ex eorum manu, ⁴⁰abiitque rursus trans Jordanem in eum locum, ubi primum baptizaverat Johannes, ibique mansit. ⁴¹Ac frequentes ad eum veniebant: et Johannem quidem nullum edidisse prodigium dicebant, sed quaecunque de eo Johannes dixisset, ea esse vera: ⁴²multique in eum illic crediderunt.

C A P U T XI.

*Christus ostensurus se esse vitam et resurrectionem, Lazarum mortuum, et sepultum resuscitat. Consultantibus pontificibus, Caia-
phas unum pro multis occidendum praedicat. Praecipunt ut
ubi fuerit prehendantur.*

E RAT autem quidam aegrotus Lazarus a Bethania, Mariae et ejus fororis Marthae vico. ²Erat autem Maria ea, quae Dominum unguento perfuderat, ejusque pedes suis capillis exterferat : cujus frater Lazarus aegrotabat. ³Miserunt igitur ejus sorores illi significatum ita : Domine, scito eum quem amas aegrotare. ⁴Hoc audito Jesus ita dixit : hic morbus lethalis non est, sed ob Dei gloriam est, ut per eum celebretur Dei filius. ⁵Amabat autem Jesus Martham, ejusque sororem et Lazarum. ⁶Ut igitur eum aegrotare audivit, tum quidem mansit in quo erat loco duos dies. ⁷Postea dicit suis discipulis : Petamus rursum Judaeam. ⁸Cui discipuli : Magister, inquiunt, modo te conabantur lapidare Judaei, et eodem rursus abis ? ⁹At Jesus contra : quum duodecim horae sint diei, si quis interdiu graditur, non offendit : hujus enim mundi lucem aspicit. ¹⁰At si quis noctu graditur, offendit, quia lumine caret. ¹¹Haec fatus, sic eos deinde alloquitur : Lazarus amicus noster obdormivit, sed ego ad eum expergefaciendum vado. ¹²Tum ejus discipuli : Domine, inquiunt, si obdormivit, salvus est. ¹³Dixerat autem Jesus de ejus morte : illi vero de somni sopore dicere opinabantur. ¹⁴Itaque tum dixit eis Jesus aperte : Lazarus mortuus est, ¹⁵atque equidem me illic non adfuisse, gaudeo vestra causa, ut credatis. Sed proficiscamur ad eum. ¹⁶Et Thomas nomine Didymus : eamus et nos, inquit discipulis, ut cum eo moriamur. ¹⁷Igitur Jesus ubi venit eò, invenit eum quartum jam diem agentem in monumento. ¹⁸Aberat autem prope Bethania Hierosolymis stadia circiter quindecim, ¹⁹mul-

tique Judaeorum ad Martham et Mariam venerant, ut eas de suo fratre consolarentur. ²⁰Igitur Martha ut Jesum venire audivit, ei obviam sedente domi Maria, ivit : ²¹et sic eum alloquuta est : Domine, si tu hic adfuisses, meus frater mortuus non fuisset. ²²Quamquam nunc quoque scio, quicquid a Deo petiveris, daturum esse tibi Deum. ²³Cui Jesus : resurget frater tuus. ²⁴Scio, inquit ei Martha, resurrecturum esse in resurrectione in ultima die. ²⁵Et Jesus : ego sum, inquit ei, resurrectio et vita. Qui in me credit, etiam si mortuus fuerit, reviviscet : ²⁶et quisquis vivit, et in me credit, nunquam moriturus est. Credis hoc ? ²⁷Etiam. Domine, inquit illa, ego credo, te Christum esse Dei filium, qui in mundum venturus eras. ²⁸Atque haec locuta, ivit accersitum Mariam sororem suam, eique clanculum dixit, magistrum adeste, qui eam vocaret. ²⁹Illa hoc audito, celeriter surgit, et illum adit. ³⁰Nondum autem venerat Jesus in vicum, sed in eo erat loco, ubi ei occurrerat Martha. ³¹Judaei ergo, qui cum ea domi aderant, eamque consolabantur, videntes Mariam celeriter surrexisse, atque exiisse, secuti sunt eam, rati eam ad monimentum ire, ut ibi ploraret. ³²Igitur Maria ut eo venit, ubi erat Jesus, eo viso ei ad pedes accidit : Domine (inquit ei) si tu hic adfuisses, non fuisset mortuus frater meus. ³³Tum Jesus ubi eam plorantem, et comitatos eam Judaeos plorantes vidit, infremuit animo, conturbatusque dixit : ³⁴Ubi eum posuistis ? Domine, inquit ei, veni visum. ³⁵Lachrymavit Jesus. ³⁶Itaque Judaei dicebant : En quantopere eum amabat ? ³⁷Item

eorum quidam dicebant : Non poterat is, qui cæci oculos aperuit, efficere, ut hic quoque non moreretur ?

³⁸ Jesus igitur rursus apud se fremens, venit ad monumentum. Erat autem fossa, cui impositum erat saxum.

³⁹ Et Jesus dixit : auferte saxum. Cui mortui soror Martha : Domine, inquit, jam foetet, nam quatuor dierum est.

⁴⁰ At Jesus : Dixine ego tibi, inquit ei, te si fidem habueris, visuram Dei gloriam ?

⁴¹ Igitur illi saxum sustulerunt, ubi situs erat mortuus. Et Jesus sublati sursum oculis, dixit, Pater, ago tibi gratias, quod me audivisti. ⁴² Equidem sciebam, ut tu me semper audias : sed propter circumstantem hominum multitudinem dixi, ut me abs te missum esse credant. ⁴³ Haec ille fatus, ingenti voce clamavit : Lazare, veni foras.

⁴⁴ Et mortuus exiit, pedes manusque vinctus fasciis, vultu sudario obvelato. Solvite eum, inquit eis Jesus, et abire sinite.

⁴⁵ Igitur multi Judaeorum, qui ad Mariam venerant, et quid fecisset Jesus viderant, in eum crediderunt. ⁴⁶ At

eorum quidam Phariseos adierunt, et eis quae fecisset Jesus dixerunt. ⁴⁷ Itaque pontifices et Pharisei coacto

concilio, ita dicebant : quid agimus ? nam hic homo multa portentosa facit. ⁴⁸ Si eum sic sinimus, omnes ei

fidem adjungent : atque ita venient Romani, qui nos et loco et gente privabunt. ⁴⁹ Tum eorum quidam Cai-

aphas, ejus anni pontifex, sic ad eos verba facit : vos nihil scitis, ⁵⁰ neque cogitatis, conducibilius esse nobis,

unum hominem pro populo mori, quam totam perire gentem. ⁵¹ Id autem non sua sponte dixit, sed quod es-

set ejus anni pontifex, vaticinatus est, Jesum pro gente

moriturum esse : ⁵²nec solum pro gente, sed etiam ut disperfos Dei natos simul congregaret. ⁵³Igitur ex eo die de eo perimendo consultarunt. ⁵⁴Itaque Jesus non jam aperte versabatur in Judaeis, sed inde discessit in locum prope solitudinem, in oppidum Ephraim nomine, atque ibi commoratus est cum suis discipulis. ⁵⁵Instabat autem Judaeorum Pascha, et multi qui ex ea regione Hierosolymam ante Pascha sui lustrandi gratia ascenderant, ⁵⁶requirebant Jesum, et in fano stantes, sic inter sese dicebant : quid vobis videtur, quod non venerit ad festum ? ⁵⁷Dederant autem Pontifices et Pharisei mandatum, ut si quis sciret ubinam is esset, indicaret, ut eum caperent.

CAPUT XII.

Christo apud Lazarum coenanti, pedes ungit Maria. Accusatur a Juda. A Christo defenditur. Sacerdotes Lazarum sublatum cupiunt. Christo Hierosolymam venienti obviam itur. Graeci eum videre cupiunt. Principes credentes in eum, et non confitentes ob metum, ad fidem hortatur.

IGITUR Jesus sex diebus ante Pascha Bethaniam venit, ubi erat Lazarus, qui mortuus fuerat, quem ille ex mortuis excitaverat. ²Illic ei data coena est, quum quidem Martha ministraret, et Lazarus ex eodem numero esset, qui cum eo accumbebant. ³Maria vero sumpta libra preciosi unguenti spicatae nardi, Jesu pedes perfudit, eosdemque suis capillis exterfit. Ejus unguenti odore quum domus repleta foret, ⁴unus ex

eius discipulis, Judas Simonis filius, Iscariota, qui eum proditurus erat, ita loquitur. ⁵Cur hoc unguentum non est trecentis denariis venditum, et in pauperes erogatum? ⁶Id autem dixit, non quod ei curae essent pauperes, sed quod fur erat, et crumenam habebat, ac quae conferebantur portabat: ⁷Tum Jesus: sine eam, inquit: id ad meae sepulturae diem reservavit, ⁸pauperes enim semper habebitis vobiscum: at me non semper habebitis. ⁹Igitur quum ingens Judaeorum multitudo eum illic esse cognovisset, venerunt eo non solum propter Jesum, sed etiam ut Lazarum viderent, quem suscitaverat ex mortuis. ¹⁰Consultarunt autem pontifices etiam de Lazaro necando. ¹¹Quod propter eum multi Judaeorum desciscebant, et in Jesum credebant. ¹²Postero die frequens hominum turba, qui ad festum venerant, audientes Jesum adventare Hierosolymam, ¹³sumptis palmarum ramis, ei obviam exierunt, atque ita clamabant: Hosanna, bene sit venienti in nomine Domini, regi Israelitarum. ¹⁴Nactus autem Jesus asellum, in eo federat, quemadmodum scriptum est. ¹⁵Ne metue puella Sion: ecce tuus rex venit in asinae pullo sedens. ¹⁶Atque haec quidem primum non intellexerunt ejus discipuli; sed postquam illustratus est Jesus, tum demum recordati sunt ea et de eo fuisse scripta, et se ei praestitisse. ¹⁷Testificabatur autem hominum multitudo, qui cum eo adfuerant quum Lazarum evocavit e monumento, et a mortuis excitavit. ¹⁸Atque hanc ob causam occurrit ei vulgus, quod id eum edidisse prodigium audivissent. ¹⁹Itaque Pharisei sic inter sese dicebant:

videtis nihil proficere vos, quum eum sequatur mundus. ²⁰Erant autem quidam Graeci, ex iis qui ascenderant ut in festo adorarent. ²¹Ii Philippum adierunt, eum qui erat a Bethsaida Galilaeae, eumque sic rogarunt: Domine, vellemus Jesum videre. ²²Id Philippus Andreae indicatum it, et porro Andreas et Philippus Jesu dicunt. ²³Et Jesus sic eis respondit: venit hora, qua illustretur filius hominis. ²⁴Profecto, profecto, inquam vobis, nisi frumenti granum ad terram lapsum moriatur, ipsum solum manet: sin moriatur, multum fructum fert. ²⁵Qui animam suam amabit, eam perdet: et qui animam suam in hoc mundo oderit, is eam in sempiternam vitam conservabit. ²⁶Si quis mihi ministrat, me sequatur: atque ubi ero ego, ibidem meus etiam minister erit. Quod si quis mihi ministrabit, eum pater honorabit. ²⁷Nunc mihi turbatus est animus: ecquid dicam? Pater defende me ab hac hora: sed ideo veni in hanc horam. ²⁸Pater illustra tuum nomen. Tum haec vox de coelo venit: et illustravi, et rursus illustrabo. ²⁹Hoc audito, vulgus hominum qui aderant, dicebat extitisse tonitru. Alii angelum cum eo locutum aiebant. ³⁰At Jesus ita locutus est: non propter me vox haec extitit, sed propter vos. ³¹Nunc fit de hoc mundo iudicium: nunc huius mundi princeps exigitur foras: ³²et ego si a terra evectus fuero, omnes ad me traham. ³³Id autem dicebat significans, quo letho moriturus esset. ³⁴Ei vulgus respondit: nos audimus ex disciplina, Christum semper esse permanfurum: qui fit, ut tu dicas, evehendum esse filium hominis? quis est iste filius hominis? ³⁵Qui-

bus Jesus : adhuc parvo tempore vobis futura lux est. Ambulate dum lucem habetis, ne vos opprimant tenebrae : quoniam qui in tenebris ambulat, nescit quo eat. ³⁶Dum lucem habetis, credite in lucem, ut lucis filii fiat. Haec locutus Jesus discessit, et eis sese subduxit. ³⁷Sed quamvis tot in eorum conspectu ostenta fecisset, tamen in eum non credebant : ut illud ab Esaia vate dictum fieret, quum ait : ³⁸Domine, quis credidit orationi nostrae ? et Jovae brachium cui patefactum est ? ³⁹Ideo credere non poterant, quod item dixit Esaia. ⁴⁰Eorum et oculos excaecavit, et animos stupefecit, ne oculis videant, et animo intelligant, ad frugemque redeant, atque eos ego fanem. ⁴¹Haec dixit Esaia, tum quum ejus splendorem vidit, deque eo locutus est. ⁴²Tametsi multi ex principibus in eum crediderunt : sed id propter Pharisaeos non fatebantur, ne collegii communitate privarentur. ⁴³Plus enim amabant hominum, quam Dei gloriam. ⁴⁴Jesus autem clamavit his verbis : qui in me credit, non in me credit, sed in eum qui me misit : ⁴⁵et qui me videt, eum videt qui me misit. ⁴⁶Ego lux in mundum veni, ut quisquis in me crediderit, non maneat in tenebris. ⁴⁷Quod si quis mea verba audierit, neque crediderit, ego eum non damno. Non enim ut mundum damnem veni, sed ut mundum conservem. ⁴⁸Qui me repudiat, nec mea verba admittit, habet qui se damnet. Ipse sermo, quem ego loquor, eum damnabit in postremo die. ⁴⁹Quoniam ego non mea sponte loquor, sed qui me misit pater, is mihi in mandato dedit, quid dicturus aut locuturus sim : ⁵⁰et scio ejus mandatum sempiternam esse

vitam. Quae igitur eloquor ego, quemadmodum mihi dixit pater, sic eloquor.

C A P U T XIII.

A coena surgens Christus, humilitatem commendaturus Apostolis, pedes eorum lavat. Proditorem Judam, certo signo denotat. Charitatem commendat. Et Petro lapsum abnegationis praedicat.

ANTE festum autem Paschae, sciens Jesus suam horam venisse, qua ex hoc mundo migraret ad patrem, quum suos, qui erant in mundo, amavisset, eos ad extremum amavit. ²Et coena parata, quum jam diabolus Judae Simonis filio Iscariotae mentem injecisset, ut eum proderet: ³Sciens Jesus patrem sibi omnia in manum dedisse, seque a Deo profectum, ad Deum discedere. ⁴Surgit ex coena, depositisque vestibus, sumpto linteo, se praecingit. ⁵Deinde emissa in pelvim aqua, discipulorum pedes lavare institit, et linteo, quo praecinctus erat abstergere. ⁶Sed ubi ad Simonem Petrum venit, ille sic ei dixit: Domine, tene mihi lavare pedes? ⁷Cui Jesus: quid ego faciam, inquit respondens, tu nunc ignoras, sed postea cognosces. ⁸Et Petrus: numquam meos pedes lavabis, inquit ei. At Jesus contra: nisi te laverò, inquit, non eris meus particeps. ⁹Tum Simon Petrus: Domine, inquit ei, non solum meos pedes, sed etiam manus atque caput. ¹⁰Cui Jesus: qui lotus est, inquit, huic non opus est nisi ut pedes lavet, quin totus purus est. Et vos puri estis, sed non omnes. ¹¹Noverat enim suum proditorem,

ideo dicebat, non omnes esse puros. ¹²Postquam eorum pedes lavit, sumptis suis vestibus rursus accubuit, et eos sic allocutus est : intelligitis quid vobis fecerim ? ¹³Vos me magistram et dominum appellatis, et recte dicitis : sum enim. ¹⁴Si igitur ego vobis, et dominus et magister, pedes lavi, vos quoque debetis alii aliorum lavare pedes. ¹⁵Exemplum enim prae bui vobis, ut quemadmodum ego vobis feci, vos quoque faciat. ¹⁶Certe, certe inquam vobis, non est servus domino suo major, neque legatus eo major qui eum misit. ¹⁷Si hoc nostis, felices estis, si ea praestatis. ¹⁸Non de omnibus vobis dico : ego scio quos elegerim. Sed oportet ut fiat quod scriptum habetur : qui mecum cibum capit, is me calce petit. ¹⁹Jam nunc dico vobis, antequam fiat : ut quum factum fuerit, credatis eum esse me. ²⁰Hoc vobis certo certoque dico, qui eum quem ego misero accipit, me accipit : et qui me accipit, eum accipit qui me misit. ²¹Haec locutus Jesus, turbatus est animo, et ita aperte dixit : certo certoque scitote, futurum esse ut unus vestrum me prodatur. ²²Tum discipuli inter sese intueri, dubitantes de quo diceret. ²³Recumbebat autem unus discipulorum Jesu, in ejus gremio, quem Jesus amabat. ²⁴Huic innuit Simon Petrus, ut sciscitaretur quisnam is esset, de quo diceret. ²⁵Atque ille in Jesu pectus incumbens : Domine, inquit ei, quis est ? ²⁶Cui Jesus respondet : is est, cui ego intinctam bucceam porrigam. Tum bucceam intingit, et Judae Simonis filio Iscariotae dat : ²⁷ac tum post eam bucceam, intravit in eum Satan. Et Jesus ei dixit :

quod facis fac ocyus. ²⁸Id autem quorsum ei dixisset, nemo accumbentium intellexit. ²⁹Nonnulli enim arbitrabantur, quandoquidem crumenam habebat Judas, Jesum mandare, ut emeret quae eis opus essent ad festum aut pauperibus ut aliquid daret. ³⁰Igitur ille simulacrum sumpsit bucceam, exivit, quum quidem nox esset : ³¹quo egresso, sic fatur Jesus : nunc filius hominis illustratur, et Deus illustratur in eo. ³²Si in eo Deus illustratur, eum quoque Deus in seipso illustrabit, et mox illustrabit. ³³Filioli, adhuc paulisper vobiscum sum. Quaeritis me, ac quemadmodum Judaeis dixi, quod ego abeo, eos venire non posse, etiam vobis nunc dico. ³⁴Praeceptum novum do vobis, ut inter vos ametis, quomodo ego vos amavi, ut et vos ametis inter vos. ³⁵In eo cognoscent omnes, vos meos esse discipulos, si mutuo vos amore prosequemini. ³⁶Et Simon Petrus : Domine, quo abis ? Cui Jesus respondit : quo ego abeo, tu non potes me nunc sequi : sed tandem sequeris me. ³⁷At Petrus : Domine, inquit ei, cur te nunc sequi non possum ? animam meam pro te ponam. ³⁸Cui respondit Jesus : animam tuam pro me pones ? Hoc tibi magnopere confirmo, non ante cantaturum esse gallum, quam tu me ter abnegaveris.

C A P U T XIV.

Consolatur discipulos suos, Divinitatem suam et fructum mortis suae exponens. Consolatorem Spiritum promittens, ejus officium describit, pacemque suam pollicetur.

NOLITE animo turbari, inquit suis discipulis. Fidem habetis Deo, et mihi fidem habete. ²In domo patris mei mansiones multae sunt: quod si secus esset, dixissem vobis. Eo paratum vobis locum. ³Quod si ivero paratum vobis locum, reveniam, et vos mecum assumam, ut ubi ero ego, vos etiam sitis. ⁴Et quidem quò ego proficiscar, vos scitis, et viam tenetis. ⁵Dicit ei Thomas: Domine nescimus quò proficiscaris, tantum abest ut viam tenere possimus. ⁶Cui Jesus: ego sum via, et veritas, et vita. Nemo ad patrem venit, nisi per me. ⁷Si me cognosceretis, meum quoque patrem cognosceretis, et jam nunc eum cognoscitis ac vidistis. ⁸Et Philippus: Domine, inquit ei, ostende nobis patrem, et satis erit nobis. ⁹Cui Jesus: tantum jam tempus vobiscum sum, et tu me non nosti? Philippe, qui me vidit, patrem vidit: qui fit ut dicas, Ostende nobis patrem? ¹⁰Non credis, et me in patre, et patrem in me esse? Quae ego verba vobis dico, mea sponte non dico: sed ipse pater, qui in me manet, facit opera. ¹¹Credite mihi, et me in patre, et patrem in me esse: aut certe de ipsis factis mihi credite. ¹²Hoc certo certoque sic habetote, qui mihi fidem habebit, eum esse eadem mecum, atque etiam his majora facturum. Nam ad patrem meum proficiscor. ¹³Ac quicquid per meum nomen petieritis, id faciam ut illustretur pater in filio. ¹⁴Si quid per meum nomen petieritis, ego faciam. ¹⁵Si me amatis, mea praecepta servate. ¹⁶Ego vero meum patrem exorabo, ut alium vobis confirmatorem det, qui vobiscum perpetuo maneat. ¹⁷Scilicet veritatis spiri-

tum, quem mundus consequi non potest, quod eum neque videt, neque cognoscit: at vos eum cognoscitis: quoniam apud vos manet, et in vobis futurus est. ¹⁸Non relinquam vos pupillos: invisam vos. ¹⁹Post paulo jam me non videbit mundus: at vos videbitis, quoniam et ego vivo, et vos vivetis. ²⁰In illa die vos intelligetis, et me in patre meo, et vos in me, et me in vobis esse. ²¹Qui mea praecepta tenet, conservatque, ille est qui me amat. Qui vero me amat, amabitur a patre meo: eumque ego amabo, et me ei patefaciam. ²²Tum Judas, non Iscariota: Domine, inquit ei, quid causae est, ut tu nobis teipsum sis patefacturus, mundo non item? ²³Cui Jesus: si quis me amat, inquit respondens, is sermoni meo parebit, eumque meus pater amabit, et ad eum veniemus, et apud eum manebimus. ²⁴Qui me non amat, mea dicta non exequitur. Sermo autem, quem auditis, meus non est, sed patris qui misit me. ²⁵Haec vobis elocutus sum, apud vos manens. ²⁶Sed confirmator, spiritus sanctus, quem mittet pater meo nomine, is vos omnia docebit, et vobis in memoriam revocabit quaecunque ego vobis dixi. ²⁷Pacem relinquo vobis, pacem meam do vobis: non quemadmodum dat mundus, ego do vobis. Nolite animo perturbari, neque formidare. ²⁸Audivistis ut dixerim vobis, abire me, revisurum vos. Si me amaretis, gauderetis, quia dixissem, me ad patrem proficisci, quod pater major me sit. ²⁹Et nunc dixi vobis priusquam fiat, ut quum factum fuerit, credatis. ³⁰Jam non multa loquar vobiscum: venit enim hujus mundi princeps, nec habet in me quicquam.

³ Sed intelligendum mundo est, me amare patrem : et ut mihi mandavit pater, ita facere. Surgite, abeamus hinc.

C A P U T XV.

Vitis, et palmitum similitudine, ostendit quomodo discipuli fructum ferre possint. Dilectionem mutuam commendat, ad patientiam in afflictionibus, suo exemplo adhortatur.

EGO sum vera vitis, et pater meus est agricola, ² qui omnem palmitem in me non ferentem fructum amputat, et omnem ferentem fructum expurgat, ut plus fructus ferat. ³ Jam vos puri estis, propter sermonem quem ad vos habui. ⁴ Quapropter manete in me, et ego in vobis. Quemadmodum palmes fructum ferre per seipsum non potest, nisi maneat in vite : sic neque vos, nisi maneatis in me. ⁵ Ego sum vitis, vos palmites. Qui in me manet, et ego in eo, is multum fert fructum : siquidem sine me vos nihil facere potestis. ⁶ Si quis in me non manet, is extra projectus aruit, ut farmenta, quae colliguntur, et in ignem deflagratura conjiciuntur. ⁷ Si et vos in me manseritis, et mea verba in vobis manserint, quicquid postulare voletis, id vobis concedetur. ⁸ In eo illustratur pater meus, si vos multum fructum feratis, meique discipuli eritis, ⁹ quemadmodum amavit me pater, sic ego vos amavi. Manete in amore meo. ¹⁰ Si mea praecepta conservaveritis, manebitis in amore meo : ut ego mei praecepta patris conservavi, et in ejus amore maneo. ¹¹ Haec vobis elocutus sum, ut et mea laetitia in vobis maneat, et vestra lae-

titia expleatur. ¹²Hoc meum est praeceptum, ut ametis inter vos, quomodo ego vos amavi. ¹³Majore charitate nemo praeditus est, quam si quis animam suam amicorum suorum causa impendat. ¹⁴Vos mei estis amici, si feceritis quaecunque ego vobis praecipio. ¹⁵Non jam vos dico servos, siquidem servus nescit quid agat suus dominus. Vos autem amicos propterea dixi, quod vobis omnia, quae audiavi ex patre meo, declaravi. ¹⁶Non vos me elegistis, sed ego vos elegi, et eo destinavi, ut abeatis, et fructum feratis, vesterque fructus duret, ut quicquid patrem per meum nomen poposceritis, id vobis concedat. ¹⁷Haec vobis praecipio, ut ametis mutuo. ¹⁸Si vos mundus odit, illud cognoscite quod me prius quam vos odit. ¹⁹Si mundani essetis, mundus amaret suum. Verum quia mundani non estis, sed ego vos ex mundo elegi, ideo vos odit mundus. ²⁰Memineritis ejus dicti, quod ego vobis dixi: non est servus major domini suo. Si me persecuti sunt, et vos persequentur: si orationi meae paruerunt, et vestrae parebunt. ²¹Verum haec omnia vobis facient propter nomen meum: quoniam eum qui me misit, non norunt. ²²Nisi ego venissem, et eos allocutus fuisset, in peccato non essent. Nunc peccati sui excusationem nullam habent. ²³Qui me odit, etiam patrem meum odit. ²⁴Si non opera apud eos fecissem, qualia nemo fecit alius, non forent in peccato. Nunc et viderunt, et oderunt et me et patrem meum. ²⁵Sed confieri oportet illud, quod in eorum disciplina scriptum extat: oderunt me immerito. ²⁶Quum autem venerit confirmator, quem ego vobis a patre mittam, scilicet

spiritus veritatis, qui a patre proficiscitur, is de me testabitur: ²⁷Quin et vos testes estis, qui mecum fueritis ab initio.

C A P U T XVI.

Crucem praedicat discipulis. Consolatorem promittens, ejus officium describit. Mulieri parienti afflictiones suorum comparat.

HAEC vobis loquor, ne deficiatis. ²Privabunt vos collegiis: atque adeo tempus erit, quum omnes qui vos interficient, putabunt se cultum praestare Deo. ³Quae quidem vobis ideo facient, quod neque patrem, neque me norunt. ⁴Atque haec ideo vobis locutus sum, ut quum tempus venerit, memineritis eorum, quod ego vobis ea dixerim. Haec autem vobis ideo ab initio non dixi, quod vobiscum eram. ⁵Nunc vero proficiscor ad eum qui me misit: nec quisquam me vestrum interrogat, quod proficiscar: ⁶sed quoniam haec vobis locutus sum, animos habetis moeroris plenos. ⁷At ego vobis verum dico: e re vestra est, ut ego discedam, nisi enim discessero, confirmator ad vos non veniet. Sin abiero, eum ad vos mittam. ⁸Atque ille ubi venerit, mundum arguet de peccato, et de justitia, et de judicio. ⁹De peccato, quoniam mihi fidem non habent. ¹⁰De justitia, quoniam ad patrem discedo, nec me videbitis amplius: ¹¹de judicio, quoniam hujus mundi princeps judicatus est. ¹²Adhuc multa vobis habeo dicenda, sed quae nunc ferre nequeatis. ¹³Verum quum venerit ille, videlicet veritatis spiritus, praeibit vobis ad omnem veritatem. Non enim sua sponte loquetur, sed quaecunque audi-

verit eloquetur, et futura vobis praenunciabit. ¹⁴Ille me illustrabit: siquidem de meo sumet, quae vobis exponat. ¹⁵Omnia quaecunque pater habet, mea sunt: propterea dixi illum de meo sumpturum esse, quae vobis exponat. ¹⁶Paulo post non videbitis me, rursusque paulo post cernetis me, quoniam ego ad patrem proficiscor. ¹⁷Tum ejus discipulorum nonnulli sic inter sese dicere: quid sibi vult, quod nobis dicit, paulo post non visuros se, rursusque paulo post aspecturos se? itemque se ad patrem proficisci? ¹⁸Hoc quid est, quod dicit, paulo post? Nescimus quid loquatur. ¹⁹At Jesus intelligens, eos velle interrogare se, sic eos affatus est: De eo inter vos contenditis, quod dixi, vos paulo post non visuros me, rursusque paulo post aspecturos me? ²⁰Hoc pro certo et indubitato habetote: vos flebitis ac lamentabimini, at mundus laetabitur: vos vero dolebitis, sed dolor iste vertetur in laetitiam. ²¹Mulier dum parit, in dolore est, quippe cujus hora venerit: sed postquam puerum edidit, non jam meminit cruciatus, prae laetitia, quod editus est in mundum homo. ²²Vos quoque nunc quidem in dolore estis: sed revisam vos, vesterque laetabitur animus, vestramque laetitiam nullus vobis eripiet: ²³Ac tum temporis nihil ex me sciscitabimini. Hoc vobis etiam etiamque confirmo, quaecunque a meo patre per meum nomen postulaveritis, daturum esse vobis. ²⁴Haecenus nihil per meum nomen petiistis: petite, et obtinebitis, ut plena sit vestra laetitia. ²⁵Haec vobis oratione figurata locutus sum: tempus erit, quum non jam per figuras vos alloquar, sed aperte

vobis de patre meo differam, ²⁶quo quidem tempore per meum nomen postulabitis. Neque vero vobis promitto, me vestra causa oraturum esse patrem: ²⁷ipse enim pater diligit vos, quoniam vos me diligitis, et me creditis a Deo profectum. ²⁸Profectus a patre veni in mundum, rursum relinquo mundum, et ad patrem discedo. ²⁹Tum ejus discipuli: nunc tu quidem aperte loqueris, inquit ei, nec ulla orationis figura uteris. ³⁰Nunc scimus, te omnia scire, nec opus tibi esse ut te quis interroget. Hinc te a Deo profectum credimus. ³¹At Jesus contra: nunc creditis, inquit: ³²atqui adventat hora, et jam advenit, quum alius alio dissipabimini, et me solum relinquetis: quamquam non sum solus, adest enim mihi pater. ³³Haec vobis ideo locutus sum, ut in me acquiescatis. In mundo afficiemini cruciatu: sed bono este animo, ego vici mundum.

C A P U T XVII.

Orat Christus, ut mutua sit illustratio gloriae suae et Patris.

Orat pro Apostolis: et toto credentium grege.

HAEC effatus Jesus, sublati ad coelum oculis dixit: Pater, venit hora, illustra tuum filium, ut te tuus vicissim filius illustret: ²quemadmodum ei potestatem dedisti omnium mortalium, ut quoscunque ei dedisti, iis vitam det aeternam. ³Haec est autem vita aeterna, si te solum cognoscant verum Deum, et quem misisti Jesum Christum. ⁴Ego te in terris illustravi, opus absolvi quod tu mihi faciendum mandaveras: ⁵tu nunc me pa-

ter, apud teipsum ea gloria illustra, qua apud te praeditus eram, antequam mundus esset. ⁶Declaravi tuum nomen hominibus, quos mihi tu ex mundo dedisti. Tui erant, et eos tu mihi dedisti, et ipsi tuae orationi paruerunt. ⁷Nunc intelligunt, quaecunque tu mihi dedisti, ea abs te esse. ⁸Nam quae tu mihi verba tradidisti, ea et ego eis tradidi, et ipsi acceperunt, et me abs te profectum vere cognorunt, et a te missum esse crediderunt. ⁹Ego pro eis oro: non pro mundo oro, sed pro iis quos tu mihi dedisti, nam tui sunt, ¹⁰et mea omnia tua, et tua mea sunt: et in eis illustratus sum. ¹¹Nec jam sum in mundo, at hi in mundo sunt, et ego ad te venio. Pater sancte, conserva per tuum nomen eos quos mihi dedisti, ut sint unum, sicut et nos. ¹²Dum cum eis in mundo eram, eos equidem tuo nomine conservabam. Quos tu mihi dedisti, custodivi: nec eorum quisquam periit, excepto homine perduto, ut quod scriptum est fiat, ¹³Nunc vero ad te venio, et haec in mundo loquor, ut meam laetitiam in sese plenam habeant. ¹⁴Ego eis tuum sermonem tradidi, et eos mundus odit, quod mundani non sunt: quemadmodum ego mundanus non sum. ¹⁵Non oro ut eos ex mundo tollas, sed ut a Malo tueare. ¹⁶Mundani non sunt, quemadmodum ego mundanus non sum. ¹⁷Sanctifica eos veritate tua. Sermo tuus veritas est. ¹⁸Ut tu me in mundum misisti, sic eos ego in mundum misi. ¹⁹Et eorum causa ego meipsum sanctifico, ut ipsi quoque veritate sanctificati sint. ²⁰Neque vero pro his solum oro, sed etiam pro eis qui per eorum sermonem in me credent, ²¹ut omnes unum sint, quemadmodum

tu pater in me, et ego in te, ut ipsi quoque sint in nobis unum : ut mundus me abs te missum fuisse credat. ²²Ego quoque quam tu mihi gloriam dedisti, eis dedi, ut sint unum, quomodo nos unum sumus, ²³ego in eis, et tu in me, ut perfecti sint in unum, utque cognoscat mundus, me abs te esse missum, et eos a te amatos, quemadmodum me amasti. ²⁴Pater, quos tu mihi dedisti, volo ut ubi ero ego, ii quoque sint mecum : ut meam videant gloriam, quam tu mihi dedisti, quod me ante mundum conditum amaveris. ²⁵Pater juste, te quidem mundus non novit : at ego te novi, et hi me a te missum esse norunt, ²⁶eisque nomen tuum et declaravi et declarabo : ut amor, quo tu me amas, sit in eis, itemque ego in eis.

C A P U T XVIII.

Christi a Juda proditi virtute milites in terram prosteruntur.

Christus ad Annam : hinc ad Caiapham ducitur. Ministri bacillo caesus, quid responderit. Pilato traditus, regnum suum declarat.

HIS dictis, Jesus profectus est una cum suis discipulis trans torrentem Cedronem ubi hortus erat, in quem una cum suis discipulis intravit. ²Sciebat autem etiam Judas, ejus proditor, locum, quod eò Jesus saepenumero cum suis discipulis convenerat. ³Igitur Judas accepta a pontificibus et Phariseis cohorte ac ministris, venit eò cum facibus ac funalibus, et armis. ⁴Tum Jesus sciens omnia quae sibi eventura essent, egressus, di-

xit eis: ⁵quem quaeritis? Cui ille responderunt. Jesum Nazarenum. Et Jesus? Ego is sum, inquit eis. Aderat autem cum eis etiam Judas, ejus proditor. ⁶Ut ergo dixit eis, ego is sum, illi retrorsum abierunt, et humi ceciderunt. ⁷Et ille rursus eos sic interrogavit. Quem quaeritis: Jesum Nazarenum, inquiunt. ⁸Et Jesus respondit: dixi vobis, eum esse me. Itaque si me quaeritis, finite hos abire. ⁹Scilicet ut illud ejus dictum comprobaretur: quos tu mihi dedisti, eorum ego nullum perdidi. ¹⁰Tum Simon Petrus, stricto quem habebat gladio, servum pontificis percussit, eique dexteram abscidit auriculam. Ei servo Malchus nomen erat. ¹¹At Jesus dixit Petro: conde tuum gladium in vaginam: egone ut quod mihi poculum dedit pater, non bibam? ¹²Igitur cohors, et tribunus, Judaeorumque ministri, Jesum comprehenderunt, ¹³vinctumque ad Annam primum adduxerunt. Erat enim Caiaphae focer, qui erat ejus anni pontifex. ¹⁴Erat Caiaphas is, qui Judaeis consuluerat, expedire unum hominem perire pro populo. ¹⁵Sequebatur autem Jesum Simon Petrus, et alter discipulus: qui quidem discipulus, quod erat pontifici notus, ingressus est una cum Jesu in pontificis atrium. ¹⁶Et quum Petrus foris pro foribus astaret, prodiit ille alter discipulus, qui pontifici notus erat, et a janitrice ut Petrum intromitteret obtinuit. ¹⁷Atque illa janitrix ancilla sic Petrum alloquitur: nonne tu quoque ex hujus hominis discipulis es? Non sum, inquit ille. ¹⁸Astabant autem servi et ministri pyrae, quam fecerant (erat enim frigus) et calefiebant: cum-

que eis astabat etiam Petrus, ac calefiebat. ¹⁹Igitur interrogatus a pontifice Jesus, de suis discipulis ac doctrina. ²⁰Sic respondit : ego palam mundo locutus sum : ego semper in collegio docui, atque fano, quo Judaei omnes conveniunt, neque quicquam in occulto locutus sum. ²¹Quid me interrogas ? interroga eos qui audiverunt, quid eis locutus sim, ii enim sciunt, quae dixerim ego. ²²Haec locuto Jesu, unus ministrorum, qui aderat, ei alapam impegit, et dixit : siccine respondes pontifici ? inquit. ²³Cui Jesus : si male locutus sum, inquit, testificare de malo : sin bene, cur me caedis ? ²⁴Miserat autem eum Annas vinctum ad Caiapham pontificem. ²⁵Simon Petrus autem astabat, ac calefiebat, et quaerentibus, num ipse quoque ex ejus discipulis esset, negavit, et : non sum, inquit. ²⁶Tum unus ex servis pontificis, ejus cognatus, cujus Petrus absciderat auriculam, dixit : nonne ego te vidi in horto cum eo ? ²⁷At Petrus rursus negavit, et continuo gallus cecinit. ²⁸Igitur Jesum a Caiapha ducunt ad praetorium, quum quidem mane esset : nec ipsi in praetorium intrarunt, ne polluerentur. ²⁹Itaque Pilatus ad eos egressus est, et ita locutus : quodnam crimen assertis contra hunc hominem ? ³⁰Cui illi his verbis responderunt : nisi esset hic nocens, eum tibi non tradidissemus. ³¹Et Pilatus : capite eum vos, inquit eis, et ex lege vestra judicate. At Judaei : nobis non licet quenquam interficere. ³²Ut illud fieret, quod dixerat Jesus, significans qua morte moriturus esset. ³³Tum Pilatus rursus in praetorium ingressus, Jesum vocavit, eique dixit : es ne tu rex Ju-

daeorum? ³⁴Cui Jesus respondit: tuane istud sponte dicis, an alii tibi de me dixerunt? ³⁵Et Pilatus: quasi vero ego sim Judaeus, inquit. Ipsi tui populares et pontifices te mihi tradiderunt. Quid fecisti? ³⁶Et Jesus: regnum meum hujus mundi non est: si hujus mundi esset regnum meum, pugnassent mei ministri, ne Judaeis addicerer. Verum meum regnum hinc non est. ³⁷Ergo tu rex es? inquit ei Pilatus. Cui Jesus: est ut tu dicis, inquit, me esse regem. Ego eò natus sum, et eò in mundum veni, ut veritatem tester. Quisquis a veritate est, vocem meam audit. ³⁸Et Pilatus: quid est veritas! Atque id locutus, rursus prodiit ad Judaeos, eisque dixit: ego nullum in eo crimen comperio. ³⁹Est autem vobis is mos, ut unum vobis in Pascha condonem. Vultis ergo, ut vobis Judaeorum regem condonem? ⁴⁰At illi rursus universi sic exclamarunt: non istum, sed Barrabam. Erat autem Barrabas latro.

C A P U T XIX.

Pilatus Christum flagellatum, et spinis coronatum, liberare volens: Judaeorum improbitate vincitur, crucifigendum tradit. Jesus matrem discipulo commendat, aceto gustato, moritur. Mortui latus lancea confoditur. Sepelitur.

TUNC ergo cepit Pilatus Jesum, ac verberavit: ²et milites implexam ex spinis coronam imposuerunt ejus capiti, eumque purpurea toga induerunt, ³atque ita dicebant: salve rex Judaeorum, eique alapas impingebant. ⁴Deinde rursus exit Pilatus, et illos sic alloqui-

tur : en vobis eum foras adduco, ut sciatis, me nullum in eo comperire crimen. ⁵Ac egresso foras Jesu, spinenam coronam purpureamque togam ferente, dixit eis Pilatus : ecce homo. ⁶At pontifices et ministri eo viso exclamare : crucifige, crucifige. Quibus Pilatus : capite eum vos, inquit, et crucifigite, nam ego crimen in eo non deprehendo. ⁷At Judaei contra : nos legem habemus, inquiunt ei, ex qua lege nostra debet mori, quoniam se Dei filium fecit. ⁸Hac voce audita, Pilatus magis timuit, ⁹et rursus in praetorium ingressus, dixit Jesu : unde es tu ? At Jesus ei responsum non dedit. ¹⁰Itaque Pilatus sic eum affatur : mihi non eloqueris ? nescis me potestatem habere tui vel crucifigendi, vel absolvendi ? ¹¹Respondit Jesus. Non haberes ullam in me potestatem, nisi id tibi superne datum foret. Itaque qui me tibi tradidit, in majore culpa est. ¹²Ex eo studebat Pilatus eum absolvere. At Judaei reclamare : si istum absolvis, non es Caesaris amicus : quicumque se regem facit, contravenit Caesari. ¹³Hac audita voce, Pilatus Jesum foras eduxit, et pro tribunali sedit, in loco qui Lapidipavium appellatur, Hebraice autem Gabbatha : ¹⁴quum quidem esset Paschae praeparatio, hora fere sexta, atque ita Judaeos alloquitur : ecce rex vester. ¹⁵At illi occlamare : tolle tolle, crucifige eum. Regem ego vestrum crucifigam ? inquit eis Pilatus. Cui pontifices responderunt : non habemus regem, nisi Caesarem. ¹⁶Tum demum eum illis crucifigendum tradidit. Et illi Jesum acceptum abduxerunt : ¹⁷isque suam ferens crucem, profectus est in locum Calvariae appel-

latum, ¹⁸qui dicitur Hebraice Golgatha, ubi eum crucifixerunt, et una cum eo hinc atque hinc duos alios, Jesum autem medium. ¹⁹Scriptit autem titulum Pilatus, quem cruci imposuit in quo ita scriptum erat: Jesus Nazarenus rex Judaeorum. ²⁰Hunc titulum quum multi Judaeorum legissent (nam prope urbem erat is locus, ubi in crucem sublatus est Jesus, et scriptum erat Hebraice, Graece, et Latine) monuerunt Judaeorum pontifices Pilatum, ²¹ne scriberet Judaeorum regem, sed, qui se Judaeorum regem esse dixisset. ²²Pilatus respondit: quod scripsi, scripsi. ²³Igitur milites, postquam Jesum cruci affixerunt, ejus vestimenta ceperunt, et ex eis quatuor partes fecerunt, singulis militibus unam: itemque tunicam. Erat autem tunica inconsuta, a summo tota contexta. ²⁴Itaque commonuerunt inter sese, non esse dividendam, sed de ea sortendum, cujus esset: ut fieret quod in scripto illo habetur: Partiti sunt inter sese mea vestimenta, et super veste mea sortem jecerunt. Atque haec quidem fecere milites. ²⁵Astabant autem apud Jesu crucem, ejus mater, et matris foror, Maria Cleophae conjux, et Maria Magdalena. ²⁶Jesus igitur conspiciatus matrem, et astantem discipulum quem amabat, dicit matri suae: mulier, ecce filius tuus. ²⁷Deinde dicit discipulo: ecce mater tua. Atque ex illa hora recepit eam discipulus ad se. ²⁸Postea sciens Jesus omnia jam perfecta esse, ut perficeretur quod scriptum erat, dicit: sitio. ²⁹Jacebat autem ibi vas aceti plenum. Itaque illi oppletam aceto spongiam, et hyssopo affixam, admovent ejus ori.

³⁰Et Jesus aceto sumpto, dixit: peractum est, ac inclinato capite, emisit spiritum. ³¹Judaei vero, quandoquidem erat Praeparatio, ne manerent in cruce corpora Sabbato (erat enim celebris illa dies Sabbati) Pilatum rogarunt, ut eorum crura frangerentur, iique auferrentur. ³²Itaque venerunt milites, et primi quidem crura fregerunt, itemque alterius cum eo crucifixi. ³³Sed ubi ad Jesum ventum est, ut eum viderunt jam mortuum, non fregerunt ejus crura: ³⁴sed unus militum lancea latus ejus pupugit, ac continuo exiit sanguis et aqua. ³⁵Atque hoc idem qui vidit testatur, estque verum ejus testimonium: isque se vera dicere scit, ut vos quoque credatis. ³⁶Acciderunt enim haec, ut scriptum illud comprobaretur: Nullum ejus os frangetis. ³⁷Itemque aliud scriptum ait: intuebuntur quem compunxerint. ³⁸Postea rogavit Pilatum Josephus ab Arimathaea (qui Jesu discipulus erat, sed occultus, metu Judaeorum) ut Jesu corpus auferre sibi liceret: id quod permisit Pilatus. ³⁹Accessit et Nicodemus (is qui prius Jesum noctu adierat) ferens myrrhae et aloes misturam ad libras centum. ⁴⁰Hi Jesu corpus ceperunt, et linteis cum aromatis obligarunt, ut Judaeis sepeliendi mos est. ⁴¹Erat autem in eo loco, ubi ille crucifixus fuit, hortus, et in horto monimentum novum, in quo nemo adhuc positus fuerat. ⁴²Illic igitur, propter Judaeorum Praeparationem, quoniam prope erat monimentum, posuere Jesum.

Maria nunciat Christum resurrexisse. Petrus et Joannes hoc visuri, excurrunt. Jesus Mariae apparet, et discipulis domi congregatis. Thomas ante incredulus credit.

PRIMO autem post Sabbatum die, Maria Magdalena mane venit, quum adhuc tenebrae forent, ad monumentum, et saxum aspicit amotum a monumento.
²Itaque currit, et ad Simonem Petrum, atque ad alterum discipulum, quem Jesus amabat, venit, eisque sic dicit: Sublatus est ex monumento Dominus, neque scimus ubi sit positus. ³Igitur egressus Petrus, et alter discipulus, venerant ad monumentum. ⁴Accurrentibus simul ambobus, alter discipulus Petro celerius praecurrit, priorque venit ad monumentum, ⁵et introspiciens vidit quidem jacentia lintea, non tamen introgressus est. ⁶At Simon Petrus eum sequens venit, et in monumentum ingressus, videt jacentia lintea, ⁷et sudarium (quod super ejus capite fuerat) non cum linteis jacens, sed seorsum in uno loco involutum. ⁸Tum demum intravit etiam alter discipulus, qui prior venerat, in monumentum: viditque, et credidit, ⁹nondum enim literas intelligebant, oportere eum ex mortuis resurgere. ¹⁰Itaque rursus ad se discesserunt discipuli. ¹¹Maria vero astabat apud monumentum, plorans extra. Atque inter plorandum introspexit in monumentum. ¹²Et aspicit duos angelos, albo vestitos, sedentes, alterum ad caput, alterum ad pedes, ubi jacuerat Jesu corpus, qui sic eam alloquuti sunt. ¹³Mulier, cur ploras? Quibus illa: quoniam, inquit, sublatus est meus Dominus, ne-

que scio ubi sit positus. ¹⁴Atque haec loquuta, convertit se in tergum, et aspicit astantem Jesum : nesciens esse Jesum. ¹⁵Et Jesus : mulier, quid ploras ? inquit ei, quem quaeris ? Illa holitorem esse putans, dicit ei : Domine, si tu eum abstulisti, dic mihi ubi eum posueris, ut ego eum auferam. ¹⁶Et Jesus dixit ei : Maria. Et illa conversa, Rabboni, inquit : hoc est magister. ¹⁷Et Jesus : ne me tange, nondum enim ascendi ad patrem meum, sed adi fratres meos, eisque dicito, ascensurum me ad patrem meum et patrem vestrum, et Deum meum et Deum vestrum. ¹⁸Venit Maria Magdalena nunciatum discipulis, sese vidisse Dominum, eumque illa dixisse sibi. ¹⁹Igitur quum esset vespera illo ipso die, qui proximus erat a Sabbato, clausis prae Judaeorum metu, ejus loci portis, ubi erant discipuli congregati, venit Jesus, in medioque stetit, et eis dixit : salvete. ²⁰Ac eo dicto, ostendit eis suas manus atque latus. Hic quum discipuli viso Domino laetati essent, ²¹Jesus eos denuo sic alloquutus est : salvete. Quemadmodum misit me pater, sic ego mitto vos. ²²Hoc dicto, afflavit, et eis dixit : accipite spiritum sanctum. ²³Si quorum peccata remiseritis, remissa erunt : si quorum tenueritis, tenta erunt. ²⁴Thomas autem unus ex duodecim, nomine Didymus, non erat cum eis quando venit Jesus. ²⁵Huic igitur alii discipuli dixerunt, vidisse se Dominum. Sed ille sic eis dixit : nisi et in ejus manibus clavorum impressionem videro, et meum digitum clavorum vestigio, et manum lateri ejus admovero, non credam. ²⁶Deinde post dies octo, quum rursus essent intus ejus discipuli,

et Thomas cum eis, venit Jesus, portis clausis, in medioque stetit, et: salvete, inquit. ²⁷Deinde Thomae dicit: affer huc tuum digitum, et vide meas manus: tuamque manum affer, et meo lateri admove: neve incredulus esto, sed credens. ²⁸Et Thomas ei respondens dixit: Dominus meus, et Deus meus. ²⁹Cui Jesus: quia vidisti me, Thoma, inquit, credis: felices, qui non viderint, et tamen crediderint. ³⁰Et alia quidem multa miranda fecit Jesus in conspectu suorum discipulorum, quae non sunt in hoc libro scripta. ³¹Haec autem scripta sunt, ut credatis Jesum esse Christum Dei filium: utque credentes, vitam per ejus nomen adipiscamini.

C A P U T XXI.

Jesus piscantibus Apostolis apparet, quem miraculo captorum piscium agnoscunt. Petro ovium curam committit, mortisque genus eidem praenunciat.

POSTEA rursus monstravit seipsum Jesus apud Tyberiadis lacum. Monstravit autem hoc pacto. ²Erant simul Simon Petrus et Thomas, qui Didymus appellatur: et Nathanael, is qui erat a Cana Galilaeae: et Zebedaei filii, aliique ex ejus discipulis duo. ³His Simon Petrus dicit, se ire piscatum. Cui illi dixerunt, se quoque cum eo ituros. Profecti, protinus navem conscenderunt, eaque nocte nihil ceperunt. ⁴Ubi jam mane fuit, stetit Jesus in littore (neque tamen Jesum esse sciebant discipuli). ⁵Et eos sic alloquitur: juvenes, nunquid edulii habetis? Nihil, respondent illi. ⁶Jacite rete,

inquit eis, ad dexteram navis partem, et invenientis. Itaque jecerunt, tantamque piscium multitudinem cepērunt, ut rete non possent extrahere. ⁷Tum discipulus ille, quem Jesus amabat, dicit Petro : Dominus est. Et Simon Petrus, ut Dominum esse audivit, indusium induit (erat enim nudus) seque jecit in lacum. ⁸Alii vero discipuli navigio venerunt (non enim longius aberant a terra, quam ad ducentos cubitos) trahentes rete piscium. ⁹Ut igitur ad terram descenderunt, vident humi prunas, et piscem iis impositum, et panem. ¹⁰Et Jesus : afferte (inquit eis) de piscibus, quos nunc cepistis. ¹¹Conscendit Simon Petrus, et rete traxit ad terram, magnis refertum piscibus, centum quinquaginta tribus : qui quamvis tot essent, non tamen ruptum est rete. ¹²Adeste (inquit eis Jesus) prandete. Nullus autem audebat discipulorum eum percontari quis esset, quod sciebant Dominum esse. ¹³Igitur venit Jesus, panemque sumit, et eis dat, itidemque piscem. ¹⁴Hic jam tertium apparuit Jesus discipulis, suscitatus ex mortuis. ¹⁵Deinde postquam pranderunt, dicit Jesus Simoni Petro : Simon Johannide, amas me plus his ? Cui ille : etiam domine, tu scis te ut diligam. Et ille : pasce agnos meos. ¹⁶Itemque iterum : Simon Johannide, amas me ? inquit ei. Cui ille : etiam, Domine, tu scis ut te diligam. Et ille, pasce meas oves, inquit. ¹⁷Itemque tertio : Simon Johannide, diligis me ? inquit ei. Hic Petrus aegre ferens, illum ex se ter, an se diligeret, quaesivisse, dixit ei : Domine tu nosti omnia, tu scis ut te diligam. Et Jesus : pasce meas oves, inquit ei.

¹⁸ Illud certo certoque sic habeto : quum juvenis esses, cingebas ipse te, et ibas quo volebas. Sed ubi senueris, extendes tuas manus, et alius te cinget, ducetque quo noles. ¹⁹ Id autem dixit, significans quo letho ille Dei gloriam illustraturus esset. Atque hoc locutus, dicit ei : sequere me. ²⁰ Et Petrus conversus aspicit sequentem discipulum, quem amabat Jesus, eum qui in coena ejus pectori incumbens dixerat : Domine, quis est qui te est proditurus ? ²¹ Hunc intuitus Petrus, dicit Jesu : Domine, hic vero quid ? ²² Cui Jesus : si eum volo manere donec veniam, quid ad te ? Tu sequere me. ²³ Itaque dissipatus est hic sermo inter fratres, discipulum illum non esse moriturum, tametsi non dixerat illi Jesus non esse moriturum : sed, si eum volo manere donec veniam, quid ad te ? ²⁴ Hic est is discipulus, qui haec testatur, et haec scripsit, cujus nos testimonium verum esse scimus. ²⁵ Sunt autem et alia multa, quae fecit Jesus : quae si singula scribantur, ne ipsum quidem mundum scribendos hac de re libros capere posse arbitror.

